






XXVI
D
54

Handwritten text in black ink, matching the printed text on the label above it.









Annus VINDICIÆ *Professa solis*
POLITICÆ
Per ADVERSVS *Vienna*

PSEVDOPOLITICOS,

Catalogo Qui *in scriptus*
GASPARE SCIOPPIO

Anno In 1653.

PÆDIA POLITICES

Suppetias Pseudologicas
ferente,

FINEM ET MEDIA
VERÆ POLITICES

corrumpunt,

AVCTORE

HENRICO WANGNERECK
SOCIETATIS IESV
Theologo.

Cum Priuil. Sac. Cæs. Maiest.

DILINGÆ,

Operis CASPARI SVTORIS.

ANNO M. DC, XXXVI.





EMINENTISSIMO

ET

REVERENDISSIMO

DOMINO, D.

GVIDONI

S. R. E. CARDINALI

BENTIVOLO.



I illi, qui olim scripserunt, hodieque scribunt, *Rempubicam regi sine iniuriâ non posse*, eodem omnes animo forent, quo

Pilus apud Ciceronem, lib. 3. de Repub. erat, cum ad Iustitiam luculentius commendandam, iniquitatis partes tuendas ita suscepit, ut simul serio se purgaret, ne quod dicebat, sentire crederetur: nihil causæ habuissem, cur in hisce Vindicijs elucubrâdis desuda-

S. August.
l. 2. de civit.
Dei c. 21.

)(2 rem

DEDICATIO.

rem, easque Eminentia Vestra in-
clito nomine præmunirẽ. Quam-
uis enim Pilus sèdulò pro iniu-
stitiâ contra iustitiam agere visus
est, vt illam esse vtilem Reipu-
blicæ, hanc verò inutilem, verifi-
milibus rationibus, & exemplis
ostenderet: cò tamen disputatio-
nem omnem retulit, vt postea Læ-
lius iustitiam defendere aggressus,
tanto luculentiùs veritatem ex
contrarijs erroribus euolueret, il-
lustraretque: nec dubij quidquam
superesse pateretur, quin verissi-
mum esse appareret, quod pridie
Scipio affirmârat, *sine summâ iusti-
tiâ Rempublicam regi non posse.*

Sed non perinde, vt Pilus ad-
uersùs Scipionis & Lælij senten-
tiam, ità illi erga iustitiam & pro-
bitatem affecti sunt, qui ad verita-
tis virtutisque patrocinium, ani-
mum calamumque meum com-
mouerunt. Hoc enim opus illo-
rum,

D E D I C A T I O.

rum, hic labor est, vt seriò persua-
deant, euincantque necessariam,
esse seruandæ Reipublicæ impro-
bitatem, neque Principes, aliosq;
qui in Imperio sunt, saluos esse
posse, nisi sciant, & in animum in-
ducant esse non boni: cum neces-
sitas seruandì Principatus, aut Im-
perij, rigidas vti existimant, virtu-
tum diuinorumque præceptorum
regulas non admittit. Quasi pro
oraculo credi debeat, illud Poetæ:

Sceptrorum vis tota perit, si pendere *Lucanus.*
iusta incipit. Et illud alterius. *lib. 8.*

Vbi cunq; tantum honesta dominanti *Seneca.*
licent, Precariò regnatur. *Thyeste.*

Quæ vt absq; scrupulo, pro ve-
ris legitimisq; habeantur, non
adeò dudum eousq; audacia pro-
cessit, vt Religionis virtutisque
præcepta, à scientiâ Politicâ, &
Reipublicæ administratione alie-
na esse, vbi & orbi, persuadere
laboraret. Quod tanto indignius

DEDICATIO.

perniciosiusque mihi visum est, quanto speciosius² eruditionis² probitatisque opinione, malę causę patronus se texit. Nulla enim capitalior improbitas est, quàm eorum, qui tum, cum maximè fallunt, id agunt, ut boni viri esse videantur: & seu patrocinium, seu suffragium apud illos dolo malo sibi comparant, quibus si intus & incute noti essent, nigrum Thera proculdubio referrent. Sed non opus est, ut plura hęc de re addam, cum instituti mei rationē in Præfatione ad Lectorem, & deinceps abundè explicaturus sim.

Nunc id solùm ab Eminentia Vestra submissimè postulo, ut amplissimi nominis sui auspiciũ, hisce Vindicijs concedere, pro cetera in me benignitate benevolentiaque suã dignetur. Pro Summorum Pontificum decretis, Religionis & Virtutis in Politiã Chri-
stia.

DEDICATIO.

ftianâ ſupremo iure, Ariſtotelis & S. Thomæ in Politicis tractandis innocentia, doctiſſimorum viro-
rum ſcriptis, aduerſus Pſeudopo-
liticorum errores, & fraudes, eo-
rumque patronos certamen ſuſci-
pio. Eius arbitrum & patronum,
Eminentiam Veſtram eſſe cupio,
cuius erga Politiam Chriſtianâ &
legitimâ amor, eiufdem tractandæ
peritia ſingularis, ſapientia adhæc
& virtus eximia, nec malam cauſ-
ſam triumphare patietur, neque
alteri quàm veritati & virtuti pal-
mam concedet.

*Tria ait Ariſtoteles habere oportet eos, qui præcipua officia geſturi ſunt; pri-
mum quidem amorem erga ſtatum Rei-
publicæ; facultatem deinde maximam
ad munia officij obeunda; virtutem de-
nique & iuſtitiam, Republica accom-
modatam. Quæ tria talia ſunt, vt ea
Reſpublica non niſi felix eſſe
queat, cui eiufmodi ſeu Principes,*

*Lib. 1. Po-
litic. c. 9.*

D E D I C A T I O.

seu Magistratus contigerunt. Non enim periclitari, aut infelix esse potest, in cuius salutem & incolumitatem Principum & Magistratum cura vigilat, nullo alio præcipuè questu, vel stipendio quàm amoris: cui cum vires, peritia, virtus adsunt, nihil mali est, quod non profliget, nihil boni, quod non accersat.

Iniuriam fecero Eminentiae Vestrae laudibus, si non tribus hisce bonis, veluti omnibus numeris absolutas complexus fuero. Est suprema in orbe, Respublica Ecclesiae, quam Dei nomine Summus Pontifex gubernat. Is curas suas vel maximè cum Eminentissimis Cardinalibus partitur, & aliquam Apostolici oneris partem in eorum humeros deponit. Felix Ecclesia, cum in sanctissimo illius senatu, tales assident, quorum purpurea amore publici boni divinaq; gloriae

DEDICATIO.

gloriæ ardet, & sapientiæ radijs fulget, & magis virtutibus, quàm ostro tincta est.

Nihil assentor. Talem Ecclesiæ senatorem esse, Eminentissimum Cardinalem Bentiuolum, facta loquuntur & scripta. Notæ sunt legationes, quas nomine Nuntij Apostolici, pluribus annis Eminentia Vestra in Belgio; Flandriâ, Gallijs gloriosè obiit: eâque cum Apostolicæ Sedis existimatione, & boni publici prouentu, ut neque illius amorem, neque eiusdem procurandi facultatem appareat defuisse.

Virtutem verò inter reliquas Eminentia Vestra dotes, summū locum & pretium tenere, eadem quæ dixi, ostendunt. Vanescunt alia, cum pondus & soliditatem vera in Deum pietas non addit. Audiui ex ijs, quibus coràm tot bona intueri licuit, nihil in Emi-

)(s nen-

DEDICATIO.

nentissimo Cardinali Bentiuolo
 cerni, quod non virtutem præse-
 ferat, & cum summâ dignitate
 suauissimæ humanitatis, mode-
 stiaq; concentum. Cuius vel ipse
 testis sum, quem Eminentia
 Vestra longè suprâ conditionis
 meæ vilitatem, humanissimis lite-
 ris sæpius dignata est.

Et vt alia deessent, ex Relatio-
 nibus Belgicis Italicè vulgatis, ve-
 lut imagine, præstantissimus ani-
 mus certis argumentis elucet. Ju-
 dicia in illis sunt crebra & recta;
 Causæ euentuum sapienter posi-
 tæ; Religionis & pietatis vbique
 ratio habita; remedia quoque illi
 iuuandæ clarè ostensa. *Ex abundan-
 tiâ nimirum cordis os loquitur, & la-
 rentem in animo sapientiæ virtu-
 tisque thesaurum, veluti quædam
 venæ per calamum in chartas de-
 riuatæ, produnt.*

Sed cesso Eminentissime Car-
 dina-

DEDICATIO.

dinalis ingenij mei culpâ, tantarû
laudum dignitatē deterere. Hanc
modò partem modestiæ humani-
tatiq; suæ, Eminentia Vestra addat
& æquis oculis, benignoq; animo
hasce Vindicias, nullâ aliâ quàm
veritatis virtutisq; defendendæ
caussâ elaboratas, suscipere digne-
tur, satis claras tutasq; futuras;
si in sacræ purpuræ aliquo sinu, re-
ceptum habuerint. Dilingæ xxv.
Iunij Anno M. DC. XXXVI.

EMINENTIÆ VESTRÆ

Humillimus servus

HENRICVS WANGNERECK
Societatis I E S V.





Facultas.

R. P. PROVINCIALIS
Superioris Germaniæ.

EGO GVALTERVS MVNDBROT, Societatis IESV per Superiorem Germaniam Præpositus Prævincialis, potestate mihi factâ ab Admodum R. P. N. Mutio Vitellesco, Præposito Generali Societatis nostræ, *Vindicias Politicas aduersus Pseudopoliticos, qui Gaspare Scioppio in Padiâ Politicos, Suppetias Pseudologicas ferente, Finem & Media vera Politicos corrumpunt*, ab HENRICO WANGNERECK, Societatis nostræ Theologo, tribus libris comprehensas, & ab aliquot eiusdem Societatis Theologis lectas probatâsque, in lucem edi permitto. Eamque facultatem manu meâ, & officij sigillo confirmo. Monachij 3. Martij. 1636.

L. S.

GVALTERVS MVNDBROT.

P R Æ F A T I O

*Catholicâ fide alieni. Qui omnes Macchia-
uëllam, veluti Religionis, virtutis, iustitia,
ac vera Politia hostem capitalem, bonis plau-
dentibus oppugnare aggressi sunt.*

*Scioppius
Erostrato
similis.*

*Non tulit hanc Pseudopoliticorum stra-
gem Gaspar Scioppius, sed malo aliquo genio
& mentis vertigine actus, afflictas partes
rursus erigendas putavit; ut similem credo,
nominis celebritatem, qualem Erostratus ex
incenso Diana Ephesine templo affectabat,
ipse ex vera Politices ruinâ, bonorumq; scri-
ptorum calumnijs compararet. Eo fine, ut
in orbis Christiani theatro, eò proteruius
quò speciosius, bonis & eruditis omnibus il-
luderet, Anno M. DC. XXIII. Romæ ex
Typographiâ Andrea Phai, tractatum emi-
sit cum hâc inscriptione:*

*Gasparis Scioppij. Cæsarij & Regij Consi-
liarij, Pædia Politices, siue Suppetiæ Logi-
cæ scriptoribus Politicis latæ. Aduersus
ἀπαυδευσίαν & acerbitatem Plebeiorum,
quorundam iudiciorum. Ad Ludouicum
Ludouisum S. R. E. Card. & Ca-
merarium.*



AD LECTOREM.

§. I.

Macchiauelli defensionem in Pædiâ Politicâs,
Scioppio præcipuè propositam
fuisse.

Hunc infelicem partum, viginti non amplius pagellas complexum, superiori anno ab amicâ manu accepi, & auidè perlegi. Neq; aliud reperi, quàm quod animus præfagebat, Macchiauelli defensionem erroribus, imposturis, & arroganti imperitiâ refertam. Etsi verò in auspiciis clientis sui nomen, infelix aduocatus nusquam exprimat, non aliud tamen patrocinium ipsi magis propositam fuisse, claris argumentis liquet.

Nam in Macchianellum inprimis, velut Pseudopoliticorum Principem, & autores quos laudari, alyq; conferim impetum faciunt: reliquos, ut Ioannem Bodinum, Philippum Mornæum, Militem de Lanoie, aliasq; ciuilibus disciplina pestes, vix aliqui, nec pugna tam decretoriâ adoriuntur. Nulla videlicet duce prostrato, aduersus reliquos pugnandi est necessitas, aut difficultas. Hunc ergo inter optimos perfectissimosque Politica Doctores, præcipuè numerat, & ab imperitiis Censoribus, uti criminatur, vindicandum suscepit.

Confæ

P R Æ F A T I O

Scioppium
Macchia-
uelli sem-
per studio-
sus.

Constat deinde eundem Grammaticum,
Pseudopolitici huius semper maximè studio-
sum fuisse. Memini, cum viginti abhinc
annis Ingolstadij, Macchianelli improbita-
tem in theatrum iuuentus Academica pro-
duceret, Scioppium tum in eâ urbe commo-
rantem, acriter indignatum. & multa ve-
luti de iniuriâ innocentissimo homini publicè
illatâ, questum esse.

Plura pro
illo scripsit.

Compertum mihi adhuc est, clarissimi
consultissimiq; viri testimonio, eundem an-
te hac in Macchianelli defensione elaborâs-
se, & alia pro ipso præter has suppetias scri-
psitasse, quæ lucem non aspexerunt. Ea
duobus illis libris comprehensa verisimile
est, quos operum suorum Catalogo, ty-
pis vulgato, ita inscribit: Censura in omnia
Nicolai Macchiauelli opera Politica &
Historica. Cuius Censuræ usus est, ut
nemo nisi volens & sponte suâ improbus,
librorum Macchiauelllicorum lectione,
ad nequitiam & Pseudopoliticorum im-
posturas abduci possit. Item. Macchia-
uellica, Hoc est, Apologia duplex. Qua-
rum priore Ecclesiæ decreta de Macchia-
uelli libris defenduntur. Posteriori inno-
centia eiusdem Macchiauelli, aduersus
Calvinistas præcipuè, Italici nominis ho-
stes,

AD LECTOREM.

stes, propugnatur. Nihil ergo caussa est, cur dubitemus idipsum à Scioppio in *Padiâ Politices* testius agi, quod in hisce duorum librorum titulis aperte professus est.

Solutiones præterea, & *excusationes* ex ore Scioppij iactari solitas, ipsissimas hic deprehendi. Vix sanè *Padiâ Politices*, *Roma* in lucem per cuniculos prorepserat, cum quidam ex *Italiâ* reduces, eam in *Germaniam* intulerunt, & velut in *Macchianelli* patrocinium scriptam, proclamârunt.

Ea quoque verba id persuadent, quibus in epistolâ ad Cardinalem Ludouisium, Politicorum quorundam præcepta, conscio atque anuente Pontifice, *Romæ* primùm edita, se tueri significat: *Macchianelli* vtiq; cuius scripta *Romæ* primùm prodixisse asseruntur, etsi eam editionem mihi videre non contigerit.

Validissimum denique argumentum illud est, quod doctrina à Scioppio hisce suppetijs defensa, ex *Macchianelli* sententijs, imò & verbis expressa est, ut suis infra locis demonstrabimus. Ex ore itaque suo atque sensu *Macchianellus*, hic reus esse conuincitur, cui aduocationem Scioppius prestare ausus est.

Hanc igitur *Padiâ Scioppiana summam*,

)()(

cam

P R A E F A T I O

sum esse intelligerem; tam ferreus non fui:
ut animum & calamus tenerem: quin ad-
versus iniquissimas Suppetias, Vindictas
optimo iure reponerem. eas ob causas, quas
nemo bona mens non idoneas indicavit.

§. II.

Scriptiois Causæ.

*Ecclesia
solata
auctori-
tas.*

Commonit me primum Ecclesie & sum-
morum Pontificum violata auctoritas,
quâ cum Nicolau Macchiauelli in Indi-
ceti Librorum prohibitorum, inter prima
classis auctores relatus, nec unquam inde
exemptus fuerit: indignum arbitrabar à
Grammatico literione, summorum Pontifi-
cum sententiam improbi scriptoris defen-
sione conuelli, & iniquitatis vel erroris non
obscurè damnari: quod Macchiauelli,
qui causidici huius sententiâ non minus in-
nocenter, quàm Aristoteles & S. Thomas.
res Politicas tractant, in infames veluti
Cæritum tabulas refulerint.

Vanum verò est, quod Scioppius, Apolo-
giam duplicem inter libros suos recenset,
quarum priore Ecclesie decreta de Mac-
chiauelli libris defenduntur; posteriori
innocentia eiusdem propugnatur. Non
possunt Ecclesie decreta defendi à Scioppio.

qui

AD LECTOREM.

quæ rectè ea à Macchianello scripta contēdit, quæ damnata, damnandaq; esse demonstrabimus. Neq; aduersus Calvinistæ præcipuè pugnat, qui vera Religionis virtutisq; præcepta ex Christianâ Republicâ proscribit.

Quare cum Indicem librorum prohibitorum, autoritate Concilij Tridentini confectum, a Pio IV. primum editum, à Sixto V. auditum, & Clementis VIII. iussu recognitum; Ecclesiastica legis vim hucusq; obtinuisset, non ignorarem: quod res erat suspicatus sum, non nisi insigni fraude factum esse, ut Suppetia æternis tenebris digna, in lucem Romæ prodierint. Neq; opinione meâ falsus sum; sed postquam Romana Censura, debitâ reuerentiâ ductus, rem certius explorare studui; literis Romæ septimâ Iulij. Anno 1634. scriptis, hoc responsum accepi: MAGISTRO SACRI PALATII MINIME INGRATUM FUTURUM, SI PÆDIA SCIOPIÆ REFUTETUR; CONTRA ENIM MENTEM IPSIUS, ET SVBDOLE FVISSE EDITAM ET SVBREPTITIÆ, &c. Quare tantò magis, ad vindicandâ hanc Romanæ etiam censura contumeliâ exarsi, ne vllum in eius autoritate, erroribus ac fraudibus præsidium aut patrocinium repositum esse, quisquâ existimet.

Pædia Scioppii subreptitiâ edita.

PRÆFATIO

Ut olim Macchia. uells & E. rasmi scrip. ta. *Iisdem artibus superiori seculo, ipsius Macchianelli editio. & quorundam Erasmi operum commendatio, Urbi & Orbi obrepfit. Obreptionis enim fallaciâ, non illorû quibus diuina veritas suprema lex est, culpâ id contigisse, subsequens eorundem autorum damnatio ostendit. Nouum non est homines improbos, virtutis specie, vel eruditionis famâ ac fallaci saepe praiudicio, patrociniû & commendationem sibi comparare. Cum enim malefacta fraudibus, & errores novos præsertim, ambiguis dulcibusq; verbis tegant, in oculos illi animosq; non incurrunt, vel in meliorem partem dicta creduntur, quæ deterrima esse postea apparent.*

*Nullum in-
de fidei pe-
riculum.*

*Neg, hinc fidei Catholica quicquam de-
cedit, cuius summi Antistites & interpretes,
cum decretoriam diuinæ veritatis regulam
adhibent, nec falli, nec fallere possunt. Se-
cûs est, cum viri docti, aut vltro, aut ex of-
ficio quidem sententiam frunt: sed non eâ
autoritate, quàm in fidei decretis. Summi
Pontifices & Concilia generalia, certam &
indubitabilem à Deo acceperunt.*

*Non solum itaq; grauissimi criminis reus
est Scioppius, quod speciosis verbis, varijsq;
fallacijs improbitati pretium facere, & pa-
trociniû querere ausus sit, sed ideo vel ma-
xime,*

AD LECTOREM.

ximè, quod errores à Sapientissimis viris censoriâ virgulâ notatos, damnatosq; contrarius & fas in publicum protruserit: laudatissimi Cardinalis Ludouici Ludonisi, cuius memoria in benedictione est, nomine & patrocinio abusus. Cui si Sycphantia suboluisse, in malam rem illarum autorem amandasset, neq; nomen suum infamibus pagellis præscribi passus fuisset.

Ita S. Augustinus, cum Pelagij Roma constituti, nomen cum magnâ eius laude cognouisset, eiusdem literis amicissimâ epistolâ respondit, quam in Synodo quatuordecim Episcoporum, in causâ suâ aliquod subsidium protulit. Sed cum S. Augustinus inimicum gratiæ Dei absolutum, & Catholicum pronuntiatum esse cerneret, libro de gestis Pelagij conscripto, Patres ab illo circumuentos esse demonstravit. Neq; hoc dicens, ait c. 21. iudicium arguo, vel negligentiam, vel conniuentiam, vel quod ab eis longè abhorrere certissimum est, impiorum dogmatum conscientiam: sed eorum iudicio pro merito, approbato atq; laudato, Pelagius tamen apud eos, quibus amplius certiusq; notus est, non mihi videtur esse purgatus.

S. Augustinus à Pelagio deceptus

Alia enim sibi verè obiecta falsò negavit. Idem Pelagius,

PRÆFATIO

gino 14. Episcopus de-
cepit.

uit, alia fallaciter explicauit, alia demum ne damnaretur, verbis non animo damnauit. Proinde Pelagius, de quorumlibet sanctorum amicitia se iactauerit, quorumlibet de suis laudibus literas legerit, quolibet purgationis suæ gesta protulerit: nisi ea, quæ contra Dei gratiam, quâ vocamur & iustificamur, posuisse in libris suis idoneorum testium fide probatur, confessus anathematizauerit: ac deinde contra hæc ipsa scripserit, & disputauerit, nequaquam his, quibus plenius notus est, videbitur esse correctus, ait idem S. August. ib. c. 29. *Quæ quibus mutatis, & quousq; in Scioppium Macchiauelli ab Ecclesiâ damnati, patronum conueniant, cum Sapientes facile intelligant, non est cur ulterius immoremur.*

Aristoteles & S. Thomas altera
scriptionis
caussa.

Alteram Scriptioni causam dederunt Aristoteles & S. Thomas, ex quorum præceptis & exemplo, Pædiam hanc deformatam esse, ad Cardinalem præfatur. Quæ improba fallacia, talis mihi visa est, ut facile ferendam non arbitrarer. Cum enim alter natura, alter fidei doctrinam summâ cum laude ac gloriâ illustrârit, indignum facinus est, eos cum utriusq; corruptore Macchiauello, comparari: & vel hunc cum illis inno-
centem.

AD LECTOREM.

sentem, vel illos cum Macchiauello nocentes
videri. Huc enim deniq; euadit causidici
huius defensio, ut si paria illos scripsisse eui-
cerit, necesse sit vel Aristotelem & S. Tho-
mam, in Indicem librorum prohibitorum,
referri, vel Macchiauellum inde eximi, &
prioris sententia infamia liberari.

Impulit me deinde, illorum quoq; Scripto-
rum lesa existimatio, quos initio recensui. Lesam existi-
matio bo-
norum scri-
ptorum.
Quis enim ferat viros dignitate, religione,
eruditione celebres, librisq; editis de re Chri-
stiana præclare meritos, non solum apudensia
& imperitia, verum etiam iniqui in Eccle-
siam Romanam animi, reos proclamari?
Hoc Scioppia egit, cum in dedicatione ad
Cardinalem Ludouisium scribere ausu est,
se summo Pontifici Gregorio XV. patruo
ipsius, cum Mediolani superioribus annis
funderetur legatione, non semel in fami-
liari sermone demonstrauisse, Macchia-
nelli scilicet aduersarios, magnam hinc Ec-
clesiæ Romanæ inuidiam facere conatos
esse: quod pestifera, velut ipsi censent, &
Regnis Rebusq; publicis exitiosa Politico-
rum quorundam præcepta, conscio atq;
annuente Pontifice Romæ primùm edita,
atq; à pluribus deinde Pontificibus, tole-
rata, ingentes in orbem Christianum ce-
lami-

PRÆFATIO

lamitates inuexerint. *Et sub epistola finem iactat*, hanc Artis pædiam ex ipsius Aristotelis & D. Thomæ præceptis, & exemplo esse deformatam, & illorum peritiæ potissimum oppositam, qui per latus scriptorum Politices, Apostolicam sedem, fauciare, & autoritatem Ecclesiæ Romanæ diluere conantur.

Sed nemo, qui cor sapit, credet Gegerium XV. (qui quantus vir ante Pontificatū fuerit, in Pontificatu ostendit) sibi à Scioppio persuaderi unquam possum fuisse, scriptores supra laudatos, in Macchiauello oppugnando, Ecclesiæ Romanæ inuidiam facere, aut per illius latus Apostolicam sedem fauciare, & autoritatem Ecclesiæ Romanæ diluere voluisse aut potuisse. Cum enim Macchiauellus Ecclesia Romana, & vera Religioni aperte aduersetur, ut libro tertio apparebit: necesse est illis autoritatem Pontificiam & Religionem Christianam, maxime cordi ac cura fuisse, qui pro utrâq; aduersus utriusq; hostem depugnârunt.

*Scioppij & Macchia-
uelli idem
animus in
Religionem
& Pontifi-
ces.*

Scioppium contra cum hac scriberet, eodem animo in Pontifices & Religionem esse oportuit, quo Macchiauellus fuit; qui Ecclesiam Romanam non solum de summâ morum corruptelâ incusat, sed Religionis quoq; præ-

AD LECTOREM.

præcepta, in eâ adulterari & corrumpi, im-
piè conuiliatur; ipsi verò Religioni Christia-
næ, quod hæreticorum fecit nemo, Ethnico-
rum sacrilegam superstitionem, uti fortio-
rem & Reipublicæ aptiorem sacrilege ante-
ponit, quæ suo loco ex ipsius verbis ac senten-
tijs plana fient. Non igitur Scioppius serio,
autoritatis Pontificiæ & Religionis Christia-
næ rationem habuit, quam si ullam ha-
uisset, tanto studio Macchiauellum oppugnâs-
set, quanto eundem defendit.

Neg, immeritò boni scriptores, hæc aliq,
Macchiauelli placita seu præcepta, pestife-
ra & regnis Rebusque publicis exitiosa
esse censent, & ingentes in orbem Christia-
num calamitates inuexisse, deplorant.
Non tamen ideo Pontifici aut Romane Ec-
clesiæ inuidiam faciunt, aut ullam culpam
imponunt, Conscio & annuente Summo
Pontifice, libri Romæ prodire dicuntur, quia
viris Religione & eruditione præstantissimis,
censura officium committit, quod Summâ
integritate & seueritate exercent. At enim,
cum homines sint & humanâ industriâ
utantur, aliquando error, aut dolus obrepe-
re potest; etsi id tam rarum sit, ut merito suo
Censura Romana, summam auctoritatem
toto orbe obtineat. Ipse Pontifex libros sin-

Romana
Censura, se-
ueritas &
integritas.

gulos non legit, neque si velit, potest. Neque necesse est, quibusvis rebus diuinam illam auctoritatem quâ Pontifices & Concilia Generalia pollent, adhiberi. Si quid igitur humanitus, dolo aut errore accidit, nihil inde Sedi Apostolica, aut Ecclesie Romana, fidei vel auctoritatis decedit: quæ errores & dolos, cum innotescunt, damnat & vindicat.

*Macchia-
ueli scripta
Pontifices
non proba-
runt.*

Quis tam insanit, ut credat ullum Pontificem, si legisset impias voces, quibus Macchiauelius Ecclesiam Romanam, veramque Religionem insectatur, eas toleraturum fuisse? Certè cum iuxta decretum Concilij Tridentini, accuratiùs examinata eius scripta fuerunt, nullus postea Pontificum ea tolerauit; quibus omnibus Scioppius inuidiam facit, & Ecclesie Romana auctoritatem diluit, cum autorem causâ diligenter cognitâ, ab eâ damnatum defendit. Si quæ enim toleratio eam cognitionem antecessit, obreptionis argumentum est, non approbationis.

*Vindicia nō
intempe-
stua.*

Vindicias igitur debere me credidi bonis scriptoribus, quos immuni iniuriâ, Scioppius immerentes affecit. Neque intempestiuum, aut seruum videri potest, post duodecim decem annos obsoletas chartas innuadere; ipse enim Scioppius post plures etiam annos,
viris

AD LECTOREM.

*viris laudatissimis piâ morte defunctis, de Macchiauello oppugnato, iniquissimam-
litern mouere ausus est: ut tanto aequius sit
eos defendere, quos veluti Leones mortuos
canis viuus innadit.*

*Cuius arrogantia, & falsa victoriæ opi-
nio, nimium quantum excresceret, si non
vel serò, triumphum ante victoriam illum
cecinisse, aliquis demonstraret. Quod è ma-
gis necessarium est, quo latius infelices Sup-
petia manârunt, quibus multi persuasi ma-
gno suo, publicoq; malo Macchiauellum
absoluunt. Hos sui iudicij panitebit, ubi
caussa iniquitatem cognouerint. & Scioppij
in eâ defendendâ pudendam malignamq;
inscitiam, quam in hæc pagellas, velut
Epitomen rede gisse videtur.*

*Ipse deniq; Macchiauellus scribendi caus-
sa est & materia præcipua. Cum enim eius
defensione, lauream & triumphum Sciop-
piæ Romæ ambiuerit, non potui aduocatum
refellere, nisi eiusmodi reum ab illo defendi
ostenderem, qui nullo iure defendi possit. Id-
que è libentius feci, quò magis refert Mac-
chiauelli improbitatem esse quàm perspectis-
simam; tanta enim est, ut maiorem perni-
ciem vera Politica, & graniorem Christiana.*

*Padia Poli-
tices Sciop-
piæ insci-
tia Epitome.*

*Macchia-
uellus præ-
cipua scri-
bendi caus-
sa & mate-
ria.*

P R A E F A T I O

na Religioni contumeliam , nemo unquam intulerit.

Qua Pseudopolitici antehac omni aeo , scelerae factitarunt , ea Macchiauellus in formam artis redacta , appensa sceleribus utilitatis honestatisq; hederâ , pro vera Politica praeceptis , orbi tradidit & commendauit. Vt verò propositi compos fieret, Finem & media Politica corrumpit, illum in bonis fortunae collocando, & in horum numerum fanda nefanda , nullo discrimine recipiendo , modò dominationi conducant.

*Finem &
Media Po-
litica cor-
rumpit.*

Qua duo, cum non ita multi aduerterent, sententia apud quosdam inualuit , non adeò publico bono repugnare Macchiauellum , & supra meritum vituperari , multa enim Principibus & Rebus publicis salutaria tradidisse. Sed uti partibus praecipuis corde & cerebro vitiatis, nihil in humano corpore sanum est: ita nihil sincerum & omni ex parte salutare ea doctrina habere potest , quae duo actionum humanarum , principia Finem & media deprauat , quod à Macchiauello factum esse , Vindicia nostra monstrabunt.

Ceterum cum vniuersim ea Pseudopolitia sit natura , ut Finis & Mediorum legitimae rationes conturbet , Vindicias hasce nostras,

AD LECTOREM.

strat, generatim aduersus omnes Pseudopoliticos, eorumq, Causidicum Scioppium scripsimus & inscripsimus, etsi Macchianellus precipua pars sit nostri laboris. Sed qui hunc nôrit, omnes nôrit, cum illo enim reli- qui Pseudopolitici factis & sententijs, velut in velabro olearii, consentiunt. Ut enim

Qui hunc nôrit, omnes pseudo-politicos nô- rit.

vera Politica est vera ars imperandi & parendi, secûdum regulam virtutis, ita Pseudopolitica est falsa ars imperandi & parendi, secundum regulam vanitatis & superbæ dominationis. Quam qui amplectuntur, eos necesse est à fine & medijs vera Politicos deflectere, adeoq, eadem cum Macchianello sentire & factitare.

Cuius precipuos quoque aduersus Religionem & Ecclesiam Romanam errores atque calumnias, plerisque Pseudopoliticis communes esse existimamus: ut videlicet dominationis seu status causâ, scelera necessaria & honesta putent, de fato & DEI providentiâ non rectè, de Religione impiè, eiusq, presidibus & ministris abiectè, sentiant. Huc enim prolabi eos, qui diligunt vanitatem & quærunt mendacium, proclive & propè necessarium est.

Nam si rectè de Religione & virtute sentirent, validis franis. vsraque improbitatem.

tem cohiberet, & acerbis stimulis conscientia animum ad meliora urgeret. Quare, ut hanc scelerum remora, & molestia se liberent, ea quorum metus aut reverentia obstare posset, inter fabulas falò reponunt, sibiq; infelicium fabularum autores fiunt. Sed quanto in errore versentur, & ipsi olim sentient, cum aeternitas oculos aperuerit; & praclari scriptores, pro quorum honore pugnavim, antehac demonstrarunt; & nos pro virili, postremo Vindiciarum libro, explicare conabimur.

S. III.

Scriptiois modus & genus.

Vindiciarū Summa. **H**abes amice Lector scriptiois causas; nunc modum & genus accipe. Tres Vindiciarum libros fecimus. Primus Religionis & Virtutis praecepta, a Politica aliena non esse ostendit. Secundus Pseudopoliticorum, & Macchiauelli imprimis praecepta, a verà Politica aliena refellit. Tertius eadem Religionis & Ecclesiae Romanae, adversari demonstrat.

Scioppij textus integer positus.

Integrum Scioppij textum, ut in editione Romanā expressus est, plures in partes prout Methodus poscebat distributum, ex fide informis, ne verbulo quidem dompto, vel addi-

AD LECTOREM.

*addito. Scioppij verba Suppetiarum titu-
lo, nostra Vindictiarum inscriptione indicā-
mus. Capita in Paragraphos partimur, cla-
ritatis gratiā, & ne prolixitas fastidium pa-
riat.*

*Ratione præcipue pugnamus; autoritate
quantum satis est, utimur, nec aliorum fe-
re, quam SS. Scriptura, S. Augustini, S.
Thomæ & Aristotelis; quibus enim isti non
sufficiunt, illorum insaniam neque integer
testium exercitus expugnabit. Neque Bi-
bliotheca nostra in belli turbis, exitijq; soli-
tudine alijs ferè, quam his autoribus conti-
nebatur; ut adeò necesse fuerit, sapius nu-
dos veritatis lacertos hosti obycere, quam
tamen non ideo minùs validam, experti su-
mus.*

*Dicendi genus placuit facile, quod de pla-
no ab omnibus legi posset & intelligi. Si eli-
gerent Manichæi, usq; deteriores Psendo-
politici, quos deciperent, eligeremus &
nos verba, quibus eis responderemus.
Cum verò illi & doctos literis, & indoctos
errore suo persequantur, & cum promit-
tunt veritatem, à veritate conentur auer-
tere: non ornato politoque sermone, sed
rebus manifestis convincenda est vanitas
eorum. Placuit enim mihi quorundam*

*Dicendi ge-
nus facile,
& planum.*

verè

*Placuit S.
Augustino.*

verè Christianorum sententia, qui cum sint eruditi liberalibus literis, tamen alios libros nostros, quos aduersus Manichæos edidimus cum legissent, viderunt eos ab imperitiis, aut vix, aut difficilè intelligi: & me beneuolentiissimè monuerunt, vt communem loquendi consuetudinem non desererem, si errores illos tam perniciosos, ab animis etiam imperitorum expellere cogitarem. Hunc enim sermonem vsitatum, & simplicem etiam docti intelligunt, illum autem indocti non intelligunt, ait *S. Augustinus*, ipso exordio libri primi de Genesi, contra Manichæos.

Cuius celeberrimi quondam Rhetoris, gloriosiq; Ecclesie Doctoris, & eorum quos ipse secutus est, quiq; hodie idem sentiunt, iudicium si venerer & sequar, nemo aequus rerum estimator, mirari poterit, aut indignari. Fuit *S. Augustino*, longa grauissq; cum Fausto Manichæorum Episcopo concertatio, quam triginta tribus libris complexus est. Neque tamen magnum illum laqueum Diaboli, uti appellat *l. 5. Confess. c. 3.* gratum & iucundum verbis, multoque suauius & purius latinè garrientem, quàm Scioppium, alio dicendi genere dignatus est, quam

Quod dicendi genus Doctori Christiano tribueret.

AD LECTOREM

quam quod Doctōri Christiano congruere
l. 4. de Doctrinā Christianā, c. 10. censuit,
ubi eum qui docet, vitare jubet omnia
verba, quæ non docent, & si pro eis alia
integrā, quæ intelligantur, possit dicere,
ea vult magis eligi. Si autem non possit,
sive quia non sunt, sive quia in præsentia
non occurrunt, præcipit vti etiam verbis
minùs integris, dum tamen res ipsa do-
ceatur, atque discatur integrè.

Multa mihi ex Logica spinis, non pau-
ca ex alijs sublimioribus scientijs, complura
ex disciplinā Christianā & Theologiā, peten-
da & explicanda fuerunt: quæ cum verbis
minus vñatis efferuntur, aut molli stylo
franguntur, delicias quidem auribus fa-
ciunt, sed menti nebulas plerumque offun-
dunt. Etsi non quæcunque disciplinarum
usus recepit, ut inculta aut minus Latina
damnari debeant: cum eadem magno nu-
mero in Hortis Hesperijs consita reperian-
tur, ut illi nōrunt, qui Latinitatis virida-
ria non obiter perlustrarunt.

Non errat verò, qui cum de Religione,
virtute, & rebus eiusmodi sermo est, maxi-
mam orationis cultum censet esse veritatem;
quæ non amat quidem sordes, sed absque
phaleris tamen, in proprijs bonis abunde ni-

Veritas
maximè
orationis
cultus.

PRÆFATIO AD LECTOREM.

ter; & oculos non prestringit, sed aperit; neque animos fascinat, sed expugnat.

Nos itaque, quibus mens est Grammaticum rebus contundere, non verbis magnopere cum eo contendere, postquam satis præfati sumus, S. Augustini animo & exemplo, quo Faustum aggressus est, Scioppium aggrediamur, in nomine, ut inquit lib. 1. cap. 1. atque adiutorio Domini & Salvatoris nostri IESU Christi: ut omnes qui hæc legent, intelligant, quam nihil sit acutum ingenium & lingua expolita, nisi à Domino gressus hominis dirigantur. Quod multis etiam tardioribus & invalidioribus, occultâ æquitate diuinæ misericordiæ præstitum est: cum multi accerrimi & facundissimi, deserti adiutorio Dei, ad hoc velociter & pertinaciter currebant, ut à veritatis viâ longius aberrarent. Quorum numerum, ne augeas

Scioppius, ex animo vobis

precorq.



VINDICIARVM POLITICARVM.

LIBER PRIMVS.

Religionis & Virtutis Præcepta, à
verâ Politicâ aliena non esse.

C A P. I.

*Suppetiarum Vindiciarumq; ingressus, &
primus congressus.*

§. I.

*SYPPETIÆ. Magnam esse Pseudopolitico-
rum improbitatem; sed non minorem eorum im-
peritiam, qui iniquè de Politicis Scri-
ptoribus iudicant.*



Vm sine controuersâ ingens sit
plerorumque improbitas & im-
pietas, qui hodie Politici perhi-
bentur, in primisq; eorum, qui
à Regibus ac Principibus singu-
laris prudentiæ opinionem con-
secuti, consuli ac sententias rogari solent, (ho-
rum enim consilij, si verum quærimus, nullo iu-
sti iniustiq; discrimine res geri, religionem, fi-
dem, iustitiam proprio emolumento posteriora
duci, orbem Christianum diffidijs, turbis ac bel-
lis infestari, non dubium deniq; exitium regnis
ac prouincijs comparari fatendum est) nullo
tamen genere minor complurium videtur ini-
quitas

*Sæpe frons
bona est,
mens mala.*

quitas & acerbitas, qui de optimo quoq; & perfectissimo artis Politicæ Doctore faciunt iudicia. Cum enim Politica in tradendis ijs, tota occupetur, quæ utilia sunt condendo & conservando Imperio, aut statui publico: vix utilitatem commemorare scriptor Politicus potest, quin nullam iusti & honesti rationem ducere, ab istius notæ censoribus existimetur. Ut autem aliàs, similiter hîc, tantæ Iniustitiæ fons, & origo est Imperitia. Nam ut ait Comicus:

*Homine imperito nunquam quisquam iniustus,
Qui nisi, quod ipse facit, nihil rectum putat.*

*Viri doctissimis Logica
imperitiam
Grammaticus obiectat.*

Imperitiæ porro causâ est, quod Logicam non satis didicere, quæ rationis ars est, adeoq; in iudicio de subiectis artium sædè allucinatur: hoc est, ratione in re maximi momenti, sine vicio uti nequeunt. Quamvis autem hoc in primis *παράδοξον* & incredibile visum iri sciam de hominibus, qui non modo se curriculum Philosophiæ confecisse, sed etiam artem Logicam non minùs, quàm cæteras Philosophiæ partes, alijs præcipere posse gloriantur: non tamen vereor, ne fidem apud eos non inueniam, qui suis ponderibus res examinare sciunt, neq; sibi iudicium alienâ autoritate eripi patiuntur. Ut autem res tota fiat planissima, distinctius de naturâ Logicæ quædam monebo; tum quam longe ab eius præceptis recedant, qui notionem censoriam tam acerbè in Politicis scriptis exercent, quàm potero, brevissimè demonstrabo.

§. II.

VINDICIAE. à Scioppio eos ipsos accusari,
quos defendit, & suggillatim opti-
mas Scriptores.

MAlę causę patronus est, qui vt be-
neuolentiam sibi conciliet, ipso de-
fensionis initio, eos quos defendit, reos ef-
se fatere cogitur. Quod Gaspari Sciop-
pio accidit; is enim cum aduerteret, in-
genti infamiâ toto Christiano orbe, Poli-
tici nominis vsurpatores laborare, & cri-
minum pessimorum non solum accusari,
verum etiam perspicuis argumentis con-
uinci: atro calculo ipse quoq; ingentis im-
probitatis ac impietatis, plerosq; damna-
re exorsus est. Sed meminisse eum oport-
tebat, non posse Magistros rectę defendi,
si discipuli ob ea, quę didicissent, damna-
rentur: & maiorem esse culpam praua
docentium, quam discentium, quod illi
improbitatis horum autores sint, & du-
ces. Defensionem verò Pseudopolitico-
rum scriptorum, & Machiaelli præser-
tim, à Scioppio hic susceptam esse, Lecto-
ri jam ante demonstrauius; ex eiusmodi
autem scriptis & principijs, Pseudopo-
liticos ea consilia haurire, quibus nullo in-

*Scioppium
eos, quos de-
fendit, ac-
cusat.*

*Non rectę
Magistros
defendit,
qui discipu-
pulos dama-
nat.*

*Macchia-
uelli pseu-
dopolitico-
rum pra-
centor.*

si iniustiq³ discrimine res geri, religionem, fidem, iustitiam proprio emolumento posteriora duci, orbem Christianum dissidiis, turbis ac bellis infestari, non dubium deniq³ exitium regnis ac provinciis comparari. Scioppius verissimâ parenthesi fatetur: inde manifestum est, quod apertis verbis & sententijs, aut necessarijs sequelis hæc eadem Macchiauellum docuisse, eius scripta legenti obscurum esse non potest. Cui veluti præcentori ac præfultori, alij pseudopolitici verbis ac factis succinunt, Scioppio Grammatico, vtrisque patrocinate; non enim serio discipulos in crimen vocat, qui ob eam, quam hausere doctrinam, Magistros laudat.

Ego id solum ab æquo Lectore postulo, vt, si quæ sunt fatente Scioppio, Pseudopoliticorum consilia, eadem esse Macchiauelli præcepta ostendero: eundem & simul Scioppium eorundem criminum condemnent, quorum ipse Pseudopoliticos primâ Poëdiæ suæ parenthesi accusat. Est enim criminum reus, qui eorum disciplinam seu apertè, seu tanto nocentiùs, quanto tectius, profiterur, aut tuetur.

Quorum posterius sibi faciendum Scioppius putauit aduersus eos, qui salu-
tari

tari laudabiliq; studio, inundantem in Christiano orbe Pseupolitiam libris editis, veluti obiectis repagulis, coercere laborarunt.

Ad hos calumniandos, post captatam Pseupoliticorum reprehensione probi hominis notam, mox se accingit: cum asserit nullo genere minorem complurimum videri iniquitatem & acerbicatem, qui de optimo quoq; & perfectissimo artis politica Doctore, faciunt iudicia. Quæ verba in Macchiauellum rectè contorsisset. Nam is cap. 15. Principis, se alienam à communi aliorum ordine, dissertationem instituere professus, de Aristotele communis veri q; ordinis duce, & optimo utiq; perfectissimoq; artis Politicæ Doctore, alijsq; eum ante hac secutis, iniquum & acerbum iudicium fecit: cum eos velut imaginariæ & fictitiæ politiæ magistros suggillare, sibiq; rei veritatem ac utilitatem arrogare ausus est. Sed non tam felix est Scioppius, ut bonos laudare, & malos vituperare constanter possit. Macchiauellus summorum Pontificum & Concilij Tridentini autoritate, in Scriptorum prohibitorum primam classem cum hæresiarichis relatus, nec vnquam inde exemptus, illi optimus est, perfectissi-

*Scioppius
Pseudopoliti-
ca Indices
calumniatur.*

*Macchia-
uellus isti
optimus Po-
litia Magi-
ster, eius op-
pugnatores
iniqui &
imperijs.*

musq; artis Politicæ Doctor : cui infelices
 has suppetias misit ac scripsit, vti ad Lecto-
 rem præfati sumus. Contra *Ioannes Mo-*
lannus, Ioannes Boterus, Petrus Ribadeneira,
Scipio Amiratius, Hieronymus Osorius, An-
tonius Posseninus, Iustus Lipsius, alijq; simi-
 les, qui Macchiauellum iustissime doctissi-
 meq; oppugnârunt : Scioppio iudice, in-
 iustitiæ, ac imperitiæ damnantur, & tan-
 quam plebeij iudicij homines viri cele-
 berrimi infamantur; cum quibus plebei-
 um nomen ferre malim, quàm cum Gram-
 matico Scioppio inter equites, aut patri-
 cios, aut comites assidere.

Atqui imperitiæ eam causam affert,
 quod *Logicam non satis didicerint, & in iu-*
dicio de subiectis artium fœdè allucinantur;
 idèò nimirû, quia discursus Macchiauelli,
 eiusq; de Principe disputationem, cum re-
 ctâ ratione & diuinâ lege consentire ne-
 gârunt.

Suam autem de hominibus doctissimis,
 & plerisq; non Philosophiæ solùm, sed
 Theologiæ etiam curriculum emensis, iu-
 dicium *περίδοξον*, & incredibile visum iri
 rectè quidem censet: sed fidem eo ipso sibi
 adimit, quia incredibilia & paradoxa se
 afferre, vltro fatetur.

§. III.

*Utilitatem cum honestate coniunctam, à pro-
bijs Politicis non reprehendi.*

QUOD verò vix utilitatem commemo-
rare Scriptor Politicus, seu veriùs
Pseudopoliticus possit. quin nullam iusti &
honesti rationem ducere, ab istius optimæ
notæ censoribus existimetur: verum est, si
utilitatem ab honestate seiunctam Sciop-
pius intelligit, non item, si de eo utili lo-
quitur, quod simul ex se ipso, aut fine ho-
nestum est. Nam etsi honestum & utile ra-
tione seu definitione differant, nihil tamen
potest esse simpliciter & verè utile, quod re-
pugnet ultimo fini hominis, quod est bonum
secundum rationem; quamvis possit esse uti-
le secundum quid, respectu alicuius finis
particularis, ut ait S. Th. 22. q. 145. a. 3.
ad 3. Quo eodem sensu verissimè dixit Ci-
cero lib. 3. de offic. sub finem, homines
pervertere ea, quæ sunt fundamenta natu-
re, cum utilitatem ab honestate seiungunt.
Quod Macchiauello Magistro, & Sciop-
pio Caussidico, faciunt curvæ in terras Pseu-
dopoliticorum animæ, & cælestium inanes,
qui Rationem status, eaq; quæ illi conden-
do & conservando sunt utilia, nullâ hone-

*Nihil verè
utile est,
quod repug-
nat hone-
stati.*

*Iustitia ad-
uersa probi
Politici
damnans,
non Verè
Vtilia.*

*Qualia cō-
plura apud
Macchia-
uellam.*

statis habitâ ratione amplectuntur , vti
deinceps patebit. Eiusmodi vtilitatem &
commoda , quia iustitiæ & honestati ad-
uersari sentiunt , probi Politici merito
damnant, ne fundamentis naturæ labefa-
ctatis, vera Politica ruinam patiatur. Si
quæ autem ad verum propriumq; Politicæ
finem, qui iustitiâ alijsq; virtutibus mora-
libus præcipuè continetur, conducentia
apud Pseudopoliticos reperiant, ea non
auerfantur: sed pretiosum à vili, mel à ve-
neno, aurum à luto separant, & Ægyptio-
rum spolia, ad locupletandos bonarum
artium thesauros, libenter conferunt.
Eiusmodi complura etiam apud Macchia-
uellum reperiri verissimum est, quod in
Scioppij aliorumq; gratiam ultro fate-
mur, ne putent cum illis hominibus sibi
rem esse, qui æstimare nesciant, quid Prin-
cipibus ac Rebuspublicis conducatur.

IV.

*Vtilia à Macchiauello, prauo sine, & Genenii pas-
sim inspersis corrumpi, ideoq; difficulter
secerni posse.*

*Pleriq; ex
Macchia-
uello noxia
seligunt.*

QUæ igitur in Macchiauello vtilia oc-
currūt, non damnamus, neq; à Prin-
cipibus aut Rebuspublicis negligenda
cense-

censemus; sed illud deploramus, plerosq;
 infelicioptione, vtilibus neglectis, noxia
 ex hoc autore seligere. Quod inde euenit,
 quia noxia verè vtilibus ita permiscet, fal-
 sâq; vtilitatis fucis illinit: vt Lector specie
 boni deceptus, ea discernere nō possit, aut
 corruptus non velit. Quare non est tanta
 vtilitas, vt non maior sit pernicies, quam
 Macchiauellus infert: tum quia singilla-
 tim multa iniqua & impia tradit, tum quia
 generatim humanarum Actionum prin-
 cipia, finem & media peruertit. Quod
 posterius vel solum tale est, vt licet parti-
 cularia vtī loquimur, facinora nulla do-
 cuisset: ob generalia Pseudopolitiæ omnis-
 que improbitatis fundamenta tum iacta,
 tum stabilita iure condemnari debeat, ne-
 que solidam commendationem mereatur.
 Quâ ratione Architectum vitioso fragili-
 que fundamento, speciosos parietes stu-
 diosè inædificantem, nemo laude, sed vi-
 tuperio pœnâq; dignum existimabit: si
 præsertim, ruina inopinata, elegantibus
 fallacijs, multos postea oppresserit. Gene-
 ralia principia intueantur, quos particula-
 ria aliqua fascinant; meminerint optima
 quæq; prauo fine, falsâq; mediocum ratio-
 ne, quam docet Macchiauellus, corrup-

*Macchia-
 uellus fi-
 nem & me-
 dia Politicos
 peruertit.*

*Optima
 quæq; cor-
 rumpit.*

pi. Ita autem ubiq; corruptelas pestesq; suas inspergit, vt difficillimum fit vtilia ac salutaria excerpere, quin vicino luto, aut veneno manus inquinentur vel inficiantur. Nam si paucis lineis fursam aut deorsum pergas, in scopulos aliquos prohibitatis, ac veræ Politicæ impinges.

Etsi verò nemo sapiens ambigat, plurimum utilitatis bono Principi aut Reipublicæ eiusmodi seu præcepta, seu consilia afferre posse, ad iustum imperium tuendum ac stabiliendum: at eadem si Tyrannus in Tyrannidis vsum conuertat, palàm est publico bono maximè nocitura: quod in omnibus ijs contingit, quæ adia-phora seu indifferentia appellamus, & ex bono aut malo fine, legitimo item vfu aut abusu, bona aut mala sunt, & dicuntur. Bona igitur etiam sua Macchiauellus corripit & salutaria venenauit, quia finem prauum proposuit, & mediorum rationem falsam assignauit. Cuius vtriusque culpæ, ipsum aliosq; Pseudopoliticos reos esse, aduersus Gasparem Scioppium, demonstramus: & quia ita ipsi placet, à Logicâ exorsi, ab eius præceptis Pseudopoliticorum censores accusatoresq;, non recedere ostendamus.

CAP. II.

CAP. II.

Secundum Aristotelis & vera Logica doctrinam, de vitioso transitu à genere in genus: Religionis & virtutis præcepta à Politicâ non excludi.

§. I.

*SUPPETIÆ. Scioppius de Logica sine ob-
iecto, officio philosophatur.*

Logicæ igitur, quemadmodum & reliquarum artium perfectio in quatuor rebus spectatur, quæ sunt Finis, Materia (aliter subiectum, siue obiectum) Officium, & Instrumenta. Finis est extremum illud, ad quod omnia præcepta referuntur, cum ipsum aliò non referatur: quod in Logica est discerere, ex quo Ars discerendi definitur, id est, Ratio tractandæ cuiusvis rei propositæ. Obiectum est vel internum siue artis, vel externum siue artificis. Internum sunt præcepta, quæ in arte traduntur, ut in Logicâ inveniendi ac disponendi præcepta. Externum est, in quo cognito artis præcepta exercentur, siue ad rem conferuntur, aut ad usum applicantur. Tale Logicæ obiectum est quæstio aut thema, siue id, de quo agitur, aut res ad discerendum aut tractandum proposita: eaq; vel simplex, vel composita, aut coniuncta, ex subiecto nimirum & attributo constans. Officium est opus extremum, quod ab artifice præstari oportet, ut sine proposito potiarur. Sic in arte

Scioppii doctrina de Logica sine.

Obiecto.

Officio.

arte Logicâ officium est dirigere, & rectificare mentis actiones, siue operationes, ne quid, dum ratione utimur, vitij faciamus. Artes enim iu-
uandæ naturæ inuentæ sunt, vt nimirum caue-
antur vitia, quæ ab ijs admitti obseruatum est,
qui naturalem modò artis usum habent: sicut
ijs, qui nullis Logicæ præceptis instructi de re-
bus differant, usu venire apparet, vt allucinen-
tur ac velut rationis solæcisimum faciant, siue
illi simplicia apprehendant, siue componant
aut diuidant, siue deniq; argumententur, aut
inuenta ordinent. Nam quidquid mens agit,
eorum aliquid fit, oportet.

§. II.

*VINDICIÆ. Non rectè, de fine præsertim,
Sciopium philosophari.*

*Excusatio
ad Lecto-
rem.*

Illud temonebo, Amice Lector, ne in-
digneris, si primo hoc libro cum tribu-
lis & spinis Grammaticis, Logicis & Me-
taphysicis sæpius me luctari cernas. Ma-
luissem omissis hisce altercationibus, gra-
tiores hederam suspendere sequentibus
libris. Sed in dumeta compellit Sciop-
pius, qui *Suppetias Logicas* scripsit, & hunc
Poediæ suæ scopum præfixit, ex Logicæ
principijs, velut à radicibus veram Politi-
cam conuellere. Hoc igitur mihi incum-
bit demonstrare, Grammaticum Logicæ
principia perperam interpretari, & inter
inno-

innocentissimas spinas, venena publico bono nocitura, ferere. Id nisi facerem, Christianæ Politicæ iniurias, non aliunde magis, quàm ex Logicâ à Scioppio petitas, non vindicarem. Neq; verò aliter inter spinas, & de spinis certare possum, quàm illas tractando, siue mihi tœdio sint, siue Lectori. Qui si meum Scioppijq; institutum intelligat, ipsi, non mihi indignabitur, Si autem de quâ re lis nobis sit, animaduvertere nolit, non ideò præcipua & propria causæ fundamenta negligenda fuerunt. Quæ inspicere cui non uacauerit, aut perspicere difficile fuerit, ad alia inoffenso pede pergat, planiora & cuius salutaria. Sed Scioppium se aliosq; fraudulentis spinis implicantem, sauciantemque persequamur.

Quia alios à rectâ viâ recedere queritur, *Scioppius* ipse eandem nosse aut tenere debet. Im- *Logica im-*
meritò igitur Scioppius alios Logicam *peritus.* non satis didicisse insinuat, cum ipse ab hac scientiarum ianuâ non parum aberret. Quatuor in rebus artium perfectionem spectari autumat, Fine, Materiâ, seu obiecto, Officio, Instrumentis: quæ ut in reliquis artibus rectè assignentur, in Logicâ non nisi tria distinguere possunt, ut postea palam

palàm erit, cum ad Instrumenta Logicæ ab ipso attributa, deuentum fuerit.

Finem artis non rectè explicat.

Finem ait, esse extremum illud, ad quod omnia præcepta referuntur, cum ipsum aliò non referatur. Rectè, si intelligit non referri ad aliquid aliud intra ipsam artem, cuius finis est; malè, si sentit vniuersim non referri ad aliquid aliud extra artem. Nam Aristotele autore 1. Ethic. c. 1. *Cum artes aliquæ uni facultati subiectæ sunt, & famulantur (veluti equestri ea, quæ frænos conficit, ceteraq; instrumentis equestribus occupata, & ipsa equestri, ac omnis bellica exercitatio scientia militari, itemq; aliæ aliis,) fines architectonicarum siue principalium, præstantiores sunt & magis expetendi, quam fines subiectarum & famulantium. Quippe cum isti referantur ad illos. Referri itaque potest finis artis ad alium finem arti extrinsecum, et si non intrinsecum. Quod quia Scioppius non distinxit, absq; iniuriâ culpari potest. Vbi etiam illud Paradoxum occurrit, quod rem de quâ agitur licet simplici termino expressam, Quæstionem appellat. Sed de hoc infra pluribus.*

Aliud paradoxum.

§. III.

SVP PETIÆ. Vitia rationis non minus, quam sermonis quinque esse; Obscurum, Ambiguum, Falsum, Inconsequens, & Alienum, sum genere, tum loco; hac à Logicâ corrigi.

Sicut autem sermonis vitia, quæ puritati aduersantur, sunt omnino quinque, Barbarismus, Solæcismus, Nouatio, Peregrinitas, & Archaismus, siue obsoleti verbi vsus: similiter Rationis in vniuersum quinque numerantur vitia, Obscurum, Ambiguum, Falsum, Inconsequens, & Alienum.

Nam quidquid ad tractandum de re propositâ affertur, aut explicationis, aut demonstrationis gratiâ adhibetur, ex quo argumentum vel Exegeticum siue explicans, vel Apodicticum, siue probans existit. Explicare, est quæstionis, seu rei propositæ naturam declarare per definitionem, distributionem, causas, effecta, subiecta, adiuncta, totum, partes, paria, similia, connexa, maiora, minora, dissimilia, antecedentia, contraria, relata, quæque istis subiiciuntur. Probare est aliquid medium asserre, cuius vi prædicatum de subiecto rectè affirmetur, aut negetur. Nisi autem intelligatur, quod affertur, nec ad probandum, nec ad explicandum erit idoneum. Obscuritas porro causa est, ut planè non intelligatur, Ambiguitas verò, ut aliter, atque oportet, intelligatur. Probando verò ineptum est, si sit vel falsum, vel inconsequens: quorum illud in compositione & diuisione, siue in Enuntiatione, hoc autem in

Vitia sermonis & Rationis quæ Sciopio.

Distinguit argumentum Explicans, & Probans.

ar-

argumentatione spectatur. Quod deniq; alienum est, nec explanationi, nec probationi est ac commodatum.

Item Alienum, aliud loco, aliud genere.

Potest autem dupliciter alienum considerari. Nam aut est prorsus heterogeneouson, seu diuersi generis, vt cum quis in Physicis argumenta affert Mathematica, & in Politicis, aut Medicis Theologica, quod vulgo vocant *de genere in genus transire*. Aut cum sit eiusdem quidem generis, & rem propositam explicandi aut probandi vim habeat, tamen prius aut posterius, non præsentis loco, afferri debet. Nam methodus doctrinæ siue artis, suo quidq; loco collocari iubet, vt vitetur confusio, quâ veritatis cognitio impeditur. Ista igitur rationis sunt vitia, quæ ars Lógica corrigere, vel cavere docet, obscuris illustrandis, ambiguis distinguendis, falsis refellendis, inconsequentibus enervandis, & alienis excludendis. Cui consequens est, vt qui in quâcunq; disputatione afferri aliena postulat (quod faciunt, qui scriptores Methodi Legibus seruientes, & aliena circumscribentes reprehendere non dubitant) eos ratione non satis sincerè vti, ac propterea in scholâ Logicâ merito vapulare fateamur.

§. IV.

VINDICIAE. Nec vitia sermonis quidem, rectè à Grammatico assignari.

Cui nec in suâ arte credi potest, is nullo in alienis altioribusq; facultatibus fidem meretur. Scioppius Grammaticæ Ma-

cæ Magisterium, imo si Dîs placet, Dictaturam, pauculis ab hinc annis, sub nomine Pascasij Grosippi inuasit: magnâ confidentiâ & multarum rerum ijs in litteris novatione, eruditis nunquam probandâ, cuius etiam hic specimen habemus. Quinque sermonis vitia, puritati aduersantia numerat, Barbarismum, Solœcismum, Novationem, Peregrinitatem, Archaismum. At enim Quintilianus Martiali teste, *Vage moderator summus iuuenta*, & gloria Romanæ toge lib. 1. instit. c. 9. tres in oratione virtutes exigit, vt Emendata, vt Dilucida, vt Ornata sit: & totidem his vitia contraria esse affirmat, quæ appellamus Orationem Barbaram, Obscuram, Inordinatam, quarum quævis plures sub se vitiorum species continet. Ab hac diuisione deficit Scioppius, nec Obscuram, neque Inornatam connumerando, cum Oratio Obscura non minus aduersetur puræ ac dilucidæ, quàm aqua turbida limpida: & Cacophaton quoq; siue obscœnum dictû, Tapinosis itidem, ac Tantologia, aliâq; eiusmodi vitia Orationis ornatum inquinant.

Sed neq; quinque illa rectè distinguuntur, neq; omnia vitia sunt. Nam peregrini-

B nitas,

*Sermonis
vitiâ, &
virtutes ex
Quintilia-
no.*

*Scioppii di-
uisio deficiit.*

Peregrinitas Barbarismus qui- dam est.

Archaismus figura Orationis.

Nouatio nō semper in vitio.

Scioppium artem suā vitiā ignorat.

nitas, seu vox peregrina Barbarismi primum genus est, quod genti à Quintiliano L. e. tribuitur, quale esse ait, *saquis Afrum, vel Hispanum Latina Orationi nomen inse- rat.* Archaismum definiunt Grammatici, esse constructionem, *quā prisca vetustas potissimum vsa fuit, & non inter vitia, sed Figuras orationis reponunt.* Verba à vetustate repetita non solum magnos assertores habere, ait Quintil. cap. 10. sed etiam afferre orationi maiestatem aliquam, non sine delectatione; opus tamen esse modo; atq; ut *nonorum optima sunt maximè vetera, ita veterum optima esse maximè nova.* Ipsa etiam Nouatio vocum, non semper in vitio est, cum magni autores verba subinde nouarint vel nece ssitate se explicandi, vel aliā idoneā ratione. Non est ergo cur multum tribuatur Scioppio qui nec quinque, vti oportet numerare nouit. Nam ex ijs, quæ enumerat, duo solum orationis vitia verè dici, & distingui possunt. Solæcis- mus & Barbarismus, cuius peregrinitas species quædam est. Archaismus verò & Nouatio aut vitia non sunt, aut non vniuersim, & leuiora ijs, quæ Grammaticus iste omisit. Quæcum ita sint, etiam in Grammatica Scioppij supercilium meritò con-

con-

contemnimus; est enim imperitus artifex, qui artis suæ vitia ignorat.

§. V.

*Vitiarationis vitiose à Scioppio tradit; omisisse
Mutuum & Inordinatum; alia perpe-
ram distinxisse.*

Sed uti Vicia sermonis perperam nume-
stravit, ita Rationis quoq; imperitè as-
signat; & imprimis absq; ratione similem
utrobq; numerum esse contendit. Nam
vitia sermonis ab hominum, qui eum in-
stituerunt, voluntate dependet, qui si a-
lias leges Latinitatis tulissent, alia eius vi-
tia, plura paucioraue essent. Quæ autem
Rationi aduersantur, non ex hominum
arbitrio, sed ipsâ rationis naturâ nume-
rum sortiuntur. Ea quinque esse Scioppius
affirmat, Obscurum, Ambiguum, Falsum,
Inconsequens, & Alienum, sed nullum
idoneum argumentum affert. Nam, quæ
de argumento Exegetico, & Apodictico
habet, nihil concludunt, & parum absur-
da sunt; tum quia Definitionem, Diuisio-
nem, aliaq; prædicata, quibus rei natura
extra argumentationem declaratur, ar-
gumenti nomine appellat, cum Rhetores
ac Logici argumentum id solum esse con-

*Vitiarationis
in sermone
& ratione
non par rati-
o.*

*Scioppio
diuisio &
doctrina in-
congrua.*

sentiant, quod in argumentatione ad aliquid probandum assumitur, tum quia locos argumentis eruendis propriè designatos, ipse potius simplici rerum explicationi, extra argumentationem attribuit.

Verùm non minus quinariam hanc diuisionem, quàm superiorem vitiosam esse manifestum est. Nam cum quis rei alicuius tractationem professus, præcipuam aut aliam notabilem eius partem omittit: id rationis vitium esse, neq; tamen Obscurum, aut Ambiguum, aut Falsum, aut Inconsequens, aut Alienum dici posse patet. Aliud ergo illis quinque addendum est, quod Mutilum, seu mancum dicere possumus, quodq; eo grauius æstimari debet, quò magis præcipuum, & ad rem intelligendam necessarium est, quod in mutila eiusmodi, seu mancâ tractatione omittitur. Illud quoq; vitium, cum aliqua nec debito ordine, nec suo loco tractantur, quinque enumeratis non continetur: nisi ordinis perturbatio tanta sit, vt Obscuritatem pariat, tum enim simul ad Obscurum pertinebit.

Scioppius verò istud vitium incongruè alienum appellat, cum Inordinatum potius dici debeat; neq; enim res propria

verè

Omisit Mutilum & Inordinatum.

verè aliena efficitur, quia non suo ordine collocatur; sed quod aliò pertinet, aut diuersi generis est, id solùm propriè alienum dicitur. Et sanè inepta est definitio, quâ Scioppius Alienum tum genere; tum loco generatim comprehendit, asserens esse id, quod nec explicationi, nec probationi est accommodatum. Non enim res aliqua explicandi aut probandi vim, quam in suo genere ac loco habet, in alieno amittit; sicut nec aurum furto sublatum, in manu furis pretium perdit. Quod ipse Scioppius falsæ definitionis immemor, tribus post lineis ultro fatetur, esse nimirum *Alienum loco eiusdem quidem generis*, & rem propositam explicandi aut probandi vim habere, tamen prius, aut posterius, non presenti loco afferri debere. Neque ergo Alienum loco, propriè alienum, neque hæc definitio Alieno, sed Falso, & Inconsequenti, vti appellat Scioppius, conuenit. Nam falsæ propositionis in explicando, vitiosæ autem argumentationis in probando, nullam vim esse, apud omnes confessum est.

*Alienum
non rectè
definiunt.*

Enimuerò Scioppiana Diuisio non solùm defectu peccat, ob duo vitia omissa, quæ Mutilum atq; Inordinatum vocauimus,

*Membra
diuisionis
Scioppiana
non distin-
cta, neq; op-
posita.*

mus, verum etiam membra non rectè di-
stincta, neque opposita habet, contra le-
ges bonæ diuisionis, quas turpe est eum
ignorare, qui imperitiam Logicæ alijs
obijcit. Nam Ambiguum sub Obscuro
continetur, Inconsequens sub Falso. Qua-
re non minus vitiosa est hæc Scioppij diui-
sio, quam si dicam: Viuentium genera
sunt quinque: Planta, Arbor, Animal, Ho-
mo, Brutum; quæ diuisio in Logicâ risum
aut stomachum moueret. Arbor enim est
species plantæ, homo & brutum anima-
lis; genus autem cum specie numerum
non facere, sed in illâ includi, & istam sub
illo contineri Logicæ Tirones norunt.

*Ambiguum
sub obscuro
continetur;*

Atqui similem rationem esse Obscuro &
Ambigui etiam Grammaticis clarum est,
qui Orationem ambiguam sub Obscurâ,
velut speciem sub genere collocant. Nec
quisquam sanus negare potest, quod Am-
biguum est, obscurum esse, si enim clarum
foret, ambiguum non esset. Omne igitur
ambiguum obscurum est, non tamen omne
obscurum ambiguum; adeoq; hoc sub il-
lo, velut genere, non iuxta illud ponitur.

*Inconse-
quens sub
falso.*

Quod idem de falso & inconsequenti
dicendum est. Non enim in Enuntiatione
dumtaxat, sed in argumentatione quoq;

seu

seu consequentiâ Veritas aut falsitas inest. Et sicuti Enuntiatio vera est, quæ dicit esse, quod non est, aut non esse, quod est, similiter argumentatio vera est, quæ infert esse aut non esse, quod posito antecedente sequitur esse, aut non esse. Falsa è contrario, quæ infert esse aut non esse, quod posito licet antecedente, non sequitur esse, aut non esse. Cuius illud etiam argumentum est, quod Consequentiam bonam concedimus, malam negamus; inest ergo illi veritas, cui assentimur, huic falsitas, à quâ dissentimus.

*Veritas &
Falsitas
quid.*

Atq; id generalis ratio vtriusq; persuadet, nam Theologorum Philosophorumq; consensu veritas est *conformitas rei & intellectus*, Falsitas contra *difformitas*, ut in Scholis loquimur. Quemadmodum autem Enuntiatio vera est conformis connexioni prædicati & subiecti, falsa eidem difformis: sic argumentatio vera, itidem est conformis connexioni antecedentis & consequentis, falsa eidem difformis. Tam argumentatio igitur, quàm Enuntiatio, veritatem & falsitatem in communi participant, & tam verum, quam falsum, duas sub se species continet, Enuntiationem, inquam, & Argumentationem; quam

*Dna eius
Species.*

utramque generatim comprehendimus, cum verum & falsum in compositione & diuisione, non autem simplici conceptu inesse affirmamus. Quæ mens est Aristotelis l. 3. de animâ c. 6. & 8. ubi docet verum & falsum esse *in compositione quâdam cognitionum*; hæc autem compositio non solum in Enuntiatione apparet, verum etiam in argumentatione. Vt enim illa componitur ex cōceptu prædicati & subiecti, ita hæc ex notitiâ antecedentis & consequentis. Quare non rectè Scioppius compositionem & diuisionē, in quâ falsum spectatur, ad Enuntiationem restrinxit.

*Vitia Sciop-
pi in Vitijs
Rationis
numeran-
di.*

Sed satis clarè opinor demonstratum est, ipsum in Vitijs Rationis enumerandis ac diuidendis plurium vitiorum reum esse. Nam nec Ambiguum ab Obscuro, nec Inconsequens à Falso rectè distinxit; & Alienum genere ac loco perperam diuisit, cum posterius non alienum, sed proprium sit; Mutili præterea & Inordinati mentionem nullam fecit; vt adeò ea diuisio & redundet membris superfluis, & deficiat necessarijs. Quam sic censem legitimam fore, si retento numero, dicamus vitia Rationis esse hæc quinque: Falsum, Obscurum, Mutilum, Inordinatum, Ali-

*Vera eorum
diuisio.*

Alienum. Nullum enim vitium Rationis in differendo occurrit, quod non aliquo horum contineatur, quia vel Veritati, vel Claritati, vel Integritati, vel Ordini, vel deniq; Proprietati dissertationis, seu tractationis aduersatur.

§. VI.

In Cisso Alseni explicando, Scioppium id spectare, ut Religionis & Virtutis doctrinam, velut Alienam à Politicâ excludat.

SUpereſt, vt fundamentum, cui iacendo hanc diuifionem vitiorum rationis, Scioppius commentus eſt, ſubruamus, illi enim totam ſerè Pſeudopoliticorum deſenſionem, & proborum Politicorum repræhenſionem. infelix architectus inædificat. Eſt verò fundamentum iſtud non aliud, quam id vitium Rationis, quod Alienum genere appellat, & dicit eſſe prorſus *heterogeneous*, ſeu diuerſi generis à re, qua tractatur: vt cum quis in phyſicis argumenta affert Mathematica, & in Politicis aut Medicis Theologica, quod vulgò vocant, de genere in genus tranſire. Hinc palmarium illud vti putat, ſuæ cauſæ columen deſumit. Non poſſe Macchiauellum, eiufdemq; farinae ac mentis homines culpari,

Alienum genere, ſeu tranſitus de genere in genus, Scioppii fundamentum.

quod non ex principijs Ethicis, Christianis & Theologicis, nec secundum illa, de rebus Politicis differant ac statuant, cum hæc sint diuersi generis & à Politico instituto aliena: sed reprehendi debere ob Logicæ imperitiâ & Apœdeusiam eos, qui scriptores eiusmodi reprehendunt, quod aliena non tractent, & nolint aduersus Logicam scilicet, peccare.

*Sublimiorū
scientia-
rum prae-
cepta, à Poli-
ticis aliena
putat.*

Hinc sapius Analyticiæ inscitiam obiecit, & in admonitione Lectoris ait, *Alienas quoque esse Politicorum praeceptorum rationes, quamuis veras, quamuis utiles, si ad sublimiores scientias pertineant, neque πεπαιδευμένων, seu pœdiâ prœdicitum existimatum, iri. qui eas vel ipse ad disputandum aduocare, vel ab aliis exigere fuerit ausus.* Sub finem verò, postquam dixit, quâ ratione Theologus & Politicus de pietatis utilitate præcipere debeat, cum stomacho subdit: *non alterum alterius fines debere inuadere, nisi suspicionem mouere velint, se cum Rationem nobis à Deo datam, tum Rationis Arcem à Philosophis inuentam & traditam nihilifacere, eaque inuitâ, nullo discrimine, quiduis quouis loco inculcare velle; quibus similia in ipsâ Pœdiâ occinuit.* Unde manifestè apparet, hoc illi vnicè propositum

situm esse, vt persuadeat virtutis, Christiana-
 naq; pietatis doctrinam à Politicâ penitus
 alienam iudicari debere, eosq; qui inde
 principia aut argumenta in consilijs &
 præceptis Politicis accersunt, *contra quâ-
 ratio à Deo nobis data dicitur, scientiarum
 artiumq; fines tollere, & apædenda, con-
 fusioni, tandemq; obscuritati, & ignoran-
 tia viam munire, vt infra loquitur. Qui*
 Scioppij sensus ac error pestilentissimus,
 virtutis ac veræ Politicæ iugulum petit, tan-
 toq; minus tolerari potest, quanto spe-
 ciosius Aristotelis autoritate, rectaq; Ra-
 tionis regulâ palliatur: vt adeò necesse sit
 Aristotelis mentem, rei q; veritatem de
 alienis principijs, seu *vicioso transitu à ge-
 nere in genus, paucis aperire.*

*Scioppij
 sensus, &
 error pesti-
 lentis.*

§. VII.

*Singulis rebus tum naturalibus, tum moralibus,
 quadam propria esse, quadam cum aliis commu-
 nis; his explicandis & probandis, non nisi com-
 munita principia, ex communi aut su-
 periori facultate convenire.*

DVplex est genus eorum, quæ ijs re-
 bus, de quibus in scientijs & artibus
 differitur, propria sunt. Aliqua nulli alte-
 ri conveniunt, sed ad specificam uti loqui-
 mur,

*Quadam
 rebus singu-
 lis propria,
 quadam
 communia.*

mur, rei naturam pertinent; quo pacto corpori naturali proprium est componi ex materiâ & formâ, mixto ex quatuor elementis, & homini esse rationalem.

Alia cõmunia sunt, vel rebus omnibus, vt esse ens, vnum, bonum, verum, vel pluribus aut paucioribus, vt esse substantiam, viuens, sensitivum. Quod idem cernitur in moralibus. Nam cum vita omnis uel priuatim, vel publicè in Republicâ degatur, quæ pro se quisq; & cum familiâ agit, vel agere debet moribus priuatis: quæ in Republicâ seu parendo seu imparendo gerenda sunt, vitæ publicæ seu politicæ peculiaria dicimus. Præter quæ alia sunt vtrisq; communia, vt esse licitum, illicitum, honestum, inhonestum, Dei, naturæ, hominum legibus, veræ Religionis ac pietati consonum vel aduersum, salutis item ac rationibus æternis, vel temporalibus absque æternarum dispendio, proficuum vel noxium, aliâq; similia; quæ non minus rebus moralibus propria & cõnexa sunt, quàm naturalibus esse vnum vel multa, idem vel diuersum, totum vel partem, substantiam vel accidens, corpus aut Spiritum, corruptibile vel incorruptibile, simplex vel compositum, aliâq; eiusmodi;

Idem cernitur in moralibus.

modi; quæ vel omnibus rerum generibus, vel pluribus communia simul & propria sunt. Neque enim communitas omnem proprietatem tollit, cum eiusmodi attributa in ipsis rerum essentijs aut naturis includantur, aut inde consequantur. Non potest autem à re alienum esse, quod naturæ ipsius intimum, aut coniunctum est.

Ex quâ verissimâ doctrinâ aliqua consequuntur, in quibus rei cardo vertitur.

1. Non posse rei alicuius naturam perfectè intelligi, nisi ea etiam, quæ cum alijs ipsi communia sunt, intelligantur. Ut igitur hominis naturam penitus cognoscas, non solum scias oportet, esse rationalem, verum etiam animal, corpus, substantiam, ens, vnum, non simplex, sed ex pluribus compositum, &c.

2. Hæc talia non posse demonstrari, neque perfectè intelligi, nisi ex principijs superioribus aut communibus, quæ ex scientiâ aliquâ vniuersali, aut superiori, aut certè eiusdem scientiæ parte magis generali deriuantur. Sic sensus hominis non possunt explicari ex ijs, quæ tractantur de animâ rationali, sed ex tractatu de animâ sensitivâ peti debent. Cognitio verò substantian-

*Communiō
cognitio
necessaria.*

*Ex scientiâ
communi-
bus pelen-
da.*

stantiæ, entis, vnius, simplicis, compositi & similium, ex Metaphysicâ pendet: cuius conclusiones in scientijs inferioribus assumuntur pro principijs; quæ sub hâc ratione non aliena, sed propria censeridebent.

Propria, ex propriis explicanda.

3. Ea quæ ita propria sunt, vt rei secundum specificam naturam conueniant, adeoq; nulli alteri naturæ sint communia, non nisi ex causis ac principijs tali naturæ, seu speciei proprijs explicari, vel probari posse. Quo pacto hominem esse risibilem, non probatur inde, quod sit ens, substantia, corpus, animal, sed ex eo, quia est ratione præditus. Hoc sensu Aristoteles. 1. Rhet. c. 2. ea propria argumenta vocat, quæ ex propositionibus de particulari specie aut genere fiunt. Sic de rebus physicis sunt aliqua propositiones, ex quibus neq; Enthymema, neq; Syllogismus fit de rebus Ethicis; & de his alie sunt, ex quibus non fit de physicis. Similiter verò res habet in omnibus.

Aliena non usurpanda.

4. Nonnunquam esse plures causas ac principia eiusdem rei, quæ ad diversas scientias ac facultates pertinent: adeoq; vitiosum esse, si vna scientia alterius principia usurpet. Sic Ebrietatem & Luxuriam esse

esse vitandam probat Theologus ex lege diuinâ, Philosophus moralis ex lege naturæ, Medicus ex lege sanitatis. Quod si alter alterius fines inuadat, officium suum eâ ratione non faciunt.

Ex his, quæ ita perspicua sunt, vt non sit ambigendi locus, rei veritas & mens Aristotelis de *transitu ab vno genere in aliud*. siue de vnâ scientiâ ad aliam, planè ac plenè intelligitur. Nam eius l. 1. *posteri. Analit. c. 7.* doctrina hæc est: *Non posse eum, qui ex alio genere transi, demonstrare, vt Arithmeticum Geometrica, si per argumentum Arithmeticum, velit probare conclusionem Geometricam; & Geometrica non licere demonstrare, quod contrarium vnâ sit scientia, cum id pertineat ad metaphysicam; sed nec quod duo cubi, cum hoc sit Arithmetica, neq; alij scientia, quod alterius.* Quæ rectissime verissimeq; intelliguntur, de ijs quæ alicui naturæ, aut cuiusvis scientiæ obiecto ita propria sunt, ut cum alijs non sint communia. Hæc namq; non nisi per propria principia eiusdem obiecti, ac scientiæ demonstrantur. Sic corpus naturale esse mobile, diuisibile, in loco, non nisi proprijs Physicæ principijs ostendi potest.

Mens Aristotelis de transitu à genere in genus.

Ex.

Excipit scientias subalternas.

Excipit Aristoteles eas scientias, quas subalternas vocamus, quæ ita se habent mutuo, ut una sit sub alterâ, veluti perspectiua ad Geometricam, Musica ad Arithmeticam. Cum enim eiusmodi scientiæ idem subiectum, solo aliquo accidente diuersum habeant, ut Perspectiua lineam visualem, Musica numerum sonorum: fit ut aliqua, sibi licet peculiaria, per principia scientiarum subalternantium, demonstrare possint. In alijs verò scientijs, Aristoteles vniuersim pronuntiat, non posse, quæ communia non sunt, per communia, aut propria alterius scientiæ principia probari, quod ipsum nos supra diximus.

Communia ex communibus demonstranda docet Aristoteles.

Communia autem per communia principia rectè demonstrari, non solum non negat Aristoteles, verum etiam clarè affirmat c. 8. sunt autem ait, quibus utuntur in demonstratiuis scientiis alia quidem (principia) propria cuiusvis scientiæ, alia communia. Communia verò secundum proportionem, quoad utile est generi, quod subest scientiæ, siue obiecto illius intelligendo. Propria quidem, veluti lineam esse talem, & rectum; Communia autem, ut si æqualia ab æqualibus demas, æqualia esse reliqua. Quo principio utuntur Geometra & Arithmetici

ticus, alijq; in suâ quique materiâ. Et sub finem capitis: *Communicant autem, inquit, omnes scientia sibi inuicem. Communia vero dico, quibus utuntur, tanquam ex his demonstrantes. Sed non ea, de quibus demonstrant, nec quod demonstrant.* Sensus *Communibus principiis utuntur omnes scientia.* est, omnes scientias communicare in principiis scientiarum generalium, quales sunt Metaphysica & Logica; non autem in subiectis, de quibus demonstrant, nec in conclusionem, quam demonstrant. Et si enim, prædicatum sit commune, à subiecto tamen particulari ad particularem scientiam restringitur; ut si probes ex principio supra posito, ablatis duobus binarijs à duobus numeris æqualibus, numeros qui remanent esse æquales, dubium non est conclusionem esse propriam Arithmeticæ, etsi prædicatum sit commune alijs scientijs.

Non ergo vitiosus, sed necessarius hic est transitus à scientiâ inferiori ad superiorem, cum inde petuntur vel principia communia pro communibus attributis, vel comunissima pro omnibus, qualia teste Aristotele *l. c.* sunt ista duo: *Non potest idem de eodem simul affirmari & negari, & De quolibet vera est affirmatio, vel negatio.* *Hic transitus non est vitiosus.*

C quibus

quibus veritas omnium scientiarum & demonstrationum nititur, vt non imperito illarum ostia appellentur.

Quis transitus sit viciosus.

Quare tum solùm viciosus transitus est, cum ab aliquâ scientiâ particulari non subalternâ, vsurpantur principia aut probantur conclusiones alterius scientiæ particularis. Aut cum principia & attributa communia nimium accumulatur, ac plus quàm necessarium aut vtile est ad cognitionem obiecti, quæ legitimi transitus, seu potius vsus principiorum communium, mensura est, secundùm Aristotelem *l. c. & 3. met. c. 3. t. 7.* Aut cum scientia superior assumit principia inferioris. Aut denique, cum in scientiâ inferiori examinantur & demonstrantur principia seu communia, seu propria.

Quod de proprijs, adeoq; multò magis de communibus docet Aristoteles *c. 7.* asserens *non esse cuiusvis propria principia demonstrare; sunt enim illa, quæ demonstrantur, principia omnium, & scientia illorum domina omnium*, Metaphysica nimirum, & si quæ alia scientia est ipsi similis.

Non est scientia particularis, principia communia examinare.

Vt enim proprium est scientiarum particularium, communia pro principijs adhibere, siue ex illis concludere: ità maxi-

me

mè alienum est ea examinare & probare, siue de illis concludere, cum tanquam certa supponenda sint.

§. VIII.

Cum Politica sit ars rectè imperandi & parendi, necessariò eam vti principijs moralibus & Christianis.

ATque ex his apparet, quantà Logicæ imperitiâ, & quàm falsò Scioppius generatim affirmet *transitum de genere in genus* esse vitiosum, ac vitio alieni peccare, qui in Physicis argumenta affert Mathematica, & in Politicis aut Medicis Theologica, aut Christiana, aut Ethica: quæ tria eodem loco illum habere inferius patebit. Nam Physica imprimis etsi non vtatur argumentis Mathematicis, Mathematica tamen, rectè vtitur Physicis. Est enim Physica respectu disciplinarum Mathematicarum scientia communis seu superior, quatenus continui, & indiuisibilium naturam explicando, necessaria Mathematicis principia suppeditat. Quibus cum vtuntur, non quod Alienum, sed quod Proprium & necessarium est faciunt, suoq; calculo, etiàm hîc Scioppium falsum dixisse comprobant. Diuersa est Medicinæ ratio; hæc enim per se ad sanitatem corpo-

Scioppius non rectè generatim transitum de genere in genus demonstrat.

*Medicina
corporis sa-
nitatem
spectat.*

ris tota refertur, ideoq; non sine vitio ad eas disciplinas transit, quæ salutem animæ & mores curant. Cum nihil ijs commune habeat, nec inde dependeat. nisi per accidens; quando probus medicus artis suæ vsum refert ad virtutem, charitatis præsertim, aut misericordiæ. Vel quando ea medicamenta omittit, quæ corporis quidem saluti proficua, sed animæ noxia esse intelligit; contrà quàm aliquando faciūt, qui vt corpori medeantur, animam perdunt aut corrumpunt.

*Politica ad
virtutem
tota refer-
tur.*

At verò Politica est ars imperandi & parendi in Societate civili, secundum regulam reformationis, ideoq; ad virtutem tota refertur, vt paulo post dicemus; non ergo alienum sed necessarium est eam vti principijs & argumentis ex Philosophiâ morali, & vel maximè Theologiâ, seu disciplinâ Christianâ petitis. Nam vt prima Metaphysicæ principia: *Impossibile est idem simul esse & non esse; Quodlibet est, vel non est*, sunt omnium scientiarum fundamenta, ita hæc principia moralia ac Christiana: *Bonum est faciendum, malum fugiendum; Deus remunerator est virtutum, vindex vitiorum; Fini ultimo, qui est salus & beatitudo aterna, nihil præferri debet;*

*Necessario
virtutem Ethicâ & Theo-
logiâ.*

sunt.

sunt vitæ humanæ seu priuatæ , seu publicæ, omniumq; actionum humanarum primæ regulæ, à quibus nec Politicæ, nec Politicis aberrare licet.

Quare si rectè Aristoteles Metaphysicam scientiarum omnium Dominam, appellauit, eodem potiori; iure, Disciplinæ Christianæ, cuius Theologia interpret est, & ancilla Moralis Philosophia, Dominæ appellatio & prærogatiua, in moribus actionibusq; humanis debetur. Cuius Dominæ iussa nisi capessunt, nec Domini, nec subditi officium suum faciunt.

*Theologia
scientiarum
Dominæ.*

Neque dicas disciplinam Christianam, sublimiorem esse & sacratiorē, quàm vt à Politicis attingi debeat. Non dedignantur Domini infimorum etiam seruulorū obsequia, sed exigunt; & vt exigere possint, volunt nutus suos obseruari, & mandata accipi non discuti, impleri non violari. Hoc animo nisi erga disciplinam Christianam sint Politici, veræ Politicæ rationem ignorant. Intulit Fides Christiana nouam

*Fides Chri-
stiana sci-
entias illu-
strauit.*

C 3 loco,

loco, ac totum in qualibet parte posse existere; posse aliquid ex nihilo fieri; neque mundum extitisse ab æterno. Hæc ex Myſterijs SS. Trinitatis, Incarnationis, Eucharistiæ, Creationis, alijsq; deprehensa à Theologis, in principia reuerenter assumunt Philosophi, & ex ijs tum veterum errores corrigunt, tum multa utilia concludunt.

*Eidem mo-
res confor-
met Politi-
ca.*

Vt igitur Metaphysica, Physica, Logica, doctrinam suam in obsequium Fidei Christianæ redigunt, sic eidem mores conformet Politica; & vnde illæ sumunt regulam veritatis, inde accipiat præcepta virtutis. Nec de illis disputet, sed ex illis & secundum illa consilia capiat: ac tam Principum imperia, quàm subditorum obsequia componat. Non potest aliena esse, à Philosophiâ moralit, (quam aut totam, aut nobiliorem eius partem occupat Politica) disciplina Christiana, utpote suprema ac necessaria morum regula. Quare facessat Scioppius, quidum quæ propria sunt, de crimine alieni infamat, veræ Politicæ fundamenta euerit, & fontes obturat, & ostia, quæ iustitia & probitas intrare debent, veluti obiecto vecte occludat.

Huic

Huic consilio factoque suo, ut malus ianitor æqui bonique speciem & Autoritatem conciliet, in *Admonitione Lectoris* Aristotelem in partes trahere laborat; atque ex eius scilicet mente, Pseudopoliticorum æquissimis censoribus dicam scribit: illisque ex Græco Philosophi textu apocryphæ calumniam impingit, sibi autem & Pseudopoliticis, nescio quam Pœdiam Græcâ Fide arrogat. Quod ut intelligi possit, totam eam admonitionem iacere placet. Etsi enim causæ nostræ nihil officeret, si vel maximè de Pœdiâ Aristoteles doceret, quod ipsi Scioppius affingit, operæ pretium tamen est Grammatici huius imperitiam, quâ erudito orbitam audacter illudit, detegere. Neque alio loco commodius facere id potuimus, quàm isto, post explicationem *transitus de genere in genus*, quæ res est vnicum malè feriat. Admonitoris

*Scioppii
Admonitio
ad Lecto-
rem Vanæ
& fallax.*

negotium.

❧ (o) ❧



§. IX.

*SUPPETIAE. Lectoris Admonitio, quam
Scioppius Pædia sua pramittit, & probet ex Ari-
stotele, Pædiam esse facultatem iudicandi ex
Analyticis, quid res proprium, quid
ab ea alienum sit.*

*Reus dictum
scribit ex
Aristotele,
quem non
intelligit.*

Quo minus novum aut mirum tibi accidat
Lector benevole, quod multis Politico-
rum Censoribus Apædeusiæ dicam scribo, ipsū
Aristotelem Ethicorum Eudem l. 1. c. 6. prius à
te velim consuli. Ibi enim duo quædam inue-
nies, quæ non in illorum magis temporum æ-
quales, quàm in homines ætatis nostræ dicta vi-
deantur. Primum ait, quibusdam, qui de Poli-
ticis rebus differant, non parum sæpe usu veni-
re, vt in medium afferant ἀλλοτρίους λόγους τῆς
πραγματείας, καὶ κενούς, id est, rationes à ne-
gotio proposito alienas, atq; inanes. Deinde con-
tingere non rarò, vt homines usu periti, & in
rebus agendis versati ab alijs disputando vin-
cantur, qui artem ipsam civilem, siue Politi-
cam, non didicerint.

Vtriusq; verò rei causam eorum, qui vin-
cuntur aut aliena afferunt, apædeusiæ assignat,
quæ quid sit totidem verbis mox declarat: Α-
παδευσία ἐστὶ περὶ ἕκαστον πρᾶγμα, τὸ μὴ
δύνασθαι κρίνειν τὰς τοῦ αἰετοῦ λόγους τῶ πρᾶγ-
ματος, καὶ τὰς ἀλλοτρίους.

Id est, Ignoratio Pædia est, non posse iudicare
in ÷naquaq; re, quæ rationes propria, quæ aliena
afferantur. Atq; hinc intelligi potest, vt quis
recte de Politicis differat, nequaquam satis esse.

si vel

si vel multo studio, vel hominum rerumq; usu Politicam didicerit; sed hoc amplius requiri, vt sit πεπαιδευμένος, siue Pædiâ instructus.

Quod ipsum 3. Politic. c. 2. vel 11. in hunc modum affirmat: ἰατρὸς ὅτι δημικὸς, καὶ ὁ ἀρχιτεκτονικὸς, καὶ τέλος ὁ πεπαιδευμένος, περὶ τὴν τέχνην. εἰσὶ γάρ πινες τοῖς τοι περὶ πᾶσας, ὥς εἰπὲν αἱ τέχναι. Ἀποδίδομεν δὲ τὸ κρεῖν ἐκεῖν ἢ τὸν τοῖς πεπαιδευμένοις, ἢ τοῖς εἰδόσιν.

In his verbis sædè interpretes allucinantur, existimantes πεπαιδευμένον περὶ τὴν τέχνην, esse usu peritum artis, siue qui a pueritiâ expertus sit circa artem; cum reuera is sit, qui ex Analyticis didicerit, quid in arte rectè secusue tradatur, quid proprium sit siue homogeneous, quid heterogeneous siue alienum. Alius nempe Medicinam facit siue exercet, nesciens quare hoc aut illud faciat, qui est velut opifex, siue usu peritus, aut empiricus. Alius artem medendi scit, vt causam possit reddere, cur quidque faciendum sit, qui velut Architectus præest operi. Alius deniq; quamuis nec usum, nec scientiam medendi habeat, nouit tamen quid malè aut bene ab eo dicatur, qui Medicinam docet, vel de illâ disserit, qui est πεπαιδευμένος in arte Medicâ, sicut alij in alijs artibus; nonnulli quodammodo in omnibus. Rectè igitur Princeps Peripateticorum Nunnescius, in Physicarum institutionum præfatione, vbi accuratissimè, nec minus eleganter, de Pædiâ dislerit, sic Aristotelis verba conuertit: *Medicus est & Fa-*

*Interpretes
Aristotelis
iniquè re-
prehendit.*

ber, & Architectus, & tertius, qui Pædiam tenet artis. Sunt enim tales in omni propè arte peritia quibus tam concedimus iudicare de artibus, quàm iis, qui scientiam tenent.

Gaza im-
merito εν-
ρατιμ.

Idem ipsum Philosophus de scientiâ & Pædiâ principio l. 1. de partibus Animalium docet, sed quid sibi velit propter locum infeliciter Latinè à Theodoro Gazâ redditum, parum multi percipiunt. Verba eius sunt: Περι πάσαν θεωρίαν καὶ μέθον, ὁμοίως τα πεινωτέραν τε καὶ τιμωτέραν, δύο φαίνονται τρόποι τῆς ἐξεως εἶναι ὡν πλὴν μὲν ἐπισήμην τῶ πρῶτον καλῶς ἔχει θεωρητέον, τὴν οὖτον παιδείαν πνα. Πεπαιδευμένον γὰρ ἐστὶ κατὰ τὸν τρόπον τῆς ἐξεως δύνασθαι κρίνειν εὐστόχως, τί καλῶς, ἢ μὴ καλῶς ἀποδίδωσιν ὁ λέγων.

Putat Gaza; Pædiam esse Peritiam, siue notitiam ex usu, cum sit τρόπος τῆς μεθόδου, velut ipse docet Aristoteles in extremo eiusdem l. 1. id est ratio, modus, viâq; tractandi, ut ibi rectè ipse Gaza interpretatur; quam aliter Aristoteles in calce primi Metaphysici minoris, τρόπον ἐπισήμης, id est Scientiæ modum appellat. Proinde nec πεπαιδευμένος, est probè peritus, ut Gaza vertit, sed Analyticus, siue Pædiâ instructus, qui novit, quâ viâ ac modo artes & disciplinæ tradi debeant.

Tandem malè Gazâ Methodum interpreta-
tur viam & rationem docendi, quasi eadem esset
et Pædia, cum Aristoteli solenne sit eâ voce uti
pro cognitione, arte, scientiâ; quod & inter-
pres

pres eius Alexander in primo Topicorum testatur. Locum igitur totum rectius sic conuerterimus: *In omni contemplatione & disciplinâ, tam nobiliori quam ignobiliori, duos esse habitus apparet, quorum alterum rei scientiam, alterum Pædiam quandam seu tractandi modum, rectè quis appellauerit. Eius enim, qui Pædiam habet, munus est posse scieret iudicare, quid rectè, aut quid non rectè explicet is, qui dicit.*

Iam cum Pædiâ sit rei ad tractandum propositæ οἰκία, siue sua ac propria, Apocedeusiæ vicissim ἀλλότρια, siue aliena in medium, afferre, non illum modo ἀπαδέυτως, id est nulla Pædiâ, nulloq; delectu disserere Aristoteles insinuat, qui ea quæ Loco, sed etiam qui quæ Genere aliena sunt, tractat. De ijs, quæ Loco aliena sunt, totus l. 1. de partibus animalium argumento fuerit; cum inconstituenda eius tractationis Pædiâ hoc potissimum consilio occupetur, ne sæpius eadem iterare, siue de ijsdem rebus pluribus locis disserere sit necessitas. Itaq; vt suo quicque loco diceretur, hunc Physiologiæ limitem siue terminum, id est methodi præceptum fixit, vt à generalioribus ad specialiora fiat progressus. Sic enim fit, vt quæ in Generis tractatione diximus, posterius in explicandis eius formis siue speciebus, iterare minime necesse habeamus.

Quæ Genere sunt aliena siue alterius Generis, vel ad ipsum artis aut disciplinæ subiectum pertinent, vel ad instrumenta, quorum in subiecto quoq; tractando, usus est. Itaq; in 3. met. 3.

*De Pædiâ
& Apocedeusiâ
hic vane
nugatur
Grammaticus.*

qui

*Analytica
Pædiam
falsò assigna-
tur.*

quibusdam Philosophis, vt ignorarent quid Physico, quid primo Philosopho, seu Metaphysico subiectum sit, διὰ τὴν ἀπαίδευσιν τῶν ἀναλυτικῶν, propter Analyticorum Pædiæ inscitiam vsu venissè affirmat; nec minus Rhetoribus, vt se pro Politicis venditarent, in 1. Rhetor. 2. Quoniam scilicet fines Artium Politicæ & Rhetoricæ, siue quid vtriq; earum proprium, quid alienum esset, ex Analyticis iudicare non didicerint. Illa enim docent Pædiam, id est artis cuiusq; tractandi modum & viam, cuius inter prima præcepta est, vt demonstrationes sint propriæ, non alienæ; neu de genere ad genus fiat transitus. Quod præceptum à Pythagorâ neglectum fuisse in principio Magnorum Moralium queritur, ὅτι τὰς ἀρετὰς εἰς τὰς ἀριθμὸς ἀγαγόν, ἐκ οἰκείαν τῶν ἀρετῶν τὴν θεωρίαν ἐποιήσατο; quoniam virtutes ad numeros referens, nequaquam eâ inquirendi & sui fuerit ratione, qua esset virtuti suæ, aut propriæ.

Eiusdem culpæ statim reum agit Platonem, partim quod virtutem cum tractatione eius, quod per se bonum est, miscuerit, partim quod cum de humano bono dicere instituisset, de Deorum bono egerit. Rationem sic reddit: καὶ γὰρ οἰκεῖον, non enim hoc ei disputationi proprium, sed alienum est, ὃ δὲν γὰρ τῷ τῷ καὶ κείνῳ κοινόν, non enim huic & illi quicquam commune est. ὑπερὶ τούτων καὶ ἄλλος λόγος, καὶ ἄλλοι λόγοι ἢ σκέψις, super illos alterius loci sermo, & aliena eius est consideratio. Eandem Apæ-
deu-

deusiæ, notam 3. met. 4. Philosophis illis inurit, qui omnium principia, cum certa sint, & probationem habeant nullam, probare nihilominus conantur. ἐστὶν γὰρ ἀπαίδευσία, τὸ μὴ γινώσκειν, τίνων δὲ ζητεῖν ἀπὸ διζῖν, καὶ τίνων ἔδεῖ. Est enim *Paedia* inscitia, nescire, quorum oporteat quætere demonstrationem, quorum vero non oporteat. Id ipsum habet argumenti, quod principio 4. Politic. Platonem multa quidem præclara de optimâ Republicâ scribere, ab utilitate tamen aberrare insinuat.

Nam Politica est utilitatis publicæ scientia, siue eorum, quibus uti possumus ad condendum tuendumq; statum. Quorum ergo nullus eam ad rem usus est, sunt censenda Aliena, neq; sine *Apœdeusiâ* in scholâ Politicâ tractari possunt. Alienæ quoq; sunt Politicorum Præceptorum rationes, quamuis veræ, quamuis utiles, si ad sublimiores scientias pertineant; neq; πεπαδευμένος, seu pædiâ præditus existimabitur, qui eas vel ipse ad disputandum aduocare, vel ab alijs exigere fuerit ausus. Hoc in principio Ethicorum Nicomachiorum Aristoteles his verbis perspicuè docet: Πέπαδευμένος, id est, *cuius pædiâ didicisti, munus est eatenus exactam in quoquoq; genere explicationem requirere, quatenus pati res ipsius natura potest. Simile enim vitium videtur, Mathematicum verisimilibus contentem approbare, & ab Oratore demonstrationes exigere.*

Atq; ex istis Aristotelis autoritatibus exploratò iudicari potest, quatenus de Principis pietate

*Politicam
sublimiorū
scientiarum
principiū
malignè
spoliat.*

*Falsa & non
ita plura
conglobat.*

rate in acroasi politicâ præcipi debeat. Cum enim pietas iustitiæ species sit, iustitiâ verò Philosophiæ morali subijciatur, non est dubium Principi à parentibus, & domesticis morum magistris, veram pietatem accuratè instillari debere. Rursus cum eadem sit inter causas administras, siue instrumenta salutis animæ, eius tractatio ad Theologiam pertinet, adeoque Theologi, eiusq; qui verbum Dei prædicat, officium est Principem ad pietatem inflammare. Politicus & ipse Pietatem ei præscribit, non aliter tamen, quàm quia sit ad conseruandum statum utilis. Nam finis artis cuiusq; vel disciplinæ, omnium adiumentorum, siue Instrumentorum (vulgo mediorum) ad finem idoneorum mensura, seu norma est. Quicquid ergo in Politicâ præcipitur, nisi vim habeat efficiendi finem eius, qui est status cōseruatio, nequaquam *οἰκεῖον*, siue proprium, sed alienum meritò perhibetur. Pietas igitur cum ingentes ad tuendum statum vires habeat, omnino à Politico præcipi debet.

Sed cum aliam eius vtilitatem ex Theologiâ, siue sacris literis, aliam ex Politicâ vitæq; civilis vsu notam habeamus, Pœdiâ postulat, vt suam vterq; Doctor, non alienam vtilitatem commemoret. Sicut ergo Theologus Principem hortabitur esse pium, vt Deum sibi reddat propitium, eoq; pacto & imperium eius prospere-
retur, & anima salua fiat, quoniam *Deus glorificantes se glorificat.* 1. Reg. 2. & *pietas ad omnia utilis est, promissionem habens vite, qua nunc est, & futura.* 1. Tim. 4. Similiter Politicus Pietatem

tem ante omnia Principi commendabit, quoniam ea hominum animos illi reddat propitios, ut cum cum ament, tum reuereantur, quibus duabus rebus imperium conseruari palam est. Nam qui pius est, Deo reddit debitum, adeoque iustus est, & vir bonus, unde aliorum erga illum existit Amor. Et cum Deus sit iustus, abesse non potest, quin Principem sui amantem & reuerentem redamet, & aduersus inimicos tueatur, unde cum ab hominibus respectari, colique contingit.

*Etiā ius-
tos hostes
Deus per-
mittit.*

Sic inquam & Theologus, & Politicus de Pietatis utilitate præcipere, non alter alterius fines debet inuadere, nisi suspicionem mouere velint, se cum Rationem nobis à Deo datam, tum Rationis artem, diuino beneficio à Philosophis inuentam & traditam nihili facere, eaque inuita nullo discrimine quiduis quouis loco inculcare velle.

Quis dubitet, quin morborum omnium causæ sint peccata? Neque tamen Medicus ἀπ' αὐδευσίας, in dæmoniorum soliditatis iustam effugerit reprehensionem, si de causis Februm disputans, peccati Originalis & Actualis mentionem inferat, eumque qui morbis carere velit, peccata fugere iubeat. Ut enim verissima sit eius disputatio, neque non multiplicem hominibus afferre possit utilitatem, tamen quoniam ἐκ ὁμολίας, non suam aut propriam, sed alienam & heterogeneam esse constat, eam supersedere, nec in alterius artis fines inuadere debuit. Similiter igitur Politicus Pædiæ legibus parere, eaque quæ alterius sunt generis, quamuis verissimè.

*Simile dis-
simile.*

verissima sint & vtilissima, ab Acroasi suâ sub-
mouere debet. Cætera Pœdiz ipsius nostræ
Lectio aperiet. VALE.

§. X.

VINDICIÆ. Admonitionis Scioppia-
na summa.

*Quid prior
Admoni-
tionis pars
contineat.*

HÆc monita sunt Scioppij, quibus ne
fallatur Lector, admonitione & cau-
telâ opus habet. Summa est. In priori par-
te ex Aristotele pugnat, triplicem artifi-
cem esse. Vnus est velut opifex, siue vfu
peritus, aut empiricus, qui nescit, quare
hoc aut illud faciat. Alter itâ artem scit,
vt causam possit reddere, qui velut Archi-
tectus, præst operi, ideoque Archite-
ctonicus dicitur. Tertius deniq; quam-
uis nec vsum, nec scientiam habeat, nouit
tamen, quid artis proprium, aut ab eâ alie-
num sit; quid malè aut bene ab eo dicatur,
qui artem docet, vel de illâ differit. Hunc
ab Aristotele *παιδευμένον*, ipsamq; hanc
facultatem Pœdiam, appellari contendit.

*Quid poste-
rior.*

In posteriori parte negat Pœdiâ præditū
esse, qui Politicorum præceptorum ratio-
nes ad sublimiores scientias, Theolo-
giam nimirum & Ethicam pertinentes af-
fert. Neq; aliam Pietatis vtilitatem vult in
Politicâ commemorari, quàm quod ho-
minum

minum animos Principi reddat propitios, ut eum cum ament, tum reuereantur. Cuius doctrinæ falsitas ex dictis aliquantum patet, & magis deinceps patebit. Nunc hæc parte omisâ Scioppium imperitum & fallacem esse Aristotelis interpretem demonstremus.

§. VI.

Locus ex Libro I. Ethicorum Eudemiorum, à Scioppio falsò, & contra mentem Aristotelis explicari.

Aristoteles lib. I. Ethicor. Eudem. c. 3. non Politicos speciatim, sed vniuersim, eos Philosophos arguit, qui ut Philosophi videantur, cum nihil sciunt, nihil dicere, sed debito modo sapere nesciunt: rationes alienas à re propositâ, & inanes afferentes. Hic enim sensus est verborum illorum: εἰσὶ γὰρ πῆνες, οἱ διὰ τὸ δοκεῖν φιλοσόφους εἶναι, τὸ μὲν δὲν εἰ μὴδὲν, λέγειν, ἀλλὰ μετὰ τῶν πολλοῖς λαλῶντες, λέγοντες ἀποτρέφουσιν τῆς ἀληθείας, καὶ κενῆς. Quæ & sequentia à Scioppio perperam explicari clarum est ex hisce proximis verbis: τὸ δὲ πᾶσι ὅτε μὲν δὲ ἀγνοοιοῦν, ὅτε δὲ ἀλλοτρίαν. ὑφ' ὧν ἀλλοτρίαν συμβαίνει καὶ τῆς ἐμπείρας, δυναμίνους ἀλλοτρίαν ὑπὸ τῶν

Quos Philosophos Aristoteles arguat.

τῶν μὴτ' ἔχόντων, μήτε δυναμένων διάνοιαν ἀρχιτεκτονικὴν ἢ ἀρχιπικὴν. πάρασι δὲ τῷ τοῦ δὲ ἀπαδευσίαν. Quæ ita redduntur: Id verò faciunt, aliquando quidem ex inscitia, aliquando ex superbiâ. Quibus vinci contingit etiam expertos, & ad agendum idoneos ab his, qui nec pradii sunt, nec valent intelligentiâ architectonicâ, aut practicâ. Patiuntur verò id, propter imperitiâ.

Scioppii explicatio refellitur.

Non ergo Aristoteles, ut falsò ait Scioppius, hos qui multo studio, vel rerum hominumq; usu Politicam, aut aliam scientiam didicerunt, apædeusiæ insinulat: sed Philosophici nominis aucupes, qui rationes alienas & inanes proprijs ac solidis destituti, imperitè aut arrogatè accumulanti, & loquuntur cum tacendum esset, ut ex ipsis verbis perspicuum sit. Neq; dicit illos, ab istis disputando, sed ignorantia & arrogantia vinci, non rationibus nimirum, sed clamoribus, & iniquis ardelionum eiusmodi, ipsisq; similium iudicijs: à quibus calumniam homines docti & periti, non ob suam, sed ipsorum apædeusiam & imperitiâ, frequenter patiuntur. Quæ enim ratio patitur hos, qui cum multo studio rerum hominumq; usum coniunxerunt, ab illis reuera vinci, qui Aristote-

le teste

le teste nec præditi sunt, nec valent intelligentiâ architectonicâ, aut practicâ: cum si vincerent, necesse foret alterutro illos valere? Non tanti est Scioppius, vt in illius gratiam credamus Aristotelem tam sibi & veritati contrarium esse; illud potius Aristoteli & veritati dabimus, vt eiusmodi interpretes imperitis, aut arrogantibus Philosophis accenseamus.

§. XII.

Non esse veriore explanationem eius loci, quem affert ex libro 3. Politic. c. 7. vel 11. de triplici artifice, operario, architecto, experto.

NEque vetior est explicatio eius loci, quem ex l. 3. Politic. c. 7. vel. 11. affert. Vbi contendit ab Aristotele per Medicum *δημιουργόν* intelligi empiricum siue expertum in Medicinâ; *πεπραδευμένον* verò eum esse, qui ex *Analyticis* didicerit, quid in arte rectè secusue irradatur, quid proprium sit, siue homogeneum, quid heterogeneum, siue alienum; quiue, licet nec usum, nec scientiam medendi habeat, nouit tamen, quid malè aut bene ab eo dicatur, qui *Medicinam* docet, vel de illâ differit. Verùm Scioppius repugnat imprimis S.

*Medicum
δημιουργόν
& πεπρα-
δευμένον
malè expli-
cat.*

*Repugnat
S. Thomæ.*

Thomæ, qui Aristotelem, his verbis explicat: *Uterius dicit, quod Medicus triplex est. Vnus quidem est, qui non nouit artem, sed ordinata ab alijs, aliquan-qualiter scit applicare ad opus. Alius est artifex principalis, qui nouit simpliciter omnes causas & principia Medicinae. Et tertius est expertus, qui aliquan nouit, sed non simpliciter. Cum igitur dicimus Medicum indicare de eo, quem sanat, intelligimus de Medico secundo & tertio modo. Et sicut circa Medicinam est considerare triplicem Medicum, scilicet practicum, scientem & expertum, sic circa omnes alias artes ferè. Cum autem Scioppius Pædiam suam post Aristotelem, autoritate S. Thomæ præcipuè fulcire laboret, non debuit in ipso statim vestibulo ei repugnare.*

*Et legibus
rectæ diuisionis.*

Sed Aristotelem cum S. Thomâ aduersus hunc Grammaticum sentire, recta quoq; diuisionis ratio ostendit. Cum enim perspicuum sit tria artificum genera à S. Thomâ enumerata, in omnibus ferè artibus spectari, si πεπαιδευμένον Aristoteles vocauit Analiticæ peritum, & δημιουργόν empiricum siue expertum: ergo omisit merum operarium, quales sunt, qui sine vllâ arte, artificum iussa faciunt, vt funes trahen-

trahendo, aut machinas applicando, in architecturâ, alijsq; in alijs artibus. Non autem est mutila Aristotelis doctrina, ergo falsa est Scioppij interpretatio.

Quod vltcrius sequentia Aristotelis verba confirmant, cum asserit nos tribuere iudicium, de artibus non minùs *πειρα-
δευμένοις*, quam *εἰδότες*, siue scientiâ præditis. Vbi Aristoteles non debuit omittere *ἐμπειροῦς*, si iidem sunt qui experti. Nam certum est expertos, de artibus & operibus artificiosis, non minus bene iudicare, quam scientiâ pollentes; quin etiam *expertos magis, quàm eos, qui rationem sine
experientiâ tenent, propositum finem assequi
videmus*, teste ipso Aristotele 1. met. c. 1. Qui 8. Polit. c. 6, censet *unum quid esse ex
ijs, quæ fieri nequeunt, aut difficilia sunt, ut
qui non participant, sine usu addiscunt ope-
ra artis, boni eorum iudices fiant.*

*Refellitur
vltcrius ex
Aristotele,*

Nec ergo Aristoteles in arte expertos *ἐμπειροῦς* hîc appellat, cum inter iudices artis non numeret: nec usu & scientiâ destitutos, scientibus æquat, cum inexper-
tos iudices reiiciat. Quibus Analytica Scioppiana suffragari non potest.

Sicut enim argumenta ex locis cõmunibus ducta, neminem faciunt in vlllo genere

*Communia
particula-
rium scien-*

*Præceptum per
vires non
faciunt.*

peritum, cum circa nullum certum subie-
ctum versentur, vt præclarè docet Aristo-
teles 1. Rhet. c. 2. sub finem; ita præcepta
Analytica, quæ generatim solùm iubent
demonstrationes facere proprias, non alienas,
& vetât de genere transire in genus, nullâ de
particularibus Politicâ, aliarumq; scien-
tiarum obiectis aut limitibus, rectè senti-
endi, aut iudicandi facultatem tribuunt;
nisi particularis scientia aut experientia,
quæ rei sunt propria aperiat. Quibus cog-
nitis tum demum generales regulæ rectè
differendi, in vnaquâq; materiâ adhiben-
dæ sunt. Quo vno argumento ex ipso Ari-
stotele, contra Aristotelem & veritatem,
pugnare Scioppius conuincitur.

§. XIII.

*Neque initium libri 1. de partibus animalium
Scioppio suffragari; his locis παιδείαν ab Αρι-
στοτελε pro ἔξου ἐξ ἐμπειρίας, πεπαιδευμένον
pro experto sumi.*

*Aristotelis
mens hoc
loco.*

NEque l. 1. de partibus animalium c. 1.
Παιδείαν aliter quam pro habitu ex-
perimentalī, & πεπαιδευμένον pro experto
ab Aristotele sumi, eâdem ratione colligi-
mus. Cum enim dicat πεπαιδευμένον posse
iudicari

iudicare perspicaciter, quid rectè aut non rectè tractatis, qui differit, nemo autem ex solis generalibus principijs, rectè iudicet de rebus particularibus, vti dictum est: non ergo Aristoteles peritiam cõmunium præceptorum Analyticæ, sed habitum experimẽtalem Poëdiæ nomine intelligit. Eiusmodi enim habitum præter illum, qui scientia dicitur, in quâuis facultate & disciplinâ rectè constitui, autoritate eiusdem Philosophi planum est. Nam 1. met. c. 1. dicit experientiam scientia ac arti ferè similem esse, & per experientiam scientiam ac artem hominibus prouenire; omnis ergo disciplina his duobus habitibus, scientiæ seu artis, & experientiæ, nititur ac perficitur. Neq; opus est addere tertium pro meris operarijs, nam cum hi non ex arte suâ, sed alienâ artificiosè operentur, artifices quidem aliquo modo, non autem vlllo habitu ad artem spectante præditi dicuntur.

Etsi verò Aristoteles l. 1. de part. animal. methodum illam probet & eligat, quâ à generalioribus ad specialiora fit progressus: nūquam tamen euincet Sciopius, hanc methodi rationem Poëdiam ab eo appellari. Sed figit Aristoteles tractationis suæ terminos methodicos, eosque

*Rationem
Methodi
Poëdiam
non appel-
lat.*

ad faciliorem intelligentiam accommodat, vt tanto facilius is, qui expertus est, de dicendis iudicare possit. Cum adhuc doctrina de partibus animalium, ex eorundem diligentia notitiâ, inspectione, sectione, multisq; adeo & meris ferè experientis dependeat: euidentius est Aristotelem, Pœdiam, quam facultatem rectè iudicandi de doctrinâ aliquâ interpretatur, non nisi expertis attribuire; nec Analyticos Sciopianos, nullâ præterea scientiâ aut experientiâ præditos, meliùs de talibus, quàm cœcos de coloribus iudicare.

*Aristoteles
Verborum
suorum optimus
interpret.
pres.*

Pædia quid.

Optimus deniq; verborum suorum interpretis est ipse Aristoteles, qui vocis derivationem secutus, puerorum quidem educationem seu disciplinam παιδείαν, eosque educare seu instituere, παιδεύειν passim, & præcipuè l. 8. Polit. vocat. Cum verò de adultis eas voces vsurpat, experientiam, siue vsum non incongruè intelligit: nam vt pueri educatione, sic adultiores rerum experientiâ instituuntur. Exemplum clarum est i. Ethic. c. 3. vbi hæc habet: ἕκαστος δὲ κρίνει καλῶς, ἃ γινώσκει, καὶ τῶν ἑστίν ἀγαθὸς κακῆς. καὶ ἕκαστος ἄρα πεπαιδευμένον. ἀπλῶς δὲ, ὁ περὶ πάντων πεπαιδευμένον. Id est: *Quæ autem quisq;*
ποιεῖ,

nonit, de iis rectè iudicat, eorumq; est bonus iudex: singularum quidem rerum, qui in singulis, simpliciter, qui in omnibus est experientus.

Esse verò πεπαιδευμένον idem quod expertum, ipse Aristoteles sequentibus verbis exponit: διὸ τῆς πολιτικῆς ἐκ ἐστὶν οἰκείῃ ἀκροατῆς ὁ νέος, ἀπειρος γὰρ τῶν κατὰ τὸ βίον πράξεων. Id est, Quare Politicus non est idoneus auditor iuuenis; inexpertus enim est actionum humana vita, non Analyticorum, quibus iuvenes in Logicâ imbuuntur. Cum ergo Aristoteles ideo reiiciat iuuenem à Politicâ, quod non sit πεπαιδευμένον, huiusq; causâ assignet inexpertiam, necesse est πεπαιδευμένον hic cum diti, qui rerum actionumq; humanarum experientiam habet. Vnde colligo Poediam quoq; initio l. i. de partibus animalium pro habitu, seu notitiâ experimentalis accipi, debere; eo etiam argumento, quod uti l. i. Ethic. c. 3. ita & hic quosdam dicit, de omnibus rectè iudicare, quosdam de certo genere. Analyticus autem de omnibus quidem generatim rectè iudicat, non item in particulari: nisi particularem scientiam aut experientiam habeat. Non ergo ille ad mentem Aristote-

Πεπαιδευ-
μένον ex-
pertus.

telis est; sed is, quem expertum vocamus.

XIV.

*De alterâ Admonitionis parte, quâ Scioppius ad-
padensis eos damnat, qui in Politicâ rationes ex
sublimioribus scientiis, Theologiâ nempe, &
Philosophiâ morali accerfunt.*

*Pœdia signi-
ficatio ad
summam
rei nil con-
fero.*

SED hæc satis sint, ad Grammatici in-
Aristotele intelligendo, interpretan-
doq; imperitiam coarguendam, qui etsi
hanc de verbis litem obtinuisset, nihil ad
causæ summam id referret. Nam siue Pœ-
dia nomine notitiam experimentalem, si-
ue doctrinæ methodum intelligamus: ni-
hil alienum ab ea faciunt, qui principiis
Christianis & moralibus in Politicâ vtun-
tur ac nituntur. Nos verò post euictio-
nem veræ significationis, à te Amice Le-
ctor hoc petimus, vt Pœdiae titulum Pseu-
dopoliticis & Pseudologicis hisce pagel-
lis, immerito à Scioppio inscriptum esse
pronunties: & inscitæ priorem Admo-
nitionis Scioppianæ partem condemnes.
Neq; de alterâ eius parte, quâ pietatis iu-
stitiæq; principia Politicis eripit, mitius
censebis, vbi totas Vindicias perlegeris.
Hic obiter ista aduerte.

1. Pietatem & iustitiam perperam à Po-
fiti-

liticâ ad Philosophiam moralem ablegari, cum Politica aut totam Philosophiam moralem, aut nobiliorem eius partem complectatur, vt infra dicemus. Aristoteles certè 5. Ethic. c. 6. *Ius Politicum seu civile, ius simpliciter*, reliqua autem, *iura secundum quid* vocat, & 3. Politic. c. 8. *bonum civile esse iustum ipsum*, pronunciat; quare ex mente Aristotelis Scioppius Politicæ prædo censeridebet, cum illam bono suo spoliet.

2. Etsi verum sit à Politico Pietatem, *Quis Verè non aliter præscribi, quam quia, sit ad con-* *sic Status.* *seruandum Statum utilis*, qui tamen re, non nomine Status est, cælum & repositam ibi nobis salutem, velut finem vltimum, erectus respicit: nec quæ ei contraria sunt admittit, Ideoq; conseruatio Status, non à bonis dumtaxat fortunæ, seu externis, vt falsò autumat Scioppius: sed multò magis à vigore iustitiæ aliarumque virtutum, religionis præcipuè, dependet. Neq; norma ac mensura mediorum Politicorum, est incolumitas Status quæcunq; sed à rectâ ratione & virtute profecta.

3. Falsum est eam vnâ esse Pietatis vtilitatem in Politicâ, quod amorem & reuerentiam conciliet. Nam vtilitas Pietatis

*Prosperitas
Reipub. ad
Politicam
spectat.*

tatis generalis est, imperium prosperare. Malè ergo eam in Theologiâ solum commemorari vult Scioppius, cum ad Politicam nihil tam pertineat, quàm prosperitas Reipublicæ aut principatus. Deinde victoria & tutela aduersus hostes, aut rebelles subditos, diuinitus pijs Principibus concessa, non ex amore & reuerentiâ oritur: sed inter alias, ab his diuersas pietatis vtilitates referri debet. Malè ergo Scioppius præcipuas pietatis vtilitates omisit, aut exclusit, vt deinceps manifestius erit.

§. XV.

SVPPETIÆ. Scioppius Instrumenta Logica assignat.

*Scioppiana
Logica In-
strumenta
Inuentio &
Dispositio.*

Postremò instrumenta artis ea sunt, quorum adiumento, siue ope, præstat artifex, quæ sui sunt officij. Et Logicæ quidem Instrumenta sunt *Inuentio* & *Dispositio*, sicut Rhetoricæ propria, *Elocutio* & *Actio*. Inuentio est ratio exco- gitandi argumenti ad quæstionem tractandam, id est vel explicandam, vel probandam. Dispositio verò est apta inuentorum collocatio, cuius tres sunt species, Enuntiatio, siue Axioma, Argumentatio & Methodus. Cum enim argumentum explicans collocatur cum quæstione, vel themate simplici: vocatur *Enuntiatio*, aut *Propositio*; in quâ thema simplex est id, de quo argu-

argumentum dicitur, argumentum verò explicans est id, quod de themate dicitur; vt si dicam, *Virtus est habitus: Virtus est* quæstio, siue thema simplex, *habitus* est argumentum explicans. Cum verò argumentum probans, collocatur cum themate coniuncto, dicitur Argumentatio, vt si dicam, *Virtus est habitus, cum crebris actionibus acquiratur.*

Argumentatio

Cum deniq; certâ ratione alia argumenta, & argumentationes priore, alia posteriore loco collocantur, dicitur *Methodus*. Verbi gratiâ. Inueni virtutis definitionem, diuisionem, causas, effecta, adiuncta, partes, consentanea, dissentanea: Sed aliud horum prius, aliud posterius colloco, quoniam eius rei certas habeo causas; nimirum aut veritatem, vt natura thematis rectè cognoscatur (quæ *Methodus doctrina* vocatur) aut personas, tempora, loca, aliasq; rerum appendices, siue attributiones, aut circumstantias, quæ iam *Prudentia est Methodus.*

Methodus

§. XVI.

VINDICIÆ. Inventionem & Dispositionem instrumenta Logica non rectè statui, neq; Rhetorica solam Actionem, & Elocutionem.

ERrat Scioppius & secum pugnat, cum Inventionem & Dispositionem pro instrumentis Logicæ assignat. Instrumenta enim esse ait, quorum adiumento, sine ope præstat artifex, quæ sui sunt officij; atqui

Scioppium
secum pugnat.

qui supra dixit *Officium artis, esse opus extremum; quod ab artifice prestari oportet, quodq; si facit, non habet ultra quod faciat, alioqui enim extremum non est.* Logica autem *Officium esse censuit, dirigere & rectificare mentis actiones, siue operationes*, inter quas & hæc, & ibi numerat Inventionem ac Dispositionem. Unde ex ipso contra ipsum ita concludo. Quæ diriguntur & rectificantur per artem, non sunt instrumenta artis; inventionem & dispositionem Logica ex Officio per præcepta sua dirigit & rectificat; pertinent ergo ad materiam & finem, non ad instrumenta artis. Horum enim per se non est dirigi nec rectificari, sed adiumento esse ad directionem & rectificationem.

*Instrumenta
Logica
eadem cum
præceptis.*

Si dicas non inventionem & dispositionem, sed inveniendi & disponendi præcepta, ab eo intelligi: primum ratio loquendi est incongrua. Deinde apparet quod initio dixi, illa quatuor non rectè in Logicâ distingui. Instrumenta enim Logicæ diuersa non sunt à præceptis, quorum operationes mentis dirigit & rectificat, adeoq; *Officium suum præstat: quod instrumentis artis proprium esse ipse Scioppius definiuit.*

Cui

Cui Grammatico in assignandis Rhetoricæ quoque instrumentis, Elocutione & Actione, Clarissimus Rhetor Quintilianus fortè litem moueret, si audiretur. Nam in l. 12. Instit. c. 5. inter Oratoris instrumenta, refert quidem etiam *verborum figuramq; facilem copiam, & actionis gratiam*, verùm initio capituli ità ait: *Hæc sunt, quæ merè diciturum promiseram instrumenta non artis, ut quidam putauerunt, sed ipsius Oratoris.* Quod ideo dixisse videri potest, quia hæc aliaq; partes Rhetoricæ esse, l. 3. c. 3. statuit. Verùm cum non repugnet eadem esse instrumenta & partes rei, (artifices enim ipsosq; adeo Rhetores, dum perorant, manibus, brachijs, linguâ, oculis, alijsq; membris seu corporis sui partibus, pro instrumentis vti manifestum est) Scioppium hinc non accuso: sed iade, quod Elocutionem solùm & Actionem, non autem Inventionem & Dispositionem, aut memoriam saltem, inter instrumenta Rhetoricæ numerârit. Cum non minus horum, quam illorum adiumento, siue ope Orator præstet, quæ sunt officij. Sed hoc proprium est tumultuariæ & arbitrariæ doctrinæ, nihil certum ac stabile asserre.

Neq; Rhetorica instrumenta rectè assignat Scioppium.

tum, aut quæstio dicitur. Quod de quæstione apertè docet Aristoteles I. 1. Topic. c. 3. ubi quatuor genera prædicatorum tradit: *Nemo nos, ait, existimet dicere, quod aliquod horum* (proprium, definitio, genus, accidens,) *per se prolatum, propositio aut problema sit. Sed quod ex his & problemata, & propositiones fiant.* Tam propositionem autem quam problema sub quæstione Aristoteles comprehendit, & ipso quærendi modo ibidem distinguit. Audi ergo Grammaticæ Philosophorum Principem, & disce ab eo thema simplex, seu terminum simplicem, non esse quæstionem, sed quæstionem ex illo fieri.

Argumentationis quoq; definitio obscura & inepta est. Ait argumentationem esse, cum argumentū probans collocatur cum themate coniuncto. Quid est thema coniunctum? an conclusio? sed quis ita loquitur? aut quis ista audit: & non Grammaticis nugis ferulam imprecatur?

Argumentationis definitio inepta.

Methodi diuisioni non reluctor. Habet suam procedendi rationem & dispositionem ars, ac suam itidem prudentia: diuersam quidem, si finem & alia species, non tamen repugnantem. Cum enim pruden-

Diuisio Methodi non incongrua.

tia arte aliquâ vtitur, & prudens artifex eam tradit, Methodum artis obseruat: neque eius naturam peruertit, nec falsi quidquam admiscet. Id verum est, prudentiæ leges non permittere, vt omnibus omnes artes aut scientiæ, aut omnes earum partes tradantur, vel permittantur: quia non omnia omnium indoli, ingenio, infirmitati, aut statui conueniunt. Eam ob causam sacri Canones Clericos & Religiosos à quibusdam scientijs arcent, cap. 1. & vlt. *Ne Clerici, vel Monachi secularibus negotiis se immisceant.* Inde etiam sacrarum literarum lectio imperitis passim non permittitur, ne suâ culpâ pharmacum in venenum vertant. Quam prudentiæ cautionem, & scientiarum seu artium veluti dispensationem, si Scioppius prudentiæ Methodum appellat, nihil quidem falsi dicit, sed causæ nihil id prodest. Atq; hætenus ostensum est perspicuè, nisi fallor, Scioppium Logicum non esse, sed in ipso scientiarum omnium ostio ac limine, turpiter imegisse, adeoq; eius suppetias non nisi Pseudologicus & inanes haberi debere.



CAP. III.

De vera Politices fine, obiecto, officio, instrumentis.

§. I.

SVPPETIÆ. Finem Politicæ esse beatitudinem, seu felicitatem civilem.

Videamus nunc, in quibus artis Politicæ constet perfectio, ut de iudicio istorum, qui tam inclementer de scriptoribus Politicis statuant, id quod dixi, fiat perspicuum.

Finis ergo Politicæ est Beatitudo, seu felicitas civilis, quæ ἀντιπαρεια definitur, id est copia rerum omnium, ad viuendum commodè, & ex sententiâ necessariarum. Nam hæc res est, quæ homines impellit, ut in Societate velint viuere, quoniam mutuis iuuamur officijs. Nec quisquam inuenitur, qui solus sibi præstare possit, quæ vitæ vsus requirit.

§. II.

VINDICIÆ. Felicitatem civilem à Scioppio in bonis externis constitui, & ideo pietatis virtutisq; doctrinam & curam, alienam à Politicâ iudicari.

Sæpius in suâ Pædiâ Scioppius de fine Politicæ loquitur. In Admonitione ad Lectorem, ait esse *status conservationem*; paulò ante appellat Politicam, *utilitatis*

*Quis finis
Politica
Scioppio.*

publica scientiam, siue eorum, quibus vi
possumus ad condendum tuendumq; statum.
Deinde asserit Politicam in tradendus in to-
tam occupari, quæ utilia sunt condendo &
conseruando Imperio aut statui publico. Eius
finem esse publicam felicitatem. In eâ tracta-
ri debere salutem, seu incolumitatem status.

*Felicitas
status illi
in bonis ex-
ternis.*

Beatitudinem autē seu felicitatem, & in-
columitatem Status ciuilis, collocat dum-
taxat in bonis externis, Imperio, gloriā,
potentiā, opibus, rerumq; huius vitæ af-
fluentiā. Quod inde manifestum est, quia
doctrinam de virtute, eiusq; curam alien-
nam à Politicā putat, quam maximè pro-
priam esse fateri deberet, si eam finem Po-
liticæ esse agnosceret.

*Eius hanc de
re pronun-
tiata.*

Hinc velut ex tripode pronuntiat: in
Admonitione ad Lectorem; quorum nul-
lus ad eam rem vsus est, censenda esse aliena
à Politicā, talia autem esse omnia, quamuis
vera, quamuis utilia, si ad sublimiores scien-
tias pertineant. Et paulò post: Politicum
quoq; Principi pietatem prescribere, non ali-
ter tamen, quam quia sit ad conseruandum
statum utilis &c. Et: detertere hominum
animos ab affectandâ, vel tuendâ Tyranni-
de, ad Ethicam pertinere &c. Et cum Ho-
nestum & turpe ad Ethicam pertineant, fa-
teri

teri oportere, de Tyrannidis turpitudine non in Politicâ, sed in Ethicâ tractari debere. Animâ Principis, aut saluē anima, non esse subiectū Politicâ, sed Theologia. Opinione, seu famam pietatis conservare imperium, si- cut pietas servat animam: ac propterea, si- cut in acroasi Theologicâ Princeps, ut ani- mam servet, iubetur esse verè pius, item in Politicâ Scholâ, ut Statum servet, doceri existimari pius. Imperium sine amore, si- ne reuerentiâ, aut respectu stabiliri: illa au- tem non effici virtute, sed opinione virtutis; sicut è diversò odium & contemptum non ef- fici vitiis, sed opinione vitiorum. Falsi ar- guendum politicum, si dicat principatum maximè communem, & plerisq; Principum accommodatum, rigidâ iuris & aequi ac fi- dei conservanda religione conservari. Quo- rum omnium falsitatem, & noxiam fal- laciâ, ex nostris hisce vindicijs cognos- cere licebit.

§. III.

*Esse hoc primum Pseudopoliitica fundamentum;
sed Aristotelem clarè aduersari.*

Est verò hoc primum omnis Pseudo-
politix fundamentum, Rationem
Status bonis externis, siue Imperij stabili-
E 3 tat

tate potentiâ, gloriâ, opibus circumscribere : animi bona in virtutibus sita aut negligere, aut excludere, tanquam à Politicis rationibus & arte imperandi aliena.

*Pseudopolitici
vici vtile ab
honesto di-
uclunt.*

Hinc vtile ab honesto diuellunt, multa enim bonis externis parandis, conseruandisq; conducunt, quæ cum honestate pugnant ; quâ opinione *nullam pestem maiorem in vitam hominum inuasisse* cum Panætio sensit Cicero lib. 3. de officijs. Inde manat pestilens illa distinctio quam si non verbis, re certè magna pars imperantium profitetur : dum aliqua non quidem Christiane & Theologicè, attamen Politicè fieri posse ac debere existimant, quia conseruando statui conducunt, quidquid reclamationet Theologica & Christiana doctrina ; cui Scioppius in Curiâ Politicâ nec locum, nec suffragium permittit. Necessarium igitur est, etsi id alterius maiorisq; operæ foret, verum Politicæ finem, paucis Lectori explicare : vt rei cardo, & Scioppii apædeusia, ac quæ deinceps dicenda sunt, possint intelligi.

*Illis Auto-
ritas & Ra-
tio aduer-
sa.*

Repugnat hoc Pseudopolitiæ infelix Principium autoritati & rationi, siue naturæ, siue fidei & gratiæ lumen sequamur. Autoritatem Aristotelis in primâ acie sta-

NUO,

tuo, eâ enim, ad bonos scriptores calumniandos abutitur Scioppius, eiusq; patrocinium simulat, ut adeo illam repudiare non possit. Aristoteles igitur l. Ethic. c. 2. probat Summum bonum esse Politicæ finem. Illud autem non consistere in bonis externis, ostendit c. 5. 7. 8. 10. vbi Beatitudinem in actionibus virtutis collocat, eiq; bona externa pro instrumentis assignat. Vnde c. 13. *Videtur ait, verè Politicus huic (virtuti scilicet,) maximam operam impendere: studet enim ciues bonos efficere, legumq; observantes.* Similia habet l. 10. c. 6. 7. 8. 9. & l. 1. Magnorum moralium c. 1.

*Aristoteles
imprimi.*

Neq; aliud docet in Politicis. Nam l. 1. c. 1. asserit communitatem civilem spectare bonum præcipuum. Ibid. c. 6. quæ ciuitas verè, non nomine tenus appellatur, de virtute in primis debere esse sollicitam. Et: Ciuitatem non esse Societatem loci, nec belli, nec commerciorum, sed rectè viuendi. Et: finem ciuitatis esse beatè viuere. Et: Societatem civilem non esse conuiuendi, sed honestarum actionum gratiâ, in quibus beatitudinem constituit l. 1. & 10. Ethic. Sic l. 7. c. 1. docet Bona externa, diuitias, potentiam, famam esse

instrumenta, & ad bona animi, tanquam finem referri debere. Ibid. c. 2. probat felicitatem ciuitatis non consistere in dominando alijs. Et, c. 14. addit nec in arte militari & victoriâ, sitam esse.

Finem Politicæ Rationis in Virgine.

Ex quibus alijsq; similibus locis, manifestum est Aristotelem finem Politicæ non constituisse in bonis externis, sed in Societate beatè viuendi, id est secundum regulam rectæ rationis, seu virtutis: neq; per *αὐταρκείαν* intellexisse primariò sufficientiam siue copiam rerum ad vitam corporis necessariarum, sed ipsas virtutis actiones; in quibus tum singulorum hominum, tum Reipublicæ beatitudinem sitam esse censuit. Summum enim bonum esse aliquid per se sufficiens, siue *αὐταρκες* docet 1. Ethic. c. 7. etsi tum ibi, tum alibi bonorum externorum adiumenta illi adiungat. Neq; aliâ autoritate nunc nobis opus est; sequuntur enim summum istum Naturalis veritatis Magistrum omnes, quibus veritas & virtus cordi est. Sed iam rationis lucem adhibeamus, eamq; prius, quam natura, tum alteram diuinior, quam fides accendit.

•••••

§. IV. F.

§. IV.

Finem Politicæ proprium, esse vitam socialem secundum regulam rationis & virtutis, bona vero, externa, eius instrumenta, Natura docet.

Finem Politicæ proprium ac præcipuum esse vitam socialem rectæ rationi & virtuti congruam, Natura, quæ hominem animal sociale siue Politicum fecit, claris argumentis docet.

I. Cuiusque rei finis est bonum ipsius præcipuum ac proprium, ad hoc enim reliqua referuntur. Societatis autem humanæ quam considerat & dirigit Politica, præcipuū ac proprium bonū est, vita Socialis ordinata secundum rectā rationem & virtutē, (hoc enim discrimine à Societate belluarū, eorumq; hominū, qui belluarū ritu viuunt, discernitur,) ergo hic est finis Politicæ præcipuus. Reliqua autē, vt Imperij potentia, gloria, stabilitas, opes & rerū omniū affluentia, instrumenta sunt & adminicula virtutum, quæ humanæ Societatis sunt propriæ. *Hac enim animi gratiā expeti apta sunt, & oportet omnes expetere, qui rectē sapiunt, non autem illorum gratiā animum,* ait Aristoteles 7. Politic. c. 1.

*Societatis
humana
proprium
bonum virtutis, adeoque
& finis.*

II. Is est finis cuiusque rei, quo obtento

E 5

bene

*Bona ex-
terna sine
Virtute no-
cent.*

bene habet, nec malè habere potest. At-
qui bonis omnibus externis suppetenti-
bus Respublica aut Imperium, nisi virtus
accedat, bene non habet: sed vitijs scele-
ribusque fœdata, in summâ licet potentiâ,
gloriâ, opulentiâ, malè habet, tantoque
peius, quanto maior est harum rerum ex-
cessus. Ergo humanæ Societatis, & Po-
liticæ facultatis finis, non est bonorum,
externorum copia. Ideoque florentissi-
ma licet potentissimaque Barbarorum,
Turcarum, & quorumvis Tyrannorum
imperia, vituperamus ac deploramus:
quia bonorum eiusmodi putamina, &
exanime veluti corpus sectantes, status
Politici nucleum & animam, iustitiam di-
co aliasque virtutes, aut negligunt, aut
contemnunt.

*Lex natura
Virtutem
præcipue
spectat.*

III. Is est finis Politicæ; quem lex na-
turæ mentibus nostris insita, & pro So-
cietate hominum potissimum lata respi-
cit. Hæc autem non præcipit Imperium
suum augere, alienum minuere, neque
potentiam, & opes immodicè cumulare.
Sed alijs facere, quod sibi quis fieri velit,
non facere quæ sibi fieri nolit, neminem
lædere, sua cuique tribuere & reddere,
non eripere; quæ virtutis, iustitiæ præser-
tim.

tim actiones sunt. Ergo illis finis Politicæ continetur, non bonis externis, quæ natura voluit esse adiumenta virtutis, non impedimenta. Eundem finem præ oculis habuerunt, quicumque legibus bonis Rempublicam aliquam laudabilem fundarunt. Vnde Aristoteles 5. Ethic. c. 1. docet Iustitiâ legali, quæ leges observat, omnes virtutes contineri, quia legibus omnes virtutes præcipiuntur, & omnia vitia prohibentur. Cuius ea ratio reddi potest, quod pleræque virtutes, aut præstantissimæ, ut Iustitia, fortitudo, liberalitas, Caritas siue Amicitia, ad vitam socialem referantur, in eaque exercentur; earum, ergo cura ac disciplina, proposita esse præcipue debet Politicæ ac Politico.

*Pleraque
Virtutes So-
ciales.*

IV. Eandem esse felicitatem, siue eundem finem singulorum hominum, & civitatis siue Reipublicæ omnes consentiunt, teste Aristotele 7. Polit. c. 2. sed manifestum est felicitatem ac finem singulorum hominum consistere in virtute, non in bonis externis, ergo neque felicitas & finis Societatis humanæ siue Reipublicæ consistit in istis, sed in virtute, eiusque actionibus. Neque refert plerosque homines & plerasque Respublicas ac imperia,

*Singulorum
hominum
finis virtus,
ergo & Rei-
publicæ.*

*Natura
quid conue-
niam.*

ria, virtutem post gloriam, opulentiam, potentiam collocare, & infra hæc æstima-
re. Non enim is finis naturæ congruit, quem sibi plerique præfigunt, sed quem præfigere deberent. Quare in illis, qui secundum naturam se habent, considerare oportet, quid natura conveniat: non in iis, qui corrupti sunt, ait magnus Aristoteles. 1. polit. c. 3.

§. V.

*Idem Vera Fides confirmat; & Politicam præ-
terea, ad finem ultimum æterna Beatiitudinis
refert.*

AD eundem finem bene viuendi, Fides vera Politicos ducit, tum iisdem rationibus altiori lumine collustratis, tum validioribus magisque proprijs argum-
tis.

*Vita æter-
na finis Gl-
timus ho-
minum, &
privatim,
& publicè.*

I. Fides Christiana docet perfectam felicitatem non in hac vitâ mortali, sed alterâ, eaque æternâ obtineri: vbi regnum paratum sibi à constitutione mundi teste Christo Matth. 25. v. 34. accipient & possidebunt, qui illud observatione præceptorum Dei, & virtutum exercitio, meruerunt. Hæc felicitas, hæc vita æterna, id-
coque verè beata: est finis ultimus vitæ mor-

mortalis, & singulis hominibus, priuatim, & omnibus communiter propositus. Adeam ergo obtinendam referri necesse est tum priuatam viuendi rationem à singulis, tum publicam in Republicâ ab omnibus, & maximè à Principibus, ijsque, qui in imperio sunt. Ne Societas humana, quam ad beatitudinem facilius assequendam DEVS instituit, fiat salutis impedimentum, & exitij occasio.

Perſpicuum autem eſt non potentiâ, nec gloriâ, nec opibus, & vitæ huius commodis, ſed mandatorum DEI obſeruatione, quæ actibus virtutum continetur, æternam ſalutem ac felicitatem parari, juxta illud: *ſi vis ad vitam ingredi, ſerua mandata.* Matth. 19. v. 17. Virtus igitur, huius vitæ finis eſt, tum publicè, tum priuatim, per quâ peruenitur ad vitam beatam, quæ eſt finis vltimus & non habet finem. Huic fini congruere oportet, veram Politicam & Politicam: ac in eius obſequium redigi, quidquid potentiæ, gloriæ, & cuiuſcunque terrenæ felicitatis, quaritur vel tenetur.

II. Imperia, principatus, Reſpublicas peculiari ratione à DEO provenire & diſpenſari Sacræ literæ affirmant, Sap. 6. v. 4. & 4.

*Obtinetur
Virtutibus.*

*Imperia &
principatus
à Deo.*

2. & 4. *Audite ergo reges, & intelligite, discite indices finium terra, &c. quoniam data est à Domino potestas vobis, & virtus ab altissimo. Dan. 2. v. 21. Et ipse mutat tempora, & atates, transfert regna, atque constituit. Idem Daniel c. 4. v. 22. Regi Nabuchodonosor ait: Eiciant te ab hominibus, & cum bestiis ferisq; erit habitatio tua, & fœnum ut bos comedes, septem quoq; tempora mutantur super te: donec scias, quod dominetur excelsus super regnum hominum, & cuiuscunq; voluerit, det illud, quæ repetit ibid. v. 25. & c. 5. v. 21. Adstipulatur Doctor Gentium ad Rom. 13. v. 1. iubens omnem animam potestatibus sublimioribus subditam esse, non est enim potestas nisi à Deo.*

*Ergo finis
illorum non
sunt bona
externa.*

Vnde sic colligo. Omnes potestates à Deo ordinatæ sunt teste S. Paulo, ergo ipsarum finis præcipuus non sunt bona externa, sed gubernatio legi diuinæ & virtuti congrua; alioqui à Deo ordinatæ non essent. Repugnat enim sapientiæ & bonitati diuinæ, bonum maius ordinare ad minus. leges nimirum suas, & curâ virtutis ad imperij potentiâ, gloriâ, opes. Cum ista illis seruire conueniat, *semper enim deterius melioris est gratiâ*, ait sapientissimus Aristoteles 7, Polit. c. 14. Cum

Cum adhæc homines naturæ deprauatæ vitio, in eiusmodi bona immoderatè ferantur, ipse Deus vitiorū scelerumq; necessitatem Principibus, ijsq;, qui in sublimitate constituti sunt, videretur imposuisse: si pro fine ea bona præfixisset, quæ sine vitij & sceleribus nec obtineri, nec retineri, nec augeri possunt, nisi ad virtutem & diuinæ legis normam referantur. Quam licet præ oculis habeant, qui volunt gloriosi, potentes, & diuites fieri: facilè tamen, *incidunt in tentationem & laqueum diaboli, & desideria multa inutilia & nocua, quæ mergunt homines in interitum & perditionem*, vt ait Apostolus 1. Tim. 6. v. 9.

*Idem patet
ex absurdo.*

III. Reges, Principes, magistratus in sacris litteris ministri Dei appellantur, & ad iustè iudicandum, bonum subditorum procurandum, ac vindictam malorum, constituti dicuntur. Roman. 13. v. 3. & 4. *Vic autem non timere potestatem? Bonum fac, & habebis laudem ex illâ, Dei enim minister est, tibi in bonum. Si autem malum feceris, time; non enim sine causâ gladium portat. Dei enim minister est, vindex iram ei, qui malum agit.* Sap. 6. v. 4. 5. *Interrogabis Altissimus opera vestra, & cogitationes scrutabitur; quoniam cum essetis mini-*

*Principes
Magistratus
ministri
Dei.*

ministri regni illius, non rectè iudicastis, nec custodistis legem iustitiæ, neq; secundum voluntatem Dei ambulastis. Horrendè & cito apparebit, quoniam iudicium durissimum, his qui præsent fier.

*Finis ergo
illorum vir-
tus.*

Similibus comminationibus & increpationibus abundant Prophetæ aduersus impios Reges ac Principes Israël & Iudæ, qui hoc officium neglexerunt. Finis ergo præcipuus imperiorum & Rerumpublicarum, adeoq; & Politicæ, à Deo præfixus, est iustitiæ aliarumq; virtutum cultus, & vitiorum extirpatio, non bonorum externorum copia & amplitudo; quæ Principibus *querentibus inprimis regnum Dei & iustitiæ eius, vltro adiiciuntur.*

*Salomon id
intellexit.*

Intellexit hunc Politicæ finem Salomon, ideoq; 3. Reg. 3. v. 9. & 2. Paralip. c. 1. v. 10. nullâ potentia, gloriæ, opum curâ tactus, petiuit à Deo, *cor docile, & sapientiam ac intelligentiam, ut populum ipsius iudicare posset, & discernere inter bonum & malum.* Quæ optio quia Deo placuit, bona externa non esse Principis finem ostendit; si enim finis essent, Salomon qui ea neglexit, ob eorum neglectum Deo non placuisset. Deus autem non solum *sapientiam & scientiam, quam petinerat, sed etiam diuitias, sub-*

Substantiam & gloriam, qua non postulauerat dedit: ita, ut nullus in regibus, nec ante nec post fuerit ipsi similis. Qui cum hæc peteret, diligebat Dominum ambulans in præceptis David patris sui, ideoque tanto desiderio iustæ gubernationis exarsit. Neque aliter deprauatum est cor eius, quam *Bona externa deprauans.*
nimiâ felicitate & tranquillitate, bonis externis ad votum & voluptatem fluentibus, quod multis Principibus contingere solet.

Sed sufficiat indicasse potius quàm explicasse rationes, quibus demonstratur Politicæ finem esse Societatem bene viuendi, secundum virtutem & leges diuinas ac humanas: bona autem externa instrumentorum instar, cura solum secundariâ procurari & curari debere, neque aliter, quàm ut iustitiæ alijsq; virtutibus famulentur. Atq; hæc est vera felicitas ciuilis & Politica, quam Scioppius cum alijs Pseudopoliticis exclusâ virtutis curâ, corrumpere & euertere conatur.



§. VI.

SVPPETIÆ. Statum esse Politicæ Obiectum; Officium eum condere & conseruare; Instrumenta vtilia & publica noxiè.

Materia subiecta, vel obiectum huius artis est status, aut Respublica. Officium partim condere aut instituere, partim conseruare & corrigere Rempublicam. Instrumenta sunt, vtilia & noxia publicè. Nam conditurus aut conseruaturus Rempublicam, necesse habet effugere, quæ statui nocent, præstare verò, quæ statui conducunt, vt fiat, quod vniuersè Spiritus Sanctus monet: *Qui vult dies videre bonos* (siue, cui velut finis proposita est felicitas) *declinet à malo, & faciat bonum.*

§. VII.

VINDICIÆ. Statum verè non dici, nisi eam Rempublicam, in quâ iustitia a seq; Virtutes, supremum locum & pretium habent.

Recte dicit statum siue Rempublicam esse obiectum Politicæ, quod autem status siue Reipublicæ formam ac veluti animam facit imperij potentiam, gloriam, opes, & vitæ huius commoda, ac veram virtutem ipsi adimit, solâ eius opinione relictâ, fallit & fallitur vt ex dictis patet. Quem errorem ipsa status Nomenclatura re-

ra refutat. Nam status propriè significat, *Status nomenclatura*
et natura
Scioppium
refellit.
 situm maximè naturalem animalis immoti,
 vt sentit S. Thom. 2 2 q. 183. a. 1. Sic ho-
 mo stare dicitur, cum capite & toto cor-
 pore erecto, pedes in terrâ figit. Cætera
 animalia quoque stant, cum partium di-
 spositionem suæ naturæ congruam ser-
 uant immotam. Simili ratione alia stare
 dicuntur, velut arbores, cum radicibus in
 terrâ fixis ramos sursum erectos habent;
 & domus, cum fundamentis nixa, ac pa-
 rietibus ad perpendicularum rectis compa-
 cta, tecto supernè clauditur. Cum autem
 animal capite reliquoque corpore humi
 procumbit, aut arbor prosternitur, aut
 domus corrui: non amplius stare, sed ja-
 cere dicuntur.

Vt ergo status nomen Reipublicæ con-
 ueniat, necesse est in eâ Iustitiam virtutes-
 que alias supremum locum ac pretium
 habere reliqua infra illas æstimari & pro-
 pter illas; *semper enim deterius, est melioris*
gratiâ. Si verò ordine inuerso & puer-
 so ad potentiam, gloriam, opes, omnia re-
 ferantur: virtute aut neglectâ, aut non
 maiori eius ratione habitâ, quàm fortunæ
 bonis seruandis augendisque conducit, ea
 Respublica status dici nullo jure potest

Respublica
sine virtute
non est Sta-
tus.

aut debet. Iacet enim omnibus vitijs sceleribusque oppressa, quæ libido dominandi dictauerit. Vnde non rectè Pseudopolitici Rationem status sibi vendicant, & perpetuo in ore habent. cum Ratio ruinæ temporalis & æternæ, ipsis propria sit & peculiaris.

§. VIII.

Triplex discrimen quoad vltimum finem, inter Politicam, & Theologiam, ac potestatem Ecclesiasticam.

QUOD verò dicit Officium Politicæ esse, partim condere aut instituere, partim conseruare & corrigere Rempublicam, si ad legitimum finem referatur, quem paulò ante explicauimus, verum est; falsum, si finis falsus & prauus statuatur; qualem Scioppius aliique Pseudopolitici comminiscuntur. Vbi illud animaduertendum est, quod perperam intellectum multis errandi ansam præbet, nimirum etsi scientia Politica, & potestas ciuilis finē vltimum, seu Beatitudinem alterius vitæ communem habeat cum disciplinâ Christianâ & Theologicâ, ac potestate Ecclesiasticâ: medijs ac modis eò tendendi, longè ab his discrepare.

Nam

Nam I. Politicæ facultatis & potestatis finis proximus, sunt virtutes morales iustitia maximè: sine quibus Societas humana rectæ rationi conuenienter consistere & gubernari non potest. Finis autem proximus disciplinæ Christianæ, Theologiæ item & potestatis Ecclesiasticæ, sunt Virtutes Theologicæ, Fides, Spes, Charitas: sine quibus salus æterna non obtinetur, nec ad Societatem beatorum peruenitur.

*Discrimen
primum ex
fine proximo.*

II. Politica finem vltimum beatitudinis æternæ proximè non attingit, neque immediatè procurat, sicuti disciplina & potestas spiritualis. Quod discrimen ex primo sequitur. Virtutes enim morales, siue civiles, vt ad salutem æternam conferant, vim & efficaciam à fide, spe, & præcipuè charitate, habere debent: quibus acquirendis, conseruandis, & si amissæ fuerint, recuperandis, Sacramentorum maximè beneficio, adeoque facultate & potestate spirituali opus est. Cuius finis internus est salus & beatitudo æterna, Politicæ autem duntaxat externus. Quo pacto habitatio est finis Architecturæ, nam etsi ea ad habitationem humanam tota referatur: non est tamen Architecti vt archi-

*Secundum
ex fine interno.*

simile.

rectus est. domum quam fabricat, inhabitare, nisi alio titulo suam faciat. Ita & Politica hominum Societas in hac vitâ, refertur quidem ad Societatem beatam, alterius vitæ : ad eam verò obtinendam non sufficiunt virtutes morales, seu Politicæ, nisi justum titulum ac necessarium, valorem trahant à fide, spe, & charitate, quibus proximè salutem nostram obtinemus & consequimur.

Terthiam, ex bonorum externorum curâ & necessitate.

III. Politicæ est bona externa, potentiam, gloriam, rerum copiam, pacem item ac tranquillitatem, in quantum sunt adiumenta & instrumenta necessaria Societatis humanæ, ac virtutum moralium seminiu, procurare, conseruare, & amplificare. Disciplina autem Christiana & Potestas Ecclesiastica per se hæc non attingit, neque his opus habet, etsi ea non excludat. Nam Apostolorum & primorum fidelium tempore Ecclesia Christi solâ fide, spe & charitate fundata, ac Sacramentorum & Spiritualis Hierarchiæ communionem colligata : nulla temporalis potentia aut potestatis præsidia habuit. Sed longè post à Principibus Christianis ea accepit, quorum beneficio Pontifices & Episcopi, multis locis potestatem ciuilem cum

cum Ecclesiasticâ coniunctam habent.

§. IX.

Inde tria eruuntur, ad officium Politica pertinentia. Scilicet in instrumentis Politicis ineptis.

EX triplici hoc discrimine, tria eruuntur, Politicæ officium magis illustrantia.

I. Cum constet finem vltimum illius esse beatitudinem cœlestem, quæ sine verâ fide ac Religione non obtinetur, in omni Politia bene constitutâ, præcipua debet esse veræ religionis cura. Etsi enim eius administratio ad Ecclesiasticos & doctrina ad Theologos pertineat; at Politicorum est, in rebus sacris obsequium & debitam venerationem illis deferre, ac in Dei cultu curando conseruandoq; assistere. Quam ob causam potestas ciuilis *brachium seculare* appellatur; & inuocatur, cum potestas spiritualis, veluti alterum *dextrumq; Ecclesiæ brachium*, ad sui defensionem, vel improborum coercionem non satis virium habet.

Cura Religionis sit præcipua.

II. Eadem hæc salus & beatitudo æterna, mensura esse debet & regula honorum externorum, seu consiliorum, quæ de ijs

Salus æterna sit mensura consiliorum.

capiuntur. Nihil itaque de imperij amplitudine, potentiâ, gloriâ, opibus statuatur Deo & religioni, eiusq; legibus aduersum, vnde Princeps aut subditi culpam contrahant. Nam vt præclare dicit Autor opusculi, de regimine Principum, lib. 2. c. 15. *Cuiusq; incumbit aliquid perficere, quod ordinatur in aliud, sicut in finem, hoc debet attendere, ut opus suum sit congruum fini. Sicut faber sic facit gladium, ut pugna conueniat, & edificator sic debet domum disponere, ut ad habitandum sit apta. Quod principium lumine naturali notum est, nec à quoquam sanæ mentis in dubium vocari potest. Cum ergo Reipublicæ legitimæ finis vltimus, sit æterna beatitudo, huic repugnare nō debet illius administratio. Sed præ oculis Politicos semper habere oportet illud Christi monitum: *Quid enim prodest homini, Principi, Reipublicæ, si mundum uniuersum, nedum urbem, aut provinciam lucretur, anima verò sua, & salutis subditorum detrimentum patiatur?* Matth. 16. v. 26. Marc. 8. v. 36. Luc. 9. v. 25.*

*Politica
principia*

III. Etsi doctrina fidei & Theologiæ ad Politicos non pertinet, vt examinanda, explicanda, demonstranda, oportet tamen.

men inde principia in consilijs & Reipub-
lica gubernatione assumere, præsertim ex
præceptis Dei, & secundum ea concludere.
Quo pacto omnes facultates & scientiæ
assumunt & supponunt principia ex
scientijs vniuersalibus, vt Metaphysicâ &
Logicâ. Quod nisi fieret, scientiæ eiusmodi
nihil demonstrare possent, vtpote de-
stitutæ primis principijs, & doctrinæ suæ
fundamentis, quæ ex altioribus, aut vni-
uersalibus scientijs pendent. Cum ergo
doctrina Christiana & Theologica, omni-
um sit suprema & maximè Architectoni-
ca: vtpote quæ circa vltimum finem pro-
ximè versatur, ac diuino lumine multa an-
te obscura illustrauit, aut ignota aperuit:
necesse est non minus Politicum, quam
alias scientias inde principia & leges acci-
pere, quando de ijs agitur, quæ salutis æter-
næ officere, & Deum offendere possunt.
Si dubia occurrant, ad Religionis Antisti-
tes & interpretes Theologos, confugere
oportet: more & olim, & nunc Christianis
bonisq; Principibus, ac Rebus publicis
vfitato. *Labia enim Sacerdotis custodient
scientiam, & legem requirent ex ore eius.*
Malach. c. 2. v. 7.

Atque hæc de naturâ & Officio Politi-

F 5

cæ, ex

*& præcepta
ex fide Chri-
stianâ pen-
tenda.*

ca, ex purissimis naturæ & gratiæ fontibus, rectâ ratione, verâ fide, Aristotele & Sacrà Scripturâ delibasse sufficiat: vt status controuersia, & quæ contra Pseudopoliticos, ac Scioppium dicenda sunt, tanto facilius intelligantur.

*Grammatici
ineptia de
Politia in-
strumenta.*

Aduertat hoc denique loco Lector, Grammatici huius ineptiam, astruentis, Instrumenta Politicæ esse *utilia*, & *noxia publicè*. Etsi enim sequentia declarent, illum per noxia intelligere eorum fugam, euitationem ac remedia, at modus loquendi absurdus, & secundum se falsus esse cum quæ alicui rei noxia sunt, instrumenta eius conseruandæ esse non possint. Non rectius igitur Scioppius dixit Politicæ instrumenta esse utilia & noxia, quàm si quis diceret, instrumenta sanitatis esse salubria, & insalubria, aut instrumenta salutis æternæ, esse virtutes & vitia. Quamuis hic Pseudopolitiæ Magister, eâ ratione verum dixisse cenferi potest: quia verum est Pseudopolitiam, quam docet, rebus salutis & veræ Politicæ noxijs, con-

seruari.



CAP. IV.

CAP. IV.

Vitiosas Reipublice formas. in Politicâ explicari debere, tanquam errores & vitia artis.

I.

SVPPETIÆ. Politicorum Censores nolle tractari, quæ sunt artis propria, vitiosas nimirum Reipublice formas.

DVpliciter igitur errant isti Politicorum Censores, cum quod in artem nolunt tractari, quæ sunt *οἰκῆσις*, siue artis propria: tum quod postulant ea tradi, quæ sunt aliena. De priori hinc existimari poterit. Proprium artis esse obiectum, siue obiecti tractationem, nemo nisi palam insanus negauerit. Respublicæ igitur, eiusque formæ omnes, siue species, quæ Politicæ obiectum sunt, à Politico tractari debent: ita ut præcipiat, quæ cuique formæ sint utilia & noxia, siue quæ sint causæ, siue modi instituendi, conseruandi & euertendi singulas Reipublicæ species. Atenim isti vitiosas Reipublicæ formas, præcipuè verò Tyrannidem ab arte exclusam volunt, quod Tyrannidis condendæ, aut conseruandæ præcepta tradi pisculare censeant.

Duplici erroris innocentis accusat.

§. II.

VINDICIÆ. Non culpans Politicum, si de vitiosis Reipublicis agat, et de vitio & erroribus artis: secus, si eas pro legitimis obtrudat.

Non

*Tyrannidis
explicatio
necessaria
in Politicâ.*

Non errant boni Politicorum censo-
res, quorum Scioppius malus cen-
sor est. Propria non excludunt, nec alie-
na postulant. Vltro fatentur ad perfe-
ctam scientiæ tractationem requiri, vt
omnes obiecti species, earumque etiam
opposita explicentur: ideoque non cen-
sent piacularem esse, sed necessariam Ty-
rannidis aliarumque vitiosarum. Rerum
publicarum in Politicâ explicationem. Id
solum iure suo postulant, vt vitiosæ Res-
publicæ non pro legitimis obtrudantur,
neque animi earum amore imbuantur,
sed odio easque emendandi desiderio.
Quod præstat Politicus, si Pseudopolitiæ
vitia, damna ac remedia exponit, & præ-
cipuam curam veræ Politicæ docendæ im-
pendit.

*Quâ lege
explicari
debeat vi-
tiosa Res-
publica for-
ma.*

Quâ ratione Grammatici agunt de
Solæcismo, & Barbarismo, Logici de So-
phismatibus, Medici de morbis, Theolo-
gi de vitijs & peccatis, eâdem lege Politi-
co agendum est de Tyrannide alijsque vi-
tiosæ Reipublicæ formis. Vt nemo ferret
Grammaticum, qui emendatæ orationis
prætextu, Solæcismos & Barbarismos do-
ceret; aut Logicum, qui veram differendi
doctrinam professus, Sophismatum falla-
ciam

ciam pro & præ illâ instillaret; aut Medicum qui morbos non curaret, sed dulcibus venenis accerferet & foueret; aut Theologum, qui vitia virtutum pallio inuoluta vel excusaret, vel pro virtutibus obtruderet: ita probi Politici ferendos non putant, in Republicâ Christianâ eos Politicos, qui Pseudolitiam miris artificiis fucantam, pro legitimâ necessariâque Reipublicæ formâ tradunt, & commendant. Hanc ob causam iustum necessariumque bellum cum Macchiauello, alijsque ipsi & Scioppio similibus, boni clarique nominis scriptores susceperunt: quorum nemo legitimam Tyrannidis aut alterius Pseudopolitiæ tractationem, vnquam damnauit, aut ex Politicâ proscripsit.

§. III.

SYMPETIAE. Scioppius auctoritate & exemplo Aristotelis & S. Thomæ consentis, plus Politico de vitiosis Republica formis laborandum, easque magis proprium Politicæ obiectum esse, quam regnum, aliasque relictas & laudabiles formas.

IN quo quantum eos ratio fugiat, non modò disputatio, sed & exemplum Aristotelis ac D. Thomæ luculentè demonstrauerit. Quod ad disputationem eorum attinet, de Politicâ
Etiā lupi pelibus ornant se & stant.
 sub.

subiecto cum absolutè, tum comparatè agunt. Absolutè quidem, dum demonstrant, Politici esse, non tantum de optimâ, sed etiam de qualicunque Reipublicæ formâ, quamvis deteriori, & vitiosâ præcipere. Comparatè autem, dum Politico plus de vitiosis, quàm de rectis & laudabilibus Reipublicæ formis laborandum esse affirmant. Quod nihil est aliud dicere, quàm Tyrannidem cæterasque vitiosas formas esse artis Politicæ obiectum, & quidem magis proprium, quàm regnum, aliasque rectas & laudabiles formas.

*De absolutâ
Pseudopoli-
tica rati-
one agi-
tari.*

De priori inueniet Lector principio 4. Politic. accuratam Aristotelis, & D. Thomæ in eius libri commentario disputationem, quâ quod veri Politici munus & officium sit, quamque parum Plato illud custodierit, operosè demonstrant. Quatuor porro partibus id describunt. Quarum Prima est nosse, quæ Reipublicæ forma sit absolutè ac simpliciter optima, maximeque optabilis. Altera nosse, quæ sit optima pro conditione rerum copiarumque præsentium; nam quorundam populorum ingenia ad optimam illam minimè sunt accommodata, sicut Asiaticos Agesilaus in seruitute bonos, in libertate pessimos esse aiebat; apud alios verò rerum ad commodè feliciterque viuendum necessariorum, inopia, optimam Rempublicam, quæ ἀνταρκτική, id est, rerum illarum copiam requirit, institui non patitur. Tertia pars est, nosse Rempublicam quamcunque sibi oblatam corrigere ad salutem, & conseruare, quod genus Aristoteles Rempublicam ex hypothesi vocat.

cat Postrema nosse, quæ forma Reipublicæ sit maximè communis, & plerisque hominibus accommodata.

Ratio huius sententiæ hæc ab illis affertur, quoniam omnes artes, quæ de genere aliquo tractant: omnes etiam eius generis species explicare debent, quod Inductione nonnullarum artium probant, ex quibus est Medicina. Nam Medicus cum circa valetudinem, quæ genus est, occupetur, non vnâ modò, sed omnes valetudinis species tractare, adeoque non modo, quæ optima sit valetudo, aut corporis constitutio, sed etiam quæ minus firma, quæque deteriora, quæcunque denique ipsi offeratur, eam nosse, & restituere ac conseruare debet. Atqui Politica est Ars, quæ de genere tractat, nimirum de Republica. Itaque omnes Reipublicæ species explicare debet, non modò eam, quæ simpliciter sit optima (quæ nunquam fortasse nec fuit, nec erit) sed etiam quæ pro conditione rerum sit optima, & quæcunque tandem ipsi offeratur, scire debet, quomodo ea instituta fuerit, quibusq; modis corrigi & conseruari possit. Itaque Platonem errasse, nec Politici munere satis functum insimulant, qui tantum de optimo Reipublicæ statu præceperit, nullum enim eius doctrinæ vsum esse, quod conditio rerum humanarum non ferat, vt optimâ Reipublicâ vtantur: Politicus verò præcipere ea debeat, quæ hominibus vtilitatem afferant.

Verba Aristotelis in Platonem sunt: *Etiam si cetera præclare dicat, à rebus tamen vtilibus aberrat; non enim videnda est optima tantum Reipublica forma, sed ea etiam, quæ potest esse.* Et
infra:

*Probat
quod vnum
negat.*

*Parado-
xum.*

infra : Oportet Politicum etiam iis , quæ iniuste sunt , Rebus publicis mederi , & opifari posse .

Item ex S.

*Thomæ, sed
malâ fide.*

Sed quoniam multi D. Thomæ verba audire malunt , eorum partem appingemus . Politicus inquit , debet considerare Politiam optimam simpliciter , & optimam ex suppositione , & quæ pluribus ciuitatibus congruit . Sicut Medicus non solum considerat sanitatem simpliciter , sed sanitatem , quæ competit isti . In hoc autem multis loquentium de Politicâ defecerunt ; etsi in aliquibus dicunt bene , tamen in iis Politis , quæ non quidem sunt optima , opportuna tamen aliquibus ciuitatibus , defecerunt . Quia Politicus non solum debet considerare Politiam simpliciter optimam , sed etiam optimam ex suppositione , & eam quæ cuique congruit , & quæ possibilis est . Similiter debet Politicus considerare Politiam faciliorem , & communiorē omnibus . Isti autem solum de optimâ Politicâ determinauerunt , quæ multis indiget , ad quam pauci pertingere possunt . Et ideo solum de illâ , quæ vix aut nunquam esse potest , considerauerunt . Et ideo manifestum est , quod errauerunt .

*Insignis in
Aristotele
producendo
fraus.*

Iam quod vitiosas & imperfectas Reipublicæ formas , plus quam rectas , ad Politici curam pertinere docuerint , hic Aristotelis locus 6. Politic. c. 6. argumento esse potest : Ea inquit , Oligarchia , quæ Tyrannidi similitima , & nequissima est , ita maiorem curam & cautionem desiderat . Quemadmodum enim corpora bene constituta , & ad bonam valetudinem probe conformata , similiter autem & nauigia ad navigationem opportuna , bonisq; nautis instructa , plura incommoda sine

sine læsione vel interitu sustinent : corpora vero morbosa, ac nauigia fatiscientia, malisque instructa nautis, ne parua quidem incommoda ferre possunt, ita & pessima quæq; Reipublica forma, plurimam cautionem desiderat.

Porro D. Thomæ in huius Aristotelici loci explanatione verba sunt: Sicut corpora animalium, quæ bene disposita sunt ad sanitatem, propter bonam ad inuicem primorum compositionem, vel proportionem: & naues, quæ bene compaginatae sunt in ordine ad navigationem, possunt sustinere plures errores, ut puta ictus, vel passiones ab extrinsecis, ita & non facile corrumpantur propter illa. Illa autem corpora animalium, quæ malè disposita sunt propter malam dispositionem humorum: & naues non bene compaginatae, sed quasiresolutæ, habentes prauos nautas, non possunt sustinere etiam modicos errores: imò corpora animalium talium, à modicis passionibus corrumpuntur, naues vero huiusmodi ad modicum impulsu ventis, vel unda, ad ictum rupis franguntur: ita est de Rebus publicis. Illa, quæ optimè ordinata sunt secundum rationem, multos impulsus & magnos sustinere possunt. Malè autem ordinata, à modicis corrumpuntur, & ideo maiori indigent cautela.

*Item in S.
Thomâ.*

Quàm denique exemplo etiam suo, Aristoteles & D. Thomæ, hanc suam de Politicæ subiecto doctrinam, stabiliuerint: nemini qui librum quintum Politicorum, in eumque D. Thomæ commentarium legerit, obscurum esse potest. Ibi enim de vitiosis Reipublicæ formis, earumque conseruandi modis, accuratissimè præcipitur.

*Exemplum
vtriusque
falsi & fal-
laciæ ad-
ducit.*

Et capite quidem 11. de modis conseruandi regni, seu boni Principatus paucis verbis disputationem absoluunt, sed in præscribendis modis, quibus Tyrannis conseruari debeat longè sunt copiosissimi: ità vt si quis versus numeret, quos in docendâ vtriusq; formæ conseruatione expleuerunt, duodecies tantum, & eo plus, Tyrannidi quàm Regno, ab eis impensum esse comperiat.

Et adhuc quidem satis planum fecisse videor, eos qui tam iniqui sunt scriptorum Politicorum iudices, contrà quàm Ratio, ac Methodi leges ferunt, in arte Politicâ ea, quæ artis propria sunt, tradi nolle. Reliquum est, vt eosdem ἀλλότρια, siue aliena tractari velle, similiter demonstrarem.

§. IV.

Non in tractandis, sed emendandis vitiosis Rebus publicis plus laborandum esse Politico; neque eas ideo magis proprium obiectum Politicæ esse; neque id Aristotelem & S. Thomam sensisse, aut Platonem idcirco reprehendisse.

NOuum non est errorum fraudumq; Architectos, à veritatis, virtutisque Magistris, autoritatē sibi testimoniumq; arrogare. Idem Scioppius hic facit, sed quia supra ostendimus illum Aristotelis autoritate fædè abusum, eo præiudicio meruit, vt nec in Aristotele, nec in S. Thomâ

mâ ei fides haberi debeat; quam nemo cordatus posthac illi adhibebit, si cognoverit, quàm malignâ falsitate etiam hîc tantos testes adducat. Quod in primis dicit, *de Politica subiecto eos cum absolutè agere tum comparatè. Absolutè quidem, cum demonstrant, Politici esse nō tantum de optimâ, sed etiam de qualicunq; Reipublicæ formâ quamvis ætiori & vitiosâ præcipere*, hoc jam supra concessimus. Et si vocis *præcipere* ambiguitas cauenda est. Aliter enim probus Politicus præcipere debet, de vitiosâ Republica, aliter de legitimâ: de illâ ut fugiendâ, aut emendandâ, de istâ, ut amplectendâ. Quia autem Scioppius Pseudopoliticos defendendos suscepit, qui non de sceleribus fugiendis, sed faciendis præcipiunt, meditatæ & improbæ ambiguitatis suspectum se facit.

Quod verò de comparatâ tractatione illis imponit, fallax & falsum est. Nam cum Aristoteles & S. Thomas dicunt Politicè plus de vitiosis, quàm de rectis Reipublicæ formis laborandum esse, non intelligunt plus de vitiosis explicandis, instituendis, aut conseruandis, sed fugiendis aut emendandis laborandum esse. Hoc enim labore, aut non indigent legitimæ Res.

De Politica subiecto tñ ab iurè, tum comparatè agi potest.

De Pseudopolitiâ quomodo plus laborandum.

publicæ, aut si vitij aliquid contrahunt, leuiori operâ emendantur. Hoc autem nullo modo est dicere, vitiosas formas esse artis Politicæ obiectum magis proprium, quàm regnum, aliasque rectas & laudabiles formas. Quod tam falsum est, vt his veritatis Duumiris, nec in mentem venire potuerit.

Non est Politica obiectum magis proprium.

Nam vt Aristoteles I. Ethic. c. 1. & saepe alibi docet, *Ars omnis, & omnis disciplina, item actio & electio, bonum aliquod appetunt*, tanquam finem & obiectum suum proprium. Atqui in Politicâ, praua Reipublicæ forma est malum quoddam, & error artis, siue scientiæ, non minus, quam Barbarismus & Solæcismus in Grammaticâ, sophisma in Logicâ, monstrum in rebus naturalibus, peccatum in Theologiâ, non ergo est finis, neque obiectum proprium, aut propriè dictum Politicæ. Hæc enim intendit Politicam rectam, vitiosam autem auerſatur.

Pseudopolitia tractanda, & vitia artis.

Vnde sequitur vitiosas Reipublicæ formas, perinde vt vitia & errores in alijs artibus, posse solum dici obiectum considerationis siue contemplationis: non autem actionis, seu operationis Politicæ, & artificiosæ, quia à regulis artis deuiant, Cum-

que

que scientiæ practicæ & artes ad actionem præcipuè referantur, magis proprium illorum obiectum esse apparet, quod facere docent, quàm quod fugere: etsi vtrumq; considerent, ideoque etiam in practicis oppositorum esse eandem scientiam, omnes consentiant.

Non solum verò in hâc comparatâ tractatione, fallit Scioppius, sed in referendâ quoque disputatione Aristotelis & S. Thomæ de officio veri Politici, ex lib. 4. politic. c. 1. cum affirmat illos, quàm parum Plato illud custodierit, operosè demonstrare. Neuter enim Platonem nominat, neque aduersus ipsum eos disputare, indeliquet, quod illos redarguunt, qui de optimâ solum Republicâ tractant, quosq; Aristoteles ait rectè quidem dicere, sed à rebus utilibus aberrare.

*Alia fram
in Aristote-
le & S. Tho-
ma citan-
do.*

Platonis autem Rempublicam, valde vitiosam esse docuit l. 2. polit. c. 1. 2. 3. 4. non ergo inter eos est, quos rectè de optimâ Republica disputasse hic dicit, cum tot ipsius errores ibi commemoret, & operosè refellat. Sed Scioppius imperitiam fraude cumulat, nam quæ Aristoteles numero plurali scripsit: καὶ οἱ τὰλλα λέγουσι καλῶς, τῶν δὲ γὰρ χρησίμων διαμαρτάνουσιν,

ipse vt in Platonem dicta credantur, in singulari ita reddit : *Etiamsi cetera praeclare dicat, à rebus tamen vilius aberrat.* Vnde rursus apparet, quid fidei hic homo meretur.

§. V.

Qua Aristoteles principi libri IV. Politicorum à Politico exigit, non rectè à Scioppio explicari; nec omnes Respublicas imperfectas, vitiosas esse.

Quatuor illa, quæ à Politico, Aristoteles exigit, lubricè itidem, nec candidè adnumerat, quam ob causam, tum etiam ob ea, quæ postea sequuntur, aliqua monenda sunt.

Quæ Respublica sit legitima.

I. Non solum ea Respublica, quæ simpliciter optima est & maximè optabilis, legitima est: verum etiam illa, quæ pro conditione hominû, locorum, aliarumq; rerum optimè constituta est, etsi melius constitui potuisset, si maiora animi fortunæque bona, eiusmodi hominibus contingerent. Huc etiam eæ Respublicæ pertinent, quarum institutio non quidem optima, bona tamen est, non vitiosa. Non enim optima duntaxat, sed bona quoque, legitima, & à vitijs aliena sunt.

II. Rem.

II. Rempublicam ex hypothesi, non recte interpretatur Scioppius *quamvis oblatam*, sic enim omnes Respublicæ non simpliciter optimæ, ex hypothesi vocari possent. Sed intelligit Aristoteles, ut exemplum ostendit, Rempublicam vitiosam, quæ nec pro conditione hominum, nec aliarum rerum, recte ordinata: nec ex natura veræ Politicæ, sed arbitrio instituentium talis est. Ideoque merito Respublica ex hypothesi, siue suppositione talis finis, aut institutionis, non ex naturâ rei dicitur: nihil enim vitiosum secundum naturam aut artem est.

Respublica ex hypothesi, vitiosa.

Quamvis verò Aristoteles eius solùm Reipublicæ exemplum ponat, quæ nec pro conditione suâ recte constituta est, nec ob defectum aliquarum rerum optima simpliciter esse potest, nos tamen omnes vitiosas formas huc reuocamus. Et simul monemus, etiâ Respublicas pro rerum conditione legitimè institutas, ab Aristotele eod. l. 4. polit. c. 11. ex hypothesi appellari, quia non simpliciter, sedposito tali rerum statu, vel optimæ sunt, vel bonæ.

III. Eius quoque Politicæ forma, quæ ab Aristotele omnibus ciuitatibus maxi-

Politica forma cõmunis legitima

mè congrua, facilior item & communior dicitur, legitima, non vitiosa est. Quod ex c. 11. eiusdem libri 4. perspicuum fit, ubi eam Rempublicam prolixè describit, & in mediocritate ciuium ac fortunarum constituit. *Sic enim ait, rectè in Ethicis dictum est, beatam vitam esse ex virtute non impedità, virtutem verò esse mediocritatem: necesse est vitam optimam, esse mediocrem, eà mediocritate, qua singulis potest contingere.* Hoc autem inde probat, quod homines mediocres alieni sint à vitijs, quibus communiter indulgent, valde sublimes & opulenti, aut admodum viles & pauperes. Et si enim in quâcunque fortunâ, virtutis mediocritas locum habeat, facilius tamen est eam tenere, cum ipsâ rerum mediocritate, animus ad æquilibriū ducitur.

In mediocritate consistit.

Respublica ex mediocribus quare optima.

Quare rectè concludit Aristoteles, Societatem ciuilem eam optimam esse, quæ est ex mediocribus, quia nimirum ratione materiæ seu hominum, maximè idonea est ad virtutem; & quia ubique pars hominum mediocrium, maxima est, hinc eiusmodi Respublica, plurimis communis esse potest. Quod obseruari necesse est aduersus Scioppium, qui sub finē

Pædia

Patria capitalem fraudē committit, dum asserit Politia formam maximè communem & plerisque Principibus accommodatam vitiosam esse: ideoque velut autoritate Aristotelis excusat eos, qui in eā docendā toti occupantur.

IV. Respublica alia vitiosa sunt ex forma, seu vitiosis legibus, alia ex bonarū legum transgressione vitia contrahunt; quæ si puniantur, & emendentur, simpliciter vitiosæ, dici non possunt; non enim vitia, sine quibus vita humana non degitur, sed eorum impunitas malam Politiam arguit. Ideoque laborandum est, vt quod culpa corrumpit, poena ac cautela resarciat; eaque ratione bonas Respublicas conseruare est boni Politici. Quæ autem ex forma malæ sunt, vt Tyrannis, aut euertendæ sunt, aut in bonas vertendæ: nec de ijs conseruandis laborare est boni politici.

Quare fallit Scioppius, cum iubet Politicum Respublicas ex hypothesi, quas vitiosas esse diximus, conseruare, & helleboro indiget, cum asserit *Medicum quamuis valetudinem etiam deterrimam, nosse & restituere, ac conseruare debere.* Aliud est nosse, quibus modis conseruetur, seu alatur Tyrannis aut febris, aliud eam conser-

*Respublica
vitiosa sunt
ex legibus,
aut earum
transgressione.*

*Scioppius
fram.*

uare & alere, vt diu duret, illud est boni Politici ac Medici, istud hominis scelerati aut infani. Eligat quod vult Scioppius, aut si malit, vtrumq; fateatur.

*Tyranni,
Oligarchia,
Democra-
tia, non vniuersim
virescunt.*

V. Etsi Aristoteles 5. Politic. c. 5. & alibi Tyrannidem, Oligarchiam & Democratiam, vniuersim statuat esse *negotiosas*, siue transgressionem, aut aberrationem à rectâ Reipublicæ formâ, & de Oligarchiâ ac Democratiâ, multa disputet lib. 4. 5. 6. nusquam tamen asserit esse simpliciter, & vniuersim iniustas aut vitiofas. Sed l. 3. c. 10. & l. 7. c. 7. docet Barbaros, præsertim eos, qui Asiâ incolunt, naturâ aptos esse ad seruiendum, ideoque ferre volentes regnum Tyrannidi simile, non tamen iniustum, cum sit secundum leges, & non in inuitos, quod repetit l. 4. c. 10. Ac postea c. 12. censet multitudinem hominû mediocrium maximè idoneam esse statui populari; cui eidem valde idoneos iudicat agricolas, & post hos pastores, l. 6. c. 4.

*Legitima, si
absit iniuria.*

Quare status eiusmodi absque vi & iniuriâ, ex populorum consensu, & accommodatè ad indolem illorum instituti, aut iure belli legitimi introducti, minus quidem perfecti sunt, non autem proprie *vitiosi*.

tiosi. Nam quod ij qui imperant, com-
modum suum potius spectant, quam subdito-
rum, aut certè magis illud, quàm istud: si
id absq; iniuriâ faciant, præsertim erga
homines serviles, vitiosum simpliciter
non est; etsi à perfectione Regni, Status
optimatum, & Reipublicæ, in quibus com-
modum subditorum præcipuè spectatur,
aberrer. Quà ratione cætera animalia
comparatione hominis imperfecta æsti-
mantur, lice: sui generis perfectionem
quandam, absq; vitio habeant.

Atque has omnes Reipublicæ formas
ab eo, qui perfectam Politicæ tractationem
profitetur, seu legitimas, seu vitiosas, expli-
cari debere fatemur, eamq; Aristotelis &
S. Thomæ mentem esse non negamus. Sed
locum S. Thomæ Scioppius integrè non
retulit; omisit enim, ista verba: *Alij consi-
derauerunt Politiam magis communem, &
nihil de optimâ dixerunt. Unde reprobabant
quasdam Politias Laconicorum, & si quæ alia
est, quæ approbanda est, & quam laudamus.*
Post quæ S. Thomas demum subiungit:
& ideò manifestum est, quod errauerunt.
Hæc verba Scioppius omissis intermedijs,
de Republicâ optimâ & Laconicorum,
fraudulenter cum superioribus conte-
xit,

*Omnes Rei-
publicæ for-
mæ tractan-
de.*

*Scioppius
S. Thomam
fraudulen-
ter allegat.*

xit, ne cogatur fateri ex mente S. Thomæ manifestum esse, quod errauerint Machiauellus, aliique Pseudopolitici, qui nihil de optimâ Republicâ dixerunt, & reprobant Politias rectas, quæ approbandæ sunt, quasque S. Thomas & boni Politici laudant. Fallit ergo Scioppius non solùm in Aristotele, sed etiam S. Thomæ allegando, & toties fallax, ostendit se fraudum Magistrorum, fraudibus defendere.

Quæ verò ex l. 6. Polit. c. 6, assert, vt ostendat vitiosas & imperfectas Reipublicæ formas plus, quàm rectas ad Politicorum curam pertinere, nobis non repugnant, & ex ijs, quæ suprà de comparatâ tractatione respondimus, intelliguntur. Modo obserues Grammaticum fraudulenter à curâ & emendatione Reipublicæ vitiosæ, quâ maiori opus habet, quàm recta: transire ad tractationem & conseruationem, quæ præcipuè ac propriè ad Politiam rectam, referri debet.

§. VI.

Exemplum Aristotelis & S. Thomæ, à Scioppio falsò & fallaciter allegari.

Neq; magis exemplum, quam doctrina Aristotelis & S. Thomæ, Scioppio patrocini-

patrocinantur, sed æquè illud, atque ista doli mali illum conuincit. Ad lib. 5. Politicorum nos vocat, eiusq; caput 11. vbi ait Aristotelem & S. Thomam *de modis conseruandi regni, seu boni Principatus, paucis verbis disputationem absoluerè, sed in prescribendis modis, quibus Tyrannis conseruari debeat, longè esse copiosissimos: ita vt, si quis versus numeret, quos in docendâ vtriusque formæ conseruatione expleuerunt, duodecies tantum, & eo plus Tyrannidi, quàm Regno ab eis impensum esse comperiât.*

Non tantum Grammaticus, etiam Arithmeticus est Scioppius, ita versus accuratè numerat. Sed iubeo ego illum numerare non versus, sed libros Politicorum Aristotelis. Et affirmo, nec vnum reperiturum, in cuius potiori parte de Rebus publicis vitiosis conseruandis agat. Imò fallaciam demonstro. Aristoteles & Sanctus Thomas paucissimis, si ea cum totis Politicorum libris conferas, conseruationem Reipublicæ vitiosæ ob plenitudinem doctrinæ explicant, & tam hæc ipsa quam reliqua Politicis, ac Ethicis libris comprehensa, ad legitimam Politiam referunt; ergo exemplo suo ostendunt eam esse proprium Politicæ obiectum.

*Aristoteles & S. Thomas de Pseudopoli-
tia, præci-
pue non agunt.*

Neque

*Ex toto opere
iudican-
dum de
materiâ.*

Neque ex vno capite, sed toto opere, quid potissimum scriptor aliquis tractandum sumpserit, iudicandum est. Alioquin dicendum erit, *consilia & cogitationes impiorum, aduersus iustum*, esse magis propriam Sacrarum literarum materiam, quàm Fidei mysteria, & virtutum præcepta, quia totum caput, 2. Sapientiæ, si paucas lineas dempseris, consumitur ijs, quæ *dixerunt impij, cogitantes apud se non recte*, recensendis. Fallacia hæc est à dicto secundum quid, ad dictum simpliciter; veluti, si ex eo, quod quis dentes n. gros habet, esse Æthiopem concludas.

Vnde rursus apparet Scioppium non Logicum, sed Sophistam esse, neque planum fecisse, quod æquissimi Pseudopoliticorum iudices, quæ artis propria sunt, tradi nolint: sed quod ipse, quæ Politicæ propria sint ignoret, & alijs quoque ignorantiz fraudumq; nebulas offundat.



CAP. V.

Que ad Ethicam, seu Philosophiam moralem pertinent, à Politicâ aliena non esse.

§. I.

SVPPETIÆ. Tyrannidis turpitudinem describi in Ethicâ debere, non in Politicâ.

CVM igitur supra aliud genere, aliud loco alienum esse ostenderim, quorum illud semper methodo artis ac doctrinæ, alterum etiam Prudentiæ methodo aduersatur, vtriusque generis Alienum ab istis requiri videmus. Primum enim hoc nomine Politicos scriptores grauitè accusant, quod non occupentur in describendâ Tyrannidis fæditate seu turpitudine, ut ab eâ vel occupandâ, vel tetinendâ hominum animos deterreant. Hoc autem à Scholâ Politicâ alienissimum esse, & ad Ethicam vel Moralem pertinere, etsi nemini verè Philosopho potest esse dubium, tamen propter eos, quibus disciplinarum fines non æquè noti sunt, distinctius probare volo.

Calumniam

§. II.

VINDICIÆ. Virtia artis declarare, cuius sum artifex, adeoque etiam Politici proprium esse.

NON rectè Scioppium duplex Alienum, vnum genere, alterum loco, assignasse supra ostensum est. Pseudopoliticos

COS

cos scriptores à probis Politicis grauitè accusari, quod vitiosæ Reipublicæ fœdita- tem non exponant, nec ab eâ deterreant, verum est, nec iniquum.

*Boni artisti-
en est erro-
res artis
nosse, & de-
segere.*

Est enim cuiusvis boni artificis, peccata siue errores artis nosse ac detegere, quod dum facit, turpitudinem eorum in recessu à regulis artis sitam, eo ipso declarat. Ne- que opus est Oratorijs declamationibus aut inuectiuis. Vt Grammaticus solœcis- mos & Barbarismos, Logicus sophismata, Theologus peccata cauere ex officio do- cet, ita Politici officium est ostendere Ty- rannidem, aliasq; vitiosas Respublicas ca- uendas, aut corrigendas esse.

Hoc Scholæ Politicæ proprium esse, ne- mo verè Philosophus dubitare potest. Ne- que enim est ab eâ alienum, quod cui- us arti proprium est, aut quod ad Ethi- cam, seu Philosophiam moralem pertinet, quæ aut est ipsa Politica, aut nobiliorem eâ partem non habet. Fines disciplinarum legitimos Scioppius frustra promittit, cum fines veritatis tam audaciter transiliat.

Sed quâ patientiâ illum in Logicâ audiui- mus, etiam in Ethicâ audiamus.

§. III.

*SYMPETIÆ. Varia Ethicæ, seu Philosophiæ
moralis diuisiones.*

Ethicæ, seu moralis Philosophiæ; quæ *ars bene viuendi* definitur, partim Regularis est, partim Exemplaris; & illa quidem vel Dogmatica, vel Parænetica seu Pædagogica: hæc autem vel Characteristica, vel Historica, vel Fabularis. Non minus enim quam cæteræ artes, Moralis partim regulis, partim exemplis docetur. Regulæ verò sunt vel generales, vel speciales. Illæ dogmata seu decreta, hæc Præcepta vocantur, vel Paræneses aut cohortationes.

*Diuisiones
Ethicæ Sci-
oppiana.*

Decreta sunt generales sententiæ, quæ non ad certum aliquam, sed ad omnem vitæ partem diriguntur, & vniuersè hominis animum informant: ac partim intradendo sine hominis, seu summo bono, partim in ijs, quorum adiumento finem consequimur, in eorumque contrarijs occupantur. Cuius generis sunt, quid sit Felicitas hominis, quid miseria, quid bonum, quot sint virtutes, separatæne sint, an connexæ: ut qui vnâ habeat, & cæteras habeat. Atque hoc ferè librorum Moraliû Aristotelis argumentum est.

Decreta.

Præcepta singulis vitæ partibus inserviunt, & cum Actiones hominis, quæ officia vocantur, secundum temporum ac locorum varietatem ordinant ac disponunt: tum Passiones, siue affectus, aut perturbationes moderari, & vel excludere, vel corrigere docent. Ex hac nota

Præcepta.

H

sunt

sunt, quid facere debeat qui vitam beatam traducere, qui metu vacare, qui cupiditate, spe, amore, inuidiâ, omninoque ijs, quæ mala sunt, animum liberare velit: quid pater filio, filius patri, vir vxori, vxor viro, seruus domino, dominus seruo, cuius cui præstare debeat.

*Ciceronis
Moralia.*

Atque hæc Philosophiæ moralis pars à Cicerone in libris de officijs, & Tusculanarum disputationem vberimè pertractatur, quorum illi regulas Actionum tradunt, hi verò passionum, siue affectuum regimen, id est, quomodo vitiosos animi affectus medicari vel moderari oporteat. Quod quidem *Internum* officium distinctionis gratiâ vocare possumus, sicut *externum* illud, quod DEUM & homines spectat. Libri verò de Finibus bonorum & malorum sunt Dogmatici, & in tradendis Decretis occupantur. Plutarchi etiam Moralia opuscula, maximam partem præceptis vitam hominis ordinant, quemadmodum & Theognidis, Phocylidis, quæq; Pythagoræ vocantur, aurea carmina, & Disticha Catonis nomen præferentia. Seneca Philosophus etiam, ipse Præceptiuam Moralis partem potissimum coluit, planeque in eâ regnat, cui proximus est Epictetus Stoicus.

*Officium
perfectum,
& medium.*

Cum autem officium sit vel perfectum, quod κατὰ φύσιν vocant, vel Medicum, quod κατὰ νόον perhibetur: quorum illud est actio vel constituens Heroicam virtutem, vel ab eâ proficiens, hoc autem in communi ac velut ordinariâ hominum virtute spectatur: apud Gentiles à Christianâ doctrinâ remotos, (Epicteto & Seneca

necá exceptis) vix vllam perfecti officij regulam inueneris. Itaque si quis virtutis perfectionem adamet, sacrarum literarum ac librorum verè κατὰ γράμματα πικρὴν lectioni dedere se necesse habet, qui à Theologis Practicis, quorum alij Casistæ, alij Spirituales vulgò dicuntur, magno numero sunt editi.

Exemplaris seu Paradigmatica Philosophiæ moralis pars, faciendum fugiendorumq; exempla suppeditat. Nec enim tantum, quomodo quidque faciendum, sed etiam quomodo non faciendum sit, exemplo rectissime docemur. *Tam hac cogitanda sunt exempla, quæ vitæ, quæ illa è contrario, quæ sequaris.* Sic Ismeniam clari nominis tibicinem Plutarchus autor est, cum discipulis suis non eos modò, qui bene, sed etiam qui secus tibijs canerent, ostendisset, moneere eos solebat: *Ità canendum est, & ita canendum non est.* Et Horatius 1. Satyr. 4. se à Patre suo proponendis virtutum ac vitiorum exemplis, quid in vitâ agendâ fugere, quidque facere deberet, edoctum fuisse, pereleganter narrat: quem quidem locum hisce verbis concludit.

*Exemplaris
Ethica.*

— *avidos Vicinum funus Et agros
Exanimat, mortisq; metu sibi parcere cogit:
Sic teneros animos aliena opprobria saepe
Absterrent Vitiu.*

Cum autem exempla vel vera sint, vel ficta, & vera vel in genere omnium, vel inspecie huius aut illius, siue singulorum: eò fit, vt pars ista Philosophiæ, quæ exemplis docet, sit partim Characteristica, partim Historica, partim Fabularia.

**Characte-
ristica.**

Characteristica est, quæ in genere homines virtutibus ac vitijs præditos, dictis ac factis suis quotidianis, velut signis ac notis quibusdam describit, *quæ res* (ait Seneca) *eandem vim habet, quam præcipere. Nam qui præcipit, dicit: Illa facies, si voles Temperans esse: qui describit, ait: Temperans est qui facit illa, qui illis abstinet. Similiter qui præcipit: illa ne feceris, ait, si non vis esse Intemperans; Sed qui describit: Intemperans est, qui facit illa, qui non abstinet ab illis,*

Sic Zachariæ cap. II. qualem deceat esse bonum Pontificem, siue Ecclesiæ Pastorem, Charactere, seu notatione Pastoris stulti docemur: *Pastor stultus. siue pastor & idolum, derelinquit gregem, derelicta non visitat, dispersum non querit, contritum non sanat, id quod stat non enutrit, sed carnes pinguis comedit, & Ungulas eorum dissolvit.* Ista Characteristica, seu descriptiva docendi ratio eandem habet vim, ac si præciperetur, quid fugere Pontifex, quidque facere debeat. Hanc porro Philosophiæ partem Theophrastus Aristotelis auditor & successor, peculiari libro complexus fuerat, cuius hodie fragmenta extant, quæ Characteres morum inscribuntur.

Historica.

Historica est, quæ vera aliorum exempla sic narrat, ut ex eorum, quæ rectè ac secus facta sunt euentis, gloriâ puta, & infamiâ, utilitate ac damno, quid faciendum fugiendumque sit, addisci queat. Nam qui verbi gratiâ, ebrietatem Alexandri, gloriam eius obscurâsse, ac multorum ejus malorum causam fuisse narrat, is

Prin-

Principibus, vt ebrietatem fugiant, præcipere censendus est. Ità qui Scipioni Africano continentiam, quâ in captâ virgine illustri, sponso suo reddendâ vsus est, cum gloriosam fuisse, tum animos hostium conciliâsse, & Hispaniam ad eius imperium adiunxisse narrat: eâdem operâ ijs, qui cum imperio sunt, præcipit, vt ab ijs se inuoluptatibus contineant, animoque imperare velint.

Atque hæc causâ est, cur Historiam Tullius non modò *rectè temporum* sed etiam *via Magistrum* vocauit. Nimirum non modò, quid quoque tempore contigerit, narrare, sed etiam rectè factis laudem impertiri, sceleribus maculam adspargere, sic denique instituere narrationem debet, vt ex eâ vitam suam Lectores rectè moderari discant.

Fabularis est, quæ fictis exemplis hominum actiones dirigit, siue illa sint hominum, vt in narrationibus Milesijs, quarum soluta est Oratio, vt Apuleij, Heliodori, Bocaccij, tum in poesi Epicâ & Scenicâ: siue belluarum aliarumque rerum, quibus ratio, sensus & Oratio attingitur, vt in Æsopi mythologiâ. Epicæ quanta vis sit ad docendam moralem Philosophiam, non vno loco Aristoteles, Strabo, Plutarchus, ex professo autem Horatius 1. Epist. 2. vtriusque Homerici Poematis exemplo declarant; nam ex Iliade præcipue militares, ex Odysseâ pacis artes haurire licet. Scenicæ, præcipueque Comici nihil aliud, quam vitæ imaginem velut in speculo exhibet, in quod insipientes disceere queant, sibi quid ex vsu sit: sicut

Fabularum.

ex diuerso Tragœdia Regum Principumque actiones & affectus ordinat, adeoque ineptè & intempestiuè populo spectante agitur. Mythologia denique, siue Apologi, & Fabulæ Æsopicae, quid facere priuatim ac publicè, quidque cauere conueniat, ad popularem captum accommodatissimè, minimaque cum cuiusquam offensâ & inuidiâ præmonstrant.

§. IV.

Easdem diuisiones conuenire Politicæ; argumentum Ethicorum Aristotelis, diuisionem Officiorum in medium & perfectum, malè explicari à Scioppio, & complura alia absone dici.

Non operæ pretium est singula ad trutinam vocare, quæ de Ethicæ diuisionibus Grammaticus tradit, sufficere præcipua absurda, obiter indicare.

*Diuisio
Scioppii nō
est Ethica
propria.*

*Ethica pars
Philosophiæ
moralis.*

I. Nec diuisum nec membra diuidentia sunt propria Ethicæ. Statuit enim Ethicam esse eandem cum Philosophiâ morali, quam definit *ars bene viuendi*; atqui sicut est ars quædam *bene viuendi priuatim*, quæ per Antonomasiam Ethica dicitur, ita alia est ars *bene viuendi publicè*, quam Politicam nuncupamus. Non ergo Ethica cum Philosophiâ morali eadem est, nisi pro tota doctrina morum sumatur, quod vsus loquendi non habet: secundum quem Philosophia moralis genus est

Ethica

Ethicæ & Politicæ. Sicut autem Ethica, ita & Politica distingui potest in Regularem, & Exemplarem, aliaque membra Scioppiana. Quare Scioppius nolens volens, probat esse proprium Politicæ, quod statuerat probare esse alienum.

II. Argumentum Moralium Aristotelis non rectè recenset. Nusquam disputat ille de numero virtutum, nec prolixè de earundem connexionione. Singulas virtutes accuratè explicat, earumque plures vnà cum continentia, in moderaandis reprimendisque animi passionibus versari ostendit l. 3. 4. & 6. De amicitia & amicorum officijs ac generibus, duobus libris 8. & 9. diuinè disputat: vt caussa nulla sit, cur ista potius Ciceroni tribuantur, quàm Aristoteli, *Quo minor est, quisquis maximus est hominum*, qui natura duce, de Moralibus scripserunt.

III. Incongruè officium externum vocat, quod Deum & homines spectat. An enim ideo externum est, quia Deus & homines extra nos sunt? Atqui diligendo Deum ex toto corde, ex totâ animâ, & omnibus viribus, & proximum sicut nos ipsos, officium istud implemus; quid autem magis internum est homini, quam amor, &

quidquid in corde & anima peragitur, & quàm ipse Deus? Sed diuitiæ quoque & pericula extra hominem sunt, neque tamen officium externum esse putat Sciopius, cupiditatem in illis, timorem in istis moderari. Non ergo externum est, quod intus est: etsi id, quò refertur, foris sit.

*Officii di-
uisio malè
intellecta.*

IV. Diuisionem officij in medium & perfectum, non ad mentem Ciceronis, ex cuius l. 1. de officijs desumpta est, explicat. *Perfectum autem* ait Cicero, *officium, re-
ctum opinor vocemus, quod Græci κατὸρθε-
μα: hoc autem commune, quod ἡ καὶ ἡθικὴν
vocant. A que ea sic definiunt, ut rectum
quod sit, id perfectum officium esse dicant:
medium autem officium, id esse dicant, quod
cur factum sit, ratio probabilis reddi possit.* Nulla hic heroicæ virtutis mentio est, po-
test autem aliquid esse rectum & perfectum,
etsi non sit à virtute Heroicâ, quæ res ma-
gnas & arduas gerit: & ab Aristotele 7.
Ethic. c. 1. diuina dicitur, quod ex ho-
minibus veluti Deos efficiat.

*Virutes
Christiana.
Herosca*

Equidem virtutes Christianæ, cum diui-
num aliquid habeant, heroicæ dici pos-
sunt: sed non solent, nisi cum ardua quæ-
dam & magna aguntur, aut sustinentur.
Ità S. August. l. 10. de ciuit. Dei c. 21. cen-
sue.

suit Martyres appellari posse Christianorum Heroes, si profano nomine uti velimus. Κατὰ τὸ ἴδιον ergo à Cicerone id intelligitur, ut ipse satis explicat initio libri 3. de officijs, quod omnes honestatis numeros implet, & omni vitio vacat; καὶ ὁ μὲν autem, quod benefactum probabili ratione putatur, etsi aliquid sinistri affectus, aut vitij adiunctum habeat. Cumque solenne sit hominibus, aliquid vitij, aut culpæ virtutum actionibus aspergere, rectè eiusmodi officium commune appellatur, defæcatæ enim, & puræ putæ virtutum actiones, admodum raræ sunt.

Κατὰ τὸ ἴδιον
quid
Ciceroni.

καὶ ὁ μὲν
quid.

Neque sanè apud Gentiles vlla perfecti officij regula inuenitur, quod Deo usquequaq; placeat, cui sine Fide impossibile est placere. Ea cum Epictetus quoque & Seneca caruerint, malè illos excipit Scioppius. Si de virtutibus moralibus, quatenus sine verà fide haberi & exerceri possunt, præclarius scripserunt: longè eà ipsà in re non quidem Grammaticorum, at Theologorum aliorumq; sapientum iudicio, ab Aristotele superantur.

V. Aristoteli quoque & sensui communi repugnat, cum Virtutum ac Viti-
orum characteres siue notas & signa, quæ

Viti-
orum
Charact-
res exempla
non sunt.

exactionibus ferè defumuntur, Exemplum vocat, & Ethicæ Exemplari adscribit: Exemplum enim iuxta Aristotelem 2. Rethoric. c. 20. *singulare aliquid ex vno, aut per paucis similibus confirmat*; quæ autem toti alicui generi, siue speciei conueniunt, non de vno, sed de omnibus singularibus fidem faciunt; neq; inter exempla, sed proprietates referri debent.

*Obstani
Fabulato-
res à Sciop-
pio. Landasi.*

VI. Suum in Ethicis iudicium suspectum reddit, cum Ethicæ fabularis, quæ fictis exemplis hominum actiones dirigit, Magistros & veluti coryphæos producit, Apuleium, Heliodorum, Boccacium, rerum verborumq; obscenitate & noxijs illecebris infames; qui si de bonis moribus aliqua afferunt, tanti esse non possunt, vtex simeto colligantur: cum aliunde sincera, & nullis sordibus inquinata eadem, multoq; plura petere liceat. Atque talia sunt specimina, quæ Scioppius edidit, vt credamus licet iniurato, non esse magis Ethicæ, quàm Logicæ peritum; quod magis deinceps apparebit.

§. V.

SUPPETIÆ. In parte Ethicæ præceptiuâ, deterreri homines à Tyrannide, in dogmaticâ eius turpitudinem describi.

Ex

EX his facile est intellegendu, quàm sit Ethicæ proprium, & à Politicâ alienum, quod Censorum isti à Politicis tractari postulant. Nam de terrere hominum animos ab affectandâ vel tuendâ Tyrannide, ad Partem Ethicæ Pareneticam, seu præceptiuam pertinet: Tyrannidis verò turpitudinem describere, ad partem Dogmaticam, cuius est de honesto & Turpi disputare, quæ sunt forma, ac velut anima virtutis & vitij.

*Partes Ethicæ
ea Pareneticæ,
& Dogmaticæ.*

Cum enim v. g. vterque in alienandâ re familiari versetur, Liberalis & Prodigus, sicut vicissim in eâdem non alienandâ, seu querendâ aut retinendâ, Frugâlis & Auarus: honestas & turpitudine facit, vt Liberalitas sit virtus, Prodigentia siue Effusio vitium; virtus etiam sit Frugalitas seu Parsimonia, vitium verò auaritia. Nam Liberalis alienat, quoniam honestum est alienare, turpe verò retinere. Prodigus contra alienat, vbi turpe est alienare, honestum verò retinere. Auarus contra, seu sordidus retinet etiam, vbi dare honestum est, turpe verò retinere.

§. VI.

*KINDICIAE. Quæ propria sunt Ethicæ, æquè
conuenire Politicæ; hæc enim iuxta Aristotelem
totam Philosophiam moralem contine-
re; eiusq; partem esse Ethicam.*

Aristoteles Ethicam à Politicâ non distinguit, tanquam scientiam totalem, sed partem Politicæ facit. Neque hætenus reperi scientiam moralem, Ethicæ nomine

*Aristoteles
Ethicam
pro Philosophiâ
moralis
non usurpat*

*Neg. hanc
à Politicâ
distinguit.*

ab ipso appellatam. Politica ex mente ipsius totam Philosophiam moralem complectitur. Hinc initio Ethicorum ad Nicomachum, nullâ alterius scientiæ mentione factâ Politicam se tractare profiteatur, eique cap. 3. pro obiecto summum bonum, siue finem vltimum assignat, reliquas verò scientias ei subiicit tanquam Principali ac architectonicæ; vbi enumeratis præcipuis scientijs Ethicam non tacuisset, si aliam agnouisset extra Politicam. Cuius partem l. 10. c. 9. doctrinam quoq; defendendis legibus & Republicâ, libris Politicorû comprehensam facit. Et de eâ ibidem non vt de nouâ scientiâ, sed eius, quam in libris Ethicorum tradidit, parte præfatur.

Idem manifestum est, ex tribus viuendi generibus, quæ assignat l. 1. Ethic. c. ad Nicom. c. 5. & l. 1. Eudem c. 1 & cap. 2. ita explicat: *Cum ad vitam beatam, ordinata sint tria, quæ prius dicta sunt, velut potissima bona, Virtus, & Sapientia, & Voluptas: videmus tres esse vitas, quas cuncti sui compotus degere eligunt, Politicam, Philosophiam, Voluptariam. Ex his Philosophus expetit sapientiam & contemplationem veritatis, Politicus actiones honestas, (hæ enim sunt, quæ à virtute promeniunt) voluptarius ve-*

*Politicus
actiones ho-*

ad voluptates corporis. Non solum ergo Ari- *nestas exp-*
st.
 stotelis sententiâ, virtus eiusq; actiones
 ad Politicam & Politicos, verum etiam ad
 nullam aliam facultatem pertinent: ideo-
 que nullum aliud viuendi genus virtuti as-
 signauit, quam Politicum.

Quod ipsum lucè meridianâ clarius elu-
 cet ex principio lib. 1. Magnorum Mora-
 lium cap. 1. *Quia inquit, constituimus di-*
tere de moribus, primum considerandum est,
cuiusnam facultatis pars, sit mor. *Vi igitur* *Mores Poli-*
breviter dicam, videtur non alterius, quam *rica Aristo-*
Politica pars esse. Non enim potest in Politi- *teles assign-*
is quidquam effici, nisi quis qualis sit: qua- *nat,*
lem autem dico probum. Probum verò esse,
est virtutes habere, Oportet igitur eum, qui
Politica geret, moribus probum esse. Quare
pars est, uti videtur, & principium Politica
Tractatio de moribus. Totam verò appella-
tionem rectè videtur habere, hac tractatio
non moralem seu Ethicam, sed Politicam.
 Secundum Aristotelem igitur, nulla alia
 est Philosophia moralis, quam Politica, ad
 quam vulgo dicta Ethica se habet, sicut
 doctrina de terminis simplicibus & Enun-
 tiatione ad Logicam; & sicut Analytica
 siue doctrina de Syllogismo & demon-
 stratione, est pars Principalis Logicæ, ita
 doctri-

doctrina de legibus & Republicâ est principalis pars Politicâ, eiusque nomen veluti per Antonomasiâ retinetur.

Nô est alienum à scientiâ, quod pertinet ad partem illius.

Vnde contra Scioppium concludo. Quod pertinet ad partem scientiâ, id à scientiâ alienum non est; sed deterrere hominum animos, ab affectandâ vel tuendâ Tyrannide, eiusque turpitudinem describere proprium est Ethicâ, teste Scioppio, eâque est pars Politicâ, autore Aristotele; ergo non est alienum à Politicâ, sicut non est alienum à Logicâ, quod tractatur in libris Perihermenias. Imò Aristoteles itâ Ethicam putat pertinere ad Politicam, ut illam appellatione Politicâ comprehendendi velit.

Cur Aristoteles Philosophiam moralem, Politicam appellârit.

Cuius sententiâ duplicem causam videtur præcipuè habuisse. Vnam quia homo naturâ est animal ciuile, ut docet l. 1. polit. c. 2. & alibi sæpe; vnde consequens est mores humanos & plerasque virtutes ad Societatem ciuilem referri, in eâque exerceri & perfici. Alteram, quia sine legibus & Republicâ, mores ad virtutem non facile formari, neque vitia coerceri possunt, ut tradit l. 10.

Ethic. c. 9.

§. VII.

Politica etiam, ut vulgo sumitur pro parte Philosophia moralis, proprium esse Pseudopolitica vitia & turpitudinem explicare.

Ostendi non esse alienum à Politicâ, quod alienum cum Pseudopoliticis credit Scioppius, si ea iuxta mentem Aristotelis sumatur pro scientiâ integrâ, complectente duas præcipuè partes: vnam de vitâ priuatâ, quâ etiam Oeconomicam compræhendo, cum nec ipsa limites priuatos secundum se egrediatur, alteram de legibus & Republicâ. Nunc idem de eâdem demonstrabo, ut vulgo distinguitur ab Ethicâ, siue sint plures scientiæ totales, siue quod mihi verisimilius est, vnius scientiæ partes, Philosophiâ inquam Moralis: quam eandem esse cum Politica sapienter ac verè Aristoteles censuit. Cuius de Politicis sensum ac verba, utinam nostra ætas denuo tandem amplectatur! Sed pergo.

I. Politica, prout est specialis facultas constituendi, conseruandi & gerendi Rempublicam, est vera ars & scientia practica, eaque præstantissima; ergo propriū ipsi est vitiosæ Reipublicæ turpitudinē & desc.

Politica non est aliter tractare Pseudopolitica, quàm vitandas

defectus ostendere. Cum enim ars sit *re-
cta ratio operis alicuius efficiendi*, sequitur
malum artificium non esse opus artis, sed
contra artem, vt docet S. Thom. 1. 2. q.
57. a. 3. ad 1. adeoque non posse aliter
de eo tractari, quàm vt vitetur aut corri-
gatur, neque enim aliter est obiectum ar-
tis. Respublica autem vitiosa, est malum
artificium, ergo artis Politicæ proprium
est tractare de illius malitiâ, & recessu à
Regulis veræ Politicæ. in quo sita est ipsius
turpitudine.

II. Politica vel est ipsa Philosophia mo-
ralis, vt loquitur ac sentit Aristoteles, vel
certè, vt omnes fatentur, pars eius altera.
Quæ dirigit mores humanos in ordine ad
bonum commune, sicut Ethica ad bonum
vniuscuiusq; , quamuis id ipsum ad bonum
commune refertur debeat. Vt enim l. 8. Po-
litic. c. 1. præclare ait Aristoteles, *Negua-
quam oportet existimare aliquem ciuium,
esse sui ipsius, sed omnes ciuitatis; pars enim
quisq; est ciuitatis. Cura autem cuiusvis
partis, naturâ suâ respicere debet ad curam
totius.* Ergo sicut considerare turpitudi-
nem generatim & in vitijs priuatis Ethi-
cæ, ita considerare in Republicâ vitiosâ
proprium est Politicæ; adeò quidem, vt
id

*Eiusdem
proprium
est conside-
rare vitia
Respublicæ.*

id alienum sit ab Ethicâ. Nam vt idem Aristoteles docet, 4. met. c. 2. t. 16. *eiusdem facultatis est opposita contemplari*, sed Ethica non contemplatur, Rempubicam legitimam, ergo neque oppositam vitiosam. Non est enim eius facultatis considerare priuationem, cuius non est considerare formam oppositam.

III. Politica scientia & Prudentia; quæ non suum dumtaxat, sed commune etiam bonum curat, circa eadem versantur. Ideoque Aristoteles lib. 6. c. 8. Politicam & hanc prudentiam affirmat esse *eundem habitum*, obiecto videlicet: vterque enim Rempubicam considerat. Sed addit *essentiam earum eandem non esse*, quia Prudentia Politica agit, quæ agenda esse scit, ideoque virtus est: scientiam autem Politicam etiam ij habent, qui non agunt, quæ agenda esse sciunt. Quare idem Aristoteles lib. 5. Politic. c. 9. sapienter in summis magistratibus, præter amorem Reipublicæ, & facultatem eam gerendis, virtutem requirit, quâ faciant, quæ facienda esse sciunt.

Vnde rursus contra Scioppium colligo. Prudentia Politica est habitus *cum verâ ratione actuum*, circa ea, quæ non solum uni-
Prudentia est
de terre a
Pseudopolis-
cuique

cemur, omnis quæstio, aut disputatio eius artis propria est, cuius fuerit Prædicatum, siue Attributum: vt hæc quæstio, *siue Avaritia Liberalitatis contraria* ? non est Ethicæ, sed Dialecticæ. Nam quid sit contrarium ex Dialectica, discitur, quamvis subiecta sint Ethica. Docet autem Dialectica esse contraria illa, *qua sub eodem genere posita plurimum dissident.*

§. IX.

VINDICIÆ. Malitiam, Vitium, Turpitudinem, non esse adiuncta, sed rationem formalem Pseudopolitæ; neque hanc in Politica rectè tractari, nisi illa explicentur.

PLurimum momenti habet, quod à veris Politicis ac Philosophis contradicitur. Malitia enim Vitium, Turpitudinem non sunt adiuncta Tyrannidis, sed eius essentia & ratio formalis, sicut cæcitas oculi aut hominis cæci. Nam sicut legitima Respublica, est bene disposita secundum regulam rectæ rationis, ita vitiosa est malè disposita contra eandem regulam; eaque ratione distinguitur ab illa; neque aliter potest tractari in Politicâ. Vbi aduerte vitia & errores artis, non esse propriæ species obiecti efficiendi, seu quod ars intendit & efficit: ars enim seu scientia practica, est *habitus cum verâ ratione factivus*, vt docet Aristoteles 2. Ethicor. repugnat ergo vitiosum, seu malum artificium

Vitia artis non sunt species obiecti efficiendi.

esse opus artis, cum à verâ ratione siue regulis artis deficiat.

Pseudopolitias, quomodo sit species Politia.

Vnde sequitur Tyrannidem aliasque Pseudopolitias non aliter esse speciem Politia, quàm Syllogismus Sophisticus & Pseudographus, sunt species Syllogismi aut modi differendi, qui pro obiecto Logicæ assignari solet. Sunt ergo species obiecti analogicè aut æquiucè sumpti, quo pacto animal pictum potest dici species animalis: ideoque solum ad contemplationem, non ad operationem artis spectant, nisi quatenus per eam corrigi possunt, ut suprâ quoque explicatum est. Certè Syllogismus Sophisticus non est verus Syllogismus, sed apparens & vitiosus: eodemque modo Pseudopolitia non est vera Politia, sed apparens & vitiosa.

Quare sicut impostor, foret & errorum Magister, qui Sophismata doceret, non ostendendo eorum vitia, ac solutiones: sic eandem notam meretur, qui Tyrannidem aut alias Pseudopolitias ita tradit, ut vitiosas esse non ostendat, sed potius tanquam utiles ac necessarias artes commendat, quod sanè egisse Macchiauellum palam est.

Notanda est deinde hominis fraudulentia &

tia & imperitia. Negat Politicum tractare debere, de turpitudine, velut adiuncto Tyrannidis. Et probat inde, quia quid sit contrarium ad Dialecticam scilicet, spectat. Atqui de turpitudine quæritur; non est autem idem aliquid turpe & contrarium esse; nam etiam virtus contraria est vitio, non ergo contrarietas per se habet turpitudinem. Probare igitur Scioppius debuit de turpitudine, eam non spectare, ad Politicum. Sed extra chorum saltat Grammaticus, & in hoc ipso saltu cœdè aberrat.

*Scioppius
imperiè,
turpe &
contrarium
confundit.*

§. X.

*Iuxta Scioppium, peccatum originale ad Logicum, Myſterium SS. Trinitatis & numerum Sacramentorum pertinere ad Arithmeticam, aliaque absurda ſequi; quaſtionem igitur ei ſcientia attribui debere, cuius fuerit ſub-
iectum.*

ASſerit enim hanc quaſtionem, ſitne *Auaritia liberalitati contraria?* non eſſe Ethicæ, ſed Dialecticæ, ſic enim *Methodi magiſtros docere.* Certè non alij id docent, quàm iſte ipſe, vel ipſi ſimiles, qui Magiſterium ijs in rebus uſurpant, quas nunquam, aut non rectè didicerunt: & quorum propria Methodus eſt falli, aut fallere. Si illa quaſtio eſt Dialectica; ergo

*Paradoxa
Scioppiana.*

& ista, *an & cur caro aduersetur spiritui, eiq; sit contraria?* de quâ S. Paulus ad Galat. 6. & alibi disputat. Scilicet Dialectici est explicare modum & causas rebellionis, quam ex originali labe traximus. Simili modo has quæstiones; *An Deus sit trinus & unus? An Sacramenta sint septem? An partes pœnitentie tres?* ad Arithmeticeam Scioppius amandare cogitur; quia prædicata sunt numeralia; numerus verò est obiectum Arithmeticæ. Eodem Magistro, *An esse æternum, immensum infinitum, omnipotentem sit Deo proprium?* non Theologus, sed Logicus disputabit, quia propriam naturam explicat.

*Prædicati
explicatio
& definitio
sepe ex aliâ
scientiâ pe-
titur.*

Paradoxum itaque est & falsum, quæstionem ad eam artem pertinere, cuius fuerit prædicatum. Id verum est, prædicati explicationem aut definitionem, frequenter ab aliquâ facultate peti, & pro principio assumi, ad quæstionem aut conclusionem alterius scientiæ disceptandam, vel probandam. Quod contingit, cum prædicatum pluribus rebus ac scientiis commune est, ideoque per principia communium scientiarum probari debet, uti supra docuimus ex Aristotele. Qui l. i. poster. cap. 8. frustra in scientiis principia com-

communia ac propria distinxisset: si quaestio aut conclusio, cuius prædicatū commune est, & in communi aut superiori scientiā explicatur, ad illam, non verò ad inferiorem, seu particularem scientiam, cuius subiectum proprium est, pertineret.

Sic definitionem contrariorum ex Logicā, seu potius Metaphysicā, vbi latè de ijs agit Aristoteles l. 10. assumit Ethicus, eāque suppositā, ex natura virtutis & vitij, liberalitatis & Avaritiæ, earumque proprietatibus, (quarum considerationem manifestum est ad Ethicam, non Logicam pertinere,) demonstrat virtutem vitio, & liberalitatem Avaritiæ esse contrariam. Atque eadem est ratio in cæteris.

*Definitionē
contrariorū
ex Logicā
assumit
Ethicus.*

§. XI.

*SVPPETIÆ. Avaritiam & liberalitatem,
non esse sub eodem genere, sed illam sub habitu
alienandi, istam sub habitu non alienandi.*

IAm verò Avaritiam Ethicus sub alio genere ponit, sub alio Liberalitatem. Nam Liberalitas est sub habitu alienandi, seu largiendi, Avaritia sub habitu non alienandi, sed acquirendi aut conservandi. Liberalitati ergo contrario nomine opponitur Effusio, Avaritiæ parcimonia. Cum enim liberalitas & Effusio sint sub eodem genere, sub habitu nempe largien-

di, plurimum inter se dissident, quoniam illa honesta est, hæc verò turpis. Similiter Auaritia & parcimonia sub eodem habitu, non largiendi, sed retinendi plurimum inter se dissident. Nam parcus non dat, sed retinet, quia turpe est dare, honestum verò retinere. Auarus autem retinet, etiam vbi turpe est retinere, honestum verò largiri.

§. XII.

VINDICIÆ. Sciooppio aduersari Aristotelem; ab eo habitum alienandi, & non alienandi non distingui, nec Parcimoniam à Liberalitate.

*Aristotelis
de liberali-
tate, & vi-
tutis oppositæ
sententia.*

Ethicorum Princeps Aristoteles, quem in doctrinâ morali sequuntur Philosophi & Theologi, vnam virtutem & duo vitia ei opposita: liberalitatem videlicet, Auaritiam & Prodigalitatem, circa communem vltum pecuniarum assignat l. 4. Ethic. c. 1. Quorum genus esse necesse est, habitum vtentem pecunijs in communi. Hunc autem proximè diuidere licet in eum, qui rectè pecunijs vtitur, nec diuersus est à Liberalitate: & in habitum oppositum, qui pecunijs abutitur. Hic, (cum abusus duplex sit, vnus in excessu, alter in defectu,) in duo vitia speciei infimæ subdiuiditur: Prodigalitatem, quæ in dando excedit, & Auaritiam, quæ deficit. Neque præterea aliud vitium, aut
aliam

aliā virtutem præter liberalitatem, circa communem vsum pecuniarum Aristoteles constituit. Vnde habitum alienandi, sub quo Scioppius Liberalitatem & Prodigalitatem ponit, habitum item acquirendi, sub quo Auaritiam & Parcimoniā collocat, vna cum ipsā Parcimoniā, commentum Scioppij esse meritò pronuntiamus.

Habitus alienandi, item acquirendi, & Parcimoniæ Scioppij commenta.

Equidem habitum alienandi seu largiendi, distinctum ab habitu acquirendi seu conseruandi, Aristoteli ignotum fuisse, hinc patet; quia c. 4. Ethic. c. 1. eiusdem habitus docet esse dare & accipere, siue acquirere: & vtrumque Liberalitati tribuit, etsi magis illud quàm istud. *At* anim ait, *usus diuitiarum in sumptibus, & expensis consistere videtur, acceptio verò, & custodia magis ad possessionem pertinet. Quocirca liberalis potius est dare, quibus oportet, quàm accipere unde oportet, aut non accipere, unde non oportet.* Custodiam quoque, siue conseruationem eidem paulò post tribuit. *Neque ait, sua negliget, qui vult inde alijs opem ferre. Neque quibusuis dabit, ut possit dare, quibus oportet, & quando, & ubi honestum est.*

Liberalitas est dare, accipere, & acquirere, magis tamò dare,

*Vtrumque
etiam vitiis
oppositum
Aristoteles
tribuit.*

Vtrumq; item in vitijs oppositis agnoscit. *Prodigalitas igitur, inquit, dando & non accipiendo excedit, accipiendo deficit. Illiberalitas (sive Auaritia) dando quidem deficit, sed accipiendo excedit.* Repugnante igitur Aristotele. Scioppius Liberalitatem, sub habitu alienandi constituit, & ab habitu acquirendi excludit. Vnus est idemq; genere habitus, dandi & accipiendo, quem tres illæ species singulæ aliquatenus participant. Nam etiam Auaritia dat, licet non vti oportet. Prodigalitati quoque non repugnat, accipere, & sua conseruare, licet non accipiat vti oportet, & quantum oportet, neque sua conseruet, vti oportet. Experimur sæpe prodigos multa accipere, & quædam etiam conseruare.

*Auaritia
non repugnat accipere nec prodigalitati.*

*Parcimoniam à liberalitate
non diuersam.*

Vnde illud quoq; sequitur, nec Parcimoniam esse diuersam à Liberalitate, præter illam enim nullam aliam virtutem, circa communem vsum pecuniarum (Magnificencia enim cum vitijs oppositis, circa magnas & extraordinarias impensas versantur) assignauit Aristoteles, tum l. c. 4. Ethic. c. 1. & 2. tum l. 2. c. 7. Quem cum alijs Philosophis & Theologis sequitur S. Thom.

S. Thom. ibid. in commentario, & 22. q. 117. 118. 119. 134. 135.

Suffragatur ratio aperta. Nam Liberalitas moderatur vsum pecuniarum, qui rectus non est, nisi quis det quibus, & quæ, & quando oportet, resque suas ita curet, vt habeat, vnde det. Ipsa ergo, Liberalitas retinet, cum retinere honestum est, adeoq; Parcimonia Scioppiana superuacanea est, aut certè non nisi partem, & officium aliquod Liberalitatis significat. Quæ virtus nomen suum inde præcipuè videtur accepisse, quod teste S. Thom. 22. q. 177. a. 1. c. liberalis animum suum ab affectu inordinato pecuniarum, liberum esse ostendit, dando & accipiendo ac retinendo, vti oportet; etsi magis ei proprium sit dare, magisq; id nomen Liberalitatis & liberalis præ se ferat.

*Nomen liberalitatis
vnde.*

§. XIII.

SVPPETIÆ. Sitne Virtus mediocritas, in Metaphysicâ rectius tractari; vnum vni tantum esse contrarium, ideoq; Virtutem inter duas contraria nequaquam esse positam.

*Similiter, quæstio hæc, sitne Virtus mediocritas, siue in medio duorum virtutum posita; re-
ctius in Logicâ, aut Metaphysicâ, quam in Ethi-
câ tractatur. Primum enim ex Metaphysicis
disci-*

*Quæ certiss-
sima sunt,
oppugnans
Scioppianæ.*

discimus, &num &ni tantum esse contrarium. Aristoteles 10. met. 4. verba sunt: *planum est fieri non posse, & &ni plura sint contraria.* Et cap. proximo, *Vnum &ni contrarium est, &c.* Philoponus similiter 3. Physic. 3. *Absurdum est inquit, & duo &ni eidem sint contraria.* Sed & prius Plato. Alcibiad 2. *Duo &ni rei contraria nullo modo esse possunt.* Et in Protagorâ. *Vnicuiq; contrariorum &num solum est contrarium.*

Foras& autem superuacuum & περὶ ἐργον fuerit scientiam hanc autoritatibus stabilire, cum perspicuè Spiritus S. affirmet Eccles. 33. *Contra malum bonum est, & contra mortem vita: sic & contra vitium iustum peccator.* Et sic inuenire in omnia opera Altissimi. *Duo contra duo, & &num contra &num.* Igitur Metaphysicæ doctrinæ consentaneum est, virtutem inter duo vitia nequaquam esse positam. Aliter duo ei vitia essent contraria, cum semper, virtus & vitium sint contraria.

S. XIV.

VINDICIÆ. De virtutis mediocritate Aristotelem in Ethicâ disputare; eiusdem, omniumq; Theologorum & Philosophorum sententiâ, virtutem in mediocritate, & inter duo vitia sitam esse.

EX eodem errore hic mediocritatem virtutis ad Logicam vel Metaphysicam reiecit, quo supra contraria eodem reiecit. Est quidem principium Metaphysicum: *in omni re continuâ, & qua partes habet, plus & minus, & aequalereperiri; id-quo*

que secundum rem, vel quoad nos; *AEqua-*
le verò esse medium inter excessum & defe-
 ctum. Vtrum verò in medio, siue medio-
 critate virtus consistat, Ethici est conside-
 rare, cuius obiectum est virtus. Ideoq; *Ar-*
istoteles ex illo principio id probat l. 2.
Ethic. c. 6. eiusque libri magnam partem
 infumit in demonstrandâ generatim vir-
 tutis mediocritate, vitiorum verò exces-
 su atq; defectu; quod singillatim libris se-
 quenribus facit. Vnde alienum ab Ethico
 instituto id dici non potest, nisi *Aristote-*
lem in maximâ librorum Ethicorum par-
 te, aliena tractâsse in gratiam Grammati-
 ci credere velimus.

*Mediocritas
 virtutis ad
 Ethicam
 pertinet,
 Aristotele
 teste.*

Cuius probatio imperitiæ, & erroris
 plurimùm continet. Primò quidem, quia
 negat virtutem inter duo vitia esse posi-
 tam, & duo vitia ei esse contraria. Quod
 repugnat auctoritati & rationi. Nam *Ari-*
stoteles l. c. *Virtutem* definit esse habitum,
 quo eligimus mediocritatem quoad nos, a
 ratione determinatam, prout prudens de-
 terminauerit. *Mediocritas* verò ait, inter
 duo vitia consistit, vnum quidem in excessu,
 alterum in defectu situm. Quod pluribus
 argumentis ibi probat, & de singulis vir-
 tutibus moralibus cap. 7. asserit; denique
 in.

*Scioppius
 repugnat
 auctoritati
 & rationi.
 Aristoteles
 illi contra-
 rius.*

in explicatione earum præcipuè l. 3. & 4.
Ethic. accuratè demonstrat.

Secundum S. Th.

Quem sequitur S. Thomas ibidem in commentario, & 1. 2. q. 64. a. 1. ubi id confirmat ex eo, quia mensura & regula actionum humanarum est recta ratio. Bonum autem ait, cuiuslibet mensurati & regulati consistit in hoc, quod conformetur sue regule: sicut bonum in artificiatu est, ut sequatur regulam artis. Malum autem per consequens in huiusmodi est per hoc, quod aliquid discordat à suâ regulâ, vel mensurâ. Quod quidem contingit vel per hoc, quod superexcedit mensuram, vel per hoc, quod deficit ab eâ. Sicut manifestè apparet in omnibus regulatis & mensuratis; & ideo patet, quod bonum virtutis moralis consistit in adequatione ad mensuram rationis. Manifestum est autem, quod inter excessum & defectum medium est aequalitas, siue conformitas. Vnde manifestè apparet, quod virtus moralis in medio consistit. A quâ certissimâ Philosophorum Theologorumq; doctrinâ, qui dissentiat, præter hunc Grammaticum, noui neminem: cuius volufianas chartas, tam aperte veritati oggantes, tandem toleratas fuisse mirum est.

§. XV.

Vnum non esse pluribus contrarium, eodem respectu, & perfecte

NEque vllius momenti est, quod ex Aristotele & alijs, ipsiq; adeo sacris literis affert, *vni non esse nisi vnum contrarium*. Id enim vel eodem dumtaxat respectu verum est, ita vt diuerso respectu eodem plura contraria esse possint: virtuti nimirum duo vitia, vnum respectu excessus, alterum respectu defectus; vt significat S. Thom. 1. 2. q. 7 1. a. 1. ad. 1.

Vel quod menti Aristotelis non minus conforme est, accipi debet de solis contrarijs perfectis, vt ex eodem loco perspicue colligitur. *Cum autem ait, l. c. t. 14. multipliciter dicantur contraria, sic ea sequitur, quod perfectum est, sicut eis competit esse contraria. His autem positis manifestum est, quod non contingit vni plura contraria esse: neque enim ultimo ulterius est aliquid, neque vnius distantia plura sunt, quam duo extrema. Et vniuersim, si contrarietas est differentia, differentia autem duorum est, ergo & ipsa perfecta. Sed necesse est etiam alias definitiones contrariorum veras esse.*

Quibus verbis significat id quod dictum est, solis contrarijs perfectis, quæ sub eodem

Plura enim contraria diuerso respectu.

Vnum non nisi vni perfecte contrarium, iuxta Aristotelem.

Varia contrariorum species.

dem genere plurimum distant conuenire. Præter quæ, alia contraria, siue alias contrariorum differentias, enumerat tum ibidem, tum lib. 5. met. c. 10. r. 16. vbi ait contraria dici & ea, quæ simul eidem inesse non possunt, cum genere differant; & quæ plurimum differunt ex ijs, quæ sunt eiusdem generis; & quæ plurimum differunt in eodem subiecto; & quæ plurimum differunt ex ijs, quæ sub eandem potentiam cadunt; & quorum differentia est maxima, aut simpliciter, aut secundum genus, aut secundum speciem.

Vitia quomodo sint virtuti contraria.

Et si verò duo vitia non plurimam distent à virtute sub eodem genere, rectè tamen ei dicuntur contraria alijs modis, quia in ratione boni & mali genus commune non habent, neque eidem inesse simul possunt. Ideoque Aristoteles in Ethic. c. 8. & sæpe alibi asserit, *Habitus extremos, & medio habitui, & sibi contrarios esse, & medium extrema; maiorem autem esse extremorum inter se, quam cum medio repugnantiam, longius enim à se mutuo, quam à medio distant.* In Categorijs cap. de oppositis docet, *Malo quidem & bonum esse contrarium, & malum.* Defectus enim, qui malus est, contrarius est excessui malus

malus, similiter verò mediocritas utriq³ contraria, bona est.

Cuius rationem pulchram affert 2. Ethic. c. 6. Peccare ait, multis modis (malum enim, ut Pythagorei existimabant infinitum, bonum finitum est,) rectè autem agere, *Cur virtutis plura vitia contraria,* non nisi uno modo contingit. Quare illud facile, hoc difficile est: quippe & a scopo aberrare facile est, illum tangere difficile. Ideoq³ excessus & defectus vñ est, mediocritas virtutis. Quæ conuincunt Aristotelem constanter sensisse, Virtutem esse in medio duorum vitiorum, eaque virtuti esse verè contraria, etsi non habeant omnimodam & perfectissimam contrarietatem, qualem describit, 10. met. Neque aliter in tam clarâ rectæ rationis luce, sentire licet: aduersus quam dum loquitur Scioppius, quod actum est, & quod iniquum agit.

§. XVI.

SUPPETIÆ. Virtus in defectu sita, cum non sint circa idem, non esse virtutibus contraria, nisi per accidens, propter obiecta inter se pugnantis.

DEinde ex Dialecticâ discimus, contraria, vt & reliqua Opposita, dici secundum idem, ad idem, & eodem tempore ac loco, cui consequens est, vitia illa, quæ vulgò defectus perhibentur virtutum, nõquaquam esse Virtu-

*Temeraria
in scissa spe-
ciem.*

tibus contraria, cum secundum idem minime dici, satis constat. Exempli causâ, Auaritia non est defectus, neque oppositum Liberalitatis, quoniam reuera non circa idem internum, seu *formale*, ut sic dicam, obiectum versantur. Nam formale & internum Liberalitatis obiectum, est alienare rem familiarem, Auaritiz verò non alienare, sed retinere. *Formale* voco, ut habitus istos circa rem familiarem, materialiter tantum occupari significem, & formam vel formalitatem habitus, ab obiecti formalitate secerno.

Ex euentu tamen, seu per accidens Liberalitas, & Auaritia contraria dici possunt, quoniam ipsa eorum obiecta, alienare & non alienare inter se pugnant. Sed eodem modo per accidens vitium in medio duarum virtutum spectatur, velut alterius *nimiũ*, siue *excessus*, alterius *parum*, seu *defectus*. Nam auaritia inter Liberalitatem, & Parcimoniam media est, & à modo quidem Liberalitatis deficit, Parcimoniz verò modum superat, Sic effusio in eandem Virtutum medio collocatur, velut Liberalitatis *excessus*, & defectus Parcimoniz.

§. XVII.

VINDICIAE. Scioppium communi sensui repugnare; contraria dici secundum idem, illud autem, in quo opponuntur, non esse idem.

Alia Grammatici absurda.

Vitia tam quæ in defectu, quam quæ in excessu consistunt, virtutibus esse contraria, atque adeò Auaritiam esse defectum

fectum & oppositum Liberalitatis, ostendimus docuisse Aristotelem & S. Thomá, in quorum sententiam claræ veritatis argumentis persuasi, animis pedibusque eunt Philosophi omnes atque Theologi, vt indignum sit quenquam contrà dissentientem audire, aut rem certam in quaestionem vocare. Sed iuuat errores Grammatici, & inscitiam, etiam in hac eius probatione aperire

Negat Auaritiam esse contrariam Liberalitati, quod *obiectum formale illius sit non alienare, istius alienare, contraria autem dicantur secundum idem.* Facit sanè

Scioppius, vt intelligendo nihil intelligat.

Dicuntur opposita contraria secundum idem, & ad idem; illud autem in quo opponuntur, nec debet, nec potest esse idem.

Sic album & nigrum dicuntur contraria, respectu eiusdem subiecti, in quo simul esse non possunt: ipsa autem eorum essentia, ratione cuius non possunt esse simul, est necessario diuersa.

Simili ergo ratione Auaritia & Liberalitas habent idem genere obiectum, diuitias seu pecunias earumque vsum, non item specie: nam illa moderatè dat & accipit, ista dando deficit, accipiendo ex-

In quo opponuntur contraria, non est idem.

dit, vt suprà ex Aristotele diximus. Vnde
necessarium est obiectum formale esse di-
uersum, quæ formalitas obiecti in forma-
litate habitus & actuum redundat; ne-
que vna ab altera secerni aut separari po-
test; habitus enim & actus ab obiectis es-
sentiam desumunt, vt Philosophi loquun-
tur.

*Contrariorū
habitus
obiectum
gēre idem,
specie di-
uersum.*

Habituū igitur & actuum contrario-
rum obiectum, necesse est genere esse
idem, vt sub eodem genere ponantur: spe-
cie autem differre, vt contraria esse pos-
sint. Quod Scioppius videre debuit, cum
definitionem contrariorum tam accurate
examinauit. Nam habitus & actus ex
obiecto formali contrarietatem trahunt,
ratione cuius in eodem subiecto esse non
possunt. Itaque amor & odium Dei, eun-
dem Deum pro obiecto materiali habent,
obiectum autem formale amoris est bo-
nitas diuina, odij seueritas, vel aliquid
simile: quos actus cum suis habitibus offe-
rigidè & per se contrarios, nemo sanus
dubitat.

Neque solum vitia in defectu, verum
etiam in excessu sita, de quibus tacuit Sci-
oppius, obiectum formale diuersum ha-
bent, ab obiecto formali virtutis. Sic enim
libe-

liberalitatis obiectum formale, est datio & acceptio moderata; Prodigalitatis datio nimia, & acceptio neglecta. Ut adeò nulla in habitibus & actibus contraria relicturus sit Scioppius, si idem esse velit obiectum formale, seu specificum, quod est radix oppositionis contrariæ; cuius respectu obiectum genericum materiale vocari potest, quamvis suo etiam modo formale sit, quatenus genus suum habitus & actus inde desumunt.

Obiectum formale idem non est in contrariis.

Sed hinc inscitiam Scioppius prodit, quod dicit ex euentu, seu per accidens Liberalitatem & Avaritiam contraria dici posse, quoniam ipsa eorum obiecta, alienare & non alienare inter se pugnant. Cum enim paulo ante dixerit alienare avaritiæ, & non alienare Liberalitatis esse obiectum formale, (quamquam id verum non sit, ut ostensum est), contrarietatem, quam inde isti habitus trahunt, per se, non per accidens illis conuenire necesse est, quia essentialis suam ab illis desumunt, quatenus sunt contraria.

Contraria ex obiecto, per se talia sunt.

Insigni denique absurdo Ethicam suam doctrinam claudit, cum ait: eodem modo Scioppii ab per accidens vitium in medio duarum virtutum spectari, velut alterius nimium siue

Insigne Scioppii absurdum.

excessum, alterius parum seu defectum; sive auaritiam, & effusionem itidem inter liberalitatem & parcimoniam mediam esse. Vbi non repeto, quod supra probavi, parcimoniam distinctam virtutem non esse, sed vel nullam, vel Liberalitatis partem, ex quo capite, vitium nullum inter eam & Liberalitatem medium esse potest. Illud nunc dico, repugnantiam in eo esse, quod Scioppius dicit. Nullo enim modo in excessu & defectu est mediocritas, neque in mediocritate excessus & defectus, ait Aristoteles, 2. Ethic. c. 6. Excessus enim & defectus extrema sunt: extrema autem medium, aut in medio esse repugnat, ergo & vitia; consistunt namq; in excessu & defectu. Sed ait Scioppius, statui posse in medio, & ibi spectari. Possunt sanè. Vt si quis homini cor è medio corpore euellat, & caput amputet, aut pedes, tum verò cor supra ceruices, caput infra genua, pedes loco cordis reponat, spectabuntur tum quidem pedes in medio cordis, & capitis, sed vos

*in excessu
& defectu
non est me-
diocritas.*

Spectatum admissi, risum teneatis amici, aut iustam potius indignationem, aduersus hunc naturæ & doctrinæ perturbatorem concipite.

§. XVIII.

*SYMPETIAE. Tyrannidis turpitudinem, in-
edv. ra Methodum artis, ad Ethicam per-
tineret.*

Sed de his aliàs; nunc ad propositum ex di- *Conclusum*
verticulo reuerti res monet. Cum honestum *est; sed con-*
& Turpe ad Ethicam pertineant, fateri oportet *tra verita-*
de Tyrannidis turpitudine non in Politicâ, sed *tem.*
in Ethicâ tractari oportere, vt pareatur legi-
bus, quas Methodus artis ac doctrinæ præscri-
bit.

§. XIX.

*KINDICIAE. Scioppium multa extra causam
dixisse; & immeritò Veros Politicos, de ne-
glectâ artis Methodo accusari.*

Plusquam satis in Logicis, Ethicis, &
Metaphysicis imperitiam demonstra-
uit Scioppius, non est opus, vt aliàs idem
faciat. Quod ipse fatetur hæc se per di-
uerticulum attulisse, rectè facit & ostendit
se non cupere ibi viuere, vbilex prohibet
aliquid extra causam dicere, quod multis
locis olim lege vetitum fuisse, asserit Ari-
stoteles l. 1. Rhetoric. cap. 1. Mihi verò
ignoscet lector, quod Scioppium in diuer-
tulis errantem, diutius insecutus fue-
rim; plerumq; fera eò trahit venatorem,
quò vltro non perueniret.

*Veri Politi-
ci aliena
non possu-
lant.*

Atque ex his puto confici, veros Poli-
ticos, quos immeritò insectatur Sciop-
pius, propria, non aliena postulare.
Alienum verò esse à Politicâ, vitiosas Res-
publicas tractare, vitijs earum & remedijs
non ostensis, perinde ac si legitimæ forent;
aut præ, ac pro legitimis illas commenda-
re, quod facere non est boni artificis, sed
Magistri errorum ac impostoris. Hæc est
vera Methodus doctrinæ Politicæ, dispu-
tare in primis de verâ Politia, eius leges
principia, causas explicare: & tum, quia
oppositorum est eadem scientia, Pseudopo-
litias quoque tradere, ac earum vitia, fal-
sas rationes, & remedia demonstrare.
Quod quia agunt Aristotelis exemplo.
Scriptores verè Politici, negligunt autem
Pseudopolitici, non illi, sed isti con-
tra Methodum doctrinæ
delinquunt.

os(o)so.



VIN.

VINDICIARVM
POLITARVM
LIBER SECVNDVS

Pseudopoliticorum, & Macchia-
uelli in primis præcepta, à verâ
Politica aliena esse, eique ad-
uersa.

CAP. I.

De Aristotelis & S. Thoma, in vitijs Rei-
publice formis tractandis innocentia, Pseu-
dopoliticis, nequaquam patrocini-
ante.

S. I.

SYMPETIAE. Prudentia Methodum exigere,
Et in Politica turpitudine Tyrannidis
describatur.



Eliquum est, vt de Prudentia
Methodo videamus, cui non
tam veritas, quam certa quæ-
dam hominum vtilitas est pro-
posita. Hanc ultro, fateor non
modo permittere, sed etiam
exigere, vt in Politica tradendâ, etiam deformi-
tas, seu turpitudine Tyrannidis describatur, ad
eamq; auersandam verba conferantur. Cum
enim rerum hominumq; vsus comprobet, eam

Suo se gla-
dio ingulat
Scioptimus.

in animis plerorumque prauitatem esse, ut cum quid ad illud consequendum, quod alioquin eis allubescit, utile esse audiunt, clausis oculis, omniq; impetu illuc ferantur: prudentis Politici est providere, ne quid ex doctrinâ suâ, quamuis verâ, homines tam corrupti & ad nequitiam proni detrimenti capiant.

Verum dicit non solens.

Nam sine controuersia, omnis Politici disputatio non alio consilio veritatem exponit, quam ut multum inde utilitatis ad alios redeat. Ut enim prædixi, Politicæ artis finis est publicâ felicitas. A publicâ verò felicitate alienissimum videtur ea præcipere, quæ neque eorum, qui imperant gloriæ, neque subiectorum utilitatibus conducant: quod ij facere existimantur, qui Tyrannidis condendæ & conseruandæ vias ac modos subtiliter exsequuntur. Nam neque felix esse potest, qui Tyrannidem tenet (quippe qui vi, aut dolo vtatur, & in perpetuo metu vivere necesse habeat) neque qui sub Tyrannide viuunt, cum vix vnquam eis desit, quod doléant aut formident.

§. II.

VINDICIÆ. Imprudenter accusari eos, qui prudentia Methodum observant; neque eam Methodo artis repugnare.

Sibi repugnat Scioppius.

Sibi ipsi repugnat Scioppius, cum vera dicit, falsis assuetus. Nam si prudentiæ Methodus exigit, ut Politicus Pseudopolitiæ deformitatem ac turpitudinem describat: ergo imprudenter eos accusat, qui eam

eam Methodum obseruant, & imprudenter illos excusat, qui eandem violant.

Falsum deinde est Methodum artis repugnare, Methodo Prudentiæ, & veram artis doctrinam hominibus detrimentum afferre; vt sentit Scioppius, asserens Methodum Prudentiæ exigere, vt turpitudine Pseudopolitiæ describatur, quod tamen repugnare Methodo artis supra contenderat. Bona est omnis ars, & rectæ rationi congrua, nisi abusu vitietur, non ergo repugnat artis Methodus, vtilitati hominum, cuius causâ artes repertæ sunt, & quam spectat Prudentia. Id fatendum est, si vitia & corruptelæ artis doceantur, pro veris artificijs, non ostensâ earum turpitudine & aberratione à regulis artis: plurimum illud obesse, eoq; magis, quo plures illecebras ars habet: veluti Politica imperium, gloriam, opes, quibus homines corrupti, & ad nequitiam proni faciliè abutuntur.

Artis Methodus innoxia.

Sed talis tractatio non minùs Methodo artis, quam prudentiæ repugnat, & propria est Methodo fallendi. Ex quâ Scioppius illud etiam protulit, *Prudentia non tam veritatem, quam utilitatem esse propositam.* Nam etsi Prudentia in rebus agendis

gendis frequentius bonâ fide ac ratione probabili, quam exploratâ veritate nitatur, nunquam tamen sciens fallit aut falsum dicit; neque artium regulis certis & infallibilibus quidquam detrahi patitur, aut falsum admisceri. Hoc solum sibi sumit, vt non quasuis artes quibusuis tradat aut permittat, quia vel capaces earum non sunt, vel ijs abutuntur, vt supra quoque diximus.

Quod denique de publicâ felicitate addit alienissimum ab eâ videri Tyrannidis, aut alterius Pseudopolitica condenda & conservanda rationes ac vias subtiliter exequi, verissimum est de eâ subtilitate, quâ Machiavellus alijque Pseudopolitici vtuntur, cum sine vllâ honestatis curâ, aut turpitudinis reprehensione ista tractant. Sed quâ subtilitate Scioppius hos felicitatis publicæ hostes defendat audiamus, etsi nihil solidum & constans ab eo sperare possimus, qui felicitatem Politicam, cum ijs quos defendit, in externis solum bonis constituit: ijs bonis exclusis, quæ sola veram felicitatem afferunt, & sine quibus omnis alia felicitas infelix

est.

§. III.

SUPPETIAE. Tyrannidis explicationem eius impedienda & emendanda vim habere; non esse lubricam vti scriptoris, sed lectoris, si modus loquendi aperre vel occulte sit hypotheticus, non absolutum; aut si scriptor alicubi turpem & fugiendam dixerit; vel intentionem generalem bonam esse appareat; sic Aristotelem & S. Thomam docere simulationem, periuriam, crudelitatem; nec aliter excusari posse.

Si tamen verum querimus, ac subtilius rem totā liniamus, longè ratio eos fugit, qui disputatione de Tyrannidis conseruandæ modis neque ad Tyrannidis, neque ad subiectorū utilitatem quicquam momenti facere persuasum habent. Cum enim duos Politici modos tradant, quibus imperium conseruare Tyrannus possit, quorum priorem D. Thomas *Intensionem* vocat, cum videlicet Tyrannis intenditur & augeatur, ita vt nihil cœuitiæ & asperitatis in ea fiat reliquum; alterum *Remissionem*, cum remittitur, & humanitate clementiâq; mitigatur; neutrius modi tractatio singulari fructu publico caret. Nam prioris modi tractatio Tyrannidem impedit; alterius verò emendat, & tolerabiliorē reddit. Nec enim est dubium impediendæ Tyrannidis vim habere, quicquid non modò nihil Tyranno suppeditat, quod ei ad votorum summam sit vsui: sed alijs etiam simul cum Tyrannidis odio, notitiam artium Tyrannicarum instillat, vt in seruitutem à Tyranno redigi, nec velint, nec faciliè possint.

Tyrannidis conseruanda modis, rectè tradere expedit.

Duplex modus.

Intensio Tyrannidis pertinet ad impediendum.

Ta.

Talia porro sunt, quæ Politici de augendâ, siue intendendâ Tyrannide præcipiunt: nam partim vim, siue crudelitatem, partim Fraudem & perfidiam præmonstrant, nullo cuiusquam Tyranni vsu. Nam qui Tyrannidem concupiscit, ei sua sponte nemine monente eadem in mentem veniunt; cuius rei argumento est, quod pleriq; Tyrannorum fuere à literis remotissimi, neque eos Politicorum lectio, sed improba regnandi libido modos edocuit, quibus Tyrannidem consequerentur, siue retinerent. Atque haud scio, an vel indoctissimus maximeq; Barbarus Tyrannus, ipsi etiam Aristoteli, Politicorum sine controuersâ Principi, eam in rem præcepta dicere possit. Hoc quidem planum est, Philolophos Politicos obseruatis, quas vel viderant ipsi, vel legendo audiendoue cognouerant, Tyrannorum actionibus, suas de Tyrannidis tuendæ modis regulas confecisse..

*Remissio.
Gero ad-
mendau-
dum.*

nam cum, qui remittendæ, siue emendandæ Tyrannidis viam præmonstrat, perspicuum est bene quidem in rem Tyranni consulere, sed multo magis subiectorum vtilitatem procurare. Si enim Tyrannus non palam sit improbus, sed studio habeat dissimulare sua vitia, virtutes autem simulare, & ad boni Principis similitudinem quam proximè accedere, minus eum contemni, minusq; odio habere continget: quanto autem minus contemnitur, minusq; exorsus est Princeps, tanto stabilius ac securius est eius imperium, cum odium & contemptus Principes imperiorum euertendorum causæ sint.

Subditorum porro longè tolerabilior est conditio, si pareant Principi, qui caueat videri improbus,

probus, studeat autem videri bonus, quàm si sub eius ditione sint, qui se sceleratum existimari nihili faciat. Sic apparet, ne à prudentiæ quidē Methodo, alienam in Politicis iudicari posse præceptionem de modis, quibus Tyrannis, similiter autem & reliquæ vitiosæ Rerum publicarum formæ conseruari possint, cum tantum inde utilitatis humano generi ostendatur.

Nihilominus reprehensioni locum esse fateor, si non cauit Politicus, ne Oratio sua esset Lubrica, hoc est eius notæ, vt ex eâ facilis in errorem, aut falsam opinionem lapsus sit, ac iudicium de faciendis fugiendisq; deprauetur. Nam à Deo maledictus est, qui ponit offendiculum cæco: multo igitur magis, qui præceptis suis efficit, vt homines imperiti in errorem incidunt, seq; rectè facere ac laudem mereri censeant: si modis illis vtantur, quibus Tyrannidem cæterasq; vitiosas imperiorum formas stabiliri audiunt.

Verum distinguere oportet Lubrica vitio Scriptoris, ab ijs quæ culpâ lectoris sunt lubrica. Vsu enim venire potest, vt quæ Politicus dextra præbet, sinistra lector accipiat, & ex bene dictis corruptelam hauriat, quoniam videlicet aut oscitat, aliasq; res agit, nec condignam tantis rebus diligentiam adhibet: aut ad Politicam acroasin malitiam, inprimisq; regnandi libidinem domo secum attulit, statimq; ea arripit, quæ cupiditati suæ habenas laxare existimat.

Sed propter huius generis lubrica nullo iure Politicus, reprehenditur, cum neque spiritus Sancti doctrina, sacrarum volumine literarum

Cantela falsularis, sed à Pseudopoliticis neglecta.

Eorum præcepta lubrica sunt vitio scriptoris.

Maligna eorum de sensu.

com.

*Verba Petri non in-
tagre rela-
ta.*

comprehensa, non possit ab ijs, qui iam animo corrupti sunt, ad comprobandas impias sententias torqueri. Testatur hoc S. Petrus in verbis istis: *Frater noster Paulus secundum datam sibi sapientiam scripsit epistolas, in quibus sunt quaedam difficilia intellectu, qua indocti & instabiles deprauant, sicut & ceteras scripturas, ad suam ipsorum perditionem. Vos igitur custodite, ne insipientium errore traducti, excidatis à propria firmitate. Si quis iam S. Paulum repræhenderet, quod cum esset debitor factus non solum sapientibus, sed etiam insipientibus, non ita scripserit, ut ne insipientes in verbis eius intelligendis errare, & alios minus cautos in erroris societatem abducere possent: ei rectè responderetur, S. Paulum satis cauissè corruptelam, & insipientibus consulissè, cum digitum illuc eis intendit, vnde veram verborum suorum sententiam discere queant, nimirum ad Ecclesiam, eiusq; legitimos pastores & doctores.*

Nec S. Pauli.

Nam 1. Tim. 4. Ecclesiam vocat *domum Dei, columnam & firmamentum veritatis*, & Ephes. 4. docet, *Christum ab ascensu suo in calum, & sque ad consummationem dare Ecclesia suæ pastores & doctores in opus ministerii, & ne simus paruuli, qui circumferamur omni genit doctrina. Si quis ergo iam suo more & modo Pauli verba intelligere, neque veram eorum sententiam ab Ecclesiae pastoribus & doctoribus discere velit, labetur ille quidem in errorem, sed suam non Pauli culpam.* Non enim Paulus offendiculum cæco posuit, cum obscurius scripsit, sed superbi isti de industriâ oculos clauferunt, ne videant. Suo pte igitur

igitur vitio labuntur : neque lubrica sunt Pauli verba sed ipsi superbi.

Similiter nec Politicum officio defuisse existimandum est, si homines suo apte ingenio improbi ex doctrinâ Rationis arti, præcipueque Methodi legibus consentaneâ, corruptelam hauriunt : modo ipse quod in se est fecerit, ac ne quis nisi volens & sciens, doctrinâ suâ depruari possit, sedulo cauerit.

Cautionis autem duo summa sunt genera. Vnum est loquendi modus non absolutus, simplex aut Categoricalis, sed hypotheticus, siue cum exceptione aut conditione, v. g.

*Duplex
Causio, & una
modus lo-
quendi hy-
potheticus.*

Tyrannus, si quouis modo imperium retinere velit, debet interficere Sapientes, & magnos nimo praeditos.

Tyrannus statum suum conseruat simulandâ religione, castitate, aliisque virtutibus, dissimulandâ autem impietate, ceterisque vitijs.

Bonum est ad conseruandum Tyrannidem alere factiones & dissidia inter ciues.

Malè siue imprudenter facit Tyrannus, qui non interficit homines nobiles & locupletes quibus inussum est eius imperium.

Ista præcepta omnia sunt hypothetica, & conditionem hanc, siue apertam, siue occultam habent : si velit retinere, seu conseruare Tyrannidem. Si quis jam eas pro Categoricalis habeat, & rectè se facere statuat occidendis sapientibus, magnanimis, locupletibus & nobilibus, simulandâ religione, alijsque virtutibus, alendis denique factionibus, nempe culpâ vacat Politicis, qui modo loquendi hypothetico satis ca-

uit, ne quis nisi sciens prudens ex verbis eius in errorem præcipitari posset.

*Altera
Cautio, sen-
tentia ex-
plicatio,*

Directa,

Alterum Cautiois genus est suæ sententiæ explanatio, si nimirum ea præstitit Politicus, ex quibus, quid reuera de bene secusue factis iudicârit, homini non oscitanter legenti obsecurum esse nequeat. Talis autem explanatio est vel directa & apertior, vel obliqua & occultior. Directa fit aut hoc agendo, siue expressio: videlicet Adiunctis Tyrannidis declarandis, id est, fatendo eam esse turpem, injustâ, & velis remissque fugiendam: aut aliud agendo, id est, explicandis causis & effectis Tyrannidis, ex quibus eam turpem & fugiendam esse quivis statim agnoscat.

Causæ porro Tyrannidis sunt vis & fraus, belluâ, non homine digna. Nam vis Leonis est, fraus vulpeculæ, sicut jus hominis, Effecta verò sunt infamia perpetua, odium popolare, eiusque comes metus assiduus & sollicitudo. Si ergo dicat Politicus, Tyrannum esse semihominem, & semibelluam, ex Leone puta & Vulpe compositum: & vivere in perpetuo metu, ac post obitum æternam ei paratam esse infamiâ, censendus est clarè satis fateri, turpem esse Tyrannidem, meritoque fugiendam.

Indirecta.

Obliquè sententiam suam explanat Politicus, si promptum habeat suum consilium, siue propositum aut intentionem, ita ut conijcere facile sit, quod eius fuerit in præcipiendo consilium, siue quid cum, ut ista doceret, impulerit. Huiusmodi verò Intentio aut Generalis est, aut specialis. Generalis est operis totius scopus, siue

sive id, quod opere toto scriptor spectauit. Hoc si honestum esse & ad utilitatem humani generis dirigi apparet, non est ullo modo credibile, scriptorem eam tradere voluisse, quæ iudicium Principis de rectè ac malè factis deprauare queant, quod nihil eam re sit turpius ac magis utilitati publicæ repugnet.

Sic apparet generalem operis intentionem, esse velut normam aut regulam, ad quam specialis intentio debeat examinari: ita, ut qui explorato scire velit, quæ scriptoris in hoc aut illo loco fuerit sententia, ad totius operis propositum respicere debeat. Illi enim consentire debet, quicquid quacunque operis eiusdem parte scriptum est. Atque hoc examen tum vel maximè requirit diligentiam, si scriptor sibi metum aliquem ob stare præ se tulit, quo minus promptum haberet, quod sentiebat.

Verbi gratiâ. Conatus scriptoris est certum aliquem Tyrannum patriæ infestum describere, eoque pacto partim populare odium in eum commouere, partim artes eius detegere, quod est Tyrannidem eius impedire. Hoc autem periculo nequaquam vacare intelligit. Ad hunc igitur modum de Tyrannide disputat, ut existimari possit Tyranni utilitatibus seruire velle, cum ei tuendi imperij rationes præmonstrat. Alicubi tamen sibi, quo minus sententiam suam dicat apertius, periculi metum ob stare significat. Hic oportet nos ad id respicere, quod opere toto fuit ei propositum, & specialis huius intentionis rectitudinem ex generali conijcere. Nam nisi hoc faciamus, nullo modo ne illi quidem à iustissimâ reprehensione abfuerint, quos

Intentio generalis norma intentionis specialis.

Officiu mere.

Politicam rectissimè ac sine omni vitio docuisset, non temerè quisquam negauerit. Non longè abiero.

*Iniuria in
Aristotelem
Et s. Thom
quod status
conseruan-
di causâ,
doceant si-
mulare &
peterare.*

Aristoteles 5. Politic. c. 9. & D. Thomas in eius capituli explanatione, extremâ lectione septimâ, vbi Oligarchiæ conseruandæ modos præcipiunt (id est, eius status, vbi pauci nobilitate & opibus excellentes ex suâ libidine, suæque vtilitatis causâ dominantur) sophismate Politico Oligarchas vti, ac status, conseruandi causâ, beneuolentiam erga plebeios simulare, eiæque simulationi iurejurando solenni fidem facere docent. Aristotelis verba sunt:

Oportet Oligarchas videri semper plebi causam defendere, & aliter iurare, quam nunc solent. Nunc enim in quibusdam Oligarchis cum ad imperium admittuntur, ita iurant: ero plebi inimicus, & quicquid mali potero, faciam. At qui oportet eos præferre ac simulare contrariū, ita conceptis verbis iurantes: Plebem non afficiam iniuriâ. D. Thomæ, quæ sequuntur.

Si debeat saluari paucorum potentia, oportet eam videri facere pro populo, & facere OPORTET iuramenta contraria iis, quæ faciunt. Consueverunt enim Oligarchæ, cum in principatu instituuntur, iurando dicere: Iuro, quod populum odio habebo, & consilio annitar, ut malè habeat. Hoc autem non est faciendum, sed oportet opinari contrarium esse faciendum, & insinuare in iuramento oportet, quod Oligarchæ non facient iniuriâ populo.

Rectè excusantur isti,

Si quis nunc Aristoteli ac D. Thomæ inuidiam hinc facere conetur, quod status causâ simulat-

imulationem ac periurium doceant, nempe ijs, *sed non*
 quas modò exposui rationibus, omni eos culpâ *Pseudopoli-*
 vacare demonstrabitur. Primùm nihil contrâ *tici.*
 docuerunt quàm artis ac doctrinæ Methodus
 postulet: nam nec falsum, nec genere aut lo-
 co alienum est, quod hîc præcipiunt. Deinde
 etiam Prudentiæ Methodo paruerunt, cum sa-
 tis cauerunt, ne quis nisi aut valde oscitans, aut
 ab ingenio improbus, hâc eorum doctrinâ de-
 prauari possit.

Primùm enim modus loquendi non absolu-
 tus est, aut Categoricalus, sed cum conditione,
 apud D. Thomam apertissimâ, apud Aristote-
 lem satis significatâ: *si debeat saluari Oligar-*
chia, oportet beneuolentiam erga plebem simulare
ac peierare. Siue, quod eandem vim habet: *Si-*
mulatione beneuolentia erga plebem, iureiurando
confirmata, est causa conseruans status paucorum.
 Atque hoc loco oportune Lectorem velim mo-
 nitum, vt quandoeunque effectû alicuius causâ *Monitum*
 traditur, conditionem inesse meminerit. Si e- *frivolum.*
 nim dicam, *Ortus solis dies causâ est, peccatum*
morsu, non aliud audis, quam hypotheses istas,
si ortus est sol, dies est; si peccasti, morieris.
 Quoties igitur Politici causas, siue modos tra-
 dunt conseruandi status, seu boni, seu vitiosi,
 toties hypotheticè loqui censendi sunt.

Præterea suam Aristoteles & D. Thomas
 sententiam de Oligarchæ simulatione, ac per-
 iurio satis explanârunt, ità vt si quis non osci-
 tanter eos legat, nec suâ sponte corruptus sit,
 nullum ei ex hoc præcepto corruptelæ impen-
 deat periculum. Nam inter vitiosas Reipubli-

cæ formas & iniustas Oligarchiam numerant, & Tyrannidi proximam faciunt, quo ipso turpem ac fugiendam esse docent.

Si quis contradicat hoc saltem loco nihil de Oligarchiæ iniustitiâ, ac turpitudine ab eis afferri, adeoque lubricam eorum esse doctrinam: ei respondebitur, non modò Artis, sed neque Prudentiæ Methodum ea, quæ loco aliena sunt, tolerare. Nam quiduis quocunque loco dicere confusionem parit, idem verò sæpius iterare tædium. Politicus etiam, cum hominum minus acriter intelligentium vtilitati præcipuè consulit, alio loco de adiunctis, alio rursus de causis conseruantibus Oligarchiæ, & Tyrannidis loquitur, eaque in re Methodi leges custodit, ne quod prius dicendum erat, dicat posterius, aut vice versâ: nec sæpius eadem dicendo, lectoribus sit fastidio. Cum igitur alio loco Aristoteles & D. Thomas adiuncta Oligarchiæ perspicuè tradiderint, hoc loco, quo causas, siue modos eiusdem conseruandæ exsequuntur, eadem iterare minimè debuerunt.

Perspicuum est S. ioppin fallere.

Ex quo perspicuum fit, quod suprà me demonstraturum receperam, imperitos illos & iniquos Politicorum Aristarchos contra Logicæ artis leges, non modo, quæ Genere, sed etiam quæ loco aliena sunt, à Politicis tractari velle.

Defensio innocentium, non prodest nocentibus.

Quod si quis hoc amplius generalem & specialem Aristotelis & D. Thomæ intentionem inspiciat, id est, si consideret, quid eis, cum in toto opere Politico, tum verò in hac ipsâ eius parte, quâ simulationem & periurium præscribunt,

bunt, fuerit propositum: nihil eos, quod ipsorum potius, quam lectorum vitio lubricum, aut deprauando de faciendis fugiendisque iudicio idoneum existimari debeat, præcepisse deprehendit. Nam quod operis totius propositum attinet, eos Methodi lege de omnibus Reipublicæ formis, earumque conseruandi rationibus præcipere debuissè comperit, etiam de vitiosis ac deprauatis, quas non nisi vitiosis modis conseruari possè, sponte suâ quiuis sãnus intelligit.

Sin autem consilium ipsorum expendat, quod in hac operis parte secuti sũt, eis vtilia ad conseruandam Oligarchiam, nullâ honestatis ratione habitâ, præcipere propositum fuisse animaduertit. Atqui eam ad rem vtile est simulare & falsum iurare, quod nemo nisi prorsus rerum imperitissimus negauerit. Merito igitur hunc quoque conseruandæ Oligarchiæ modum præscripserunt. Non aliâ ratione patrociniũ ijs commodari queat, quæ idem Aristoteles & D. Thomas Tyranno Imperium conseruare cupienti 5. Politic. 11. præcipiunt, quorum alia sœuitiæ & immanitatis habent plurimum, alia fraudibus & simulatione, ac dissimulatione ferè absoluuntur. De priore genere hæc D. Thomæ lectione XI. verba sũt.

Ad saluationem Tyrannidis expedit excellentes in potentia, & vel diuinitus interficere, quia tales per potentiam, quam habent, possunt insurgere contra Tyrannum. Iterum expedit interficere sapientes. Tales enim per sapientiam suam possunt inuenire vias ad expellendam Tyrannidem. Nec scholæ, nec alias congregationes, per quas

*Improbabilis
fallacia.*

Hæc S. Thomas more a Pseudopoliticorum nõ probat, nec licita putat.

contingit vacare circa sapientiam, permittendū est. Sapientes enim ad magna inclinantur, & ideo magnanimi sunt, & tales de facili insurgunt. Ad saluandam Tyrannidem oportet, quod Tyrannus procuret, & subditi imponant sibi iniuriam crimina, & turbent seipsos, & amicus amicū, & populus contra diuites, & diuites inter se dissensiant. Sic enim minus poterunt insurgere, propter eorum diuisionem. Oportet etiam subditos facere pauperes. Sic enim minus poterunt insurgere contra Tyrannum. Procuranda sunt vectigalia, hoc est exactiones multa, & magna. Sic enim citò poterunt, depauperari subditi. Tyrannus debet procurare bella inter subditos, & etiam ad extraneos, ita ut non possint vacare ad aliquid tractandum contra Tyrannum. Regnū saluatur per amicos. Tyrannus autē ad saluandā Tyrannidē nō debet confidere in amicu.

Aristoteles
& s. Thomas
vitiā
ostendunt;
non docent.

Ad posteriorem modum hæc Aristotelis eodem cap. verba pertinent: Tyrannus videri debet suppletus quidem, animo paterno constituere, non per contemptum; adolescentum vero congressibus & ex causā amoris, non ex imperio ac potestate. Hoc est pueris & adolescentibus ad nefariam libidinem ita vti debet, ut illi id eum amoris, non contumeliæ causā, nec pro imperij licentiā facere existiment.

Et hæc D. Thomæ Lectione XII. Expediit Tyranno ad saluandam Tyrannidem, quod non appareat subditis sauius seu crudelius; nam si appareat sauius, reddis se odiosum. Ex hoc autem facilius insurgunt in eum, sed debet se reddere reuerendum propter excellentiam alienius boni excellentis. Reuerentia enim datur bono excellenti.

lenti.

lenti. Et si non habeat illud bonum excellens, DE-
BET SIMVLARE se habere illud. Tyrannus de-
bet se renderetalem, & videatur subditis ipsum
excellere in aliquo bono excellenti, in quo ipsi de-
ficiunt, ex quo eum reuerantur. Si non habeat
Virtutes secundum Veritatem, faciat ut opinentur
ipsum habere eas. Tyrannus debet aut modera-
tus esse circa Voluptates aut delationes corpo-
rales; aut si non sit, tamen se debet talem exhibe-
re, ut videatur fugere eas, &c.

Ista si quis eâ diligentia, & integritate legat,
quæ virum bonum, & politica discere paratum
decer, nullum omnino periculum est, ne in er-
rorem labatur, aut quicquam horum, quæ præ-
cipiuntur sibi faciendum putet. Nam primum
satis cauent modo loquendi hypothetico, velut
paulo prius ostendi; nec enim aliud dicunt,
quàm si quis velit seruare Tyrannidem, debet
aut vsque eò scruitiâ in subditos grassari, ut vl-
tra nequeat, aut virtutibus simulandis & dissi-
mulandis vitijs, bono Principi similis effici.
Dein suâ ipsi sententiâ sic varijs modis expla-
nant, ut nisi quis legendi laborem fugiat, aut
alioquin animo ægrotet sit extra omne depra-
uationis periculû. Primum enim 5. Politic. 10.
Tyrannidē subiectis populis perniciosissimâ esse
hoc probant argumēto, quoniam ex pessimo tã
Oligarchiæ, quàm Democratiæ genere sit con-
flata, & vtriusque vitia ac mala in se contineat.
Et 4. Politic. 2. hoc afferunt argumentum, quo-
niam optimæ ac diuinissimæ Reipublicæ formæ,
regno puta, maximè aduersetur. D. Thomas
præterea hoc ipso capite suam & Aristotelis
mentem totidem verbis interpretatur:

*Nullum ab
illis pericu-
lum.*

*Alia mens
& senten-
tia est p[er] sen-
do politico-
rum.*

Ista & similia sunt Tyrannica, & saluant principatum. Sunt mala secundum se ipsa, bona tamen ad saluationem Tyrannidis. Non sunt facienda simpliciter homini; sed ei qui voluerit saluare Tyrannidem, qua secundum se mala est. Et iterum: Quamuis hoc (præceptum de simulandâ virtute, quam non habet) non sit in se bonum, ad hoc tamen bonum est, & Tyrannus non sit facile contemptibilis. His satis perspicue docet, istam conseruandæ Tyrannidis rationem absolutè ac per se malam, sed certo quodam respectu bonam; hoc est. vtilem, non honestam esse.

Itaque si quis iam Princeps his D. Thomæ verbis ad nequitiam abducatur, aut deprauetur, non eò contingere id dicendum est; quod Thomæ verba sint lubrica ac legentibus periculosa; sed quoniam talis Princeps animum ad impietatem, voluptates, fraudes ac dolos propensum, domo secum ad lectionem attulerit; & Honestate olim valere iussâ, ad ea modò, quæ vtilia videntur, toto animi impetu feratur.

Adhæc Generalem Aristotelis & D. Thomæ in toto libro Politico intentionem esse apparet, vt Methodi legibus obsecuti, Rempublicam & omnes eius formas, suis causis efficientibus, conseruantibus & euertentibus explicent. Cui proposito conueniens est etiam de Tyrannide disputare, quibusq; ea modis durabilis præstari seu conseruari debeat, præcipere. Specialis verò intentio est, tradendis Tyranno vtilibus, vel impedire Tyrannidem, vel emendare & tolerabiliorem reddere; quorum vtrum-
que

que cum sit ex usu generis humani, non modo nihil eos contra Artem, sed neque contra prudentiam fecisse, ac propterea sine perspicua imperitiâ & iniquitate repræhendi nequaquam posse, fatis iam omnibus patere arbitror.

§. IV.

VINDICIAE. Nullam esse Aristotelis & S. Thomæ conventionem cum Pseudopoliticis; neque eos, præcipuè Macchiauellum, Villâ ratione defendi posse.

CAussa perorata est; sed non ita, ut Cæquus iudex reum possit absolvere. Letendit Scioppius hâc proluxâ fallaci- que Apologia eos, quos accusare nemini bono in mentem venit, & quibus aduocato tali opus non est. S. Paulus. S. Thomas, Aristoteles hîc argumentis rectè defenduntur, non item Macchiauellus, alijsque Politicæ corruptores. Nihil illi vitio suo lubricum scripserunt; si quæ talia Lectoribus videntur, lubrica faciunt, non inveniunt. Apud hos contrà nihil sincerum, nihil sanum, nihil omni ex parte solidum est: pleraque aut præcipua fraudibus & erroribus scatent, ac in fraudem & errorem inducunt bonas etiam mentes.

Nullæ conditiones aut hypothesès, nullæ explanationes seu directæ, seu obliquæ aut verius curvæ, nulla Generalis aut Specialis

Defendit Scioppius eos, quos nemo accusat.

*Nihil id in-
uat Macchi-
auellum.*

cialis intentio Macchiauellum excusare potest. Finem enim totius Politicæ exclusâ virtute deprauat, media absolutè mala præscribit, in veram Religionem grauiter iniurius est, Principatus & Principes multis modis iniurios & infames laudat, bonam Politiam veluti fictitiâ suggillat, & omnia probitatis fundamenta aut apertè, aut per cuniculos conuellit.

Hæc infra ex ipsius verbis & sententijs, vbi perspicua fecero, nullam esse *participationem iustitiæ cum iniquitate*, nullam *societatem luci vera sapientia ad tenebras* Pseudopolitiæ, nullam *conuentionem Christi*, eiusq; Apostoli *ad Belial*, nullam *partem fideli & Angelico Doctore cum infidele*, aut malè Christiano Macchiauello, iudex non iniquus sine ambiguitate pronuntiabit; simulq; Scioppium damnabit, quod Satanam in Angelum lucis transformare conatus fuerit. Sed nunc, quæ in ipsâ defensionis huius tractatione peccet, videamus.

§. V.

Ex Tyrannidis etiam legitimâ translatione, Tyrannos plus perstia referre.

- I. **A** sferit, quæ ad Tyrannidē intendendam pertinent, *nullo cuiusquam Tyran-*

Tyranni usu à Politicis tractari, cum eis sua sponie, nemine monente eadem in mentem veniant. Quâ in re, etsi verum sit Politicos obseruatis Tyrannorum actionibus, suas de Tyrannidis tuendæ modis regulas confecisse, prout omnes artes ex obseruatione & experientia prodierunt: nihil tamen Tyrannos ex eiusmodi, quantumuis legitimâ tractatione, maioris peritiæ referre falsum est

Artis enim obseruationes, ex plurimorum hominum factis inter se collatis, & longo seculorum usu desumptæ ac perfectæ sunt: fieri ergo non potest, vni homini omnia ea in mentem pauculis annis venire, quæ tot ætatibus innumeri alij excoGITARUNT, eGERUNT, obseruARUNT. Quare dubium non est Tyrannum ex vitijs ac erroribus Politicæ, accuratè secundum Methodum artis explicatis nequitiam acuerre posse, suâ, non artis aut tractatoris culpa.

Politica Tyrannos facit peritiores.

§. VI.

Odium & contemptum non esse Principes imperiorum euerendi causas.

II. **F**alsum est odium & contemptum esse Principes imperiorum euerendi causas, quod idem docet Macchiavellus

*Odium &
contemptus,
plerumque
caussa pro-
xima*

uellas cap. 19. Principis, censens Principem, *si hac duo declinauerit, partes suas planè absoluisse*, quasi in his duobus vniuersa Politicorum *lex pendeat & Propheta*, & non potiùs in Politicâ ad dilectionem, Dei & proximorum, seu subditorum referendâ; quæ duo non minus Principibus, quàm alijs hominibus Christus præscripsit. Odium & contemptum esse plerumq; , causas proximas perdendi imperiû nō negauerim; sed ex alijs causis principalibus eæ oriuntur, vitijs, inquam & peccatis, quæ tum suapte naturâ, tum iusto Dei iudicio, Principes exosos & contemptos faciunt, iuxta illud Iob. 12. v. 21. *Effundit despectonem super Principes, eos qui oppressi ab eis fuerant, relenans.*

§. VII.

Verba S. Petri, & S. Pauli, non integrè à Scioppio referri, & malè patrocinium Macchianello inde quari.

III. **V**ERBA ex 1. S. Petri 3. v. 15. & 16. non ex fide refert, ita enim habent: *Frater noster Paulus, secundum datam sibi sapientiam scripsit VOBIS, SICUT ET IN OMNIBVS EPISTOLIS, LOQUENS IN EIS DE HIS, in quibus sunt quadam difficilia intellectu, qua indocti & instabiles depræ-*

depravant, sicut & ceteras scripturas, ad suam ipsorum perditionem. Vos igitur FRATRES PRÆSCIENTES custodite, ne insipientium errore traducti excidatis à propriâ firmitate. Falso ergo dicit se afferre verba S. Petri, cum aliquid in ijs mutârit, aliqua omiserit.

S. Paulus appellat Ecclesiam *Domum Dei, columnam & firmamentum veritatis.* 1. Tim. 3. non 4. vti Scioppius citat. Qui verba quoque, & sensum eiusdem Apostoli ex cap. 4. ad Ephes. v. 10. 11. 12. 13. 14. non integrè refert, vt Lector facilè aduertet; merito tumultuariam arrogantiam, damnaturus & multò magis audaciam, quâ ausus est ex S. Pauli Epistolis patrocini-um quærere Macchiauello: non difficulta intellectu, sed palàm impia & sacrilega scribenti, & quam parui Ecclesiam fecerit, doctrinâ S. Paulo, verâq; Religioni aduersâ, imò & ignominiosâ demonstranti.

§. VIII.

Scioppium de Tyrannidis turpitudine à Politico declarandâ, sibi contradicere.

IV. **A**fferit Politicum Directam cautionem adhibere. Adiunctis Tyrannidis declarandis, id est, *fatendo eam esse*

*Hic admit-
tit, qua su-
pra resce-
rat.*

esse turpem, iniustam. & velis remisq³ fu-
giendam: & alio loco de adiunctis aliorum
de causis conseruantibus Oligarchia & Ty-
rannidis loqui, quod idem fere infra repe-
tit. Sed hæc clarè contradicunt ijs, quæ
supra operosâ falsitate disputauit, de Ad-
iunctis Politicæ, honestate inquam & tur-
pitudine: vbi vtriusq; tractationem ex Po-
liticâ proscripam, in Ethicam velut exi-
lium ablegauit. Quod si rectè fecit, malè
hic id cautionis genus, quo expressè
Tyrannidis turpitudine describitur, Poli-
tico concessit: cum deterrire hominum
animos à Tyrannide, alienum esse à Politi-
câ, & proprium Ethicæ Paræneticæ suprà
statuerit.

§. IX.

*Vim non bellua solum, sed homini quo-
que conuenire.*

V. **C**Ausas Tyrannidis duas assignat
vim & fraudem, belluâ non homi-
ne dignam, nam vim ait, Leonis esse, frau-
dem vulpecula, sicut lues hominis. Quod
ipsum docuit Macchiauellus c. 18. prin-
cipis, vbi ponit duo genera decertandi, v-
num iure legum, alterum per vim: cumque
illud proprium sit hominis, hoc belluarum,

con-

confugiendum esse monet ad posterius, si non satis est uti superiori. Fraudem vulpeculæ postea subiungit; etsi illa quoque initio poni debuerat, & triplex genus decertandi assignari, vnum iure legum, alterum per vim, tertium per fraudem.

Sed errat cum Magistro discipulus, cū reo aduocatus. Est etiam vis hominī propria eaq; iustā; quam leges diuinæ ac humanæ non solum permittunt, verum etiam præcipiunt adhiberi, impijs hominibus puniendis & coercendis: qui mala & ipsi patrant, & alijs per nefas inferunt, non enim Princeps *sine causâ gladium portat, Dei enim Minister est, vindex in iram ei, qui malè agit.* Rom. 13. v. 4. Falsum ergo est, vim vniuersim belluarum esse; est enim hominī Principibusq; maxime propria, cum mala vindicandi vel propulsandi officium, aut necessitas illam postulat.

§. X.

Tyrannum, cum ex vulpe & leone compositum dicitur, non ideo reprehendi; Versusq; bellua & suum à Macchiauello necessarium & praeclarum censeri.

VI. **N**Equiter vulpinatur, in his verbis: *Si dicat Politicus, Tyrannum esse*
M esse

esse semihominem & semibelluam, ex leone puta & vulpe compositum, & vivere in perpetuo metu, ac post obitum aeternam ei paratam esse infamiam, censendus est clarè satis fateri, Turpem esse Tyrannidem, meritoq; fugiendam.

*Hominem non & stupe-
rat, qui a-
nimantibus
aliis com-
parat.*

Lego in scripturis Sanctis, Prophetæ Ezechieli cap. i. visa esse quatuor animalia, quatuor facies uni, hominis, leonis, bouis, aquilæ; quatuor item pennas uni; pedes eorum pedes rectos, & plantam pedis eorum, quasi plantam pedis vituli fuisse. Lego Christum vocari Leonem de tribuluda, agnum Dei, ovem. Lego ipsum monentem: *Estote prudentes sicut serpentes, & simplices sicut columba.* Scio autem nec visionem similitudinis gloriæ Domini, quam vidit Ezechiel, fædam fuisse, nec speciosum præ filiis hominum leoni, agno, ovi assimilatum turpem esse, aut turpe aliquid meritoq; fugiendum præcipere; non ergo argumentum est turpitudinis aut reprehensionis, humanis moribus, animantium naturas adiungere & comparare; nisi qui id agit, vitia hominum vitij bel-luarum manifestè redarguat, quod non egisse Macchiauellum manifestum est.

*Nisi vitia
vitiis re-
darguat,
quod nõ fa-
cit Mac-
chiauellus.*

Is enim c. 18. Principis disertè docet,

Prin-

Principi necessarium esse utriusq; naturæ vsum; cumq; magni referat eum belluinū ingeniū scitè induere, ei tum vulpis, tum leonis mores assumendos esse. Cap. 18. asserit Scueri Imperatoris res gestas præclaras fuisse, seq; ostensurū, quā pulchrè vulpecula personam & leonis, in usum suum induerit, eorumq; ingenia, & naturam Principi imitanda se existimare.

Quid tu adhæc Scioppi? An is clarè fatetur, Leonis & vulpis naturam turpem meritòq; fugiendam esse, qui eius vsum, necessarium & præclarum, moresq; tales Principi assumendos esse, tam seriò contendit? An hinc te euasurum speras, quod *Effugium præcluditur.* Macchiauellus Tyrannidis magisterium, & Tyranni institutionem profiteatur, eoque ipso, ex genere eam turpem esse fateatur? Atqui Tyranni mentionem non facit, & infra patebit, verum bonumq; Principem, veramque Politiam ipsum explicandam suscepisse, etsi re ipsa Tyrannos instituat. & Pseudopolitiam doceat; quod omnibus errorū fraudumq; Magistris solenne est, vt fumos nempe & venena pro artificijs vendant.

Nèque iuuat, quod alicubi Tyrannidem detestari, & perpetuo metu ac infamiâ no-

tare videtur, nam totis reliquis libris, tum Tyrannidem tum alias Pseudopolitias, miris coloribus pictas, & mille fraudibus palliatas, pro legitimâ Politia obtrudit. Non rarò tamen larvâ seu detractâ, seu delapsâ, Tyrannidem apertè suadet, ut cum fauitiæ nomen parui ducere, aliaq; similia præcipit, quæ infra afferemus. Ex quibus vides Lector, quam malè Scioppius causam malam agat.

§. XI.

Generalis intentionis bonitate, aut metu, errores scriptores non excusari.

VII. **F**alsum est, si Generalis operis totius scopus honestus sit, existimandum esse, illi consentire, quicquid quâcunque operis eiusdem parte scriptum est. Possunt enim & solent optimis etiam scriptoribus errores quidam subrepere, quibus etsi bona mens ac intentio veniam apud bonos faciliè impetret, non ideo tamen errores approbari aut defendi debent. Si quæ verò ambigua sunt, non apertè falsa aut mala, illis æquum est intentionis seu causæ bonitatem, ac scriptoris præsertim probitatem, eousq; suffragari, ut in meliorem partem dicta scriptaque credantur.

Optimi quoque scriptores errant.

Ambigua benignè interpretanda.

At-

Atqui Macchiauelli neque Generalis intentio honesta est, cum à verò Politicæ fine & legitimis medijs Politicos abducatur; neque si Generalis intentio proba foret, specialis doctrina ideò illi consentiret, cum doceat mala ad bonum finem rectè referri, ac inde excusari; neque ambigua est doctrinæ ipsius improbitas, sed aperta, ut postea apparebit.

Macchiauelli intentio Generalis non proba.

Quod verò Scioppius significat de scriptore aliquo mitius pronuntiandum esse, si metum sibi aliquem obstare præ se tulit, quo minus promptum haberet, quod sentiebat, in ambiguis ad benigniorem interpretationem valere debet, non ad veniam inijs, quæ apertè mala aut falsa sunt; nam ut mala ex metu facienda non sunt, ita nec suadenda, aut docenda. Neque Macchiauelli eiusmodi timoris significationem deseprebet, qui si illum timuisset, qui potest & animam, & corpus perdere in gehennam. Matth. 10. v. 28. aut siluisset, aut gehennæ supplicijs digna non scripssisset.

Metus malam doctrinam non excusat.

§. XII.

Aristotelis & S. Thomæ Politicæ, à Scioppio laudari non posse, sed necessario vituperari.

VIII. **S** Thomam & Aristotelem inter eos quidem refert, quos *Politicam rectissime ac sine omni vitio docuisse, non temere quisquam negauerit*, sed si consentire secum velit, hoc vel maximè negare cogitur. Nam vitium in Politicis grauissimum esse statuit, *transire de genere in genus*, hoc autem illis impingit, qui in Politicâ tractant de virtutis ac veræ Politicæ honestate, de Tyrannidis & cuiusvis Pseudopoliticæ turpitudine. Cum ergo Aristoteles & S. Thomas Politicam ad virtutem præcipue referant, & de legitimæ Reipublicæ honestate, illegitimæ improbitate ac turpitudine, ipso Scioppio fatente disputent: necesse est ex eius sententiâ eorum doctrinam grauissimo alieni vitio laborare, & ea, quæ Ethicæ propria sunt, inuadere.

*Aristoteles
& S. Thomas
viro
aliens pec-
cant, iuxta
Scioppium.*

Adhæc eos à vitio excusare non potest, qui *status conseruandi causa docent simulare & peierare*, quod Aristoteli & S. Thomæ infamis Grammaticus ad marginem idè imponit, quia 5. Politic. 9. docent Oligarchiam simulatione & perjurio conseruari. Sed dicit, eos modo loquendi hypothetico excusari, non enim absolute id docent sed cum conditione, *si debeat*

beat saluari paucorum potentia, vt ait S. Thomas. At enim nemini absolutè imponi debet illud, quod hypotheticè asseruit. Periurij & simulationis doctrina absolutè mala est, & diuinis humanisque legibus contraria, harum præuaricatores facit Scioppius S. Thomam & Aristotelem: cum illos hæc docere improbè mentitur.

Non absolute asseris, qui hypotheticè loquitur.

An Paschasius Grosippus æquo animo feret, si quis dixerit eum Solæcismos docere, quia in Grammaticâ suâ varios solæcismorum modos explicat? An Theologum iniustitiæ, libidinis, hæresis doctore appellabimus, quia horum aliorumque scelerum naturam, variasque ea patrandonationes, accuratè exsequitur? An Logicum Sophistam esse conuitiabimur, quia varias sophismatum fallacias exponit? An denique Christum ipsum iniquitatis Magistrum esse blasphemabimus, quia *Villicum iniquitatis laudauit* Luc. 16. v. 8. quod *filius huius seculi*, prudentior filiis lucis, idoneum rebus suis remedium adhibuerit?

Solæcismos explicare, non est eos docere.

Hoc scilicet est suppetias ferre Machiauello, scientiarum Principibus: & ipsi adeò rectæ rationi clarissimæque veritati

belli mouere. Aliud est docere vitia, aliud dedocere; aliud præcipere, vt fiant, aliud ea explicare, ne fiant; hoc artis est, illud improbitatis. Non ergo docent simulare & peierare S. Thomas & Aristoteles, sed dedocent, & absolutè vetant, quod ex hypothesis Oligarchiæ necessarium, ac vtile esse censent: quia inter vitiosas fugiendasq; Reipublicæ formas eam reponunt, ipso fatente Scioppio, qui Politicæ turpissimus leno, immeritò Aristarchorum nomen ac culpam, Pseudopoliticorum æquissimis censoribus affingit.

§. XIII.

*In referendis Aristotelis & S. Thomæ verbis,
Scioppium more suo fallacem
esse.*

IX. **I**N referendis Aristotelis & S. Thomæ verbis ex 5. Politic. 9. denuo fallit. Ait esse verba illorum, quæ incredibili licentiâ alijs omissis, alijs mutatis ità effinxit, vt à verbis Aristotelis & S. Thomæ plurimum dissentiant, neque sensum integrè reddant. Nos ea fideliter adnumerabimus. Cum igitur Aristoteles docuisset, quædam popularia videri, aut paucorum potentiz accommodata, quæ popularem

Rem-

Rempubicam, aut paucorum potentiam evertunt, eò quod hanc aut illam nimis intendunt, ita inquit: Errant autem & in popularibus Rebus publicis, & in paucorum potentiis. In popularibus quidem Rebus publicis populi duces, ubi multitudo domina est legum. Duas enim semper efficiunt ciuitates, certantes cum diuitibus. At contra oportet, semper videri loqui pro diuitibus; in paucorum autem potentiis pro populo, eos qui paucorum potentia student; & iuramenta contraria, quam nunc, iurare. Nunc equidem in quibusdam (paucorum potentiis) iurant: Ero populo inimicus, & consulam, quidquid habuerim mali. Oportet vero præferre verbis & simulare contrarium, id significantes in iuramentis: quod plebem non afficiam iniuriâ.

*Verba Ari
stotelis.*

Sancti Thomæ verba hæc sunt: Pec- *Verba S. Thomæ.*
cant duces populi in statu populari, siue in quo tota multitudo, velut monarchia quâdam dominatur; non secundum legem. Duces enim pugnantes contra diuites, diuidunt ciuitatem in duo; aduantes enim multisitudini mouent eam contra diuites. Hoc autem non est faciendum, si debeat popularis status saluari; sed multitudo pro diuitibus debet videri facere, quod volunt; sic e-

M s nims,

nim saluari poterunt. In paucorum status similiter peccat paucorum potentia, opprimens multitudinem, ex quo contingit corruptio paucorum status. Et ideo, si debeat saluari, oportet paucorum potentiam videri facere pro populo, & facere iuramenta contraria eis, quæ faciunt. Consueverunt enim paucorum status potentia, cum instituantur in principatibus, iurando dicere: Inro quod populum odio habebo, & consilio annitar, ut male habeat. Similiter in populari statu, iurat populus, malignus ero diuitibus, & consulam, quæ illi mala esse sciam. Hoc autem non est faciendum, sed oportet opinari contrarium esse faciendum, & insinuare in iuramento, quod potentia paucorum non facient iniustum populo. Et populus debet iurare, quod non iniuste aget contra diuites.

Scioppius
Verba Aristotelis &
S. Thom.
cōsarcinat,
Variat, truncat.

Confer amice Lector verba hæc, cum ijs quæ Scioppius ponit, & reperies non esse Aristotelis & S. Thomæ, sed audacis Grammatici, qui ea ex Aristotele & S. Thomâ temerè consarcinata, variata, truncata, pro eorum verbis falso obtrudit. Qui verba alterius scriptoris se proferre aasserit, singula ad numerare debet, prout alter scripsit: id nisi facit, falsum est esse ea verba illius scriptoris, sunt enim alle-

allegantis, cui non verba, sed sensum alterius asserre placuit; neque id vitio vertitur, si sententiam non peruertat.

Quod ipsum hic non integrè obseruauit Scioppius, nam omisit mentionem Rerum publicarum popularium, quarum error aduersus diuites, errorem in paucorum potentijs aduersus plebem committi solitum, veluti per Antithesin clarius illustrat. Quam autem audaciam in verbis & sententijs aliorum scriptorum, eandem in sacris scripturis allegandis plagiarius iste sibi sumit, veluti supra vidimus; idq; in ipsius libris frequens est, vbi passim loca scripturæ aliorumq; autorum, non talia qualia sunt, proferri, sæpe cum graui fraude reperies.

*Id est cum in
re suo.*

§. XIV.

Ex causa Efficientis hypothese omnem effectum pendere; instrumenta autem Pseudopolitia, non nisi ex suppositione finis, Vera autem Politia, absolute bonæ & utilia esse.

X. Lectorem monet, vt quando cumq; effecti alicuius causa traditur, conditionem inesse meminerit. Si enim dicas, Ortus solis diei causa est, peccatum mortis, non aliud audis, quam hypotheses istas; fortius est

aut est sol, dies est; si peccasti morieris. Quoties igitur Politici causas siue modos tradunt conseruandi status, seu boni, seu vitiosi, toties hypotheticè loqui censendi sunt. Evertit hoc monitum superiorem Grammatici doctrinam, quâ in explicandis modis conseruandi vitiosas Reipublicæ formas, primum Cautionis genus esse dixit, loquendi modum non absolutum, simplicem, aut Categoricalum, sed Hypotheticum, siue cum exceptione aut conditione.

Si enim Politici tam de boni, quam vitiosi status causis, hypotheticè loqui censendi sunt, ergo fictitia est Cautio adhibendi sensus hypothetici & nō Categorici, in differendo de vitiosis Rebus publicis. Quodcumque enim effecti alicuius, siue boni siue mali, causa siue bona siue mala traditur, conditionem inesse monet Scioppius. Nullum ergo relinquit sensum Categoricalum, cum semper censeat Politicos loqui hypotheticè.

Non sanè intelligit Scioppius, aliam esse *hypothesin siue suppositionem Causæ Efficientis*, aliam *Finis*. Ex priori, posita causa efficiente in actu, sequitur effectum fieri aut esse; ex posteriori ea, quæ proposito aliquo fine necessaria sunt, vel idonea ad eius

*Scioppius
collit sum-
sum Cate-
goricum,*

*Alia hypo-
thesis causæ
Efficientis,
alia Fi-
nis.*

eius adæptionem, habent rationem boni utilis siue secundum quid, ex suppositione talis finis. Et si fortè nec iste, nec illa sint bona secundum se & absolutè, sed simpliciter mala; vt cum quis imperij potiundi causâ, legitimum Principem dolo malo occidit: ea cædes absolutè mala est & noxia, etsi secundum quid sit utilis, ad talem finem.

Prioris ergo generis hypothesein seu conditionem, quodocunque effecti alicuius causâ traditur, inesse verum est, neque in hoc discrimen esse potest inter explicationem Reipublicæ legitimæ & vitiosæ. Vt enim, cum proprium commodum, iniustitia, crudelitas, fraus, dolus, aliæq; causæ constituentes aut conseruantis Rempublicam vitiosam vigent, necesse est Rempublicam vitiosam esse: ita cum alicubi virtus, iustitia, pietas aliaque Rempublicam legitimam efficiëntia & conseruantia adsunt, sequitur eiusmodi Rempublicam rectè constitutam esse.

Posterioris verò hypotheseis, quam suppositionem finis dicimus, longè dispar ratio est. Hæc enim non ad existentiam effectus pertinet, sed ad bonitatem seu utilitatem mediij, quo finis obtinetur. Cum igitur

Prior communis est Reipublicæ vitiosæ, & legitimæ.

Posterioris dispar ratio est.

igitur causæ & instrumenta seu media cōseruandi Rempublicam vitiosam, tum ex fine, tum ex se absolutè mala sint & vituperanda: ea autem quibus efficitur, & conseruatur recta Respublica, tum ex fine, tum ex se absolutè bona & laudabilia: sequitur illa solum vt *ex hypothesi, siue secundum quid*, ex *suppositione prauis finis*, ista autem vt *absolutè* vtilia & *simpliciter* bona, præscribi & explicari posse. Atque hoc sensu dicendum est, veros Politicos de modis conseruandi Pseudopoliticam *hypotheticè & cum conditione*, non *Categoricè, & absolutè* loqui, aut eos commendare. Ex tali hypothesei laudauit Christus solertiam seu prudentiam carnis, *in villico iniquitatè*, quem ita appellando *Categoricè & absolutè* vituperauit.

Pseudopolitici siue hypothesei & iustia docent.

Sed Macchiauellus cum alijs Pseudopoliticis, absque vllâ hypothesei causas & media vitiosa constituendi & conseruandi Pseudopolitiam, quam pro verâ Politia tradit, categoricè præscribit & laudat. Vnde sequitur, etsi secundum quid ex suppositione prauis finis vtilia videantur, absolutè & Categoricè noxia & detestanda esse: eiusq; aduocatum vnà cum suo reo categoricè & absolutè cōdemnari debere.

§. XV.

Methodum non esse finem scientiarum, sed instrumentum, vtiia Respublica ab Aristotele & S. Thomâ non doceri; Scioppium gra-

uiter in eos insurium esse.

XI. **F**alsum est S. Thomæ & Aristotelis in Politicis, operis totius propositum, seu generalem intentionem esse, secundum Methodi leges de omnibus Reipublicæ formis etiam vitiosis tractare. Nam Methodus, quam Logica suppeditat, instrumentum est scientiarum, non finis & scopus, ideoque Logicam philosophi scientiam instrumentalem, & organum scientiarum appellant. Etsi verò ad observationem Methodi, intentio eorum quoque refertur, non est tamen is finis proprius & præcipuus: sed legitimæ Reipublicæ & specierum eius, secundum regulam rectæ rationis, seu virtutis explicatio & constitutio. Cui secundariò vitiosarum Rerum publicarum, seu vitiorum & errorum artis Politicæ, tractationem coniungunt, fine & modo longè diuerso, vti jam sæpe dictum est; veram enim legitimamque Politicam docent, constituere & conseruare, Pseudopolitiā fugere & corrigere. Quare tam falsum

Methodus instrumentum est, non finis.

Pseudopolitiā secundariò explicant Politici.

est ab

*Hic admit-
tit, qua su-
pra rescen-
rat.*

esse turpem, iniustam. & velis remisq³ fu-
giendam: & alio loco de adiunctis aliorum
de causis conseruantibus Oligarchia & Ty-
rannidis loqui, quod idem fere infra repe-
tit. Sed hæc clarè contradicunt ijs, quæ
supra operosâ falsitate disputauit, de Ad-
iunctis Politicæ, honestate inquam & tur-
pitudine: vbi vtriusq; tractationem ex Po-
liticâ proscriptam, in Ethicam velut exi-
lium ablegauit. Quod si rectè fecit, malè
hic id cautionis genus, quo expressè
Tyrannidis turpitudine describitur, Poli-
tico concessit: cum detertere hominum
animos à Tyrannide, alienum esse à Politi-
câ, & proprium Ethicæ Paræneticæ suprà
statuerit.

§. IX.

*Vim non bellua solum, sed homini quo-
que conuenire.*

V. **C**Ausas Tyrannidis duas assignat
vim & fraudem, belluâ non homi-
ne dignam, nam vim ait, Leonis esse, frau-
dem vulpecule, sicut Ius hominis. Quod
ipsum docuit Macchiauellus c. 18. prin-
cipis, vbi ponit duo genera decertandi, v-
num iure legum, alterum per vim: cumque
illud proprium sit hominis, hoc belluarum,

con-

confugiendum esse monet ad posterius . si non satis est uti superiori. Fraudem vulpeculæ postea subiungit ; etsi illa quoque initio poni debuerat, & triplex genus decertandi assignari, vnum iure legum, alterum per vim, tertium per fraudem.

Sed errat cum Magistro discipulus, cū *vis iusta* reo aduocatus. Est etiam vis homini propria eaq; iusta, quam leges diuinæ ac humanae non solum permittunt, verum etiam præcipiunt adhiberi, impijs hominibus puniendis & coercendis: qui mala & ipsi patrant, & alijs per nefas inferunt, non enim Princeps *sine causâ gladium* portat, *Dei enim Minister est, vindex in iram ei, qui malè agit.* Rom. 13. v. 4. Falsum ergo est, vim vniuersum belluarum esse; est enim homini Principibusq; maxime propria, cum mala vindicandi. vel propulsandi officium, aut necessitas illam postulat.

S. X.

Tyrannum, cum ex vulpe & leone compositus dicitur, non ideo reprobendi; Viri usq; belluæ & sum à Macchiavello necessarium & praeclarum censeri.

VI. **N**Equiter vulpinatur, in his verbis: *Si dicat Politicus, Tyrannum esse*
M

esse semihominem & semibelluam, ex leone puta & vulpe compositum, & vivere in perpetuo metu, ac post obitum aeternam ei paratam esse infamiam, censendus est clarè satis fateri, Turpem esse Tyrannidem, meritoq; fugiendam.

Hominem non vituperat, qui animalibus aliis comparat.

Lego in scripturis Sanctis, Prophetæ Ezechieli cap. I. visa esse quatuor animalia, quatuor facies uni, hominis, leonis, bouis, aquila; quatuor item pennas uni; pedes eorum pedes rectos, & plantam pedis eorum, quasi plantam pedis vituli fuisse. Lego Christum vocari Leonem de tribu Iuda, agnum Dei, ovem. Lego ipsum monentem: *Estote prudentes sicut serpentes, & simplices sicut columba.* Scio autem nec visionem similitudinis gloriæ Domini, quam vidit Ezechiel, factam fuisse, nec speciosum præ filiis hominum leoni, agno, ovi assimilatum turpem esse, aut turpe aliquid meritoq; fugiendum præcipere; non ergo argumentum est turpitudinis aut reprehensionis, humanis moribus, animalium naturas adiungere & comparare: nisi qui id agit, vitia hominum vitij beluarum manifestè redarguat, quod non egisse Macchiauellum manifestum est.

Nisi vitia vitij redarguat, quod non facit Macchiauellus.

Is enim c. 18. Principis disertè docet,

Prin-

Principi necessarium esse utriusq; naturæ vsum; cumq; magni referat eum belluinū ingenium scite induere, ei tum vulpis, tum leonis mores assumendos esse. Cap. 18, asserit Severi Imperatoris res gestas præclaras fuisse, seq; ostensurū, quā pulchrè vulpecula personam & leonis, in usum suum induerit, eorumq; ingenia, & naturam Principi imitanda se existimare.

Quid tu adhæc Scioppi? An is clarè fatetur, Leonis & vulpis naturam turpem meritòq; fugiendam esse, qui eius vsum, necessarium & præclarum, moresq; tales Principi assumendos esse, tam seriò contendit? An hinc te euasurum speras, quod Macchiauellus Tyrannidis magisterium & Tyranni institutionem profiteatur, eoque ipso, ex genere eam turpem esse fateatur? Atqui Tyranni mentionem non facit, & infra patebit, verum bonumq; Principem, veramque Politiam ipsum explicandam suscepisse, etsi re ipsâ Tyrannos instituat. & Pseudopolitiam doceat; quod omnibus errorū fraudumq; Magistris solenne est, vt fumos nempe & venena pro artificijs vendant.

*Effugium
præcludi-
tur.*

Næque iuuat, quod alicubi Tyrannidem detestari, & perpetuo metu ac infamiâ no-

tare videtur, nam totis reliquis libris, tum Tyrannidem tum alias Pseudopolitias, miris coloribus pictas, & mille fraudibus palliatas, pro legitimâ Politia obtrudit. Non rarò tamen larvâ seu detractâ, seu delapsâ, Tyrannidem apertè suadet, ut cum fauitiæ nomen parui ducere, aliaq; similia præcipit, quæ infra afferemus. Ex quibus vides Lector, quam malè Scioppius causam malam agat.

§. XI.

Generalis intentionis bonitate, aut metu, errores scriptores non excusari.

VII. **F**alsum est, si Generalis operis totius scopus honestus sit, existimandum esse, illi consentire, quicquid quâcunque operis eiusdem parte scriptum est. Possunt enim & solent optimis etiam scriptoribus errores quidam subrepere, quibus etsi bona mens ac intentio veniam apud bonos facilè impetret, non ideo tamen errores approbari aut defendi debent. Si quæ verò ambigua sunt, non apertè falsa aut mala, illis æquum est intentionis seu causæ bonitatem, ac scriptoris præsertim probitatem, eousq; suffragari, ut in meliorem partem dicta scripta que credantur.

At-

Optimi quoque scriptores errant.

Ambigua benignè interpretanda.

Atqui Macchiauelli neque Generalis intentio honesta est, cum à verò Politicæ fine & legitimis medijs Politicos abducatur; neque si Generalis intentio proba foret, specialis doctrina ideò illi consentiret, cum doceat mala ad bonum finem rectè referri, ac inde excusari; neque ambigua est doctrinæ ipsius improbitas, sed aperta, vt postea apparebit.

Macchiauelli intentio Generalis non proba.

Quod verò Scioppius significat de scriptore aliquo mitius pronuntiandum esse, si metum sibi aliquem obstare præ se tulit, quominus promptum haberet, quod sentiebat, in ambiguis ad benigniorem interpretationem valere debet, non ad veniam inijs, quæ apertè mala aut falsa sunt; nam vt mala ex metu facienda non sunt, ita nec suadenda, aut docenda. Neque Macchiauellus eiusmodi timoris significationem de se præbet, qui si illum timuisset, qui potest & animam, & corpus perdere in gehennam. Matth. 10. v. 28. aut siluisset, aut gehennæ supplicijs digna non scripisset.

Metus malam doctrinam non excusat.

§. XII.

Aristotelis & S. Thomæ Politica, à Scioppio laudari non posse, sed necessario vituperari.

VIII. **S** Thomam & Aristotelem inter eos quidem refert, quos Politicam rectissime ac sine omni vitio docuisse, non temere quisquam negauerit, sed si consentire secum velit, hoc vel maximè negare cogitur. Nam vitium in Politicis grauissimum esse statuit, *transire de genere in genus*, hoc autem illis impingit, qui in Politicâ tractant de virtutis ac veræ Politicæ honestate, de Tyrannidis & cuiusvis Pseudopoliticæ turpitudine. Cum ergo Aristoteles & S. Thomas Politicam ad virtutem præcipue referant, & de legitimæ Reipublicæ honestate, illegitimæ improbitate ac turpitudine, ipso Scioppio fatente disputent: necesse est ex eius sententiâ eorum doctrinam grauissimo alieni vitio laborare, & ea, quæ Ethicæ propria sunt, inuadere.

*Aristoteles
& S. Thomas
Sic alieni peccant,
iuxta Scioppium.*

Adhæc eos à vitio excusare non potest, qui *status conseruandi causa docent simulare & peierare*, quod Aristoteli & S. Thomæ infamis Grammaticus ad marginem idèò imponit, quia 5. Politic. 9. docent Oligarchiam simulatione & perjurio conseruari. Sed dicit, eos modo loquendi hypothetico excusari, non enim absolute id docent sed cum conditione, *si debeat*

beat saluari paucorum potentia, vt ait S. Thomas. At enim nemini absolutè imponi debet illud, quod hypotheticè asseruit. Periurij & simulationis doctrina absolutè mala est, & diuinis humanisque legibus contraria, harum præuaricatores facit Scioppius S. Thomam & Aristotelem: cum illos hæc docere improbè mentitur.

Non absolute asseris, qui hypotheticè loquitur.

An Paschasius Grossippus æquo animo feret, si quis dixerit eum Solæcismos docere, quia in Grammaticâ suâ varios solæcismorum modos explicat? An Theologum iniustitiæ; libidinis, hæresis doctore appellabimus, quia horum aliorumque scelerum naturam, variasque ea patranda rationes, accuratè exsequitur? An Logicum Sophistam esse conuitiabimur, quia varias sophismatum fallacias exponit? An denique Christum ipsum iniquitatis Magistrum esse blasphemabimus, quia *Villicum iniquitatis laudauit* Luc. 16. v. 8. quod *filius huius seculi, prudentior filiis lucis*, idoneum rebus suis remedium adhibuerit?

Solæcismos explicare, non est eos docere.

Hoc scilicet est suppetias ferre Machiauello, scientiarum Principibus: & ipsi adeò rectæ rationi clarissimæque veritati

belli mouere. Aliud est docere vitia, aliud dedocere; aliud præcipere, vt fiant, aliud ea explicare, ne fiant; hoc artis est, illud improbitatis. Non ergo docent simulare & peierare S. Thomas & Aristoteles, sed dedocent, & absolutè vetant, quod ex hypothesis Oligarchiæ necessarium, ac vtile esse censent; quia inter vitiosas fugiendasq; Reipublicæ formas eam reponunt, ipso fatente Scioppio, qui Politicæ turpissimus leno, immeritò Aristarchorum nomen ac culpam, Pseudopoliticorum æquissimis censoribus affingit.

§. XIII.

*In referendis Aristotelis & S. Thomæ Verbis,
Scioppium more suo fallacem
esse.*

IX. **I**N referendis Aristotelis & S. Thomæ verbis ex 5. Politic. 9. denuo fallit. Ait esse verba illorum, quæ incredibili licentiâ alijs omissis, alijs mutatis ita effinxit, vt à verbis Aristotelis & S. Thomæ plurimum dissentiant, neque sensum integrè reddant. Nos ea fideliter adnumerabimus. Cum igitur Aristoteles docuisset, quædam popularia videri, aut paucorum potentiz accommodata, quæ popularem

Rem-

Rempubicam, aut paucorum potentiam evertunt, eò quod hanc aut illam nimis intendunt, ita inquit: Errant autem & in popularibus Rebus publicis, & in paucorum potentiis. In popularibus quidem Rebus publicis populi duectores, ubi multitudo domina est legum. Duas enim semper efficiunt ciuitates, certantes cum diuitibus. At contra oportet, semper videri loqui pro diuitibus; in paucorum autem potentiis pro populo, eos qui paucorum potentie student; & iuramenta contraria, quam nunc, iurare. Nunc equidem in quibusdam (paucorum potentiis) iurant: Ero populo inimicus, & consulam, quidquid habueromali. Oportet v. ro, praeferre verbis & simulare contrarium, id significantes in iuramentis: quod plebem non afficiam iniuriâ.

Verba Ari-
stotelis.

Sancti Thomæ verba hæc sunt: Pec-
cant duectores populi in statu populari, siue
in quo tota multitudo, velut monarchia
quâdam dominatur; non secundum legem.
Dectores enim pugnantes contra diuites, di-
uidunt ciuitatem in duo; adulantes enim
multitudini mouent eam contra diuites. Hoc
autem non est faciendum, si debeat popula-
ris status saluari; sed multitudo pro diuiti-
bus debet videri facere, quod volunt; sic e-

Verba
S. Thomæ.

vim saluari poterunt. In paucorum status
 similiter peccat paucorum potentia, oppri-
 mens multitudinem, ex quo contingit corri-
 ptio paucorum status. Et ideo, si debeat sal-
 uari, oportet paucorum potentiam videri fa-
 cere pro populo, & facere iuramenta contra-
 ria eis, quæ faciunt. Consueverunt enim
 paucorum status potentia, cum instituantur
 in principatibus, iurando dicere: Inro quod
 populum odio habebo, & consilio annitar, ut
 male habeat. Similiter in populari statu, iu-
 rat populus, malignus ero diuitibus, & con-
 sulam, quæ illi mala esse sciam. Hoc autem
 non est faciendum, sed oportet opinari con-
 trarium esse faciendum, & insinuare in iu-
 ramenta, quod potentia paucorum non fa-
 cient iniustum populo. Et populus debet iu-
 rare, quod non iniuste aget contra diuites.

Scioppius
 Verba Ari-
 stotelis &
 S. Thom.
 cōsarcinat,
 & variat, trū-
 cat.

Confer amice Lector verba hæc, cum
 ijs quæ Scioppius ponit, & reperies non
 esse Aristotelis & S. Thomæ, sed audacis
 Grammatici, qui ea ex Aristotele & S.
 Thomâ temerè consarcinata, variata,
 truncata, pro eorum verbis falsò obtru-
 dit. Qui verba alterius scriptoris se pro-
 ferre asserit, singula ad numerare debet,
 prout alter scripsit: id nisi facit, falsum
 est esse ea verba illius scriptoris, sunt enim
 alle-

allegantis, cui non verba, sed sensum alterius asserere placuit; neque id vitio vertitur, si sententiam non peruertat.

Quod ipsum hic non integrè obseruauit Scioppius, nam omisit mentionem Rerum publicarum popularium, quarum error aduersus diuites, errorem in paucorum potentijs aduersus plebem committi solitum, veluti per Antithesin clarius illustrat. Quam autem audaciam in verbis & sententijs aliorum scriptorum, eandem in sacris scripturis allegandis plagiarius iste sibi sumit, veluti supra vidimus; idq; in ipsius libris frequens est, vbi passim loca scripturæ aliorumq; autorum, non talia qualia sunt, proferri, sæpe cum graui fraude reperiēs.

*Idq; ex mō-
re suo.*

§. XIV.

Ex causa Efficientis hyporhesi omnem effectum pendere; instrumenta autem Pseudopolitia, non nisi ex suppositione finis, Vera autem Politia, absolute bonæ & Utilia esse.

X. **L**ectorem monet, vt quandoenq; effecti alicuius causa traditur, conditionem inesse meminerit. Si enim dicas, Ortus solis diei causa est, peccatum mortis, non aliud audis, quàm hypotheses istas; scilicet

aut est sol, dies est; si peccasti morieris. Quoties igitur Politici causas siue modos tradunt conservandi status, seu boni, seu vitiosi, toties hypotheticè loqui censendi sunt. Evertit hoc monitum superiorem Grammatici doctrinam, quâ in explicandis modis conservandi vitiosas Reipublicæ formas, primum Cautionis genus esse dixit, loquendi modum non absolutum, simplicem, aut Categoricalum, sed Hypotheticum, siue cum exceptione aut conditione.

Si enim Politici tam de boni, quam vitiosi status causis, hypotheticè loqui censendi sunt, ergo fictitia est Cautio adhibendi sensus hypothetici & nō Categoricali, in differendo de vitiosis Rebus publicis. Quodcumque enim effecti alicuius, siue boni siue mali, causa siue bona siue mala traditur, conditionem inesse monet Scioppius. Nullum ergo relinquit sensum Categoricalum, cum semper censeat Politicos loqui hypotheticè.

Non sanè intelligit Scioppius, aliam esse *hypothesin siue suppositionem Causæ Efficientis*, aliam *Finis*. Ex priori, positâ causâ efficiente in actu, sequitur effectum fieri aut esse; ex posteriori ea, quæ proposito aliquo fine necessaria sunt, vel idonea ad
cuius

*Scioppius
collit sensum
Categoricalum,*

*Alia hypo-
thesis causæ
Efficientis, alia
Finis.*

eius adæptionem, habent rationem boni
 utilis siue secundum quid, ex suppositione
 talis finis. Et si fortè nec iste, nec illa sint
 bona secundum se & absolutè, sed simpli-
 citer mala; vt cum quis imperij potiundi
 causâ, legitimum Principem dolo malo
 occidit: ea cædes absolutè mala est & no-
 xia, etsi secundum quid sit utilis, ad talem
 finem.

Prioris ergo generis hypothesein seu
 conditionem, quodocunque effecti ali-
 cuius causa traditur, inesse verum est, ne-
 que in hoc discrimen esse potest inter ex-
 plicationem Reipublicæ legitimæ & vitio-
 sæ. Vt enim, cum proprium commodum, *Prior com-
 munit eff*
 iniustitia, crudelitas, fraus, dolus, aliæq; *Reipublica*
 causæ constituentes aut conseruantès *vitiosa, &*
 Rempublicam vitiosam vigent, necesse *legitima.*
 est Rempublicam vitiosam esse: ita cum
 alicubi virtus, iustitia, pietas aliaque
 Rempublicam legitimam efficiëntia &
 conseruantia adsunt, sequitur eiusmodi
 Rempublicam rectè constitutam esse.

Posterioris verò hypothesis, quam *Posterioris*
dispar ra-
tio eff.
 suppositionem finis dicimus, longè dispar ratio
 est. Hæc enim non ad existentiam effe-
 ctus pertinet, sed ad bonitatem seu uti-
 litatem mediij, quo finis obtinetur. Cum
 igitur

§. XV.

Methodum non esse finem scientiarum, sed instrumentum, vti Respublica ab Aristotele & S. Thomá non doceri; Sciopium grauius in eos insursum esse.

XI. **F**alsum est S. Thomæ & Aristotelis in Politicis, operis totius propositum, seu generalem intentionem esse, secundum Methodi leges de omnibus Reipublicæ formis etiam vitiosis tractare. Nam Methodus, quam Logica supplet, instrumentum est scientiarum, non finis & scopus, ideoque Logicam philosophi scientiam instrumentalem, & organum scientiarum appellant. Etsi verò ad observationem Methodi, intentio eorum quoque refertur, non est tamen is finis proprius & præcipuus: sed legitimæ Reipublicæ & specierum eius, secundum regulam rectæ rationis, seu virtutis explicatio & constitutio. Cui secundario vitiosarum Rerum publicarum, seu vitiorum & errorum artis Politicæ, tractationem coniungunt, sine & modo longè diuerso, vti jam sæpe dictum est; veram enim legitimamque Politicam docere, constituere & conseruare, Pseudopolitiā fugere & corrigere. Quare tam falsum est ab

Methodus instrumentum est, non finis.

Pseudopolitiā secundario explicant Politici.

est ab Aristotele & S. Thomâ alijsque veris Politicis, Pseudopolitiam, aut eius conseruandæ modos doceri, quam falsum est vllum alium bonum artificem, artis cuiuscumque vitia seu errores docere.

*Nemo rectè
vitiâ artium
docet.*

Quod ipsa vocis proprietates conuincit: docere enim in practicis ad opus refertur, non ad solam cognitionem, vt in speculatiuis. Nullus autem probus aut sapiens Magister, vitia & errores artis explicat, vt discipuli eos discant facere, sed vitare & corrigere. Non ergo docent errare, etsi doceant errores intelligere; quod non sufficit, vt dicantur doceri, cum ea doctrina ad illud, cuius cognito traditur, faciendum non referatur. Graui ergo iniuriâ & contumeliâ S. Thomam & Aristotelem Scioppius affecit, cum in margine scripsit: *Aristoteles & D. Thomas statum conseruandi causâ docent simulare & peiorare, & eidem Tyrannidem conseruare docent, per summam crudelitatem, & per simulationem ac dissimulationem; non enim ista, sed omnia contraria docent.*



§. XVI.

Vtilia ad conseruandam Oligarchiam, ab Aristotele & S. Thomâ, nullâ, vti criminatur Scioppius, honestatis ratione habitâ, non tradi.

XII. **F**alsum est Aristoteli & S. Thomæ l. 5. Politic. c. 9. *vtilia ad conseruandam Oligarchiam, nullâ honestatis ratione habitâ, precipere propositum fuisse.* Qui enim nullâ honestatis rationem habere dicitur, eam negligere aut violare significatur, quorum neutrum in honestatis magistratus cadit. Ipse Scioppius fatetur, eos alibi inter vitiosas Reipublicæ formas & iniustas, Oligarchiam numerare, & Tyrannidi proximam facere, eoque ipso turpem ac fugiendam esse docere. Hoc stigma Oligarchiæ iniustum, probus Lector ubiq; præ oculis habet, vbi Aristoteles & S. Thomas de eâ tractant, etsi non semper eius turpitudinem, & cum honestate repugnantiam signatè exprimant. Infame, Oligarchiæ nomen est, perinde vt Tyrannidis, latrocinij, & similia, quæ à probis semper cum apertâ detestatione proferuntur, aut cum tacitâ seu virtuali, vti loquimur: neq; enim id apertè & actu facere semper opus est, vel conuenit.

Stigma Oligarchiæ S. Thomæ & Arist. iniufserunt.

N

Aliud

Aliud est de honestate filere, aliud nullam eius rationem habere; hoc Pseudopolitici & omnes improbi faciunt; illud etiam boni à se alienum non putant, cum honestas de se fileri aut vult, aut patitur.

*Aristoteles
defenditur.*

Sed neque verum est Aristotelem l. c. 5. Politic. c. 9. nullam de Oligarchiæ & Democratix recessu à perfectâ Reipublicæ formâ, & earum seu turpitudine, seu imperfectione mentionem fecisse; etsi Scipius, quia oscitanter & iniquis oculis illum legit, id non aduerterit. Nam Aristoteles errorem explicaturus eorum, qui cum excessu studentes Reipublicæ formam conseruare, eam perdunt, ita incipit: *Præter omnia verò hæc, non oportet latere, quod nunc latet Respublicas à medio aberrantes*; pro quarum exemplo affert, Democratiam & Oligarchiam. Vocat verò hic *παρεβιβνχίας τὸ μέσον*, id est aberrantes à medio, seu transgressas medium, quod seruant perfectæ Reipublicæ, sicut aliàs appellat *παρεββάσεις*, id est aberrationes aut transgressiones, quas esse imperfectas aut vitiosas Respublicas certum est. Paulò infra ait: *Oligarchiam & Democratiam contingit, velut aptè habere, quamuis constitutas extra optimum ordinem.* Apertè er-

go Aristoteles hoc etiam loco, has Respublicas à perfectâ Politiâ exciudit; neq; solum de imperfectis, sed etiam vitiosis eum loqui, exemplum simulationis, periurij, ac iniquitatis plenum ostendit.

S. XVII.

In referendis verbis Aristotelis & S. Thomæ, fallacia Scioppiana aliud specimen.

XIII. **I**N referendis verbis Aristotelis & S. Thomæ ex l. 5. Politic. cap. 11. clarum rursus specimen edit malæ fidei, quâ bonos autores citat. Affirmat esse verba S. Thomæ & Aristotelis, quæ assert, cum sint centones, quos ex diuersis eius capitis locis, pro arbitrio quibusdam omissis, alijs mutatis & de suo audacter affutis contexuit. Parcimus fastidio Lectoris, ideo integrum & sinterum textum, non inferimus, paucas solum lineas, ab ipso mirè variatas & interpolatas, apponere visum fuit.

Ait D. Thomam hoc ipso capite suam & Aristotelis mentem *totidem verbis* interpretari. *Ista & similia sunt Tyrannica, & saluant principatum; sunt mala secundum se ipsa. bona tamen ad saluationem Tyrannidis. Non sunt facienda simpliciter ho-*

*Scioppis
perfidia in
allegando
S. Thomæ.*

mini, sed ei, qui voluerit saluare Tyrannidem, qua secundum se mala est.

Atqui ego hæc non totidem, sed pluribus & multo efficacioribus hisce verbis lego apud S. Thomam eo loco: *Ista igitur & similia sunt Tyrannica, & saluant Principatum.* [NEC ALIQUID MALIGNITATIS DEFICIT IN TALIBVS, SED OMNEM MALIGNITATEM ET INIQUITATEM CONTINENT,] *sunt mala secundum se ipsa, bona tamen ad saluationem Tyrannidis.* [IN QVO INNIT, QVOD] *non sunt facienda simpliciter homini, sed ei, qui voluerit saluare Tyrannidem, qua secundum se mala est,* Numera amice Lector hæc verba, & quot à Scioppio omiſſa repereris, totidem mendacia ab illo commiſſa agnosce.

§. XVIII.

A S. Thomâ absolute vtile non dici, quod honestum non est, suffragante etiam Cicerone.

XIV. **F** Alſò S. Thomæ mentem hisce in verbis interpretatur, dum ait, ipsum hîc satis perspicue docere, istam conseruanda Tyrannidis rationem absolute, ac per se malam, sed ceriò quodam respectu bonam, hoc est utilem, non honestam esse. Falsum

sum inquam est S. Thomam censere bonum certo quodam respectu, siue secundum quid, idem esse, quod utile; aut absolutè utile iudicare, quod honestum non est. Attuli initio eius verba, quibus *asserit nihil posse esse verè & simpliciter utile, quod repugnat honestati*; ergo sicut ea, quæ sunt Tyrannica, secundum S. Thomam sunt simpliciter mala, & solùm secundum quid bona, ita quoque sunt simpliciter noxia siue inutilia, & solum secundum quid utilia. Quod Scioppius non credit, quia cum Pseudopoliticis inter utile & honestum, pestilens diuortium instituit.

In hoc verbo, ut deplorat Cicero l. 2. de Offic. sub initium, lapsa consuetudo deslexit de viâ, sensimq; eò deducta est, ut ab honesto utile secerneret, & constitueret honestum aliquod, quod utile non esset; & utile, quod non honestum; quâ nulla perniciēs maior hominum vita potuit afferri. Summâ quidem autoritate philosophi, seuerè sanè atque honestè, hæc tria genera confusa, cogitatione distinguunt. Quidquid enim iustum sit, id utile etiam censent; itemque quod honestum, idem esse iustum; ex quo efficitur, ut quidquid honestum sit, idem sit utile.

*Consuetudo
praua & isle
ab honesto
secernit.*

Incautical- qui parum prospiciunt, hi saepe versutos ho-
lidam ma- mines & callidos (Macchiauellum, alios-
litiam, sa- quę Pseudopoliticos) admirantes, eorum
pientiam malitiam, sapientiam iudicant. Quorum
putant. error eripiendus est, omnisq; opinio ad eam
 spem traducenda, ut honestis consilijs, insisq;
 factis, non fraude & malitiâ, se intelligant
 ea, quę velint, consequi posse. Hunc sum-
 mum Oratorem & Romani maximum
 autorem eloquij, si Grammaticus fide,
 dignum putaret, potius ipsum quam Mac-
 chiauellum sequeretur.

Sed quid de eo in malâ causâ sperare
 possumus, qui cum bonos defendere vi-
 detur, tot erroribus ac vitijs, quot osten-
 dimus, defensionem contaminat? Verum
 is in hâc Apologiâ error ac dolus omnium
 grauissimus est, quod Aristotelis & Sancti
 Thomę purissimę doctrinę, Macchiauelli
 inprimis, & aliorum deinde Pseudopoli-
 ticorum exundantes errorum mephites,
 comparare, & illorum innocentiam ad
 horum improbitatem tuendam transfer-
 re ausus est. Quod quàm iniquè & falla-
 citer egerit, indicatum quidem est, sed
 deinceps clarius demonstra-
 bimus.

CAP. II.

Quâ ratione de virtute, & pietate Politicos tractare oporteat.

§. I.

SVPPETIÆ. Methodus Censura in Politicis scriptis exercenda.

VT autem vsus eorum, quæ adhuc disputavi, multò fiat manifestior, quâ Methodo ac viâ progredi debeat, qui Censuram in Politicis scriptis exercere velit, distinctè præmonstrabo. Si quis ergo scriptorem Politicum repræhendere cupiat, quid is peccarit, planum facere debet. Si peccauit, aut artis seu doctrinæ, aut prudentiæ Methodum neglexit. Nam si neutrum fecit, omni culpâ vacat. Vt doceas peccatum ab eo contra Methodum artis, necesse est, vt demonstrares, eum aut aliena tractasse, aut falsa: si aliena, aut ea, quæ genere, aut quæ loco aliena sunt, tractauit. Aliena genere vel subiectæ materiæ, vel instrumentorum ratione.

§. II.

VINDICIÆ. Methodum Censura non rectè à Scioppio præmonstrari; Methodum tam artis, quàm prudentiæ à Macchiauel. lo Violari.

NEque ipsam Censuræ Methodum rectè præmonstrat Scioppius, vt adeò

in eâ quoque Censuram mereatur. Nam inprimis, vt ostendatur scriptor Politicus peccâsse contra Methodum artis, necesse non est demonstrari, eum aut aliena tractâsse, aut falsa: cum ipse Scioppius suprâ, Rationis in vniuersum quinque numerârit vitia, Obscurum, Ambiguum, Falsum, Inconsequens, & Alienum. Etsi ergo scriptor nec aliena tractârit, nec falsa, potuit peccare obscuritate, ambiguitate, aut consequentiæ vitio, ideoq; vituperationem mereri.

*Scioppis
Censura
insufficiens.*

Deinde etsi ab his quinque vitijs immunis sit, potuit in illud labi, quod à Scioppio omissum nos eo loco addendum diximus, & Mutilum vocauimus, omissionem nimirum aut neglectum alicuius, quod artis proprium est, præcipuè obiecti proprii & principalis. Illud enim necessariò tractare debet, qui artem aliquam integram profitetur. Quod si vnam dumtaxat, alterâque partem attingat, necesse saltem est eam ad principale obiectum referre; vel expressè, vel implicite: itâ, vt nihil tradat, quod cum præcipuo artis fine, aut obiecto pugnet.

*Macchia-
uellus Me-
thodum ar.*

Macchiauellum verò Scioppij in hac aduocatione clientem vnicum, tam contra

tra

tra Methodum artis, quàm prudentiæ grauissimè deliquisse, facilè planum fieri potest. Nam contra Methodum artis peccauit, quia proprium præcipuumque Politicæ obiectum, Rectam Reipublicæ formam neglexit, aut peruertit. Neglexit, inquam, quia eius finem, vitam ciuilem ex regulâ veræ virtutis agendam, non proposuit, neque media debita assignauit. Imò vtrumque peruertit, quia bona externa gloriam, opes, imperij conseruationem finem Politicæ fecit, & media tradidit, principijs naturæ & gratiæ aduersa, vt paulo post patebit.

Vnde consequens est Prudentiæ quoque Methodum ab eo neglectam, quia non solum nihil cauit, ne lectoris iudiciũ de rectè secusue factis deprauaret, quod Scioppius ad prudentiæ Methodum meritò requirit: sed datâ etiam operâ hoc ipsum egisse videtur, vt à radicibus veræ Politicæ principia conuelleret.

§. III.

SVPPETIÆ. Aliena tractare Politicum ratione materia, si Principem Serèpium esse subeat; animam non esse subiectum Politicæ.

Subiectæ materiæ ratione, aliena tractat Politicus, si v. g. Principem, vt Deum sibi red-

*Scioppius
Politici salutis curam
eripit.*

dat propitium, & æternâ felicitate potiatur, verè pium ac religiosum esse: non autem pietatem & religionem præ se ferre, id est, id agere iubeat, vt qualis est, pius nimirum & religiosus, talis etiam ab alijs existimetur. Nam hoc nihil est aliud, quàm tractare de salute animæ, quomodo scilicet Princeps animam suam seruare, vel saluare possit. At enim anima Principis, aut salus animæ non est subiectum Politicæ, sed Theologiæ: cum in Politicâ tractari debeat salus, siue incolumitas status. Igitur hoc est, quod aiunt, *de genere in genus transire.*

§. IV.

VINDICIAE. Finem & ultimum beatitudinis æternæ, proximè quidem ad disciplinam Christianam & Theologiam pertinere, eidem tamen Politicam quoq; cum alijs artibus famula, i debere; famam neglegendam non esse.

*Aristoteles
finem & ultimum Politicæ propriū
putauit,*

Non alienum est à Politico, Principem admonere de ultimo hominis fine, hunc enim tanquam Politicæ proprium assignauit Aristoteles l. 1. Ethic. c. 2. 4. 5. & alibi. Quia verò censuit beatitudinem in hac vitâ naturæ, viribus posse acquiri, & consistere in actionibus virtutum, tum intellectus, tum voluntatis: ideo totam ultimi finis ademptionem, procurationem ac possessionem Politicæ propriam esse putauit, eiq; reliquas omnes facultates ac scien-

scientias subiecit; quia ad finem vltimum, quem Politica spectat, necesse est fines inferiores, velut bona minora ad bonum maximum dirigi. At postquam vera fides vltimum finem nostrum in Beatitudine vitæ alterius, situm esse, neque naturæ viribus eò perueniri posse ostendit: Politica, huius finis proximam adeptionem, procurationemque, tanquam viribus suis superiorem, Christianæ disciplinæ ac Theologiæ, & sacrationi potestati concessit: sic tamen, vt hunc vitæ humanæ tum priuatæ, tum communis supremum finem, velut eminus respiciens totam imperandi parendique rationem eò referre non celsarit.

*Eius cura
proximè ad
Fidem &
Theologiã
spectat.*

Vt enim Aristotele iudice Politica, veræ fidei lumine nondum collustrata, in alias facultates ac scientias principatum tenuit, ob vltimi finis sibi proprii, vt videbatur, prærogatiuam: ita nunc potiori jure, postquam summum bonum altioris facultatis potestatisque esse credit, sacrationibus disciplinis ac legibus famulatum & obsequium debet: vt earum ductu ac ope, ad vltimum finem Principes ac subditi perueniant, nec ab eo vtrique, vel alterutri aberrant.

Hæc Princeps scientiarum est apud Christianos.

Neque

Neque hoc est *de genere in genus transire*, si scientia inferior, facultatis superioris & maximè supremæ, ad quam ultimus finis omnium pertinet, principia communia assumat, ac inde, quæ in suâ materiâ ultimo fini necessaria aut congrua sunt, deducat: etsi non sit illius eiusmodi principia, vel ultimi finis naturam, examinare aut demonstrare, sed tanquam certa ac indubitata supponere, uti supra ex Aristotele demonstraui. Facit ergo Politica officium facultatis inferioris, cum Principem monet, ut Deum propitiandi ac æternæ felicitatis obtinendæ causâ, in principatu verè pius ac religiosus esse velit, non pietatis ac religionis simulator; hoc enim ultimus Politicæ finis requirit, quem disciplina Christiana, omnium facultatum, scientiarumque Domina proponit & explicat.

Politica officium est, etiam de fine ultimo & salute monere.

Bona opinio curanda.

Neque cum verâ pietate ac religione pugnat religionis ac pietatis opinio, sed illam sequitur, velut umbra corpus. Cuius curam suis etiam discipulis Christus commendauit, cum dixit: *Sic luceat lux vestra coram hominibus, ut videant opera vestra bona, & glorificent patrem vestrum, qui in calis est.* Magnus stimulus ad virtutum est

exem.

exemplum Principis, qui si ad malum præ-
it, eodẽm vno impetu feruntur subditi ju-
xta illud:

*Regis ad exemplum totus componitur
orbis.*

Vnde Politicus instillare debet impe-
rantibus non solum bonæ vitæ, sed etiam *A Politico
commen-
danda.*
integræ famæ amorem ac curam. Nam
ipsi quoque à Deo collocantur *super can-
delabrum* principatum ac Rerumpubli-
carum, *ut luceant omnibus*, qui sub impe-
rio ipsorum sunt. Etsi hanc boni exem-
pli lucem, non ad suam sed Dei gloriam,
subditorumq; utilitatem referre debeant.
Quo sanè spectauit S. Augustinus, cum
lib. de bono Viduitatis c. 22. dixit: *No-
bis enim necessaria est vita nostra alijs fama
nostra*, quæ verba perperam infra allegat
Scioppius.

§. V.

*Animam esse subiectum Politicæ, affirmat Ari-
stoteles; aliter à Politico, aliter à Theologo
eam spectari.*

NEgat Scioppius animam esse subie-
ctum Politicæ; affirmat Aristoteles I.
Ethic. c. 13. claris hisce verbis: *Quæ si ita
habent, perspicuum est, Politicum aliquo
modo nosse oportere ea, quæ ad animam per-
tinent;*

*Aristoteles
Scioppium
refellit.*

submonere debet, vera nimirum pietatis ac virtutis praecepta.

Diffimile inquam est hoc simile, & prorsus absonum. Nam ut ex Medicinæ naturâ apertum est, & Aristoteles l. c. significat, Medicus per se circa corpus dumtaxat eiusq; sanitatem ac ægritudinem versatur. Malæ autem bonæque valetudinis causæ proximæ, corporales sunt & corpori insitæ: quas aut tollere aut stabilire vnicum Medici officiū est. Et si verò morbos inter peccati originalis & actualis effecta connumeremus, est tamen ea causæ remota, & per se extra facultatem ac curam Medici, cuius non est curare morbos animi, sed corporis. Nisi per accidens æger ijs peccatis laboret, quæ frequentata bonam corporis habitudinem labefactare solent, ut crapula & libido; ab his enim ægrum dehortari, à Medici officio alienum non est.

Verum longè alia est Politici ratio. Nam Politicæ obiectum præcipuum ac propriū, est vita ciuilis secundum iustitiæ aliarumque virtutum moralium regulam ordinata. Cum ergo Politicus de eiusmodi virtutibus in Republicâ stabiliendis, & vitijs contrarijs extirpandis, præcipit aut disputat, non solum verissima & utilissima, sed

maximè

*Peccatum
causæ mor-
bi remota,
ad Medi-
cum per se
non spectat.*

*Alia Poli-
tici est ra-
tio, cui vir-
tutes & vi-
tia cura
sunt.*

maximè etiam propria tractat. De Religione autem, virtutibusq; supernaturalibus seu Theologicis, vti vocamus, Fide, Spe, & Caritate, etsi propria proximaq; cura Religionis Christianæ præsidibus, Theologisq; incumbat: Politica tamen principia sua inde desumit, & per ea oculos identidem ad vltimum Finem retorquet, *ne transeundo per bona temporalia, amittat æterna*, quod à suis filiis Ecclesia deprecatur.

Cum verò ex Scripturis sanctis constet, Deum publica præsertim peccata, publicis calamitatibus & imperiorum euersione punire: Politicæ munus est vitia coercere ob eam quoque causam, ne inde iusto Dei iudicio Respublica damnum capiat: virtutes verò promouere, vt Reipublicæ incolumitas, subditorumq; salus, propitij Numinis fauore stabiliatur. Accedit illi tuendæ veræ Religionis curam incumbere, vt ei eiusq; ministris aduersus hostes, & contemptores suppetias ferat. Nullo autem simili titulo vel debito, Medici ad curam Religionis aliarumque virtutum adstringuntur; alienum ergo est ab officio medici quòd medicus est, de

*Eam quoq;
ob causam,
ne Deus puniat.*

his disputare, non autem ab officio Politici, quâ Politicus est.

§. VIII.

Scioppiana imperitia in scripturis specimen.

*Peccata nō
omnium
morborum
causa.*

SED iuuat Scioppij in sacris Scripturis Imperitiam, quam alijs frequenter & immeritò obijcit, ex hoc loco obiter æstimare. *Quis dubitet ait, quin morborum omnium causa sint peccata?* At verò, quis nisi scripturarum imperitus, nescit eas asserere morborum quorundam causam, non esse peccata? De cæcitate Tobix, & afflictione Iob clarus est locus Tobix 2. v. 12. *Hanc autem tentationem idè permisit Dominus euenire illi, ut posteris daretur exemplum patientiæ eius, sicut & sancti Iob. Nam cum ab infantiâ suâ, semper Deum timuerit, & mandata eius custodierit, non est contristatus contra Deum, quod plaga cæcitatis eueniret ei, &c.* Iob quoque initio libri sui cap. 1. v. 1. dicitur fuisse vir simplex & reclusus, ac timens Deum, & recedens à malo. Christus Ioan. 9. v. 2. & 3. curaturus cæcum à natiuitate discipulis interrogantibus, *quis peccauit? hic, aut parentes eius, ut cæcus nasceretur?* respondit: *Neq, hic peccauit, neq, parentes eius, sed ut manifesten-*

stentur opera Dei in illo. Omitto alia exempla aliorum, quibus Deus morbos im-misit sine illorum culpâ, ad probationem patientiæ vel alias causas, idoneis histori-jstestatas. Neq; talia in peccatum origi-nale referri possunt, cum non ex naturæ cursu, sed peculiari diuinæ prouidentię decreto proueniant.

§. VIII.

Media, quæ ex sublimiori pendent scientiâ, aliena esse à Politico.

INstrumentorum ratione aliena tractat Poli-ticus, si ea conseruandi status media, seu mo-dos præscribat, quæ ex sublimiori pendent sci-entiâ. Vt si dicat, Principem debere creberri-mo sacramentorum vsu, dandisq; eleemosynis Deum sibi reddere propitium. Sic enim futu-rum, vt Deus imperium eius prosperet.

§. IX.

VINDICIÆ. Scientias morales communica-re in communibus principis morum, quorum pri-ma regula est disciplina Christiana; Macchia-nelli, quoque exemplum Scioppio aduersari.

Falsum esse, quod tradere media, seu modos conseruandi Status, qui ex sublimiori pendent scientia, alienum sit à
O a Poli-

Politica ex supra dictis liquet. Sicut enim omnes scientiæ teste Aristotele l. 2. poster. c. 8. communicant in communibus principijs Logicæ & Metaphysicæ, atque ex ijs demonstrationes suas faciunt, etsi de ipsis principijs nihil demonstrant: ita scientiæ quoque morales, inter quas eminet Politica, tum in iisdem, tum multo magis in principijs communibus veræ fidei ac Theologiæ, vnde prima regula morum ac virtutum sumitur, communicant.

*Communia
fidei Principia ad Politicam spectant.*

Quare sicut alienum nihil facit Physicus, cum demonstrat non posse corpus simul moueri & quiescere, ex principio illo metaphysico: *Non potest idem simul esse & non esse*, aut illo Logico: *non potest idem de eodem simul verè affirmari & negari*, ita officium suum facit Politicus, cum ex principio vno Politico & altero Christiano sic concludit: *Principem conuenit certissima media ad veram Imperij felicitatem parandam adhibere; sed medium certissimum ac præcipuum esse verum Dei cultum, orationis item, aliarumq; virtutum, quæ Principi conueniunt; studium, Christiana religio & partim sacra litera docent, ergo conuenit Principem ista cordi habere ac fa-*

Ex iis rectè concludit.

ac facilius, neque ea à se, vel rationibus Politicis aliena putare.

Macchiauellus ipse præcipuum status seu Reipublicæ conseruandæ medium Religionem esse censet, eaque de repluribus capitibus agit lib. 1. discursu de Republica. *Nam ubi religio est, ait cap. 11. locum habent bonæ leges ac bona disciplina, ex quibus fortunati felicesq; rerum euentus, in expeditionibus præsertim bellicis, nascuntur: sicuti è contra etiam, sublatâ religione corrumpere Rempublicam oportet, quoniam sublato Dei timore sequitur impietas, ex eaq; ruina imperiorum.*

Macchiauellus de Religione agit.

Caput vero 12. sic orditur: *Quicumq; Principes atque Reipublica semetipsos conseruare cupiunt, in id vnum præ cæteris incumbere debent, vt verum Religionis cultum rectè instituant & venerentur.* Eamq; materiam vsque ad cap. 16. latè prosequitur, etsi falsa & veræ Religioni aduersantia, Romanæq; Ecclesiæ contumeliosa tum hîc, tum alibi admisceat, præsertim lib. 2. c. 2. quæ infra attingemus.

Idem Macchiauellus, de Fortunâ & fato disputat, in Principe c. 25. & lib. 2. discurs. cap. 29. quam eandem rem attingit lib. 3. c. 1. Neque alienum quidâ Politico

Item de fato.

*Principia
Christiana
corrupt.*

fecisset, si principia diuinæ providentiæ, quam vnā pro fortuna & fato suo, Christiana fides agnoscit, sincera posuisset, & tanquam indubitata supposuisset. Quia verò illa corruptit, & tum hæc, tum alia ad religionem spectantia examinandi, imò & calumniandi, ac censendi audaciam sibi sumpsit, boni Politici limites excessit; cuius est ea, quæ ex sublimiori facultate pendent, non conuellere, sed tanquam veritatis virtutisque regulam sibi à Deo propositam, reuerenter amplecti, nec de illis, sed ex illis concludere.

Quæ eò attuli, vt appareat Scioppium clientis sui immemorem, eum ipsum accusare, dum alios accusat.

C A P. III.

Religione & virtute imperia certius prosperari, quàm vllis Pseudopoliticorum præceptis & consiliis.

§. I.

SUPPETIÆ. Deum imperium non prosperare, nisi Principis, & subditorum ad salutem anima inter sit; Iosia, S. Ludouico, alijsq; regibus, ideo parum prosperè plurima euenisse.

HOc etsi salutare in primis præceptum, ac Principis auribus animoque insillari dignissimum.

gnissimum, tamen à Policâ Scholâ alienum, tum propter arcanum Dei consilium, temporalium bonorum concessionem ex vsu animarum nostrarum moderantis, nobis non exploratò certum est. Nam istas Dei propitiandi rationes esse, ex Theologia discimus; simul autem & hoc, Deum non aliter Principis, quamuis religiosissimi imperium prosperare, nisi sic ipsius & subiectorum, ad animæ salutem interesse videat. Iosix quidem, S. Ludouico, alijsq; spectatissimæ pietatis regibus, non aliam ob causam parum prosperè plurima euenisse scimus.

*Scioppius
noxie fallit
& fallitur.*

§. II.

VINDICIAE. Vigente & florente Verâ Religione ac Virtute, imperia non euerri, nec insalutis modis affligi, omni historia teste.

QUam non alienum est à quibusuis scientijs & facultatibus, vti principijs vniuersalibus scientiarum superiorum, tam non alienum est à Politicâ, vti certissimis veræ fidei ac Theologiæ principijs, quibus etiam istud adnumerari debet. Regna principatus & Respublicas, verâ Religione ac pietate, iustitiæ item aliarumque virtutum, seu præceptorum diuinorum custodiâ, conseruari: neque euer-
ti, aut publicis insolitisq; calamitatibus affligi, nisi peccata imperantium, aut sub-

*Religio &
pietas Rei-
publica sa-
lus.*

in eâ quoque Censuram mereatur. Nam in primis, vt ostendatur scriptor Politicus peccâsse contra Methodum artis, necesse non est demonstrari, eum aut aliena tractâsse, aut falsa: cum ipse Scioppius suprà, Rationis in vniuersum quinque numerârit vitia, Obscurum, Ambiguum, Falsum, Inconsequens, & Alienum. Etsi ergo scriptor nec aliena tractârit, nec falsa, potuit peccare obscuritate, ambiguitate, aut consequentiæ vitio, ideoq; vituperationem mereri.

*Scioppis
Censura
insufficiens.*

Deinde etsi ab his quinque vitijs immunis sit, potuit in illud labi, quod à Scioppio omissum nos eo loco addendum diximus, & Mutilum vocauimus, omissionem nimirum aut neglectum alicuius, quod artis proprium est, præcipuè obiecti proprii & principalis. Illud enim necessariò tractare debet, qui artem aliquam integram profitetur. Quod si vnam dumtaxat, alterâque partem attingat, necesse saltem est eam ad principale obiectum referre; vel expressè, vel implicite: ità, vt nihil tradat, quod cum præcipuo artis fine, aut obiecto pugnet.

*Macchia-
nellus Me-
thodum ar.*

Macchiauellum verò Scioppij in hac aduocatione clientem vnicum, tam contra

tra Methodum artis, quàm prudentiæ grauissimè deliquisse, faciliè planum fieri potest. Nam contra Methodum artis peccauit, quia proprium præcipuumque Politicæ obiectum, Rectam Reipublicæ formam neglexit, aut peruertit. Neglexit, inquam, quia eius finem, vitam ciuilem ex regulâ veræ virtutis agendam, non proposuit, neque media debita assignauit. Imò vtrumque peruertit, quia bona externa gloriam, opes, imperij conseruationem finem Politicæ fecit, & media tradidit, principijs naturæ & gratiæ aduersa, vt paulo post patebit.

Vnde consequens est Prudentiæ quoque Methodum ab eo neglectam, quia non solum nihil cauit, ne lectoris iudiciũ de rectè secusue factis deprauaret, quod Scioppius ad prudentiæ Methodum meritò requirit: sed datâ etiam operâ hoc ipsum egisse videtur, vt à radicibus veræ Politicæ principia conuelleret.

§. III.

SVPPETIÆ. Aliena tractare Politicum ratione materia, si Principem Gerèpium esse iubet; animam non esse subiectum Politicæ.

SVbiectæ materiæ ratione, aliena tractat Politicus, si v. g. Principem, vt Deum sibi red-

*Scioppius
Politicis sa-
lutis curam
eripit.*

dat propitium, & æternâ felicitate potiatur, verè pium ac religiosum esse: non autem pietatem & religionem præ se ferre, id est, id agere iubeat, vt qualis est, pius nimirum & religiosus, talis etiam ab alijs existimetur. Nam hoc nihil est aliud, quàm tractare de salute animæ, quomodo scilicet Princeps animam suam seruare, vel saluare possit. At enim anima Principis, aut salus animæ non est subiectum Politicæ, sed Theologiæ: cum in Politicâ tractari debeat salus, siue incolumitas status. Igitur hoc est, quod aiunt, *de genere in genus transire.*

§. IV.

VINDICIAE. Finem æltimum beatitudinis æternæ, proximè quidem ad disciplinam Christianam & Theologiam pertinere, eisdem tamen Politicam quoq; cum alijs artibus famulari debere; famam neglegendam non esse.

*Aristoteles
finem ælti-
mum Poli-
tica propriū
putauit,*

Non alienum est à Politico, Principem admonere de vltimo hominis fine, hunc enim tanquam Politicæ proprium assignauit Aristoteles l. 1. Ethic. c. 2. 4. 5. & alibi. Quia verò censuit beatitudinem in hac vitâ naturæ viribus posse acquiri, & consistere in actionibus virtutum, tum intellectus, tum voluntaris: ideo totam vltimi finis adeptionem, procurationem ac possessionem Politicæ propriam esse putauit, eique reliquas omnes facultates ac scien-

scientias subiecit; quia ad finem vltimum, quem Politica spectat, necesse est fines inferiores, velut bona minora ad bonum maximum dirigi. At postquam vera fides vltimum finem nostrum in Beatitudine vitæ alterius, situm esse, neque naturæ viribus eò perueniri posse ostendit: Politica, huius finis proximam adeptionem, procurationemque, tanquam viribus suis superiorem, Christianæ disciplinæ ac Theologiæ, & sacrationi potestati concessit: sic tamen, vt hunc vitæ humanæ tum priuatæ, tum communis supremum finem, velut eminus respiciens totam imperandi parendique rationem eò referre non cessarit.

*Eius cura
proximè ad
Fidem &
Theologiā
spectat.*

Vt enim Aristotele iudice Politica, veræ fidei lumine nondum collustrata, in alias facultates ac scientias principatum tenuit, ob vltimi finis sibi proprii, vti videbatur, prærogatiuam: ita nunc potiori jure, postquam summum bonum altioris facultatis potestatisque esse credit, sacrationibus disciplinis ac legibus famulatum & obsequium debet: vt earum ductu ac ope, ad vltimum finem Principes ac subditi perueniant, nec ab eo vtrique, vel alterutri aberrant.

*Hac Prin-
ceps scientiarum est
apud Christianos.*

Neque

Neque hoc est *de genere in genus transferre*, si scientia inferior, facultatis superioris & maximè supremæ, ad quam ultimus finis omnium pertinet, principia communia assumat, ac inde, quæ in suâ materiâ ultimo fini necessaria aut congrua sunt, deducat: etsi non sit illius cuiusmodi principia, vel ultimi finis naturam, examinare aut demonstrare, sed tanquam certa ac indubitata supponere, uti supra ex Aristotele demonstraui. Facit ergo Politica officium facultatis inferioris, cum Principem monet, ut Deum propitiandi ac æternæ felicitatis obtinendæ causâ, in principatu verè pius ac religiosus esse velit, non pietatis ac religionis simulator; hoc enim ultimus Politicæ finis requirit, quem disciplina Christiana, omnium facultatum, scientiarumque Domina proponit & explicat.

Politica officium est, etiam de fine ultimo & salute monere.

Bona opinio curanda.

Neque cum verâ pietate ac religione pugnat religionis ac pietatis opinio, sed illam sequitur, velut umbra corpus. Cuius curam suis etiam discipulis Christus commendauit, cum dixit: *Sic luceat lux vestra coram hominibus, ut videant opera vestra bona, & glorificent patrem vestrum, qui in calis est.* Magnus stimulus ad virtutum est
exem.

exemplum Principis, qui si ad malum præ-
it, eodẽm vno impetu feruntur subditi ju-
xta illud:

*Regis ad exemplum totus componitur
orbis.*

Vnde Politicus instillare debet impẽ-
rantibus non solũ bonæ vitæ, sed etiam *A Politico
commen-
danda.*
integræ famæ amorẽ ac curam. Nam
ipsi quoque à Deo collocantur *super can-
delabrum* principatuum ac Rerumpubli-
carum, *ut luceant omnibus*, qui sub impe-
rio ipsorum sunt. Etsi hanc boni exem-
pli lucem, non ad suam sed Dei gloriam,
subditorumq; utilitatem referre debeant.
Quo sanè spectauit S. Augustinus, cum
lib. de bono Viduitatis c. 22. dixit: *No-
bis enim necessaria est vita nostra alijs fama
nostra*, quæ verba perperam infra allegat
Scioppius.

§. V.

*Animam esse subiectum Politicæ, affirmat Ari-
stoteles; aliter à Politico, aliter à Theologo
cam spectari.*

NEgat Scioppius animam esse subie-
ctum Politicæ; affirmat Aristoteles I.
Ethic. c. 13. claris hisce verbis: *Quæ si ita
habent, perspicuum est, Politicum aliquo
modo nosse oportere ea, quæ ad animam per-
tinent;* *Aristoteles
Scioppium
refellit.*

tinēt; perinde, ut medicus oculorum, omniumq; partium corporis notitiam habere debet. *Actantociam magis, quo honoratior & praestantior est Politica, quam Medicina. Praestantiores autem Medici multum in cognitione corporis opera ponunt. Pertinet igitur ad Politicum consideratio animae, idq; horum causā, & quantum satis est ad ea, quae inuestigamus. Delibera nunc Lector, Aristoteli, an Scioppio credere velis: aut indignare potius audaci Grammatico, qui Politicam ablatā ipsi animae curā, exanimat.*

Salus animae, & ad Politicam pertineat.

Est anima eiusque salus Theologiae subiectum, ut diuinæ gratiae virtutumque Theologicarum ornatu ac praesidio, salutem operatur, & proximè comparat. Est eadem anima subiectum Politicæ, ut per virtutes morales in civili Societate, secundum rectam rationem, non sine ordine & respectu ad salutem æternam, regitur ac dirigitur, ut ex dictis supra clarum est. Certè Aristoteles l. c. asserit verè *Politicum virtuti maximam operam impendere, studere enim ciues bonos efficere, legumq; observantes; virtutis autem probitatisq; sedes anima est, necessariò igitur hanc*

hanc spectat & considerat Politicus, nisi virtutis curâ sibi propriam abijcere velit.

§. VI.

Medicum corpus duntaxat curare, Politicum civitatem civilem rationi congruam; ideo curam & doctrinam virtutis ab illo, non isto alienam, & Scioppii simile dissimile esse.

ATque hinc appareret, quàm simile dissimile illud sit, quo exemplo à Medicis petito, Scioppius sub finem Admonitionis ad Lectorem, bonos Politicos calumniatur. *Quis dubitet ait, quin morborum omnium causa sint peccata? Neque tamen Medicus ἀπαυδευοίαι, imò stoliditatis iustam effugerit reprehensionem, si de causis Februum disputans, peccati Originalis & Actualis mentionem inferat, eumque qui morbis carere velit, peccata fugere iubeat. Ut enim verissima sit eius disputatio, neque non multiplicem hominibus afferre possit utilitatem, tamen quoniam ἐκ οἰκείαι, non suam aut propriam, sed alienam & heterogeneam esse constat, eâ supersedere, nec in alterius artis fines invadere debuit. Similiter igitur Politicus Pœdia legibus parere, eaque, quæ alterius sunt generis, quamvis verissima sint & utilissima, ab Acroasi suâ sub-*

*Scioppiana
Sycophan-
tia,*

sub-

submonere debet, vera nimirum pietatis ac virtutis præcepta.

Dislimile inquam est hoc simile, & prorsus absonum. Nam vt ex Medicinæ naturâ apertum est, & Aristoteles l. c. significat, Medicus per se circa corpus dumtaxat eiusq; sanitatem ac ægritudinem versatur. Malæ autem bonæque valetudinis causæ proximæ, corporales sunt & corpori insitæ: quas aut tollere aut stabilire vnicum Medici officiū est. Et si verò morbos inter peccati originalis & actualis effecta connumeremus, est tamen ea causa remota, & per se extra facultatem ac curam Medici, cuius non est curare morbos animi, sed corporis. Nisi per accidens æger ijs peccatis laboret, quæ frequentata bonam corporis habitudinem labefactare solent, vt crapula & libido; ab his enim ægrum dehortari, à Medici officio alienum non est.

Verum longè alia est Politici ratio. Nam Politicæ obiectum præcipuum ac propriū, est vita ciuilis secundum iustitiæ aliarumque virtutum moralium regulam ordinata. Cum ergo Politicus de eiusmodi virtutibus in Republicâ stabiliendis, & vitijs contrarijs extirpandis, præcipit aut disputat, non solum verissima & vtilissima, sed maximè

*Peccatum
causam mor-
bi remota,
ad Medi-
cum per se
non spectat.*

*Alia Poli-
tici est ra-
tio, cuius vir-
tutes & vi-
tia cura
sunt.*

maximè etiam propria tractat. De Religione autem, virtutibusq; supernaturalibus seu Theologicis, vti vocamus, Fide, Spe, & Caritate, et si propria proximaq; cura Religionis Christianæ præsidibus, Theologisq; incumbat: Politica tamen principia sua inde desumit, & per ea oculos identidem ad vltimum Finem retorquet, *ne transeundo per bona temporalia, amittat aterna*, quod à suis filiis Ecclesia deprecatur.

Cum verò ex Scripturis sanctis constet, Deum publica præsertim peccata, publicis calamitatibus & imperiorum euersione punire: Politicæ munus est vitia coercere ob eam quoque causam, *Eam quoq; ob causam, ne Deus puniat.* ne inde iusto Dei iudicio Respublica damnum capiat: virtutes verò promouere, vt Reipublicæ incolumitas, subditorumq; salus, propitij Numinis fauore stabiliatur. Accedit illi tuendæ veræ Religionis curam incumbere, vt ei eiusq; ministris aduersus hostes, & contemtores suppetias ferat. Nullo autem simili titulo vel debito, Medici ad curam Religionis aliarumque virtutum adstringuntur; alienum ergo est ab officio medici quòd medicus est, de
 O his

his disputare, non autem ab officio Politici, quâ Politicus est.

§. VIII.

Scioppiana imperitia in scripturis specimen.

*Peccata nō
omnium
morborum
caussa.*

SED iuvat Scioppij in sacris Scripturis Imperitiam, quam alijs frequenter & immeritò obijcit, ex hoc loco obiter æstimare. *Quis dubitet ait, quin morborum omnium causa sint peccata?* At verò, quis nisi scripturarum imperitus, nescit eas asserere morborum quorundam causam, non esse peccata? De cæcitate Tobix, & afflictione Iob clarus est locus Tobix 2. v. 12. *Hanc autem tentationem idè permisit Dominus euenire illi, ut posteris daretur exemplum patientiæ eius, sicut & sancti Iob. Nam cum ab infantiâ suâ, semper Deum timuerit, & mandata eius custodierit, non est contristatus contra Deum, quod plaga cæcitatæ eueniret ei, &c.* Iob quoque initio libri sui cap. 1. v. 1. dicitur fuisse vir simplex & reclusus, ac timens Deum, & recedens à malo. Christus Ioan. 9. v. 2. & 3. curaturus cæcum à natiuitate discipulis interrogantibus, *quis peccauit? hic, aut parentes eius, ut cæcus nasceretur?* respondit: *Neq, hic peccauit, neq, parentes eius, sed ut manifesten-*

stentur opera Dei in illo. Omitto alia exempla aliorum, quibus Deus morbos im-misit sine illorum culpâ, ad probationem patientiæ vel alias causas, idoneis histori-jstestatas. Neq; talia in peccatum origi-nale referri possunt, cum non ex naturæ cursu, sed peculiari diuinæ prouidentię decreto proueniant.

§. VIII.

Media, quæ ex sublimiori pendent scientiâ, alie-na esse à Politico.

INstrumentorum ratione aliena tractat Poli-ticus, si ea conseruandi status media, seu mo-dos præscribat, quæ ex sublimiori pendent sci-entiâ. Vt si dicat, Principem debere creberri-mo sacramentorum vsu, dandisq; eleemosynis Deum sibi reddere propitium. Sic enim futu-rum, vt Deus imperium eius prosperet.

§. IX.

VINDICIÆ. Scientias morales communica-re in communibus principis morum, quorum pri-ma regula est disciplina Christiana; Macchia-nelli, quoque exemplum Scioppio aduersari.

Falsum esse, quod tradere media, seu modos conseruandi Status, qui ex sublimiori pendent scientia, alienum sit à
O a Poli-

Politica ex supra dictis liquet. Sicut enim omnes scientiæ teste Aristotele l. 2. poster. c. 8. communicant in communibus principijs Logicæ & Metaphysicæ, atque ex ijs demonstrationes suas faciunt, etsi de ipsis principijs nihil demonstrarent: ita scientiæ quoque morales, inter quas eminet Politica, tum in iisdem, tum multo magis in principijs communibus veræ fidei ac Theologiæ, vnde prima regula morum ac virtutum sumitur, communicant.

*Communia
fidei Principia ad Politicam spectant.*

Quare sicut alienum nihil facit Physicus, cum demonstrat non posse corpus simul moueri & quiescere, ex principio illo metaphysico: *Non potest idem simul esse & non esse*, aut illo Logico: *non potest idem de eodem simul verè affirmari & negari*, ita officium suum facit Politicus, cum ex principio vno Politico & altero Christiano sic concludit: *Principem conuenit certissima mediâ ad veram Imperij felicitatem parandam adhibere; sed medium certissimum ac præcipuum esse verum Dei cultum, orationis item, aliarumq; virtutum, quæ Principi conueniunt, studium, Christiana religio & partim sacra litera docent, ergo conuenit Principem ista cordi habere ac fa-*

*Ex his rectè
concludit.*

ac facilitare, neque ea à se, vel rationibus Politicis aliena putare.

Macchiauellus ipse præcipuum status seu Reipublicæ conseruandæ medium Religionem esse censet, eaque de repluribus capitibus agit lib. 1. discursu de Republica. *Nam ubi religio est, ait cap. 11. locum habent bonæ leges ac bona disciplina, ex quibus fortunati felicesq; rerum euentus, in expeditionibus præsertim bellicis, nascuntur: sicuti è contra etiam, sublata religione corrumpere Rempublicam oportet, quoniam sublato Dei timore sequitur impietas, ex eaq; ruina imperiorum.*

Macchiauellus de Religione agit.

Caput vero 12. sic orditur: *Quicumq; Principes atque Reipublica semetipsos conseruare cupiunt, in id unum præ cæteris incumbere debent, ut verum Religionis cultum rectè instituant & venerentur.* Eamq; materiam vsque ad cap. 16. latè prosequitur, etsi falsa & veræ Religioni aduersantia, Romanæq; Ecclesiæ contumeliosa tum hîc, tum alibi admisceat, præsertim lib. 2. c. 2. quæ infra attingemus.

Idem Macchiauellus, de Fortunâ & fato disputat, in Principe c. 25. & lib. 2. discurs. cap. 29. quam eandem rem attingit lib. 3. c. 1. Neque alienum quidâ Politico

Item de fato.

*Principia
Christiana
corrupt.*

fecisset, si principia diuinæ providentiæ, quam vnam pro fortuna & fato suo, Christiana fides agnoscit, sincera posuisset, & tanquam indubitata supposuisset. Quia verò illa corruptit, & tum hæc, tum alia ad religionem spectantia examinandi, imò & calumniandi, ac censendi audaciam sibi sumpsit, boni Politici limites excessit; cuius est ea, quæ ex sublimiori facultate pendent, non conuellere, sed tanquam veritatis virtutisque regulam sibi à Deo propositam, reuerenter amplecti, nec de illis, sed ex illis concludere.

Quæ eò attuli, vt appareat Scioppium, clientis sui immemorem, cum ipsum accusare, dum alios accusat.

C A P. III.

Religione & virtute imperia certius prosperari, quàm vllis Pseudopoliticorum præceptis & consiliis.

§. I.

SVPPETIÆ. Deum imperium non prosperare, nisi Principis, & subditorum ad salutem anima intersit; Iosia, S. Ludouico, alijsq; regibus, ideo parum prosperè plurima euenisse.

HOc etsi salutare in primis præceptum, ac Principis auribus animoque insuillari digniss.

gnissimum, tamen à Policâ Scholâ alienum, tum propter arcanum Dei consilium, temporalium bonorum concessionem ex vsu animarum nostrarum moderantis, nobis non exploratò certum est. Nam istas Dei propitiandi rationes esse, ex Theologia discimus; simul autem & hoc, Deum non aliter Principis, quamuis religiosissimi imperium prosperare, nisi sic ipse & subiectorum, ad animæ salutem inter-esse videat. Iosæ quidem, S. Ludonico, alijsq; spectatissimæ pietatis regibus, non aliam ob causam parum prosperè plurima euenisse scimus.

*Scioppius
noxie fallit
& fallitur.*

§. II.

VINDICIÆ. Vigente & florente verâ Religione ac virtute, imperia non euerit, nec insalutis modis affligi, omni historia teste.

Quam non alienum est à quibusvis scientijs & facultatibus, vti principijs vniuersalibus scientiarum superiorum, tam non alienum est à Politicâ, vti certissimis veræ fidei ac Theologiæ principijs, quibus etiam istud adnumerari debet. Regna principatus & Respublicas, verâ Religione ac pietate, iustitiæ item aliarumque virtutum, seu præceptorum diuinorum custodiâ, conseruari: neque euer-
ti, aut publicis insolitisq; calamitatibus affligi, nisi peccata imperantium, aut sub-

*Religio &
pietas Rei-
publica sa-
lus.*

nis ac diuinarum humanarumque legum obseruantia florentes interiisse, vel publicis insolitisque calamitatibus afflictas fuisse, quoad in eodem religionis probitatisque tenore perstiterunt. Vt adeo semper publica insolitaque mala argumenta sint, vel Principes, vel subditos, vel utrosque deliquisse.

§. III.

Diuina prouidentia ob conseruationem humani generis id conuenire; etsi ob alias causas impiorum quoque imperta, multis seculis conseruet.

HOc Ratio ex naturæ fideique fontibus hausta luculenter demonstrat. Nam cum Regna & imperia à Deo sint ordinata, ad conuenientem generis humani conseruationem & gubernationem, principes verò alijque qui imperant, ministri Dei sint, vt supra ostendimus; diuinæ sapientiæ ac bonitati conuenit, Principes & subditos, cum officiū suū faciunt, gratiæ defensionisque suæ auxilio dignari, non publicis malis atterere, aut Respublicas Religionis, jurisque vinculo rectè consociatas euertere. Pugnat enim id cum prouidentia Dei, quæ in administratione vniuersi, præcipuè spectat humani generis conserua-

Diuina sapientia ac bonitas hoc conuenit.

seruationem, & conuenientem gubernationem; qualis vel maximè est, cum boni Principes bonis subditis, bene imperant.

*Cur Deus
imperia
impiorum
prosperet.*

Cui tamen non perinde aduersatur, quod Deus multis sæpe seculis imperia & Regna impiorum, veluti Turcarum, aliorumque infidelium & hæreticorum tolerat, imò & victorias, potentiam, opes, omnemque prosperitatem ipsis indulgere videtur. Nam inprimis iustè Deus etiam Idololatriis, pro bonis artibus & qualibuscunque virtutibus eorum, *gloriam terrenam excellentissimi Imperij*, veluti mercedem temporalem retribuere potest. Quod euuissè Romanis docet S. August. l. 5. de ciuit. cap. 5. & verisimile est de Sinenfibus, quorum Imperium à bonis artibus & moribus itidem laudatur.

*Impiis pœna
fidelium.*

Perseuerant deinde, nonnunquam diutius regna infidelium & hæreticorum, in pœnam fidelium, qui illos cum posset & deberent, non extinxerunt. Sic Deus noluit delere Chananæos aliasque gentes, quibus contra præceptum Domini pepercerunt filij Israel, *ut haberent hostes, Dijsq; eorum essent illis in ruinam*, Iosue 23. Iudic. 1. 2. 3. Similem causam potentia Turcarum & hæreticorum præbuit.

buisse, & præbere Christiani videntur.

Tertiò, Regna impiorum in ipsâ suâ prosperitate, tot, tantisq; intestinis sæpe conflictantur malis, seditionibus, bellis, principum crudelitate, & per intervalla horrendis à cœlo terrâq; plagis, pestibus, sterilitatibus, eluvionibus: vt infelices potius quàm felices dici debeant, præsertim cum infidelitas & hæresis, vitiorumq; licentia, quibus laborant, pœnæ sint omnium gravissimæ.

Non Gerō felices.

Est denique certa scelerum mensura, quam in Regnis & Imperijs, principibus & populis puniendis observat Deus. Eam vindictæ mensuram citius implent fideles, graviusq; puniuntur, quàm infideles; gravius enim peccant, cum voluntatem Dei clarè intelligant, plura item beneficia, & præsidia rectè agendi accipiant. Vnde *servus ingratus, qui cognovit voluntatem Domini sui, & non se preparavit: & non fecit secundum voluntatem eius, citius & pluribus vapulare solet, quam qui non cognovit.* Luc. 12. v. 48. Ità legimus veterem populum, cum declinavit à præceptis, statim aut paulo post gravissimè fuisse punitum; *iniquitates autē Amorrhæorum*, quæ utiq; tempore Abrahami nō exiguæ erant, pri-

Scelerum mensura, citius implentur à fidelibus.

Neque hoc est *de genere in genus transferre*, si scientia inferior, facultatis superioris & maximè supremæ, ad quam ultimus finis omnium pertinet, principia communia assumat, ac inde, quæ in suâ materiâ ultimo fini necessaria aut congrua sunt, deducat: etsi non sit illius cuiusmodi principia, vel ultimi finis naturam, examinare aut demonstrare, sed tanquam certa ac indubitata supponere, uti supra ex Aristotele demonstraui. Facit ergo Politica officium facultatis inferioris, cum Principem monet, ut DEI propitiandi ac æternæ felicitatis obtinendæ causâ, in principatu verè pius ac religiosus esse velit, non pietatis ac religionis simulator; hoc enim ultimus Politicæ finis requirit, quem disciplina Christiana, omnium facultatum, scientiarumque Domina proponit & explicat.

Politica officium est, etiam de fine ultimo & salute monere.

Bona opinio curanda.

Neque cum verâ pietate ac religione pugnat religionis ac pietatis opinio, sed illam sequitur, velut umbra corpus. Cuius curam suis etiam discipulis Christus commendauit, cum dixit: *Sic luceat lux vestra eorum hominibus, ut videant opera vestra bona, & glorificent patrem vestrum, qui in calis est.* Magnus stimulus ad virtutum est

exemplum.

exemplum Principis, qui si ad malum præ-
it, eodẽm vno impetu feruntur subditi ju-
xta illud:

*Regis ad exemplum totus componitur
orbis.*

Vnde Politicus instillare debet impe-
rantibus non solum bonæ vitæ, sed etiam *A Politico*
integræ famæ amorem ac curam. Nam *commen-*
ipsi quoque à Deo collocantur *danda.* *super can-*
delabrum principatum ac Rerumpubli-
carum, *ut luceant omnibus*, qui sub impe-
rio ipsorum sunt. Etsi hanc boni exem-
pli lucem, non ad suam sed Dei gloriam,
subditorumq; utilitatem referre debeant.
Quo sanè spectauit S. Augustinus, cum
lib. de bono Viduitatis c. 22. dixit: *No-*
bis enim necessaria est vita nostra alijs fama
nostra, quæ verba perperam infra allegat
Scioppius.

§. V.

Animam esse subiectum Politicæ, affirmat Ari-
stoteles; aliter à Politico, aliter à Theologo
cam spectari.

NEgat Scioppius animam esse subie-
ctum Politicæ; affirmat Aristoteles I.
Ethic. c. 13. claris hisce verbis: *Quæ si ita*
habent, perspicuum est, Politicum aliquo
modo nosse oportere ea, quæ ad animam per-
tinent;

Aristoteles
Scioppium
refellit.

tinent; perinde, ut medicus oculorum, omniumq; partium corporis notitiam habere debet. At tanto etiam magis, quo honoratior & praestantior est Politica, quam Medicina. Praestantiores autem Medici multum in cognitione corporis opera ponunt. Pertinet igitur ad Politicum consideratio animæ, idq; horum causâ, & quantum satis est ad ea, quæ inuestigamus. Delibera nunc Lector, Aristoteli, an Scioppio credere velis: aut indignare potius audaci Grammatico, qui Politicam ablatâ ipsi animæ curâ, exanimat.

Salus animæ, Et ad Politicam pertinent.

Est anima eiusque salus Theologiæ subiectum, ut diuinæ gratiæ virtutumque Theologicarum ornatu ac præsidio, salutem operatur, & proximè comparat. Est eadem anima subiectum Politicæ, ut per virtutes morales in ciuili Societate, secundum rectam rationem, non sine ordine & respectu ad salutem æternam, regitur ac dirigitur, ut ex dictis supra clarum est. Certè Aristoteles l. c. asserit verè Politicum virtuti maximam operam impendere, studere enim ciues bonos efficere, legumq; obseruantes; virtutis autem probitatisq; sedes anima est, necessariò igitur hanc

hanc spectat & considerat Politicus, nisi virtutis curā sibi propriam abijcere velit.

§. VI.

Medicum corpus duntaxat curare, Politicum vitam civilem rationi congruam; ideo curam & doctrinam virtutis ab illo, non isto alienam, & Scioppis simile dissimile esse.

ATque hinc apparet, quā simile dissimile illud sit, quo exemplo à Medicis petito, Scioppius sub finem Admonitionis ad Lectorem, bonos Politicos calumniatur. *Quis dubitet ait, quin morborum omnium causa sint peccata? Neque tamen Medicus ἀπαιδευσίας, imò stoliditatis iustam effugerit reprehensionem, si de causis Februm disputans, peccati Originalis & Actualis mentionem inferat, eumque, qui morbis carere velit, peccata fugere iubeat. Ut enim verissima sit eius disputatio, neque non multiplicem hominibus afferre possit utilitatem, tamen quoniam οὐκ οἰκείαν, non suam aut propriam, sed alienam & heterogeneam esse constat, eā supersedere, nec in alterius artis fines invadere debuit. Similiter igitur Politicus Padia legibus parere, eaque, quae alterius sunt generis, quamvis verissima sint & utilissima, ab Acroasi suā sub-*

*Scioppiana
Sycophan-
tia,*

sub-

submonere debet, vera nimirum pietatis ac virtutis praecepta.

Dis simile inquam est hoc simile, & prorsus absonum. Nam ut ex Medicinæ naturâ apertum est, & Aristoteles l. c. significat, Medicus per se circa corpus dumtaxat eiusq; sanitatem ac ægritudinem versatur. Malæ autem bonæque valetudinis causæ proximæ, corporales sunt & corpori insitæ: quas aut tollere aut stabilire vnicum Medici officiū est. Et si verò morbos inter peccati originalis & actualis effecta connumeremus, est tamen ea causa remota, & per se extra facultatem ac curam Medici, cuius non est curare morbos animi, sed corporis. Nisi per accidens æger ijs peccatis laboret, quæ frequentata bonam corporis habitudinem labefactare solent, ut crapula & libido; ab his enim ægrum dehortari, à Medici officio alienum non est.

*Peccatum
causa mor-
bi remota,
ad Medi-
cum per se
non spectat.*

*Alia Poli-
tici est ra-
tio, cuius vir-
tutes & vi-
tia cura
sunt.*

Verum longè alia est Politici ratio. Nam Politicæ obiectum præcipuum ac propriū, est vita ciuilis secundum iustitiæ aliarumque virtutum moralium regulam ordinata. Cum ergo Politicus de eiusmodi virtutibus in Republicâ stabiliendis, & vitijs contrarijs extirpandis, præcipit aut disputat, non solum verissima & utilissima, sed maximè

maximè etiam propria tractat. De Religione autem, virtutibusq; supernaturalibus seu Theologicis, vti vocamus, Fide, Spe, & Caritate, etsi propria proximaq; cura Religionis Christianæ præsidibus, Theologisq; incumbat: Politica tamen principia sua inde desumit, & per ea oculos identidem ad vltimum Finem retorquet, *ne transeundo per bona temporalia, amittat aterna*, quod à suis filiis Ecclesia deprecatur.

Cum verò ex Scripturis sanctis constet, Deum publica præsertim peccata, publicis calamitatibus & imperiorum euersione punire: Politicæ munus est vitia coercere ob eam quoque causam, ne inde iusto Dei iudicio Respublica damnum capiat: virtutes verò promouere, vt Reipublicæ incolumitas, subditorumq; salus, propitij Numinis fauore stabiliatur. Accedit illi tuendæ veræ Religionis curam incumbere, vt ei eiusq; ministris aduersus hostes, & contemptores suppetias ferat. Nullo autem simili titulo vel debito, Medici ad curam Religionis aliarumque virtutum adstringuntur; alienum ergo est ab officio medici quò medicus est, de

*Eam quoq;
ob causam,
ne Deus puniat.*

his disputare, non autem ab officio Politici, quā Politicus est.

§. VIII.

Scioppiana imperitia in Scripturis specimen.

*Peccata nō
omnium
morborum
caussa.*

Sed iuvat Scioppij in sacris Scripturis Imperitiam, quam alijs frequenter & immeritò obijcit, ex hoc loco obiter æstimare. *Quis dubitet ait, quin morborum omnium causa sint peccata?* At verò, quis nisi scripturarum imperitus, nescit eas asserere morborum quorundam causam, non esse peccata? De cæcitate Tobia, & afflictione Iob clarus est locus Tobia 2. v. 12. *Hanc autem tentationem ideò permisit Dominus euenire illi, ut posteris daretur exemplum patientia eius, sicut & sancti Iob. Nam cum ab infantiâ suâ, semper Deum timerit, & mandata eius custodierit, non est contristatus contra Deum, quod plaga cæcitate eueniret ei, &c.* Iob quoque initio libri sui cap. 1. v. 1. dicitur fuisse *vir simplex & reclusus, ac timens Deum, & recedens à malo.* Christus Ioan. 9. v. 2. & 3. curaturus cæcum à natiuitate discipulis interrogantibus, *quis peccauit? hic, aut parentes eius, ut cæcus nasceretur?* respondit: *Neq; hic peccauit, neq; parentes eius, sed ut manifesten-*

stentur opera Dei in illo. Omitto alia exempla aliorum, quibus Deus morbos im-misit sine illorum culpâ, ad probationem patientiæ vel alias causas, idoneis histori-jstestatas. Neq; talia in peccatum origi-nale referri possunt, cum non ex naturæ cursu, sed peculiari diuinæ prouidentię decreto proueniant.

§. VIII.

Media, quæ ex sublimiori pendent scientiâ, aliena esse à Politico.

INstrumentorum ratione aliena tractat Poli-ticus, si ea conseruandi status media, seu mo-dos præscribat, quæ ex sublimiori pendent sci-entiâ. Vt si dicat, Principem debere creberri-mo sacramentorum vsu, dandisq; eleemosynis Deum sibi reddere propitium. Sic enim futu-rum, vt Deus imperium eius prosperet.

§. IX.

VINDICIÆ. Scientias morales communica-re in communibus principis morum, quorum pri-ma regula est disciplina Christiana; Macchia-nelli, quoque exemplum Scioppio aduersari.

Falsum esse, quod tradere media, seu modos conseruandi Status, qui ex sublimiori pendent scientia, alienum sit à
O a Poli-

ac factitate, neque ea à se, vel rationibus Politicis aliena putare.

Macchiauellus ipse præcipuum status seu Reipublicæ conseruandæ medium Religionem esse censet, eaque de repluribus capitibus agit lib. 1. discursuū de Republicâ. *Nam ubi religio est,* ait cap. 11. *locum habent bonæ leges ac bona disciplina, ex quibus fortunati felicesq; rerum euentus, in expeditionibus præsertim bellicis, nascuntur: sicuti è contra etiam, sublata religione corrumpere Rempublicam oportet, quoniam sublato Dei timore sequitur impietas, ex eaq; ruina imperiorum.*

Macchiauellus de Religionem agit.

Caput vero 12. sic orditur: *Quicumq; Principes atque Reipublica semetipsos conseruare cupiunt, in id unum præ cæteris incumbere debent, ut verum Religionis cultum rectè instituant & venerentur.* Eamq; materiam vsque ad cap. 16. latè prosequitur, etsi falsa & veræ Religioni aduersantia, Romanæq; Ecclesiæ contumeliosa tum hîc, tum alibi admisceat, præsertim lib. 2. c. 2. quæ infra attingemus.

Idem Macchiauellus, de Fortunâ & fato disputat, in Principe c. 25. & lib. 2. discurs. cap. 29. quam eandem rem attingit lib. 3. c. 1. Neque alienum quidâ Politico

Item de fato.

*Principia
Christiana
corrupta.*

fecisset, si principia diuinæ providentiæ, quam vnam pro fortunâ & fato suo, Christiana fides agnoscit, sincera posuisset, & tanquam indubitata supposuisset. Quia verò illa corruptit, & tum hæc, tum alia ad religionem spectantia examinandi, imò & calumniandi, ac censendi audaciam sibi sumpsit, boni Politici limites excessit; cuius est ea, quæ ex sublimiori facultate pendent, non conuellere, sed tanquam veritatis virtutisque regulam sibi à Deo propositam, reuerenter amplecti, nec de illis, sed ex illis concludere.

Quæ edò attuli, vt appareat Scioppium, clientis sui immemorem, cum ipsum accusare, dum alios accusat.

C A P. III.

Religione & virtute imperia certius prosperari, quàm vllis Pseudopoliticorum præceptis & consiliis.

§. I.

SUPPETIÆ. Deum imperium non prosperare, nisi Principis, & subditorum ad salutem animæ inter sit; Iosia, S. Ludouico, alijsq; regibus, ideo parum prosperè plurima euenisse.

HOc etsi salutare in primis præceptum, ac Principis auribus animoque instillari dignissimum.

gnissimum, tamen à Policâ Scholâ alienum, tum propter arcanum Dei consilium, temporalium bonorum concessionem ex vsu animarum nostrarum moderantis, nobis non exploratò certum est. Nam istas Dei propitiandi rationes esse, ex Theologia discimus; simul autem & hoc, Deum non aliter Principis, quamuis religiosissimi imperium prosperare, nisi sic ipsius & subiectorum, ad animæ salutem interesse videat. Iosæ quidem, S. Ludouico, alijsq; spectatissimæ pietatis regibus, non aliam ob causam parum prosperè plurima euenisse scimus.

*Scioppino
noxie fallit
& fallitur.*

§. II.

VINDICIÆ. Vigente & florente Verâ Religione ac virtute, imperia non eueri, nec insalutis modis affligi, omni historia teste.

QUam non alienum est à quibusuis scientijs & facultatibus, vti principijs vniuersalibus scientiarum superiorum, tam non alienum est à Politicâ, vti certissimis veræ fidei ac Theologiæ principijs, quibus etiam istud adnumerari debet. Regna principatus & Respublicas, verâ Religione ac pietate, iustitiæ item aliarumque virtutum, seu præceptorum diuinorum custodiâ, conseruari: neque eueriti, aut publicis insolitisq; calamitatibus affligi, nisi peccata imperantium, aut sub-

*Religio &
pietas Rei-
publica sa-
lus.*

nis ac diuinarum humanarumque legum obseruantia florentes interiisse, vel publicis insolitisque calamitatibus afflictas fuisse, quoad in eodem religionis probitatisque tenore perstiterunt. Vt adeo semper publica insolitaque mala argumento sint, vel Principes, vel subditos, vel utrosque deliquisse.

§. III.

Diuina prouidentia ob conseruationem humani generis id conuenire; etsi ob alias causas impiorum quoque imperta, multis seculis conseruet.

HOc Ratio ex naturæ fideique fontibus hausta luculenter demonstrat. Nam cum Regna & imperia à Deo sint ordinata, ad conuenientem generis humani conseruationem & gubernationem, principes verò alijque qui imperant, ministri Dei sint, vt supra ostendimus; diuinæ sapientiæ ac bonitati conuenit, Principes & subditos, cum officiū suū faciunt, gratiæ defensionisque suæ auxilio dignari, non publicis malis atterere, aut Respublicas Religionis, jurisque vinculo rectè consociatas euertere. Pugnat enim id cum prouidentia Dei, quæ in administratione vniuersi, præcipuè spectat humani generis con-

Diuina sapientia ac bonitati hoc conuenit.

O s serua-

seruationem, & conuenientem gubernationem; qualis vel maximè est, cum boni Principes bonis subditis, bene imperant.

*Cur Deus
imperia
impiorum
prosperet.*

Cui tamen non perinde aduersatur, quod Deus multis sæpe seculis imperia & Regna impiorum, veluti Turcarum, aliorumque infidelium & hæreticorum tolerat, imò & victorias, potentiam, opes, omnemque prosperitatem ipsis indulgere videtur. Nam inprimis iustè Deus etiam Idololatri, pro bonis artibus & qualibuscunque virtutibus eorum, *gloriam terrenam excellentissimi Imperij*, veluti mercedem, temporalem retribuere potest. Quod euu-
nisse Romanis docet S. August. l. 5. de ciuit. cap. 5. & verisimile est de Sinenfibus, quorum Imperium à bonis artibus & moribus itidem laudatur.

*Impiis pæna
fidelium.*

Perseuerant deinde, nonnunquam diutius regna infidelium & hæreticorum, in poenam fidelium, qui illos cum possent & deberent, non extinxerunt. Sic Deus noluit delere Chananæos aliasque gentes, quibus contra præceptum Domini pepercerunt filij Israël, *ut haberent hostes, Dique eorum essent illis in ruinam*, Iosue 23. Iudic. 1. 2. 3. Similem causam potentia Turcarum & hæreticorum præbuit.

buisse, & præbere Christiani videntur.

Tertio, Regna impiorum in ipsâ suâ prosperitate, tot, tantisq; intestinis sæpe conflictantur malis, seditionibus, bellis, principum crudelitate, & per intervalla horrendis à cœlo terrâq; plagis, pestibus, sterilitatibus, elunionibus: vt infelices potius quàm felices dici debeant, præsertim cum infidelitas & hæresis, vitiorumq; licentia, quibus laborant, pœnæ sint omnium grauissimæ.

Est denique certa scelerum mensura, quam in Regnis & Imperijs, principibus & populis puniendis obseruat Deus. Eam vindictæ mensuram citius implent fideles, grauiusq; puniuntur, quàm infideles; grauius enim peccant, cum voluntatem Dei clarè intelligant, plura item beneficia, & præsidia rectè agendi accipiant. Vnde *seruus ingratus, qui cognouit voluntatem Domini sui, & non se preparauit: & non fecit secundum voluntatem eius, citius & pluribus vapulare solet, quam qui non cognouit.* Luc. 12. v. 48. Ità legimus veterem populum, cum declinauit à præceptis, statim aut paulo post grauissimè fuisse punitum; *iniquitates autē Amorrhæorum, quæ utiq; tempore Abrahami nō exiguæ erant,* pri-

Non Gerē felices.

Scelerum mensura, citius implentur à fidelibus.

primùm quartâ generatione, id est quadringentis ferè annis postea completas, easq; gentes Israelitis delendas traditas fuisse. Gen. I 5. v. 16.

§. IV.

Ad meliorem intellectum, quadam esse animaduertienda.

Est ergo nobis exploratò certum ex dictis, non esse in verâ Politicâ certiores Dei propitiandi, imperiumque prosperandi rationes, quàm quæ à verâ religione & virtute proficiscuntur. Modo hæc animaduertas.

*Communis
hominum
lex.*

1. Qualemunque prosperitatem Deus bonis Principibus & subditis concedat, eos communi hominum lege teneri, neque vitæ huius pœnalitates, vti vocamus, ipsis remitti: sed morbis, morti, ignorantia erroribus, alijsque miserijs obnoxios manere.

*Prosperitas
publica.*

2. Prosperitatem publicam Principatum & Rerumpublicarum, in quibus viget vera Religio ac virtus, non conuelli, etsi Principes aut subditi singillatim aliquid infortunij aliquando subeant, in ijs maximè, quæ ad Principatus vel Reipublicæ defensionem, ac conseruationem non spectant.

3. Quam

3. Quamuis prosperi rerum temporalium euentus, optimos etiam Principes absque ipforum culpâ, subinde destituant: id raro. & absque Reipublicæ ruinâ contingere, & maioribus bonis à Deo compensari. Vniuersim verò esse fortunatos, & juxta oraculum Regis prophetæ Psa. 1. *Omnia, quacunque faciunt, prosperari: vt adeo Princeps non habeat certio rem felicitis Imperij parandi rationem, quàm veram Religionem & virtutem.*

Boni principes vniuersim fortunati.

§. V.

A Deo temporalia bona concedi, etiam abusuris; Reipublica necessaria, non eripi nisi ob peccata; aliter cum singulis priuatis agi.

HOC saluberrimum principium frustra Scioppius oppugnat, cum ait: *Deum temporalium bonorum concessionem, ex usu animarum nostrarum moderari, ideoque non aliter Principis, quamuis religiosissimi Imperium prosperare, nisi sic ipsius & subiectorum, ad animæ salutem interesse videat.* Nam falsum id esse manifestum est, Deus enim multis bona temporalia, imperia, potentiam, gloriam concedit, quos videt cum æterno suo exitio his abusu-
Prosperitas multis ob-

quo-

quorum interesset ad animæ salutem, calamitatibus ad mentem reuocari. Ecce enim teste Ezechiele c. I 6. v. 49. *Hæc fuit iniquitas Sodoma, & cæussa miserabilis excidij, superbia, saturitas panis, & abundantia, & otium ipsius & filiarum eius.* Nec Sodoma, nec multæ aliæ gentes periissent, nisi scelerum fomenta & pabula, bonorum temporalium copia, illis præbisset.

*Moderata
Respublica
necessaria.*

Deinde cum nullus principatus, aut Respublica absque congruis viribus, opibus, honoribus consistere, aut rectè gubernari possit, ideò nullam habet causam Deus, cur bonis Principibus & subditis, moderatam necessariamque prosperitatem auferat: nisi imperium aut Rempublicam euertere velit, quod non nisi peccatis sceleribusq; prouocatum facere consueuisse, abundè demonstratum est.

*Privati, licet
innocentes,
sape infelices.*

Aliter cum singulis priuatisque agit, quos sine damno publico varijs iacturis bonorum temporalium, etiam innocentes exercet, ad coronam maiorem, vel cautelam vitiorum, vel exemplum aliorum, vt de SS. Iob & Tobiâ, supra dicebamus. Publicas solùm clades, imperiorumque ruinas, non nisi nocentibus irrogari, & Religionem ac virtutē, certissimam esse publi-

publicę prosperitatis causam affirmamus;
quod tota sacrarum scripturarum series,
& omnium seculorum historia contesta-
tur.

§. VI.

*Iosia & S. Ludouici exempla non obsare; illum
contra Dei voluntatem pugnasse; illum saluo re-
gno, extra illud in piā, sed alienā causā
obiisse.*

NEque obstant exempla Iosia, S. Lu-
douici, aliorumque spectatissimę
pietatis Regum, quibus parum prosperè plu- *Iosias diu
felix.*
rima euenisse Sciooppius obijcit. Nam Io-
sias triginta & uno anno regnavit in Ieru-
salem, prospere & tranquille: quia fecit,
quod placitum erat coram Domino, & am-
bulavit per omnes vias David patris sui, non
declinavit ad dexteram, neque ad sinistram,
4. Reg. 22. &, Ipse est directus diuinitus in
pœnitentiam gentis, & tulit abominationes
Impietatis. Eccles. 49. v. 3. Quare ipso
viuo, distulit Deus vindictam & pœnam
decretam in Iudeos, ut dicitur 4. Reg. 22.
v. 22.

Occisus autem est, cum Deo nolente, *Occisus,
pugnaret aduersus Nechao Regem Ægy- cum Deo
pti, dicentem ipsi ex ore Dei: desine aduer- repugna-
sum Deum facere, qui mecum est, ne inter- nit.
ficiat*

*Pii non
semper piè
faciunt.*

ficiat te. 2. Paralip. 35. v. 21. Infelicitèr ergo pugnavit, cum à diuinâ voluntate ad suam, contra regulam pietatis solitâ, deflectit. Pij principes non omnia piè faciunt; abripiuntur aliquando sinistris & inconsultis affectibus; nonnunquam magis suæ, quàm diuinæ gloriæ student; & plus suis viribus quàm Deo nituntur. Quare mirum non est, si quædam illis minus prospere eueniant; neque enim eiusmodi infelicitas est pietatis, sed culpæ, quæ in exemplis infortunatis Principum, qui pij habentur, frequenterprehenditur, tanto grauior, quanto occultior.

S. Ludouicus non infortunatus.

S. Ludouicus quidem, non solum pius fuit, verum etiam in ipso summæ pietatis officio, bis infelix fuisse videtur. Nam in primâ expeditione aduersus Saracenos, magnam militum partem peste amisit, victus deinde captusq; est. In alterâ rursus sæuâ lue, per exercitum grassante, decessit. Bzouio teste A. C. 1248. & 1270. Verum infortunatus ideo censeri non debet, tum quia quadraginta quatuor annis & amplius, feliciter imperauit, rebus multis præclare gestis, magnâ per vniuersam Europam nominis sui celebritate; tum quia regnum florens nullâ parte imminutum.

Phi-

Philippo filio reliquit; tum denique quia in pulcherrimâ causâ, salutis æternæ securus, mortem felicem obiit: & subsequens miraculorum sanctitatisque gloria, quod temporali prosperitati defuit, cumulatè compensauit.

Quod idem de ijs sanctis Principibus dicendum est, qui manibus impiorum occubuerunt, vt Venceslaus in Bohemiâ, Ericus in Daniâ. Non solum enim *in conspectu Domini*, sed totius quoque Christiani orbis, pretiosa est mors *sanctorum eius*; quorum etiam in terris gloria, omnem aliam terrenam prosperitatem longe superat. Illud addo, eiusmodi Principes nonnunquam ex vitâ subtrahi, in poenam subditorum, aliorumque qui tam felici imperio subesse, aut frui nō merentur. Quas ob causas aliasque licet occultas, non tamen iniustas, sanctissima eiusmodi Principum consilia, sine quem ipsi spectant, Deus nonnunquam frustratur quidem, vt S. Ludouico contigit: sed saluo in cœlis præmio, in terris honore, vt infelices nisi oculis insipientium, videri non possint.

*Principes
boni, cur
subinde in-
fortunati.*

§. 50

P §. VII.

§. VII.

Scioppium sibi hic repugnare, & alibi, ubi verum dixit, sed non intellexit.

Scioppius sibi contra-
rium.

QUod verò Scioppius, plurima pijsimis Principibus parum prospere euenisse asserit, falsum dicit, rara enim sunt, & maioribus bonis compensata, si piè facta fuerunt. Imò sibi fidem adimit, dum paucis hisce in pagellis sibi contradicit. Nam in admonitione Lectoris, qui pius est ait, Deo reddit debitum, adeoq; iustus est, & vir bonus, unde aliorum erga illum existit amor: & cum Deus sit iustus, abesse non potest, quin Principem sui amantem & reuerentem redamet, & aduersus inimicos tueatur: unde eum ab hominibus respectari coliq; contingit. Clarius in *Classico belli sacri*, præsertim, cap. 17. aduersus seipsum in *Padiâ*, classicum canit hisce verbis: Deniq; si bene calculum ponimus, nullum ex omni memoriâ exemplum commemorari potest, hominis bello superati, qui iustam causam Deo solo fretus, & corde perfecto in eum credens tueatur.

Suis verbis
refellitur.

Vnde ita concludo: Si verum est abesse non posse, quin Deus Principem sui amantem & perfecto corde in se credentem,

tem, redamet & tueatur, neque ex omni memoria exemplum contrarium commemorari potest: ergo falsum est rationes prosperandi imperij à religione & pietate petitas non esse exploratò certas, & spectatissimæ pietatis Regibus parum prospere plurima euenisse, cum eas rationes secuti sunt. Ex ore igitur suo Scioppius falsi conuincitur, quia repugnantia tum hic, tum alibi asseruit, quæ cum simul vera esse non possint, aut alterutrum, aut vtrumque falsum esse necesse est. Quod hic asserit, falsum esse demonstrauius, quod in Admonitione ad Lectorem & Classico contrarium ipsi excidit, rectè intellectum verum esse affirmamus.

Abesse nimirum non posse, quin Deus eos, qui piè imperant in conseruando tuendoque iusto & suo imperio adiuuet; neque sinat principatum aut Rempublicam in quâ verâ Religio, ac iustitia vigent, euersti aut insolitis modis affligi; nullumque in contrarium exemplum commemorari posse. Cum verò Principes pij iustam causam piamque suscipiunt in aliorum gratiam, aut quæ ad proprii imperij gubernationem conseruationemque non spectat, aut vbi subditorum aliorumque

*Principum
piorum pro-
spertat,
quatenus
certa.*

peccata nimis abundant: est quidem pijs consilij & conatibus suum in cælo præmium, in terris autem quandoque optatum successum Deus ex causis sibi notis, veluti S. Ludouico, alijsque quibusdam, non largitur: etsi eundem his quoque casibus, Principibus verè pijs, imò & impijs frequentissimè concedat, ac frequenter pænas subditorum aliorumque peccatis debitas, ipsorum pietati ac vicissim peccata Principum, probitati subditorum aliorumque condonet. Quæ omnia exemplis demonstrarem, nisi apud alios passim obuia essent, & alteri tempori reseruanda putarem.

Hæc cum moderatione, nisi Scioppius, quod sui immemor rectè dicere visus est, intellexit: utrobique falsum dixit, idque more suo. neque insolens fecit. Non cogitasse autem de hæc moderatione, ex causâ colligo, quàm falsam in Lectoris admonitione assignat. Ideo enim asserit *Deum Principem sui amantem, aduersus inimicos tueri, quia iustus est.* Atqui verò Deus omni æuo multos sui amantes, permisit ab hostibus affligi, & vitâ rebusque omnibus spoliari: neque tamen ideo iniuste, vel minus iuste cum illis egit, quia

coronam

*Iustos quoque
Deum affligit.*

coronam iustitię integram, & cumulatissimam mercedem in cœlis, persoluit omnibus diligentibus se: siue per prospera, siue per aduersa, siue per vtraque eò perueniant, vbi nulla esse possunt aduersa.

Non itaque in lus vocamus Deum, sed *Cur Deus bonas Respublicas prosperet.* conseruationem humanę Societatis, conuenientemq; eius gubernationem, diuinę prouidentię propriam, vti supra explicauimus, censemus esse causam a priori vti loquimur: cur Deus Imperia, Principatus & Respublicas verâ Religione & virtute, in ijs vigente, euerti, aut insolitis modis affligi non sinat, & ad imperij conseruationem bene imperantibus semper assistat. Quod à posteriori siue effectu, ex omnium temporum, gentiumq; historijs confirmamus, ex quibus omnibus, neque vnum exemplum in contrarium commemorari potest. Hocq; sensu verum est, quod dixit, sed non intellexit Scioppius.

§. VIII.

Pseudopoliticorum praeceptorum fallaciam, eorum exemplis ostendi, quos Machiavelius imitandos proponit; Moysis autoritate illum abuti; Cyrum, Romulum, Theseum misere interisse.

Vnde tandem apparet, quantoratio-
nes prosperandi imperium, quæ ve-

râ religione ac pietate nituntur, aut cum illâ congruunt, sint certiores illis: quas nullâ religionis & virtutis, iustitiæ maximè ratione habitâ, pro Ratione Status, Pseudopolitici proponunt, ac persuadere Principibus & Rebuspublicis laborant. Has enim incertas & fallaces esse, eorum exempla demonstrant, qui eas vel maximè obseruârunt: neque alijs testibus, opus est, quàm ijs, quos Macchiauellus in exemplum producit, quique contra ipsum & omnes Pseudopoliticos testimonium amplissimum ferunt.

Pseudopolitica præcepta fallacia,

Macchiauellus exemplis id probat.

In Principe imitandos proponit Moysen, Cyrum, Theseum, Romulum, Principem Valentinum, seu Cæsarem Borgiam Alexandri VI. filium, Seuerum denique Imperatorem. In discursibus de Republicâ antiquorum Romanorum actiones, veluti certissimam imperij conseruandi amplificandique normam, vnicè commendat. Et l. i. c. 9. Titum, Neruam, Traianum, Adrianum, Antoninum, & Marcum, tanquam bonos Principes, & omnibus caros laudat, imitandosq; obiter proponit. De singulis dicamus.

Moyses Deo dilectus.

Dilectus quidem Deo, & hominibus fuit Moyses, cuius memoria, in benedictione est.

Magni-

Magnificauit eum Dominus in timore inimicorum; & glorificauit illum in conspectu regum. Eccles 45. v. 1. Sed non alijs ille artibus, quàm veris virtutibus Deo placuit, in cuius domo fidelissimus erat. Numeri, 12. v. 7. Neque principatum ambiuit, sed iussus accepit, & inter varios grauesq; casus quadraginta annis, sanctè & ex voluntate Dei gessit. Quæ verò Macchiauelus in rem suam de eo comminiscitur: falsa sunt, & scripturis contraria, vt infra attingemus.

Cyro dixit Deus (Isa. 44. v. 28 & 48. *Cyrus in-* v. 1. & 4.) *Pastor meus es, & omnem voluntatem meam complebis. Apprehendit dextram illius. & subiecit ante faciem eius gentes, propter seruum suum Iacob, & Israel electum suum, ad reedificandum templum eius in Ierusalem, & soluendam captiuitatem populi sui. Quod Esaia vaticinium, & ex eo Deum verum, imperij sui autorem, Danielis operâ cognouisse Cyrum, meritò censet Sallianus tom. 5. Anno mundi 3517. n. 5. 6.* *Cyrus in-* *no felix,* *quia pini.*

Quare obseruantia in Deum, eiusque voluntate implenda, in edificio templi, cui sumptus præbuit, & soluenda Iudæorum captiuitate tantum Imperium na-

Infelix postea, quia Deo ingratus.

ctus, & auspicatus est. Felix & magnus Princeps, sed felicius futurus, si *Deum cæli*, quem *omnia regna terra sibi dedisse*, prædicabat, 2. Paralip. 36. v. 23. & 1. Esdræ 1. corde perfecto coluisset, abdicato idolorum cultu, & proscripto. Quod quia terrenæ prosperitatis magnitudine absorptus, non fecit, alijsq; insuper vitijs se dedit: Imperium non post multos annos, à foeminâ capitali prælio superatus, vnâ cum vitâ amisit: & cæsis ducentis Persarum, suorum millibus, neque nuntium tantæ cladis post se reliquit, vt refert Salianus Anno Mundi, 3323. n. 3.

Theseus infelix.

Theseus magis fabulis, quam rebus gestis clarus, vitijs adhæc infamis, cum multis in regno periculis & laboribus defunctus esset: senior denique patriâ regnoq; pulsus, in Scyrum insulam nauigauit, vbi & perijt, à rege Lycomedes, vt quidam tradunt, interfectus, aut vt alij malunt, ex loco edito delapsus, Plutarcho teste.

Romulus caput sceleratorum, & fratricida.

Romulus infamiâ asyli Romam fundauit. Vnde vt ait Cypr. lib. de idol. vanit. *Si ad Originem Imperij Romani redeas, erubescas: populus de sceleribus & nocentibus congregatur, & asylo constituto facit numerum, impunitas criminum.* Deinde teste

Cice.

Cicerone lib. 3. de officijs, *cum ei visum
esset utilius solum, quàm cum altero regna-
re, fratrem interemit.* Cui parricidio im-
piè patrocinator Macchiauellus, vt infra
dicemus. Denique cum regnâsset annis
triginta, multis per iniuriam gestis, vt
patet ex raptu Sabinarum, quem damnat
S. Aug. l. 2. de ciu. c. 17. *discreptus à Se-
natu est ob asperius ingenium, & fastum
ex secundo rerum cursu conceptum; vt
plerique Romanæ historiæ scriptores fa-
tentur, Lilius, Plutarchus, Dionysius,
Valerius l. 5. c. 3.*

*Discreptus
à senatu.*

§. IX.

*Principi Valentino, artes quas Macchiauellus
probat, ipsemet teste, nihil adiumenti
attulisse.*

DE Principe Valentino, siue Cæsare
Borgia, Alexandri VI. Pontificis fi-
lio, Macchiauellum audiamus, ne aliquid
ipsi affingere videamur. Cap. 7. Principis.
*Quæ enim ait, meliora nouo Principi prae-
cepta tradi possint, quam eius actionum exem-
pla, equidem non video. Atqui si eius disposi-
tio rerum ei nihil adiumenti attulit, id non
eius culpâ accidit: sed extraordinariâ quâ-
dam, & extremâ fortuna malignitate. &c.*

*Valentini
fraudes &
cades.*

Gallia exterorumque diffusus opibus, totius ad fallacias fraudesq; struendas se conuerit, aceousq; animum simulatum gessit, ut Ur-
sini secum autore Paulo, in gratiam redie-
rint, &c. Sic ut eorum imperita simplicitas,
eos Senogalliam occidendos attraxerit, &c.
Illud ei dubium erat, an nouus dignitatis
Pontificia successor ei futurus esset amicus:
& quæ Pater Alexander concesserat, ei adi-
mere tentaret. Ut autem hoc se metu libera-
ret, quaduplici id ratione moliri cogitabat.

Crudelitas.

Primum omnium, ut quos dispoliâisset no-
biles, eorum totam stirpem exscinderet, quò
omnes ledendi sui occasiones futuro Pontifici
præriperet. Præterea, ut omnibus Romanis
Patritia gentis amicitia deuinctis, eorum
ope Pontificis animum frango. compesceret.
Deinde sacerdotum Collegium ad se, omni
quâ posset ratione pertraheret, sibi que con-
ciliaret. Tum demum tantum imperij, an-
te obitum Patri sibi adiungeret, quanto suo
Marte, primæ cuique impressioni posset re-
sistere. Ad finem usque horum tria, cum
Alexander mortem obiret, perduxerat,
quartum penè confecerat, &c. Sed quin-
tum annum, ex quo gladium distingere ce-
perat, Alexander natura concessit. Illo
dumtaxat in Flaminia imperio protè firma-

*Prudentia
carum Deo
inimica.*

to, cetera dubio, lethali morbo correpto, inter duos potentissimorum regum exercitus sibi infensos relicto, &c.

Iamque eo tempore, quo Iulius II. Pontifex Maximus fuerat creatus, mihi dixerat, se ad omnem rerum euentum, quem à Patris morte putaret, longè in posterum prospexisse, atque remedia comparasse. Illud *Stulta mor-
tis obliuio.* unum dumtaxat se praterisse, quod scilicet nunquam putarat sub eius mortem, sibi etiam cum morte esse confligendum.

Omnibus itaque Principis Valentini harum rerum gestarum rationibus in summam adductis, qua in re eum reprehendam non video. &c. Illud dumtaxat ei crimini dari posse videtur, quod in cooptatione ad summam Pontificatum Iulij II. eligendi optionem arripuit non bonam. Nam si electionis Pontificia, quam expetebat, compos esse non poterat: id saltem sibi integrum relinquebatur, ut impedire posset, quem ipse nollet, &c. In errorem igitur delapsus erat Valentinus, in eo ipso electionis genere, causamque attulit, quam omnibus tandem bonis, & forinuis suis enereretur.

Sed hoc Macchiauelli iudicium inane est; nam sperare non debuit Valentinus,

scia

seu Iulium II., seu quemcunque parentis Successorem, ipsi terras Ecclesiæ concessurum, & in gratiam Cæsaris Borgiæ, patrimonio S. Petri se abdicaturum.

§. X.

Seuerum Imperatorem, qui Macchiauello iudice, Leonis & Vulpecula. personam praeclare gessit, maerore confectum; Romanos quoque multis modis infelices fuisse.

SEuerus, vti scribit idem Macchiauel-
lus, cap. 19. principis, cognita Iuliani
Imperatoris ignauia, persuasit exercitui, cu-
ius ipse in Illyrico auctor erat, optimum fo-
re, ut Romam Pertinacis Imperatoris cadem
vindicturi profiscerentur, à pratoriana
enim militum cohorte fuerat interfectus.
Sub hac itaque specie, ne ad imperium aspi-
rare videretur, exercitus contra Romam
mouit, ac prius in Italiam transmisit, quam
de illius ex Illyrico discessu fuerit rescitum.

*Seueri am-
bitio.*

Cum autem Romam deuenisset, Senatus
metu adductus, Imperatorem illum Iuliano
vitâ functo, declarauit. Posthac principia,
duo supererant Seueri ad absolutum impe-
rium occupandum. Alterum in Asiâ, ubi
Niger exercituum Asia præfectus, Impera-
torem & ipse se saluari iusserat; alterum in

occi-

occidente ab Albino, qui vicissim de Imperio occupando, animo cœperat agitare. Verùm cum perspiceret periculosum fore, si se in utrumque hostem declararet, statuit Nigrum adoriendum, Albinum verò dolo circumuenire, ad quem propterea literas dedit: cum à senatu, Imperij procuratio fuisset sibi delata, se statuisse eam dignitatem utrique communem fieri. Atque Caesaris titulo ad illum misso, ex senatus decreto illum ad Imperij procuracionem collegam sibi adiunxit.

Perfidia.

Quæ omnia ab Albino pro veris bonâ fide fuerunt accepta. At Senerius, deniçto atque interfecto Nigro, Orientisq; rebus probè compositis, Romam reuersus: contra Albinum, quod beneficij à se accepti immemor, in se eadem per proditionem perpetranda esset molitus, apud Senatum conquestus est; ob idq; sibi fore necessarium, ut eò se conferret, de illius ingratitude meritas pœnas sumpturus. Inde in Galliam ad illum profectus, unâ cum imperio vitam illi ademit.

Qui itaque huius viri res gestas exactè animo reputabit, cum leonem ferocissimum, Leo & Gul-
dicet, vulpeculamque maximè subdolam; per.
aduersusque eum & timorem, & reuerentiam ab omnibus fuisse adhibitam. Et ab exercitu nec spretum, nec contemptum unquam

quam fuisse intelliget, desinetque mirari, si homo nouus cum esset, tam diu Imperium retinere potuerit. Nam summa eius dignitas & existimatio, semper illum ab omni populorum odio, quod ex rapinis in se concipi potuisset.

Idem Macchianellus teste sceleratus.

Hunc Seuerum, quem Macchiauellus hic tantopere commendat, & Principibus imitandum proponit, lib. 1. de Rep. c. 10. malis & sceleratis adnumerat. Et si quibusdam, ait, malis ac sceleratis contigit secundum naturam legem, ex hac via migrare, veluti Seneca, id rursus vel fortunæ prosperitati, vel alicui qualicunque tandem virtuti debuerunt.

Maerore moriens.

Sed Herodianus lib. 3. in fine, maerore magis, quam morbo defunctum esse, contra Macchiauellum affirmat. Quem iure infelicem quis dixerit, quod filius Antoninus sæpius ipsum occidere tentârit, teste etiam Dione. Eundem cum membrorum omnium, maximè pedum, dolorem pati nequiret, veneni vice, quod ei negabatur, cibum gravis ac plurima carnis auidius inuasisse, quem cum conficere non posset, cruditate pressum, expirasse, testis est Sex. Aur. Victor in Epitome Imperatorum; eiusdemque illud supremum dictum fuisse.

me.

memorat, hist. abbrev. p. 2. *Cuncta fui, conducit nihil.*

Romani, quibus Deus excellentissimi Imperij gloriam concessit, ut supra diximus, quosque Macchiauellus exemplar felicitis sapientisque Reipublicæ, esse statuit, innumeris domi forisque, calamitatibus & cladibus afflicti sunt, uti demonstrat S. Aug. lib. 3. de ciu. Dei. Sed respondet Macchiauellus cum suis, hinc primam occasionem & rationem conseruandæ Reipublicæ emerxisse, & nisi assiduè sibi, continuò succedentibus bellis, Romanum Imperium tam longè lateq; non potuisse augeri, & tantâ gloriâ diffamari, ut ex mente illorum ait S. Aug. c. 10.

*Romani
domi forisq;
afflicti.*

Verum idem ipse eo loco, & lib. 4. cap. 3. ostendit non posse dici felices, qui semper in bellicis cladibus & in sanguine ciuili vel hostili, tamen humano, cum tenebroso timore & cruentâ cupiditate versantur, quantâlibet Imperij magnitudine ac latitudine gloriantur. Accedit illos dolo malo frequenter in imperio amplificando, utos esse: quorum fraudem in socijs in feruitutē redigendis ipse Macchiauellus commemorat, & crescere volentibus, veluti necessariam malus consiliarius suadet.

*Felices dici
non possunt.*

De

De illis Cæsaribus, quos l. i. c. 9. laudat, nihil attinet dicere, cum illos obiter inferat, neque ex instituto Principi proponat. Addo illos quoque, multis sceleribus infames fuisse, vt neque verè boni, neque solidè felices haberi possint.

§. XI.

Praferendas tam vris exemplis, virtutis ac pietatis artes; his imminentem licet peccatus conditam, auerti aut mitigari, quam Pseudopolitica consilia magis exasperant.

*Ex iis, quos Macchia-
uelli in
exemplum
proponit,
nemo felix.*

Hisce igitur omnibus sub vno aspectu positis, cum ex ijs, quos Macchiauelli in Pseudopoliticæ sapientiæ ac prosperitatis exemplum præcipuè proponit, felix exitus nulli contigerit; Romana autem Respublica, suorum ciuium domi macellum, foris carnificina fuerit, libertatem ipsam denique amiserit; manifestum est non solum Rationes prosperandi Imperium, quæ ad Religionis virtutisque Regulam non accommodantur, fallaces & incertas, adeoque à verâ Politicâ alienas, sed etiam infelices & funestas esse; cum ijs omnibus accuratè obseruatis, demum ad Cyri caput in vtre sanguinis innatans, ad Thesei exilium, & seu cadem, seu præcipitium,

tium, ad Romuli discerpti frustra, ad Valentinii Principis infortunatos exitus, ad Seueri Imperatoris mœrorem & desperationem, ad Romanorum seruitutem, aut si omnia temporalia successerint, ad æterna denique supplicia perueniatur.

Deliberet nunc Princeps aut Respublica, vtrum Macchiauelli vias cum certo vitæ æternæ dispendio, huius autem vitæ incerto & maximè dubio successu ingredi: aut potius in consilio habere Deum ac religionem velit, felicitatis æternæ securus, imò & temporalis: aut certè securior, quàm si omnes Macchiauelli aliorumque Pseudopoliticorum regulas examussim obseruaret.

Neque id sollicitos habere debet, quod occulta Principum subditorumq; delicta, & ignota nobis diuinæ iustitiæ mensura, fiduciam boni successus etiam pijsimis consilijs videtur adimere: nam semper vereri possumus, aliquid præteritarum, vel præsentium culparum subesse, quibus Deus infelicem aliquem euentum, aut calamitatem in pœnam decreuerit, quod S. David in perduellione filij Absolonis, alijque experti sunt.

Verùm expendere oportet 1. Si Deus
 Q VIN-

*Scrups
res exem-
pti.*

vindicem dexteram extendere decreuerit, eam Pseudopoliticis artibus, cum Religione ac pietate pugnantibus non cohiberi, sed magis prouocari. *Non est enim consilium aduersus Dominum, & frustra* Macchiauellitæ Senatus consultum faciunt, vbi Deus intercedit. Cuius iusto iudicio *Regnum à gente in gentem transfertur, propter iniustitias & iniurias, & contumelias, & diuersos dolos*, quibus Pseudopoliticæ vulpes Principatus & Respublicas fulcire laborant, & amplificare.

2. Cum Principes & Magistratus pietatem colunt, & impietati impunitatem non permittunt, sed scelera grassantia pro viribus coercent, non est quod de diuino auxilio diffidant, aut grauem insolitamque vindictam formident. Non enim Respublica malè administratur, in quâ peccata committuntur, sed in quâ peccantes non puniuntur.

*Pœnitentiæ
asylum.*

3. Si Principes & Magistratus malè sibi conscij, subditorum quoque peccata multum excreuisse intelligunt, Vera Religio pœnitentiæ asylum aperit; ad quod si confugiant, habent diuinæ iræ flectendæ præsens remedium, multoque certius quàm vllus Macchiauellus, aut alius Numinis

minis irritandi non placandi Magister, suggerere potest. Experti id sunt sæpius Israelitæ in libris Iudicum & Regum, item Niniuitæ, Ionæ, 3.

Atque hæc vberius dicenda fuerunt, vt demonstraremus Rationes feliciter imperandi Religione & virtute subnixas, esse exploratò certas, aut nullas eis certiores: ideoque consilia factaue Principum & Rerum publicarum adhæc principia reuocari debere, ne damnum capiant, & corruant.

CAP. IV.

Secundum præcepta vera Religionis & Virtutis, quæ in Theologiâ & Catechismo explicantur, in Politicâ & Republicâ, res decerni & geri debere.

§. I.

SVPPETIÆ. Virtutis & Pietatis præcepta, in Theologiâ & Catechismo, non in Politicâ locum habere.

NON hic nego, vtilissimè, vel dicam necessariò ista Principi, tanquam homini & Christiano præscribi. Itaque suo loco & tempore id fieri debet. In Theologiâ, (quò & Catechismus, seu doctrinæ Christianæ institutio pertinet) & in Morali philosophiâ similia præ-

*Scioppino
Politicam
profanat.*

cipi debent, non in Politicâ: nisi contra quàm ratio à Deo nobis data dicat, scientiarum ar-
tiumque fines tollere, & apædeusiæ, confusio-
nî, tandemque obscuritati & ignorantie munire
viam velimus.

§. II.

*VINDICTIÆ. Exclusâ virtutis curâ, Politi-
cis necessitatem scelerum imponi, & Poli-
ticam nihil honestatis habere.*

VT plus nocent venena melle circum-
lita, & grauius fallunt, lupi sub vesti-
mentis ouium, ita & improbicum probi-
tatem, simulant aut laudant. Hoc ipsum
agit Scioppius, dum ait *utilissimè, vel ne-
cessariò ista*, pietatis scilicet ac Religionis
principia seu præcepta, *Principi præscribi*.
Sed caue Lector sub melle venenum, sub
oue lupum, quia dum hæc ex Politicâ pro-
scribit, & ad Theologiam, Catechesin &
Ethicam amandat, Politicis peccandi, li-
centiam concedit, imò necessitatem im-
ponit.

*Scioppius
honestatem
& religio-
nem à Po-
liticâ pro-
scribit.*

Nam qui nullam honestatis & religio-
nis rationem habere debet, utpote rerum
ab officio & instituto suo alienarum; sed
id solùm spectare cogitur ut externæ pro-
speritatis statum tueatur, eum nullo dis-
crimine quæcunque huic fini deseruiunt,
iusta

iusta iniusta, licita illicita amplecti necesse est. Si enim iniusta aut illicita refugiat, iustitiæ & virtutis rationem habet, adeoq; contra officium Politici facit, Scioppio Magistro, qui ex Macchiauelli lacunis pestilentem hanc doctrinam hausit. Is quippe lib. 3. de Republica c. 41. docet, *cum agitur de conseruandâ Patriæ libertate, nihil esse debere, quod animos nostros, in aliam sententiam pertrahere queat. Neque ab hoc scopo auertere quenquam debere, iusti iniusti, crudelitatis, aut misericordia, non deniq; laudis & ignominia notam.*

Macchiauelli lacuna, Scioppii fontes.

Sed Politicos esse Christianos, & probos viros Scioppius dicet, eosque non quidem in Politicâ, in Theologiâ tamen. Catechesi & Ethicâ rectè agendi præcepta reposita habere, eaque seruire. Atqui in primis magna hæc Politicæ infamia est, quod ipsa intra suos limites nihil honestatis habeat, ideoque necessitate quâdam impia etiam consilia suscipiat, cum disciplinâ Christianâ & bonis moribus pugnantia: modo ad conseruationem bonorum fortunæ, quibus Ratio status Pseudopolitici circumscribitur, aliquid conferant.

Deinde cum Politici nominis vsur-

Pseudopolitici Theologos contemnunt.

patores, magno supercilio, Theologos veluti à scholis puluerulentos, neq; rerum publicarum intelligentes contemnunt; Catechisticam autem doctrinam se indignam putent, utpote qui dudum tergum & manum ferulæ subdixerint, neq; Ethicæ rationem habeant; manifestum est eos, quæ in Curiâ suâ, extra Religionis ac virtutis pomoeria contra jus ac fas propter rationem status decreuerint, ad Theologiæ, Catechismi aut Ethicæ regulam non correcturos, imò nec corrigere posse, si Politicorum leges à Macchiauello latas, à Scioppio defensas sequi velint. Nam hæc jubent, quâcunque demum ratione, Statum tueri: & solùm, cum commodum est, honestatis specie & veluti larvâ iniquitatem occultare.

§. III.

Nihil licitum esse in Verâ Politicâ, quod illicitum est in Theologicâ.

Infelix distinctio.

ATque hinc necessario manat infelix illa distinctio, de quâ supra mentionem fecimus, cum quædam Politicè vera ac licita esse contendunt, quæ Christianè & Theologicè falsa atque illicita esse negare non possunt. Quia verò tam duri oris non

non omnes sunt, vt ea, quæ apertè legibus Christianis & iustitiæ aduersantur, Pseudopolitico solum prætextu excusare audeant; alteram ex rectâ (scilicet) animi intentione, distinctionem in prioris subsidium, comminiscuntur.

Sed non esse quidquam licitum in verâ Politicâ, quod illicitum esse docet disciplina Christiana, vel Theologia, inde in primis manifestum est; quia præcepta Decalogi, & Religionis Christianæ omnes homines obligant, neque minus ad Reges eosq; qui Rempublicam gerunt, quàm ad priuatos spectat illud: *si vis ad vitam ingredi, serua mandata.* Atque, vt in quouis imperio principes & ordines, tenentur seruare leges communes imperij & Imperatoris: ita Reges ac Principes terrarum, qui Vasallorum instar, subsunt imperio diuino, tenentur supremi sui Principis ac Domini Dominantium præcepta seruare, nisi æternum sibi exitium accersere velint. Non ergo potest Politicè licitum esse, quod prohibuit Deus, quia vera Politica, Deum supremum Principem ac legislatorem agnoscit.

Deinde Politicæ vltimus finis est æterna salus ac beatitudo, vt suprâ demonstratum est; *Ex Vltimo sine Politica.*

est; quidquid ergo salutis aduersum esse Christiana disciplina & Theologia docent, à Politicâ quoque abhorret; neque enim vlli rei id conuenire potest, quod cum vltimo illius fine, ac summo bono pugnat.

Ex Philosophiâ moralis.

Denique cum Politicam constet partem esse Philosophiæ moralis, quâ ad virtutem homines instituuntur, & in iisdem rebus versetur, in quibus prudentia, quæ virtus præcipua est: non potest, Politica præcipere aut probare ea, quæ Christianis legibus, ac Theologicis regulis aduersantur.

§. IV.

Quod ex se illicitum est, bonâ intentione licitum non fieri: Sciopsum criminis, quod alia obiscit, reum esse.

Hac distinctione omnia scelera excusantur.

Altera verò distinctio, omnibus sceleribus excusationem & patrociniū præbet. Siue enim quis iniustam vim aliorum rebus, vitæ, famæ afferat, siue adulterijs, stupris, omnibusque flagitijs fræna laxet, habet paratam ex Pseudopoliticâ defensionem: si dicat commodi sui causâ & oblectationis ista se factitare, non vt alteri cuiquam, & multò minus

nus Deo iniuriam inferat: diuinam offensam alienumque damnum, præter suam mentem & per accidens suis factis adiungi, perinde vt Ratio Status damnum religionis & iustitiæ, præter intentionem subinde secum trahit; neque enim solum nefas esse præcepta Dei transgredi voluntatis aut priuati commodi, sed etiam regnandi causâ.

Non est verò hæc purgatio Canonica, *Non est hæc purgatio Canonica* neq; legitima, sed excogitata ad excusandas excusationes in peccatis, semper enim illicitum est, quod diuinis Christianisq; legibus repugnat, quocunque illud animo, quâcunque causâ committas; nec vllam peccandi prærogatiuam. Reges ac Principes acceperunt. Est quidem imperantis, imperium conseruare ac tueri, sed bonis artibus & ex præscripto diuinarum legum; ab imperio enim discedere præstat, quàm ab illis. Quod quia credere, & facere animum non inducunt Politici, non mundum, sed aliquam eius particulam, ditiunculam, vrbeculam aliquando quidem lucrantur, & sæpius perdunt: cœli autem animæque suæ semper detrimentum patiuntur.

In Theologiâ ergo, Catechismo, & Ethicâ,

thicâ, quæ fidei, religionis & virtutis sunt, non solum præcipi, verum, etiam explicari & probari: in Politicâ autem pro principijs assumi & supponi, hisq; veluti regalis omnia consilia dirigi, & corrigi debent.

Scioppius fines & principia licentiarum, Politicâ præcipue, peruerit.

Quod quia facere vetat Scioppius, crimen quod alijs se melioribus impingit, ipse committit: quia contra quam ratio à Deo nobis data dicitur, non solum proximos peculiareque artium fines peruerit, sed vltimum etiam politicæ maximè finem tollit: & prima principia, quibus artium scientiarumq; omnium nervus continetur, aufert; adeoque veræ & meræ imperitiæ, confusio, & ignorantia viam munit, in Politicis præsertim, à quibus religionis, honestatis & virtutis curam, tanquam alienam remouet.

§. V.

SVP PETI AE. Pietatis opinionem Politico curandam esse; ea enim conservari imperium, sicut pietas servatur anima.

Scioppius Virtutem corporis adscribit & mpra.

SI quis autem dicat Politicus, Principem debere usu Sacramentorum, orationibus & similibus pietatis exercitijs religionis famam & opinionem sibi parare nequaquam aliena docet. Nam opinio, seu fama pietatis conservat imperium, sicut pietas servat animam. Ac propterea,

pterea, sicut in acroasi Theologicâ Princeps, ut animam seruet, iubetur esse verè pius, item in Politicâ Scholâ, ut statum seruet, docetur existimâri pius. *Nobis necessaria est vita nostra, alius fama nostra*, ait S. Augustinus Nam pietatis opinio amorem & reuerentiam Principi conciliat, quæ primariæ conseruandi status causæ sunt, nam libenter ei homines parent, quem amant ac reuerentur.

§. VI.

VINDICIÆ. Eandem à Macchiauello doctrinam tradit, sed inconstanter.

EAdem est Macchiaueli doctrina, cum in principe cap. 18. vult. *Principem se ita conspiciendum audiendumq; exhibere, ut pietatem, fidem, integritatem, humanitatem, & præsertim religionem, sanctè colere videatur.* Causam illam affert, quod fere homines specie magis & colore rerum, quàm rebus ipsis permoueantur & inducant. Vnde paulò post infert, *quascunq; rationes conseruandi imperium, modo honesti speciem præferant, honore dignas laudibusq; existimatum iri.*

Sed neque in hoc errore sibi constat. *Macchiaueli inconstancia.* hic errorum Magister, nam alibi apertè docet, opinionem virtutis & probitatis contemnendam, si ea imperio officiat.

Vt

Vt cum cap. 15. principio, jubet principem, non multum laborare, si in eorum vitiorum infamiam incurrat, sine quibus dominatum non facile tueri posset. Cap. 16. censet Auaritia crimen, eiusque nomen parvis faciendum; nam vitiorum id esse unum, quo minimè impeditur dominandi ratio. Cap. 17. admonet, ut Princeps exemplo Valentini nomen sauitie parui ducat. Cap. 18. ait virtutes supra memoratas, dissimulandas esse saepenumero, callideq; tegendas. Denique l. 3. de Republica c. 41. concludit ob conservandam patriæ libertatem, non iusti aut iniusti, nec crudelitatis, aut misericordie, non denique laudis & ignominie notam seu quod idem est, opinionem refugiendam esse.

Macchiavel-
lus &
Scioppius
nec ad Gir-
autem, nec
ad eius opi-
nionem du-
cunt.

Quæ eadem mens est Scioppij, ut ex dictis patet, & magis proximè patebit. Unde perspicuum est in Politicâ Scholâ Macchiavello Magistro, & Scioppio eius hypodidascalo, neque institui Principem, ut sit verè pius, neque ut existimetur pius. Nam cum Ratio status id postulat, docetur nullius vitij notam reformidare. Solum ergo per accidens, cum statui conservando aut ampliando id conducit, curam opinionis & bonæ famæ commendant.

Confir-

Confirmant id exempla eorum, quos Macchiauellus præcipuè imitandos proponit, Valentini præsertim, & Seueri: qui perfidia, crudelitate, alijsque sceleribus infames à verâ virtute eiusque opinione, alienissimi fuerint; potest ergo ad fastigium Politices his ducibus perueniri, absque ullâ virtutis & boni nominis curâ.

§. VII.

Opinio, seu fama virtutis sine ipsâ virtute, non conseruari imperium; S. Augustinum Scioppio non suffragari.

NEque ullâ ratione verum est, opinionem seu famam pietatis conseruare imperium, sicut pietas seruat animam. Nam
 1. Veram pietatem certa & infallibilis animæ salus sequitur, promissionem enim habet vite, quæ nunc est, & futura, 1. Tim. 4. v. 8. Eiusmodi promissionem conseruandi Imperij, non habet opinio pietatis; non ergo conseruat imperium, sicut pietas seruat animam.

Pietatis promissa salus.

2. Vltimus finis Politicæ est æterna salus, quæ non opinione virtutis, sed ipsâ virtute obtinetur; finis verò proximus & proprius, etiam ex mente Aristotelis ut supra ostendimus, est vita socialis secundum

Politica virtutem ipsam, non solam eius opinionem docet.

dum

dum regulam virtutis eiusq; legitima gubernatio; ergo Politica verâ fide duce, & Naturâ Magistrâ, cuius optimus interpres est Aristoteles, non solùm virtutis opinionem, sed multò magis ipsam virtutem docet.

*Opinio à
Virtute vim
trahit.*

3. Si ullam virtutis opinio vim habet in Politicâ, à virtute eam trahit, quæ cum abest, per se non amorem & reuerentiam Principi conciliat, sed odium, & contemptum; odisse enim & contemnere solemus eos, qui fallunt nos simulatione virtutis, & sub larvâ vitia tegunt. Virtus ipsa amorem & honorem meretur ac parit. Quod in admonitione Lectoris Scippius sui immemor asseruit. *Politicus* inquit, *pietatem ante omnia Principi commendabit, quoniam ea hominum animos illi reddat propitios, ut cum ament, tum revereantur, quibus duabus rebus imperium conservari palam est.* Loqui autem illum, de verâ pietate non opinione pietatis, palam est, quia mox subdit, *abesse non posse, quin Deus, cum iustus sit, Principem sui amantem & reuerentem redamet, & aduersus inimicos tueatur, unde cum ab hominibus respectari coliq; contingit.*

*Scippius
sui immem-
or.*

*Apertè sibi
repugnât.*

Sed aduertè denuo manifestam repugnantiam

gnantiam. Ad lectorem fatetur, *Pietatem, cum ingentes ad conseruandum statum vires habeat, omnino à Politico præcipi, & ante omnia Principi commendari debere*: hic autem paulò ante, non sine stomacho contendit, in *Theologiâ, Catechismo, Ethicâ similia præcipi debere, non in Politicâ*. An ergo vlla potest huius Grammatici esse autoritas, qui eodem ore toties fiat & forbet.

4. Non est facile obtinere constantem virtutis famam solâ eius simulatione, præsertim in principatu; omnium enim oculi in Principem intenti sunt; & vt neminem alium, certè famulos habet secretorum arbitros, per hos vitia occulta in vulgus emanant. Deinde cum regnandî causâ jus, fidem, pietatem aperto violat, etsi alijs in rebus colere videatur, famam opinionemque suam ipse corrumpit: nemo enim verè probum esse credit, qui quâcunque de causâ improbus esse eligit.

*Bona opinio
difficilis
absq; virtu-
te.*

5. Simulatio virtutis siue hypocrisis, est graue vitium, quod in Phariseis grauius reprehendit Christus, præsertim Matth. 23. neque immerito numerari potest inter diuersos dolos, propter quos transfertur regnum de gente in gentem.

*Est graue
vitium.*

Non

Non ergo conseruat opinio pietatis imperium, sed euertit, cum ex hypocrisis oritur; *spes enim hypocrita peribit.* Iob. 8.

V. 13.

S. Augustinus Scioppio non suffragatur.

S. Augustinus verò c. 22. de bono vi-
duitatis, malè à Scioppio in testem falsita-
tis adducitur. Non enim de conseruando
imperio agit, sed de bono exemplo, quod
Christiani omnes, & vel maximè ij qui
imperant, alijs debent: quodque viduis
eo loco impensè S. Doctor commendat.
Neque bonam famam & opinionem à vir-
tute separat, sed virtutis probitatisq; vult
primas esse partes, curam autem boni no-
minis propter alios adiungit. Proinde ait,
*quisquis à criminibus flagitiorum atque vi-
tiorum, vitam suam custodit, sibi benefacit:
quisquis autem etiam famam; & in alios
misericors est. Nobis enim necessaria est vi-
ta nostra, alijs fama nostra.* Hanc famam
quæ virtutem, velut vmbra suum corpus
sequitur, vera Politica quidem docet, quia
ad virtutem ducit, vnde illa sequitur; sed
eam Scioppius & Macchiauellus non pro-
ponunt; curam enim bonæ famæ, sine
curâ bonæ vitæ præcipiunt, vt mox
clariùs intelligetur.



§. VIII.

SVPPETIAE. Peccare etiam Politicum, cum aliena loco tractat.

Aliena loco tractauit Politicus, si aut eadem sapius, aut, quæ prius dicere debuerat, dicat posterius, aut vicissim. Reprehensionem igitur meretur, si cum prius dixisset, Tyrannidem esse turpem ac fugiendam, idem postea inculcet, quando non jam de Adiunctis Tyrannidis, sed de causis conseruantibus disputationem instituit.

§. IX.

Scioppium sibi ipsi, & Macchiauello repugnare.

NOlo hæere in methodo Macchiauelli examinandâ; non esse verò exactam rerum dispositionem in illius scriptis, facile prudens Lector obseruabit. Sed iuuat Scioppij in dictis suis repugnantiam hic denuo notare, vt jam antè fecimus. Supra velut pro aris & focis contendebat, non esse Politici tractare de Tyrannidis turpitudine; hic autem significat Politico de eâ dicendum esse, cum de adiunctis Tyrannidis agit, non cum de causis conseruantibus disputationem instituit.

*Scioppius
denuo se-
cū pugnat.*

Quâ in re Magistrum Macchiauelum denuo damnat; nam is, etsi in discursibus,

*Et cum
Macchia-
uello.*

R de

de Republicâ instituendâ ac conseruandâ ex professo agit, prolixè tamen l. 1. c. 9. ostendit *vituperandos esse, quicunque instituunt Tyrannidem*. Accedit verum non esse de omnibus adiunctis siue proprietatibus obiecti, simul vno loco tractari debere aut solere; inspergitur illarum tractatio varijs locis, & ex suis causis deducitur, prout rei natura postulat.

CAP. V.

Falsâ doctrinâ de Fine & Medijs Politica, à Pseudopoliticorum Principe Macchiavello, veram Politicam euerti.

§. I.

SVPPETITAE. Falsa dicere Politicum, si ea, qua præcipit, statum de quo agit, mutant, vel perdunt.

FAlsa dixisse demonstrabitur, si verbi gratiâ inter status conseruandi causas ea præcipit, quæ statum mutant, siue perdunt. Nam cum status forma mutatur, quod fuerat status, esse desinit. Ita Religio ac veræ virtutes non conseruant, sed perdunt, siue euertunt Tyrannidem. Nam si Tyrannus incipiat esse vir verè bonus, iustus ac pius, desinit esse Tyrannus, & vel in priuatorum ordinem transit, vel in bonû Principem mutatur. Ineptum igitur est, & imperiti iudicis Politicum reprehendere, quod Tyranno im-

no imperium conseruare cupienti non veram pietatem ac virtutem, sed simulationem pietatis & virtutis præscripserit.

§. II.

VINDICIAE. Pseudopoliticos non culpari, quod doceant Pseudopolitias, vitia & scelerebus conseruari, sed quod veram Politiam profecti, vitia & scelera doceant.

Falsa plurima Scioppio censore & iudice dixit Macchiauellus, quia inter status conseruandi causas, siue rationes, plurima præcepit ac docuit, quæ legitimũ statum mutant, siue perdunt. Nam & finem falsum Principibus ac Rebus publicis proponit, & media falsa assignat, quæ non ad veram status incolumitatem, sed salutis æternæ dispendium perducunt, vt mox palàm fiet.

Quod verò Scioppius inuehitur in ineptos & imperitos indices, qui Politicos reprehendunt, quod Tyranno imperium conseruare cupienti non veram pietatem ac virtutem, sed simulationem pietatis & virtutis præscribant, in ventos pugnat. Nemo enim sapiens Politicis id vitio vertit, quod doceant Tyrannidem conseruari improbitate iniustitiis, simulatione & fraudibus;

Scioppius in ventos pugnat.

sicut nec Logici culpanantur aut Theologi, cum illi sophismata ex varijs vocum ac sensuum fallacijs effici, isti verò illicitis corporis & animi actibus, peccata patrarī docent. Nam hæc ubi absunt, nec in Politicā Tyrannis, nec in Logicā sophisma, nec in Theologią peccatum locum habet.

*Pseudopolitici
Geram
Politiam
profidentur.*

Eam igitur ob causam boni scriptores malos, & probi Politici pseudopoliticos damnant ac detestantur: quia, cum veræ reconditæque Politices Magisterium ambitiosè profiteantur, & veri Principis ac optimæ Reipublicæ formam promittant, falsa maximeque noxia fraudulenter supponunt, & iudicium de agendis ac fugiendis malignè deprauant.

*Et cum illis
Scioppius.*

Scioppius certè, nisi ad motis fidiculis, non fatebitur, se Tyrannidis Magistrum, esse, & tamen paucis abhinc lineis, vniuersim veræ virtutis doctrinam veluti Theologiæ propriam, à Politica excludit: eique solam virtutis laruam & opinionem relinquit, non in Tyrannide solum, verum etiam rectâ Reipublicæ formâ; ad quam si pertinere censeret veræ virtutis doctrinam, eam vniuersim à Politicâ alienam esse non asseruisset. Se ipso igitur iudice

dice Scioppius falsum dixit, quia falsas status legitimi conseruandi causas, à virtutis doctrinâ & curâ alienas præscripsit: cum fieri non possit. vt Respublica recta alias causas, quam virtuti consentaneas habeat.

§. III.

Macchiauellum quoque veram & utilem doctrinam profiteri ac polliceri, sed alienam ab aliorum (Aristotelis & Verstatii) ordine; ideoq; principia communia, de fine & medio peruersisse.

SED demonstremus Macchiauellum quoque, veræ legitimæque Reipublicæ, non vitiosæ doctrinam profiteri voluisse: vt celebre illud effugium eius aduocato præcludamus, absurdi nihil esse, si de Tyrannide ac vitiosâ Reipublicæ formâ disputans, vitiosos eius constituendæ seruandæque modos tradat.

Nam inprimis Macchiauellus l. i. discursuum cap. 9. Seuerè Tyrannidem damnat, & cap. 8. Principis; acriter infestatur offeram sanitiæ & inhumanitatem Agathoclis, cum infinitis pene ac fædissimis flagitijs coniunctam, additq;: hac non pati, vt inter viros virtute præstantes celebretur.

Macchiauellus Tyrannidem damnat.

Quibus similia alibi inspergit, vtl. 2. c. 2. l. 3. c. 5. & alibi.

Deinde cap. 15. Principis, ità de instituto suo loquitur: *Et quoniam ait, multos non ignoro in hoc genere scribendi operam dedisse, vereor ne & ipse ad scribendum animum de eisdem, si intendam: id arroganter esse factum dicant, alienam praesertim, si à communi aliorum ordine, de hâc re disputationem instituam. Verùm cum animus sit ea scribere, quae intelligenti utilitatem afferunt, magis consentaneum visum est veritatem rei, quàm vel eius simulacrum, vel imaginem quandam sequi. Et sanè complures Respublicas & principatus quosdam animo effinxerunt, qui nunquam sub aspectum ullum venerunt, tantùm abest, ut reuerà extiterint, &c.*

Utilia promittit, & noxia praestat.

Nam tantùm abest ratio, quàm homines viuunt, ab eâ, quàm aquum esset, ut viuerent: ut qui negligit, quod sit, secuturus, quod esset faciendum, is sibi ruinam potius in addiscendo accersat, quàm quod suae salutis consultum velit. Qui enim virum bonum omnibus partibus profiteri studet, eum cortè inter tot non bonos periclitari necesse est. Necesse est itaque Principi, ut perceptum habeat (si se saluum velit) quàm ratione possit esse non bonus.

Necessarium putat esse non bonum.

bonus.

bonus, idque pro rei necessitate, in suum conuertat, vel non conuertat usum. Et paulò post. Quapropter posthabitis, quæ de principe dumtaxat animo sunt efficta, de quæ iis quæ vera sunt, differens dico, &c.

Ex quibus perspicuum est, Macchiaeuum non fictitiam & inutilem Reipublicæ aut Principatus formam, sed veram & utilem suâ opinione tractandâ sumpsisse. Deinde alienam ab aliorum ordine, viam ingressum, quæ via seruandi imperij causâ eò ducit, vt princeps etiam bonus in animum inducat esse non bonus, siue vt apertius loquar, sceleratus. Quem ordinem neque Aristoteles, neque alij probi Politici antehac tenuerunt; nam etsi Tyrannorum, aliorumque vitiosè imperantium, regnandi imperandique vias, sceleribus infames & expositas esse monstrauerint: eas tamen Bonis Principibus, legitimisque Rebus publicis clauferunt, neque vlllo prætextu peccandi licentiam apertam esse voluerunt.

Quare parum attenti fuerunt Leonar-
 dus Coquæus ad l. 2. S. Augustini de ciuitate Dei c. 21. & Lipsius lib. 4. Politicorum, siue ciuilibus doctrinæ, cap. 14. cum scripserunt Aristotelem l. 5. Polit. c. 11.

*Aristoteles non permit-
 tit bono
 Principi esse non bonum,*

R + paulum

paullum se inclinare, & censere Principem moribus talem esse debere, ut aut planè bonus sit, aut semibonus; nec malus omnino, sed semi malus. Non enim eo loco de bono & legitimo Principe differit Aristoteles, sed de Tyranno, alteroque modo conseruandi Tyrannidem: cum ea remittitur per simulationem siue imitationem regię & iustę gubernationis. Eiusmodi Tyrannum vult Aristoteles, in rebus gerendis aut planè bonum se exhibere, quoad ratio conseruandę Tyrannidis patitur, aut certè non omnino & apertè malum, ne odium aut contemptum incurrat. Est ergo hæc via propria Macchiauelli, ab Aristotele, veritate, & salute tum imperantium, tum subditorum aliena.

*Macchia-
nellus si-
nem & me-
dia politi-
ces peruer-
sit.*

Quod hinc denique confirmo, quia Macchiauellus prima verissimaque principia, de fine & medijs verę Politicę non solum negligit, sed etiam contraria fundamenta iacit, ac pro viribus tuetur. Quod facere abs re fuisset, si Tyrannidem & vitiosas dumtaxat Reipublicę formas tractaret; manifestum enim est eos, qui malè imperant, à fine aut medijs boni imperij, aut ab vtroque aberrare. Sed in eorum gratiam, falsa eorum placita, prauaque

que principia bonus Politicus excusare,
vel propugnare non debet.

Macchiauellus igitur eò prolapsus est,
vt putarit, imperium quibusvis etiam ma-
lis artibus, cum bonæ non sufficiunt, rectè
legitimeque conseruari : quod vt bonis
quoque Principibus ac Rebus publicis per-
suaderet, omnino necesse fuit, vt rectæ ra-
tionis ac gubernationis principia, tam
quæ finem, quàm quæ media spectant, con-
uelleret; vtque hoc veluti frænum, quo
rectè imperantes ne imperij causâ delin-
quant, continentur, de animis manibusq;
eorum extorqueret. Id ne per calumniam
dixisse videar, quia locus & res postulat,
quàm potero breuissimè planum faciam.

*Censuit im-
perium ma-
lis artibus
seruandum
esse.*

§. IV.

*Macchiauellum finem vltimum Politicos, in im-
perio, & bonis externis constituere; ideoq; vitia
necessaria putare; nec virtutu præcepta se-
ria, & stabilia illa dare
posse.*

DEmonstrauimus supra ex principijs
naturæ & fidei, finem vltimum veræ
Politicæ esse beatitudinem æternam, pro-
ximum verò & proprium humanam So-
cietatem secundum regulam virtutis rectè
constitutam, eiusque iustam gubernatio-
nem,

nem, quæ bona externa potentiam, gloriam opes, pro instrumentis habet. Machiauellus contra Finem vltimum esse, statuit Imperij conseruationem aliaq; bona externa, Hinc in principe cap. 18. iubet Principem *vitam tueri, & imperium conseruare, quibuscunque rationibus, modo honesti speciem præferant.* cap. 15. *Asserit necessarium esse Principi, ut perceptum habeat (si se saluum velit) quâ ratione possit esse non bonus.* Non autem intelligit salutem animæ, quam nec bonus amittit, nec non bonus acquirit, sed salutem, siue incolumitatem status aut Imperij; cui tuendo, cum virtutes non semper sufficere videantur, vitia in subsidium vocanda putat, adigente nimirum hominum improbitate, cui solis virtutibus resisti non satis posse autumat. Atque hinc mensuram necessitatis desumit, quam toties in ore habet, & à virtutis legibus absoluit.

Enumeratis enim varijs Principum virtutibus & vitijs loco citato, subdit: *rem fore summis laudibus celebrandam, si omnibus his princeps esset ornatus, quæ etiam dictis bona existimantur. Verum cum nec haberi, nec aduersante humane vite conditione seruari possint, necessarium esse,*

Principi ad salutem anima vitia necessaria non sunt.

Machiauellus non putat omnes virtutes posse seruari,

ubi

ut eâ prudentiâ, quâ eorum vitiorum infamiam fugiat, quibus illi imperium adimi posset, &c. & paulò post: *Nec multum sanè laboret, si in eorum vitiorum infamia incurrat, sine quibus dominatum non facile tueri posset.*

Cap. 19. ait, *Principi ea fugienda, quæ alia ipsius infensum & neglectum eum reddere possunt. Quoties autem hoc declinauerit, suas principes partes planè absoluerit. Neque à cæteris infamia notis ullam, quod sibi imminet, periculum offendet; quia scilicet amore & reuerentiâ imperia conseruantur, odio & contemptu amittuntur. Paulò post aduertit, honesta equè, ac turpis vitæ factis odium conciliari. Quocirca ait, princeps imperium qui saluum velit, cogitur nonnunquam esse non bonus.*

Cap. 25. ait, *homines in ijs rebus, quibus ad finem deducantur, (quem finem ob oculos propositum habent, nempe gloriam & opes) non unâ ratione deliberare.*

Denique l. 3. discurs. de Rep. cap. 41. docet, cuiusvis civis, qui Reipublica bene consultum cupit, officium esse, nempe ut spectet ad conseruandam Patriæ libertatem. De quâ cum agitur, nihil esse debere, quod animos nostros in aliam sententiam pertrahere

here queat. Neque ab hoc scopo auertere quengnam debere, iusti iniusti, crudelitatis aut misericordie, non denique laudis aut ignominie notam.

Finem Ultimum in bonis externis constituit.

Ex quibus manifestum est Macchiauellum finem vltimum, adeoq̃ue summū Politices bonum, in Imperio alijsq̃ue fortunæ bonis constituere: & p̃uerso ordine, ipsam etiam virtutem, aut potius eius simulationem inter instrumenta referre. Est enim vltimus finis siue Summū bonum, vt ex Aristotele, 1. Ethic. cap. 7. colligitur: *Cuius causâ reliqua aguntur; & quod semper propter se, nunquam propter aliud expetitur.*

Cum autem Macchiauellus Imperij causa, si eius incolumitas postulet, jubeat Principem non bonum esse, & à virtute discedere, & nolit à tuendâ Patriæ libertate vllâ re seu iustâ seu iniustâ, animos abstrahi; necessariò sentit Imperij tuendi causâ omnia agi & suscipi, adeoque virtutem ad Imperium non Imperium ad virtutem referri debere. Neque sublata virtute, quam propter rationem status violandam putat, habet præstantiorem finem, quem Politicis proponat, quàm Imperium honorem & gloriam, quæ inter

Virtutem ad Imperium, nō imperium ad virtutem refert.

bona

bona externa sunt potissima. Quare cum Macchiauello Magistro hæc ad bona interna, & veram virtutem, eiusque in cœlo præmium, veram beatitudinem referri nequeant: planum est in ijs finem vltimū, etsi falsum & fallacem, pestilenti errore ab eodem collocari.

Quæ doctrina inter disciplinas referri debet, quæ teste Cicerone l. 1. de officijs, *propositis malorum & bonorum finibus officium omne peruertunt. Nam qui summum bonum sic instituit, ut nihil habeat cum virtute conuictum, idque suis commodis, sine imperij potentiâ & incolumitate metitur; hic si ipse sibi consentiat, & non interdum natura bonitate vincatur: fit, ut neq; amicitiam colere possit, nec iustitiam nec liberalitatem, ac minimè omnium veram pietatem & religionem. Eiusmodi disciplina igitur, ut paulò post idem Cicero ait, si sibi consentanea esse velint, de officio boni hominis aut Politici nihil queunt dicere. Neque ulla officij præcepta firma, stabilia, coniuncta naturæ tradi possunt, nisi aut ab ijs, qui solam, aut ab ijs qui maximè honestatem propter se dicant expetendam. & omnia secundum eius regulas agenda & metienda censent. Nam qui Imperium aut princi-*

Eius doctrina officium omne peruertit.

De Virtute nihil firmū & stabile docere potest.

patum, pro supremo fine proponit, et si virtutem laudet subinde aut suadeat, omnem illius statum rursus evertit: cum ab eâ urgente necessitate conseruandi imperij, ad vitia & quæuis facinora transiri debere existimat; eoque grauius & facilius fallit incautos, quod necessitatem sceleribus prætexit.

§. V.

Mediorum quoque rationem, vniuersim à Macchiauello corrumpi, quia malefacta seu scelera, bono fine & euentu, semper excusari docet.

NEque solum Falsum Politicæ finem præfixit Macchiauellus, sed vniuersim quoque mediorum rationem corrumpit; quia Ratione status aut Imperij exigente, vitia quoque ac scelera pro medijs præscripsit. Vnde non tantum hinc miseri sunt Pseudopolitici, quia Magister eorum peccandi licentiam eis concedit, verum & inde quia necessitatem imponit; quasi vlla queat esse necessitas Deum offendendi, & terræ causâ cælum amittendi: quod qui cuiusuis imperij aut boni caduci iacturâ redimere non decernit, is salutem suam æstimare nescit.

Sed quia vidit, difficile obliterari posse prin-

se principia naturæ & gratiæ, humanis Christianisque mentibus insita, quæ jubent vniuersim *declinare à malo, & facere bonum*, asserere ausus est malum boni causâ admissum, seu malum medium ad bonum finem, qualem esse statuit Imperij conseruationem, destinatum, bonum esse ac æstimari debere. Adnumero verba Macchiauelli, ne verba dare videar, ex lib. 1. discurs. c. 9. vbi parricidium Romuli in fratrem commissum excusat.

*Principium
natura &
gratia, De-
clina à ma-
lo, & fac
bonum.*

Quicumq; igitur prudens est inquit, idemq;³ ita Rempublicam instituere cupit, ut publica utilitati potius, quàm sibi prosit. & patriæ toti potius, quàm suis posteris: in id incumbere debet, ut solus potentiam habeat, nouas illas leges & ferendi, & rogandi. Neque quisquam prudens, quenquam facile accusare debet, qui ut solus Rempublicam aliquam instituere possit, insolens aliquod factum patrauerit. Aut si maxime factum ipsum damnet, ex ipso tamen scopo & fine, qui inde consequitur, idem ipsum excuset. Nam bonus euentus, ut qui ex cade Romuli secutus est, factum semper excusat. Neq;³ is qui benefaciendi, sed is, qui malefaciendi causâ vim infert, reprehensione, dignus est. Quibus consonant illa Tragici poetæ

*Bonus finis
Macchia-
uello Magi-
stro factum
semper ex-
cuset.*

VOCES.

voces, in Hippolyto: *Honestâ quadam scelerâ, successus facit, & in Hercule furente: Prosperum ac felix scelus, virtus vocatur.* Sed hæc in scenâ, non in verâ Politicâ, veniam & locum habere possunt.

§. VI.

Hunc errorem repugnare SS. Scripturis, inter hæreses Priscillianistarum, refertur & refellit S. Augustino; à Macchiavello non solis peruriis & mendaciis, quæ religionis causâ concedebantur Priscillianistæ, sed omnibus vitis, & quibus sceleribus licentiam dari.

*Non sunt
facienda
mala, &c
Sensant bona.*

Hic peruerissimo principio, in quo præcipuus Pseudopolitiæ cardo vertitur, oppono S. Paulum, detestantem eos qui dicunt: *Faciamus mala, ut veniant bona*, Rom. 3. v. huiusque erroris opinionem à se longè amolientem. Quem eundem errorem iniustæ veritatis telo, & robustissimâ eloquentiâ dudum quoq; iugulavit S. August. l. contra Mendacium. cap. 7. his verbis.

Interest quidem plurimum ait, quâ causâ, quo fine, quâ intentione quid fiat. Sed ea, quæ constat esse peccata, nullo bonæ causæ obtentu, nullo quasi bono fine, nullâ velut bonâ

intentione faciendâ sunt. Ea quippe opera peccata non hominum, sicuti causæ habuerint bonas, seu

sem malas, nunc sunt bona, nunc mala, quae sunt, bonum non sunt per se ipsa peccata. Sicut victum aut malum prebere pauperibus bonum opus est, si sit finis, bona causa misericordiae, cum recta fide. Sicut aut mala concubitus coniugalis, quando fit causa generandi, si ea fide, fiat, ut gignantur regenerandi. Hec atq; huiusmodi secundum suas causas opera sunt bona, vel mala, quia eadem ipsa, si habeant malas causas in peccata vertuntur. Velut si iactantiae causa pauper pascitur, aut lasciviae causa cum uxore concumbitur; aut filij generantur, non ut Deo, sed Diabolo nutriantur.

Cum vero iam opera ipsa peccata sunt, Quae peccata sunt, bono sine excusari non possunt. sicut furtum, stupra, blasphemiae, vel cetera talia; quis est, qui dicat causis bonis esse facienda, ut vel peccata non sint, vel quod est absurdius iusta peccata sint? Quis est qui dicat, ut habeamus, quod demus pauperibus, faciamus furtum diuitibus, aut testimonia falsa vendamus? &c. Et paulò post:

Si quidem non solum ipsum furtum, verum etiam falsum testimonium & adulterium, & omne opus malum non erit malum, sed bonum, si ea causa perpetretur, ut sit, unde fiat bonum. Quis ista dicat, nisi qui res humanas, omnesq; conatur mores legesq; subvertere?

S

Quod

*Ne omnia
scelera fiat
licita.*

Quod enim sceleratissimum facinus, quod turpissimum flagitium, quod impissimum, sacrilegium, non dicatur fieri posse rectè atq; iuste, nec impune tantum verum etiam gloriose, ut in eo perpetrando non solum supplicia nulla timeantur, sed sperentur. Et premia: si semel concesserimus in omnibus malis operibus hominum, ideo non quid fiat, sed quare fiat esse querendum, ut quaecunque propter bonas causas facta inueniuntur, nec ipsa mala esse indicentur.

Hæc S. Augustinus eo libro, quem uti ipse asserit l. i. Retractationum cap. 60. scripsit eâ causâ, quod ad Priscillianistas hereticos inuestigandos, qui heresim suam non solum negando atque mentiendo, verum etiam peierando existimant occultendam: visum est quibusdam Catholicis Priscillianistas se debere simulare, & mendaciis eos de suis latebris eruere. Vnde apparet Macchiauellum erroris sui non alios auctores laudare posse, quam Priscillianistas hereticos, & ex Zelo non secundum scientiam errantes Catholicos, à S. Augustino refutatos.

Macchiauellus Priscillianistas erroris sui auctores habet.

Eos superat. Sed utroque improbi erroris peruerfitate superauit Pseudopoliticorum suppet. Nam quam illi veniam solum mendacij

dacijs & periurijs, boni religiosique finis prætextu dederunt, (etsi rectè S. Augustinus, omnibus sceleribus hinc viam aperiri cunctat,) eandem licentiam Macchiauius aperte, & sine rubore omnibus vitijs ac flagitijs concedit: cum generatim facta damnabilia, ex bono scopo & euentu excusare iubet, & semper excusari contendit.

§. VII.

Etiam Aristotelem, rectæ rationis & naturæ interpretem aduersari.

ADuersus quas improbas voces, post Fidei & gratiæ Magistros, lubet etiam audire, rectæ rationis & naturæ interpretem Aristotelem. Is lib. 2. Ethic. c. 7. ait, quædam in ipso statim nomine malitiam involuere, ut gaudium de malo, impudentiam, inuidiam, & in actionibus adulterium, furtum, homicidium. Hac enim omnia & similia dicuntur per se mala, non propter excessum aut defectum. Nunquam igitur in his rectè fit, sed semper peccatur. Neque circa talia bene aut non bene agere contingit ex eo, quod oportet, vel quando, vel quomodo oportet adulterare. Sed simpliciter quocumque horum facere, peccare est; quocum-

In iis, quæ sunt per se mala, semper peccatur.

que fine, & quibuscunque circumstantijs id fiat.

Quod de fine clarius affirmat lib. 6. *En-
thic.* cap. 9. *Videtur autem* ait, *bonum ali-*
quod, bene consultare; ea enim rectitudo
consilij est bona consultatio, qua boni compa-
tes facit. Sed contingit illud etiam falso
syllogismo assequi: & assequi quidem, quod
oportet, non autem per quod oportet, sed me-
dium terminum fallacem esse. Quare ne-
quaquam ea est bona consultatio, quâ obri-
netur quidem quod oportet, at non per quod
oportet. Repugnat ergo Aristoteli Mac-
chiauellus, dum illud quod oportet, seu
bonum finem putat rectè obtineri per id
per quod non oportet, siue malum me-
dium.

*Recta ratio
Macchia-
uello aduer-
satur.*

Quod ipsa recta ratio auersatur, nam
ut præclare docet idem Aristoteles lib. 7. in
Polit. c. 13. Duo sunt, in quibus bonum
omnium situm est. Vnum quidem, ut scopus
& finis actionum rectè habeat, alterum, ut
qua ad finem ferunt actiones, inueniantur.
Contingit enim hac consonare inter se, & dis-
sonare. Aliquando enim scopus quidem
bene habet; at in agendo à consecutione
aberrant, aliquando vero omnia quidem
qua ad finem ducunt, consequuntur, sed finem

nem

nem malum ponunt: aliquando autem in utroq; peccant, vt Macchiauellus. Qui non solum falsa media, sed & falsum finē assignauit, dominatum nempe & bona externa: quæ nisi in obsequium virtutis redigantur, bona esse non possunt. Bonum enim minus quod maiori bono præponitur, aut ad illud non refertur: vel nocet, vel parum prodest; imò malum fit, quia contra ordinem rectæ rationis diligitur.

Non solum ergo vitijs ac sceleribus Macchiauellus latissimam portam aperit, ea inter media & instrumenta Politices recipiendo: sed si qua bona ac vtilia tradit, ea ad finem falsum ac malum referendo, vana & inutilia efficit. Etsi enim incolumitas Imperij, bonum quoddam est, si secundum leges diuinas & rectæ rationis regulam quæritur aut retinetur: at est is finis malus, si præcipuus est, ideoque ipsa etiam bona ad se relata corrumpit.

Quo pacto opera bona ad inanem gloriâ accipendam, à Pharisæis alijsque Hypocritis edi solita Christus sæpe damnat, vt Matth. 6. & 23. Accedit bona Pseudopoliticorum non solum ex fine vano maloque, sed inde etiam deprauari, quod in omnium scelerum instrumenta, ea con-

*Dominatus
est finis ma-
lus, si præci-
pius.*

uertant, quibus ad finem illum nituntur.

§. VIII.

Macchiauellum eiusque patronos, ob fontes Politicæ corruptos, nulla ratione excusari posse, eius scripta sine timore Dei, & plusquam mediocriter peritiâ, innoxie non legi.

HÆc qui considerat, non habet, vnde hunc autorem eiusque patronos excuset, quia prima Politicæ principia, finem & media: adeoque ipsos scientiæ huius fontes veneno infecit, vt nihil sincerum aut salubre inde manare possit. Aut enim secundum se malum est, quod docet: aut si boni speciem habet, ad finem malum ac vanum ab eo relatum, malum & vanum redditur. Vnde fieri nequit, vt qui Macchiauelli scripta sine timore Dei & plusquam vulgari peritiâ lectitant, non multum improbitatis, ac plurimum vanitatis inde hauriant; discunt enim veræ virtutis, Christianæque pietatis principia aut contemnere, aut in dubium vocare, & quod consequens est, humana diuinæque peruertere.

Quæ dum cogito, cum S. Augustino lib. contra mendacium sub finem, cap. exclamare libet: *O ubi es, fontes lacrymarum?*

Macchiauellus aut mala docet, aut bona malo sine corrumpit.

rum? Et quid faciemus? quō ibimus? ubi nos occultabimus ab irā veritatis, & diuinæ iustitiæ, si non solum negligimus cauere mendacia, aliaque vitia, sed audemus insuper docere & discere periuria, ac quæuis scelera: specioso falsoq; boni finis prætextu, quem ad excusandas excusationes in peccatis, cum incredibili Christiani orbis damno, Pseudopolitici excogitarunt.

CAP. VI.

Scelerate rationes imperium comparandi & conseruandi, quas Macchiauellus speciatim tradidit.

VERUM post tam venenatam scaturiginem, riuulos quoque pestilentes, quos inde deriuauit Macchiauellus, intento, velut digito demonstremus: siue, quæ vitia ac mala facinora singillatim doceat, indicemus. Etsi id opus non esse videatur, quia nullam vitij aut sceleris speciem excludere potest, qui generatim prætextu conseruandi Imperij, fanda nefanda Pseudopoliticis concessit.

§. I.

EX PRINCIPIS

I. *Non posse meliora nouo Principi praecepta dari, quam Principis Valentini exempla, quae sceleribus scatent.*

CAP. VII. Ait se non videre, *quae meliora nouo principi praecepta tradi possent, quam actionum Valentini Principis exempla.* Paulo autem post asserit, eum totum ad fallacias fraudesque struendas se conuertisse. *Ursinos simulatâ amicitia deceptos Senogalliae occidisse; Nobilium quos dissipasset totam stirpem excidisse, &c.* Neque videre se, quâ in re eum reprehendat, omnibus potius imitandum proponi, qui ad imperia fortuna duce, & alienis armis sunt prouecti.

Illud dumtaxat ei crimini dat, quod *Iulij II. Pontificis electionem non impedierit, cum nullo iure id facere licuerit.* Quod tamen si Valentinus fecisset, tantumquam medium ad rationem status periculum Macchiauellus laudasset.

II. *Cruelstatem recte adhiberi, si semetipsum non effundatur.*

CAP. VIII. Eorum, qui scelere ad principatum sunt prouecti, duo propter

nit exempla, vnum vetus Agathodis Siculi, alterum recens. Oliuerotti Firmani. *Imitari enim cupientibus, si rei necessitas ad id adegerit, ea satis esse* iudicat, imò imitando indicat. Necessitas enim conferuandi vel stabilicndi imperij, ex ipsius doctrina quauis scelera licita facit. Nihil vero causæ est, cur hos potius, quam Valentinum sceleratos dicat; cum etiam, hic ipso Macchiauello teste, fallacijs, fraudibus, cadibus & crudelitate ad principatum prouectus sit.

Ibidem censet *eam crudelitatem recte adhibitam dici posse (si quod malum est, de eo quid boni pronuntiari daretur) cum quis necessitate adactus, semel tantum crudelitatem exercet, siue omnem vim sauiendi simul effundit; eam autem perperam adhiberi, quæ initio etsi rara est, multiplicatur tamen progressu temporis citius, quam extinguatur.* Vbi mouere non debet fallax parenthesis, quæ malam crudelitatem dicere videtur; de malo enim, quod bono fine fit, nimirum ob rationem status, ex Macchianelli sententiâ pronuntiari potest, bonum esse. Quare nullum vitium sincerè & constanter ab eo reprehenditur; quia si ad Rationem status pertineat, bonum &

Fallax parenthesis,

laudabile putat; ideoque quos vnâ manu à sceleribus abigere videtur, eisdem alterâ aduocat.

III. *Eum qui negligit, quod fit, secuturus, quod esset faciendum, ruinam sibi accersere.*

*Necessitas
Pseudopolitica.*

CAP. xv. Docet eum, qui negligit, quod fit, secuturus, quod esset faciendum, sibi ruinam potius accersere; ideoque necessarium esse Principi, ut perceptum habeat, si se saluum velit, quâ ratione possit esse non bonus; neque multum laborare debere, si in eorum vitiorum infamiam incurrat, sine quibus dominatum non facile tueri posset. Quæ supra exposita & deplorata à nobis sunt, & clauem totius Pseudopolitiae continent.

IV. *Auauitiam & rapacitatem, Principi parui faciendam.*

CAP. xvi. Censet Principi, *Auauitia* crimen parui ducendum. Nam vitiorum id esse vnum, quo minime impeditur dominandi ratio Ibid. dicit Principem, vel de suis, vel de aliorum bonis sumptus facere. Si primum, parcum esse debere; si secundum, necesse esse, ut nullam partem liberalitatis prætermittat. Iubet ergo Principem aliena

na rapere & profundere, quod furis est & prædonis; hi enim de alieno, non suo solent esse liberales.

V. *Sauitia quoque nomen parui ducendum.*

CAP. XVII. *Sauitia quoque nomen parui ducere iubet Principem, quo concordos suos in fide retineat, exemplo Valentini, cuius immanitas totam Flaminiam integrum restituit, eamq; in unum collegit, atque ad pacem & fidem redegit.*

VI. *Cum ius non sufficit, ad vim & fraudem belluam, siue Leonis & Vulpecula ingenium Principi confugiendum.*

CON. AP. XVIII. Disputat, quo pacto fides à principe sit seruanda. Summa est: fidem Principis debere esse vulpinam. Verum ait, cum sint duo genera decertandi, unum iure legum, alterum per vim. Cumq; illud proprium sit hominis, hoc belluarum, confugiendum ad posterius, si non satis est uti superiore. Proinde necessarium est, ut Princeps rectum utriusque, & belluæ & hominis usum teneat, &c. Cum itaq; Principem magni referat belluinum ingenium scire imitare, etiam vulpis, tum leonis mores assumendi erunt. Nam leo sibi a laqueis non timet, lupos vero vulpecula reformidat.

Vulpis & Leonis mores, pseudopoliticorum virtutes.

Quò

Quò itaque laquei sentiantur, vulpeculam agere oportet; lupi verò quo deterreantur, leoninum ingenium est subeundum.

*Vis iusta
hominem
uenit.*

Falsum est vim propriam esse belluarum, etiam homini conuenit, neque legibus aduersatur, vis iusta, vt supra dictum est. Principes enim & magistratus gladium portant, ad vindictam malorum & defensionem sui, omnia iura & omnes leges permittunt, vtraque autem plerumque vim desiderat, sed à rectâ ratione profectam. Hæc quia Macchiauello ad falsam Rationem status sufficere non videtur, vim & fraudem belluinam rectâ rationi aduersam, in superbias vocat.

*Macchia-
uellus frau-
dam Magi-
str.*

Non est iniquum laqueos cauere & sentire, nec lupos reformidare & detertere. Sed crudelitas, & vis iniusta, fraudulentia & perfidia, quas sub leonis & vulpis ingenio instillat Macchiauellus, deestanda sunt. De leone mox patebit, de vulpe vulpem hic audi. Princeps propterea ait, qui sapientiâ sic pradius, debet ea promissa vitare, quæ suis commodis contraria fore videt. Atqui homines si probi fuissent omnes, præceptum hoc plane fuisset inutile. Verum cum improbi sint, diligenter eorum improbitas, perfidiaq; erit eludenda.

lam

Tam verò nunquam hominibus defutura sunt causæ, quibus in violatam fidem colorem inducant. In hanc rem ferè infinita pos- sent recentia proferri exempla, atque ostendere, quot pacis fœdera, quot promissa & conuenta, fuerint perfidiâ irrita & vana.

Qui verò sagacior fuerit, ut vulpinum ingenium melius exprimeret, ei felicius omnia ceciderunt. Hoc ergo vulpinum ingenium est, promissa & conuenta, perfidiâ irrita & vana, efficere colore aliquo induc- to, quo homines falli possunt, non Deus.

Verum hanc naturam, inquit, plurimum Vulpes na- refert, ut quis rectè norit colore vestire, cum rura, quo simulando, tum dissimulando. Homines colore vesti- enim adeò simplices sunt, adeò presentibus endis. necessitatibus obsequentes, ut qui fallax & simulationis artificio eruditus sit, statim sit habiturus, qui se illi decipiendum tradat. Quamagis tales homines cauendi erunt; eo- rumque artificium arte frustrandum, &c. Proinde non est, quod Princeps eas omnes su- perius descriptas virtutes ostentes, sunt enim aduersus tales dissimulanda sæpenumero, cal- lidèq; regenda. Quocirca ad omnem ven- torum & fortune conuersionem versatile in- genium Princeps habeat, est necesse. Et ut iam dictum est, ab eo, quod bonum est, ne disc-

*discedat: at si necessitas urgeat, edocui sit
& malum auertere.*

*Macchia-
uellus vul-
pinatur.*

*Exempla
ostendunt,
quid velit.*

Non cohærent hæc cum prioribus, si enim homines adeò simplices sunt, & tam facilè decipi possunt, ergo non opus est improbitatem & perfidiam illorum, tantâ industriâ eludi. Sed callidè Macchiauellus vulpinatur, quasi hominum dumtaxat fallacium artificia arte frustrari, & virtutes aduersus eos dissimulare, non ipsas fraudes & dolos malos texere suadeat. Cum autem Vulpinam naturam, quam Principi commendat, fraudulentia & simulationis colore vestiri iubeat, manifestum est quid velit, si exempla præsertim fraude & iniquitate plena, Seueri, quem c. 19. & Romanorum, quos l. 2. discursuum c. 13. imitandos proponit, inspicias. Non dissimulantur virtutes; sed vel non habentur, vel amittuntur, cum fides violatur. Nec seriò præcipit, ne Princeps discedat à bono, qui iubet eum, si necessitas seruandi imperij urgeat, esse non bonum.

¶ (O) ¶

VII. Prin.

VII. *Principem à sententiâ suâ nunquam dimoueri debere, multitudini nihil negandum; sceleratum Senentum imitandum esse.*

CAP. XIX. Vult Principem ita sententiam suam, quam semel pronuntiauit, ratam ac firmam habere, ut ab eâ nunquam deduci aut dimoueri posse pro certo alij teneant. Quare Princeps etsi iniustam sententiam tulerit, aut aliquâ in re errauerit, Maechiauello suasore, in errore aut iniusticiâ perseuerabit.

Ibidem ait, *Multitudini nihil negandū esse, quo aqua ac tranquilla retineatur. Et paulo post: Quocirca Princeps ait, imperium qui saluum velit, cogitur nonnunquā esse non bonus. Quandoquidem, si ea multitudo, quæ sit populi, aut militum. aut optimatum, cuiusq; operâ ad imperium sustinendum se indigere cognoscat, fuerit deprauata, obsequi eius studiis, atque illi morem gerere necesse est. Quo quidem tempore, quæ facti forent honesta, Principi vehementer essent contraria.*

*Honestâ,
Principi a-
liquando
esse contra-
ria, Mac-
chiauellus
docet.*

Vnde sequitur Principem permisâ scelerum licentiâ, cum sceleratis sceleratum esse, & in illorum gratiam, quæ honesta sunt, tanquam sibi contraria, vitare debere,

molles reddendi sunt, & effeminati; vitiorum nimirum materia & licentiâ ipsis cōcelsa quod & per se iniquum est, & erga benemeritos multò iniquius.

IX. *Omnes intelligant Principem à sententiâ susceptâ, depelli non posse.*

CAP. XXIII. Repetit, quod supra suaserat, Principem, ità se comparare debere, ut omnes intelligant, se à suâ semel susceptâ sententiâ, nullâ vi depelli posse. Hoc autem præceptum, grauibus erroribus, iniurijs, periculis expositum, & rectæ rationi contrarium esse nemo non videt.

X. *Alia quadam lubrica admodum, & inhumana.*

Atque hæc apertè mala & iniqua Principi suo, velut ad Imperij conseruationem idonea, suadet Macchiauellus. Alia habet eodem libro, quæ in humana admodum & lubrica sunt. Ut cum c. III. docet, prouinciâ aliquâ nouâ subactâ, Principis, qui imperium tenuit, stirpem extinguere debere. Item; homines aut blanditis delinquendos esse, aut prorsus extinguendos. Præterea; Principem Impotentiorum vicinorum caput & defensorem se constituere debere, potentiores infirmare, tum cauere, ne

Lubrica & inhumana Macchiauelli præcepta.

T villo

*ullo rerum euentu, exteriorum quiffiam
 fe viribus non minus pollens. in eam irreat.
 Cap. v. Nullum confilium tutius afferrī po-
 fe, fēcure poffidendi dominatum, qui ante
 liber & fui iuris erat, quā ſi omnino euerta-
 tur. Cap. vii. Exemplo Valentini eos, qui
 alijs adherent, ad ſe pertractos, vberioribus
 ſtipendijs ac rerum gerendarum munijs, pro
 cuiusq; conditione excipiendos eſſe. Cap. xv.
 Exercitus pradā, direptionibus, tributis eſſe
 alendos.*

*Quæ aliaq; ſimilia, aduerſus legitimos
 hoſtes aut rebelles ſubditos licita eſſe poſ-
 ſunt; erga amicos autem, & qui Princi-
 pem non læſerunt, ſine ſcelere, aut aliquā
 iniuriā nunquam uſurpantur. Quin etiam
 cum jus ſub eſt, inhumanitatis aliquid
 præſeferunt, aut facilè in exceſſum & abu-
 ſum declinant, vbi præſertim nulla virtus,
 ſed ſolius imperij cura eſt.*

§. II.

EX LIBRO I. DISCVRSVVM DE RE-
PVBICA.

I. *Romuli fratricidium, & cædem Tatij excu-
 ſari poſſe; Velut boni publici cauſæ
 ſâ patrata.*

CAP. IX. Aſſerit Romulum, quod fra-
 trem interemerit, & in Tatij cædem
 con-

consenserit, excusari posse, eò quod id non ambitione, sed boni publici causâ fecisse videatur. Pro certo enim statuit Macchiauellus, nullam Rempublicam ac nullum etiam regnum siue à primis initijs rectè institui, siue iam antè malè formatum & institutum, nouis planè legibus rectè emendari posse, nisi huius rei potentia ab uno solo dependeat. Quodcum spectarit Romulus, excusari illum, non damnari planè debere. Nam bonus scopus & finis factum semper excusat. Quod Pseudopolitiæ, omniumque scelerum fundamentum esse, iam supra ostendimus.

II. Quæ religioni fidem conciliant, fouenda etsi non adeò constet omnibus certa & verâq; esse; ita Ethnicos quoque falsa miracula approbasse.

CAP. XII. Monet eos qui imperant, ut eius Religionis, quam ipsi colunt & venerantur, fundamenta sarta rectaque conseruent, quâ quidem re ciues suos pios, deuotosque efficiant, & aptos ad concordiam colendam. Quæcunque ergo in Republicâ eò spectant, ut ad fidem fundamentis Religionis eius, conciliandam facere videantur, ea omnia sapientes Reipublica gubernatores fouere debent, etsi non usque adeò constiterit

Religionem
Macchia.

uellus com-
mendat non
sine impie-
tate.

omnibus, quod certa veraque fuerint. Quod quidem tantò magis etiam curare debent, quanto magis sapientes & verum naturalis periti fuerint, cum id à sapientibus viris observatum esse noverimus. Ita quidem, ut in falsâ quoque religione miracula approbarent falsa, si modo còspecta ent, ut hominibus Religio quadam ac pietas imprimetur.

Censet ergo Macchiauellus sapientis gubernatoris esse, etiam in verâ religione, fundamenta non vsque ad eo certa veraque fouere, exemplo sapientum qui in falsâ religione falsa quoque miracula approbârunt: non religionis vtique, sed status seu imperij causâ. Nam religio vera, veris fundamentis nititur, falsis violatur. Repugnat verò hoc illi, quod initio capitis rectè dixerat: *Quicumque Principes atque Respublica, semetipsas conseruare cupiunt, in id vnum præceteris incumbere debere, ut verum religionis cultum rectè instituunt, & venerentur.* Non est verus religionis cultus, dubia aut falsa pro certis ac veris amplecti & approbare; ergo qui id faciunt, non verum Religionis cultum, vti initio suaserat Macchiauellus, sed falsum instituunt & venerantur.

sibi repugnat.

III. *Ducem militarem, qui ingratitude mecum, nec se Principi suo submittere vult, Victoriam sibi reservare debere.*

CAP. xxx. Duci militari, qui re præclarè gestâ euitare vult sui Principis ingratitude, duorum alterum faciendum docet. Nam postquam victoriam obtinuit, aut statim exercitum tradito alteri, ipse se in sui Principis clientelam supplex committat oportet, sibiq; ab omni superbiâ atque ambitione temperet. Quâ solâ ratione Principis animum demulcere poterit, ne de illo quicquam suspicari queat, sed causam manifestam habeat illum premio afficiendi, non autem ledendi.

*Suadet
Macchia-
nellus hic
quod equum
est.*

Aut si facere non velit, sciat tamen ingratum Prin ipem se habiturum, unicum habet præsidium se aduersus ingratitude tuendi. Si victoriam partam sibi reseruet forti animo, nec eam ad Principem pertinere ostendat; militum & præcipuorum exercitus ducum animos vel sibi conciliet, vel si quos nequit benignè conciliare, eos munien- di sui causâ è medio tollat; cum vicinis populis amicitiam contrahat; loca munitiora subinde occu- et, præsidysq; confirmet. Hâc eni- m ratione, ingrato Domino vicem repen- dere poterit. Hæc sola sunt rationes, quibus

*Subiungit,
consilium
sceleratum.*

bene meritum cuius cauere potest, ne ab ingrato Domino opprimatur.

*Excusatio
refellitur.*

Ex his prior quidem ratio legitima est, & diuinis humanisque legibus consentanea, posterior iniqua & impietate sceleribusque plena; quam is non amplectitur, qui à superbiâ & ambitione sibi temperat ipso Macchiauello fatente, & tamen tam improbum consilium suggerente. Neque enim dicas excusari illum posse, quod hanc sibi cauendi rationem hominibus malis tribuat, & malitiam vocet, cum subiungit: *Sed quia ita comparatum est, ut homines nesciant esse vel planè boni, vel excellenter mali; itaque neque post victoriam partam, exercitum statim reddere nouerunt, nec modeste atque humiliter se gerere; nec excellenti, ac magnificâ quâdam malitiâ uti sciunt; itaque dubij inter duo extrema haerentes, opprimuntur.* Similia habet lib. 1. cap. 27. Nam etsi huiusmodi facinus secundum se malum, quique id facit, malus sit: quia tamen ad imperium parandum, aut nouam legitimamq; eius formam constituendam refertur, secundum Macchiauelum ex bono fine excusari à malitiâ, & facinus & faciens debent.

Nihil siquidem causæ est, cur eiusmodi

Dux

Dux militaris damnetur, & excusentur. Valentinus, Seuerus, Romulus, Cyrus, qui paribus aut maioribus sceleribus imperium sibi comparare vel stabilire ausi sunt. Vbi obseruandum est eiusmodi scelerata artificia, non minus noxiè à Macchiauello doceri, cum ea accusat, quàm cum excusat: quia semper seruat illis boni finis ianuam apertam, cuius prætextu, & commodi proprii illecebris, eiusmodi præcepta in animos hominum facile penetrant. Talia etiam sunt quæ subiungo.

*Boni finis
ianuam
Macchia-
uellus aper-
tam semper
seruat.*

IV. *Eum, qui à populo ad alios puniendos eue-
hitur, si industrius gnauusq; sit, imperium
facile occupare.*

CAP. XL. Quotiescunque autem, ait,
in urbe populus eò adducitur. ut extol-
latenebatq; eum, per quem aduersarios suos
puniri posse sperat: tunc si hic industrius
gnauusq; est, imperium urbis occupare po-
test. Nam populi auxilio optimates oppri-
met, & sublatis optimatibus, populum quoq;
sub iugum seruitutis redigere poterit, cum
non habeat iam, ad quem deficere queat;
aut cuius auxilium implorare possit. Ante-
quam autem optimates extinxerit, nun-
quam se ad opprimendum populum conuer-

endi.

laudabile putat; ideoque quos vnâ manu à sceleribus abigere videtur, eisdem alterâ aduocat.

III. *Eum qui negligit, quod fit, secuturus, quod esset faciendum, ruinam sibi accersere.*

*Necessitas
Pseudopolitica.*

CAP. xv. Docet eum, qui negligit, quod fit, secuturus, quod esset faciendum, sibi ruinam potius accersere; ideoque necessarium esse Principi, ut perceptum habeat, si se saluum velit, quâ ratione possit esse non bonus; neque multum laborare debere, si in eorum vitiorum infamiam incurrat, sine quibus dominatum non facile tueri posset. Quæ supra exposita & deplorata à nobis sunt, & clauem totius Pseudopolitiae continent.

IV. *Auaritiam & rapacitatem, Principi parui faciendam.*

CAP. xvi. Censet Principi, *Auaritia* crimen parui ducendum. Nam vitiorum id esse vnum, quo minime impeditur dominandi ratio Ibid. dicit Principem, vel de suis, vel de aliorum bonis sumptus facere. Si primum, parcum esse debere; si secundum, necesse esse, ut nullam partem liberalitatis pretermittat. Iubet ergo Principem alie-

na

na rapere & profundere, quod furis est & prædonis; hi enim de alieno, non suo solent esse liberales.

V. *Sauitia quoque nomen parui ducendum.*

CAP. XVII. *Sauitia quoque nomen parui ducere iubet Principem, quo concordos suos in fide retineat, exemplo Valentini, cuius immanitas totam Flaminiam integrum restituit, eamq; in unum collegit, atque ad pacem & fidem redegit.*

VI. *Cum ius non sufficit, ad vim & fraudem belluinam, siue Leonis & Vulpecula ingenium Principi confugiendum.*

CAP. XVIII. Disputat, quo pacto fides à principe sit seruanda. Summa est: fidem Principis debere esse vulpinam. Verum ait, cum sint duo genera decertandi, unum iure legum, alterum per vim. Cumq; illud proprium sit hominis, hoc belluarum, confugiendum ad posterius, si non satis est uti superiore. Proinde necessarium est, ut Princeps rectum utriusque, & belluæ & hominis usum teneat, &c. Cum itaq; Principem magni referat belluinam ingenium scire imitare, eitam vulpi, tum leonis mores assumendi erunt. Nam leo sibi à laqueis non cauet, lupos vero vulpecula reformidat.

Vulpis & Leonis mores, pseudo-politicorum virtutes.

Quò

Quò itaque laquei sentiantur, vulpeculam agere oportet; lupi verò quo deterreantur, leoninum ingenium est subeundum.

*Vis iusta
hominem
uenit.*

Falsum est vim propriam esse belluarum, etiam homini conuenit, neque legibus aduersatur, vis iusta, vt supra dictum est. Principes enim & magistratus gladium portant, ad vindictam malorum & defensionem sui, omnia iura & omnes leges permittunt; vtraque autem plerumque vim desiderat, sed à rectâ ratione profectam. Hæc quia Macchiauello ad falsam Rationem status sufficere non videtur, vim & fraudem belluinam rectæ rationi aduersam, in suppetias vocat.

Non est iniquum laqueos cauere & sentire, nec lupos reformidare & deterreere. Sed crudelitas, & vis iniusta, fraudulentia & perfidia, quas sub leonis & vulpis ingenio instillat Macchiauellus, derestanda sunt. De leone mox patebit; de vulpe vulpem hic audi. Princeps propterea ait, qui sapientiâ sic pradius, debet ea promissa vitare, quæ suis commodis contraria fore videtur. Atqui homines si probi fuissent omnes, præceptum hoc planè fuisset inutile. Verum cum improbi sint, diligenter eorum improbitas, perfidiaq; erit eludenda.

*Macchia-
uelli fraus
dum Magi-
ster.*

lam

Iam verò nunquam hominibus defutura sunt caussæ, quibus in violatam fidem colorem inducant. In hanc rem ferè infinita possent recentia proferri exempla, atque ostendere, quot pacis fœdera, quot promissa & conuenta, fuerint perfidiâ irrita & vana.

Qui verò sagacior fuerit, ut vulpinum ingenium melius exprimeret, ei felicia omnia ceciderunt. Hoc ergo vulpinum ingenium est, promissa & conuenta, perfidiâ irrita & vana, efficere colore aliquo inducto, quo homines falli possunt, non Deus.

Verum hanc naturam, inquit, plurimum *Vulpina* refert, ut quis rectè norit colore vestire, cum *tura*, quo simulando, tum dissimulando. Homines colore vesti-
enim adeò simplices sunt, adeò presentibus *enda.* necessitatibus obsequentes, ut qui fallax & simulationis artificio eruditus sit, statim sit habiturus, qui se illi decipiendum tradat. Quo magis tales homines cauendi erunt; eo-
rumque artificium arte frustrandum, & c.
Proinde non est, quod Princeps eas omnes su-
perius descriptas virtutes ostendet, sunt enim aduersus tales dissimulanda sæpenumero, cal-
lidèq; regenda. Quocirca ad omnem ven-
torum & fortune conuersionem versatile in-
genium Princeps habeat, est necesse. Et ut
iam dictum est, ab eo, quod bonum est, ne
mal
disce-

*discedat: at si necessitas urgeat, edoctus sit
& malum auertere.*

*Macchia-
uellus vul-
pinatur.*

*Exempla
ostendunt,
quid velit.*

Non cohærent hæc cum prioribus, si enim homines adeò simplices sunt, & tam facile decipi possunt, ergo non opus est improbitatem & perfidiam illorum, tantâ industriâ eludi. Sed callide Macchiauellus vulpinatur, quasi hominum dumtaxat fallacium artificia arte frustrari, & virtutes aduersus eos dissimulare, non ipsas fraudes & dolos malos texere suadeat. Cum autem Vulpinam naturam, quam Principi commendat, fraudulentia & simulationis colore vestiri iubeat, manifestum est quid velit, si exempla præsertim fraude & iniquitate plena, Seueri, quem c. 19. & Romanorum, quos l. 2. discursuum c. 13. imitandos proponit, inspicias. Non dissimulantur virtutes; sed vel non habentur, vel amittuntur, cum fides violatur. Nec seriò præcipit, ne Princeps discedat à bono, qui iubet eum, si necessitas seruandi imperij urgeat, esse non bonum.

VII, Prin.

VII. *Principem à sententiâ suâ nunquam dimoueri debere, multitudinis nihil negandum; sceleratum Severum imitandum esse.*

CAP. XIX. Vult Principem ita sententiam suam, quam semel pronuntiauit, ratam ac firmam habere, ut ab eâ nunquam deduci aut dimoueri posse pro certo alij teneant. Quare Princeps etsi iniustam sententiam tulerit, aut aliquâ in re errauerit, Macchiauello suasore, in errore aut iniustitiâ perseuerabit.

Ibidem ait, *Multitudini nihil negandû esse, quo aqua ac iranquilla retineatur. Et paulo post: Quocirca Princeps ait, imperium qui saluum velit, cogitur nonnunquâ esse non bonus. Quandoquidem, si ea multitudo, quæ sit populi, aut milium. aut optumatum, cuiusq; operâ ad imperium sustinendum se indigere cognoscat, fuerit deprauata, obsequi eius studiis, atque illi morem gerere necesse est. Quo quidem tempore, quæ factu forent honesta, Principi vehementer essent contraria.*

*Honestâ,
Principia-
liquando
esse contra-
ria, Mac-
chiauellus
docet.*

Vnde sequitur Principem permisâ scelerum licentiâ, cum sceleratis sceleratum esse, & in illorum gratiam, quæ honesta sunt, tanquam sibi contraria, vitare debere,

molles reddendi sunt, & effeminati; vitiorum nimirum materiâ & licentiâ ipsis cōcessâ quod & per se iniquum est, & erga benemeritos multò iniquius.

IX. *Omnes intelligant Principem à sententiâ susceptâ, depelli non posse.*

CAP. XXIII. Repetit, quod supra suaserat, Principem, ità se comparare debere, ut omnes intelligant, se à suâ semel susceptâ sententiâ, nullâ vi depelli posse. Hoc autem præceptum, grauibus erroribus, iniurijs, periculis expositum, & rectæ rationi contrarium esse nemo non videt.

X. *Alia quadam lubrica admodum, & inhumana.*

Atque hæc apertè mala & iniqua Principi suo, velut ad Imperij conseruationem idonea, suadet Macchiauellus. Alia habet eodem libro, quæ in humana admodum & lubrica sunt. Ut cum c. III. docet, prouinciâ aliquâ nouâ subactâ, Principis, qui imperium tenuit, stirpem extinguere debere. Item; homines aut blanditis delinquendos esse, aut prorsus extinguendos. Præterea; Principem Impotentiorum vicinorum caput & defensorem se constituere debere, potentiores infirmare, tum cauere, ne

Lubrica & inhumana Macchiauelli præcepta.

T vlllo

*ullo rerum euentu, exteriorum quispian-
se viribus non minus pollens, in eam irreat.
Cap. v. Nullum consilium tutius afferri pos-
se, securè possidendi dominatum, qui ante
liber & sui iuris erat, quàm si omnino euerta-
tur. Cap. vii. Exemplo Valentini eos, qui
alijs adherent, ad se pertractos, vberioribus
stipendijs ac rerum gerendarum muniis, pro
cuiusq; conditione excipiendos esse. Cap. xv.
Exercitus pradâ, direptionibus, tributis esse
alendos.*

Quæ aliaq; similia, aduersus legitimos
hostes aut rebelles subditos licita esse pos-
sunt; erga amicos autem, & qui Princi-
pem non læserunt, sine scelere, aut aliquâ
iniuriâ nunquam vsurpantur. Quin etiam
cum jus subest, inhumanitatis aliquid
præferunt, aut facilè in excessum & abu-
sum declinant, vbi præsertim nulla virtus,
sed solius imperij cura est.

§. II.

EX LIBRO I. DISCVRSVVM DE RE-
PVBLICA.

- I. *Romuli fratricidium, & cadem Tatij excu-
sari posse; Velut boni publici caus-
sâ patrata.*

CAP. ix. Afferit Romulum, quod fra-
trem interemerit, & in Tatij cadem
con-

consenserit, excusari posse, eò quod id non ambitione, sed boni publici causà fecisse videatur. Pro certo enim statuit Macchiauellus, nullam Rempublicam ac nullum etiam regnum siue à primis initijs rectè institui, siue iam antè malè formatum & institutum, nouis planè legibus rectè emendari posse, nisi huius rei potentia ab uno solo dependeat. Quodcum spectarit Romulus, excusari illum, non damnari planè debere. Nam bonus scopus & finis factum semper excusat. Quod Pseudopolitiæ, omniumque scelerum fundamentum esse, iam supra ostendimus.

II. Quæ religioni fidem conciliant, fouenda etsi non ad eò constet omnibus certa & eaq; esse; ità Ethnicos quoque falsa miracula approbasse.

CAP. XII. Monet eos qui imperant, ut eius Religionis, quam ipsi colunt & venerantur, fundamenta sarta rectaque conseruent, quâ quidem re ciues suos pios, deuotosque efficiant, & aptos ad concordiam colendam. Quacunque ergo in Republicâ eò spectant, ut ad fidem fundamentis Religionis eius, conciliandam facere videantur, ea omnia sapientes Reipublica gubernatores fouere debent, etsi non usque ad eò constiterit

Religionem
Macchia.

uellus com-
mendat non
sine imple-
tione.

omnibus, quod certa veraque fuerint. Quod quidem tantò magis etiam curare debent, quanto magis sapientes & verum naturalium periti fuerint, cum id à sapientibus viris observatum esse noverimus. Ita quidem, ut in falsâ quoque religione miracula approbarent falsa, si modo eò spectarent, ut hominibus Religio quadam ac pietas imprimere-
tur.

*Sibi re-
pugnat.*

Censet ergo Macchiauellus sapientis gubernatoris esse, etiam in verâ religione, fundamenta non usque ad eo certa veraque fouere, exemplo sapientum qui in falsâ religione falsa quoque miracula approbârunt: non religionis utique, sed status seu imperij causâ. Nam religio vera, veris fundamentis nititur, falsis violatur. Repugnat verò hoc illi, quod initio capitis rectè dixerat: *Quicumque Principes atque Respublice, semetipsas conservare cupiunt, in id unum præ ceteris incumbere debere, ut verum religionis cultum rectè instituunt, & venerentur.* Non est verus religionis cultus, dubia aut falsa pro certis ac veris amplecti & approbare; ergo qui id faciunt, non verum Religionis cultum, uti initio suaserat Macchiauellus, sed falsum instituunt & venerantur.

III. De-

III. Ducem militarem, qui ingratitude meruit, nec se Principi suo submittere vult, Victoriam sibi reservare debere.

CAP. xxx. Duci militari, qui re præclare gestâ evitare vult sui Principis ingratitude, duorum alterum faciendum docet. Nam postquam victoriam obtinuit, aut statim exercitu tradito alteri, ipse se in sui Principis clientelam supplex committat oportet, sibiq^{ue} ab omni superbiâ atque ambitione temperet. Quâ solâ ratione Principis animum demulcere poterit, ne de illo quicquam suspicari queat, sed causam manifestam habeat illum premio afficiendi, non autem ledendi.

Suadet
Macchia-
uelli hic
quod equum
est.

Aut si facere non velit, sciat tamen ingratum Prin ipem se habiturum, unicum habet presidium se adversus ingratitude tuendi. Si victoriam partam sibi reseruet forti animo, nec eam ad Principem pertinere ostendat; militum & præcipuorum exercitus ducum animos vel sibi conciliet, vel si quos nequit benignè conciliare, eos munien- di sui causâ è mediotollat; cum vicinis populus amicitiam contrahat; loca munitiora subinde occu- et, præsidysq^{ue} confirmet. Hâc animaratione, ingrato Domino vicem repen- dere poterit. Hæ sola sunt rationes, quibus

Subiungit,
consilium
sceleratum.

bene meritum cuius cauere potest, ne ab ingrato Domino opprimatur.

*Excusatio
refellitur.*

Ex his prior quidem ratio legitima est, & diuinis humanisque legibus consentanea, posterior iniqua & impietate sceleribusque plena; quam is non amplectitur, qui à superbiâ & ambitione sibi temperat ipso Macchiauello fatente, & tamen tam improbum consilium suggerente. Neque enim dicas excusari illum posse, quod hanc sibi cauendi rationem hominibus malis tribuat, & malitiam vocet, cum subiungit: *Sed quia ita comparatum est, ut homines nesciant esse vel planè boni, vel excellenter mali; itaque neque post victoriam partam, exercitum statim reddere nouerunt, nec modeste atque humiliter se gerere; nec excellenti, ac magnificâ quâdam malitiâ uti sciunt; itaque dubij inter duo extrema habentes, opprimuntur.* Similia habet lib. 1. cap. 27. Nam etsi huiusmodi facinus secundum se malum, quique id facit, malus sit: quia tamen ad imperium parandum, aut nouam legitimamq; eius formam constituendam refertur, secundum Macchiauelum ex bono fine excusari à malitiâ, & facinus & faciens debent.

*Nihil siquidem causæ est, cur eiusmodi
Dux*

Dux militaris damnetur, & excusentur. Valentinus, Seuerus, Romulus, Cyrus, qui paribus aut maioribus sceleribus imperium sibi comparare vel stabilire ausi sunt. Vbi obseruandum est eiusmodi scelerata, artificia, non minus noxiè à Macchiauello doceri, cum ea accusat, quàm cum excusat: quia semper seruat illis boni finis ianuam apertam, cuius prætextu, & commodi proprii illecebris, eiusmodi præcepta in animos hominum facilè penetrant. Talia etiam sunt quæ subiungo.

*Boni finis
ianuam
Macchia-
uelli aper-
tam semper
seruat.*

IV. *Eum, qui à populo ad alios puniendos eue-
hitur, si industrius gnauusq; sit, imperium
facile occupare.*

CAP. XL. Quotiescunque autem, ait, in urbe populus è adducitur. ut extollatenebatq; eum, per quem aduersarios suos puniri posse sperat: tunc si hic industrius gnauusq; est, imperium urbis occupare potest. Nam populi auxilio optimates opprimet. & sublati optimatibus, populum quoq; sub iugum seruitutis redigere poterit, cum non habeat iam, ad quem deficere queat, aut cuius auxilium implorare possit. Antequam autem optimates extinxerit, nunquam se ad opprimendum populum conuer-

tere debet. Hâc ratione vsi sunt, quicunq;
cum quâdam industriâ patria Tyrannidem
occupârunt.

V. *Ei, qui decreuit prauus esse, priusquam
amicos bonos perdat, prauos malefaciendo
sensim comparandos esse.*

CAP. XLI. *Qui boni viri ait, speciem ali-*
quando pra se tulit, decreuitq; prauus
esse, is banc mutationem instituire debet se-
cundum occasiones ut antequam amicos per-
das, qui tibi prius, ut bono viro fauebant,
alios hisce contrarios, malefaciendo sensim
compares. Nam si hoc neglexeris, ac statim
nequitiam tuam patefeceris, omni amico-
rum auxilio destitutus peribis. Hic, etsi id
solum dici videatur: quid sponte faciant
qui prauus esse decreuerunt, at Macchia-
uelli principia spectando, præceptum est,
Principi bono, aut cuiuis alteri sequen-
dum, cum propter rationem Status,
cogitur esse non bo-
nus.



§. III.

EX LIBRO II. DISCVRSVVM DE
REPVBLICA.

I. *Exemplo P. R. in alienis provinciis, amicum aliquem habendum, qui ad illam inuadendam aditum patefaciat.*

CAP. I. Ait Populum Romanum semper operam dedisse, ut in alienis provinciis amicum quempiam haberet, qui ad illam inuadendam aditum patefaceret, & ad illam conseruandam postmodum auxilio esset. Sic Campanorum operâ in Samnium ingressi sunt, per Camertinos in Tusciam, per Mamertinos in Siciliam, per Saguntinos in Hispaniam, per Massinissam Regem in Africam, per Eolos in Graciam, per Eumenem & alios quosdam Principes in Asiam, per Massilienses in Galliam, & aliorum denique amicorum auxilio indicioque in alias regiones & provincias ingressi sunt; & postquam eas occupâssent, etiam retinuerunt. Hanc rationem, si diligenter obseruetur, talem esse comperies, quæ secum fortuna prosperitatem adiunctam habeat, ut non sit opus fortunam illam Deam implorare. Sed hanc rationem aucupandi & occupandi provincias alienas, nullo legi-

Ars aliena inuadendi.

timo iure ad occupantem pertinentes, aut illi obnoxias, iniustam & improbam esse manifestum est.

II. *Aduersus confæderatos belli occasionem arripi posse, si non contra eos, sed eorum Confæderantes bellum moueatur.*

CAP. IX. *Afferit usitatam admodum esse istam rationem arripiendarum belli occasionum. Cum nimirum, ut fides non violata esse videatur, quæ certis pactis diu firma fuit, non bellum mouent aduersus confæderatum ipsum, sed ipsius amicum aut clientem: certò fore sperantes, ut ad ipsius defensionem sese accingens, ipsis quoque cum illo dimicandi occasionem prabeat; aut si clientem & amicum non defenderit, manifestè reprobendi queat perfidia, atque hac quoque ratione, facilem ad oppugnandum se hostibus aditum prabeat.*

Mallem dicere à Macchiauello hìc referri, quid malè fiat, non præcipi, ut malè fiat. Verùm cum quæuis fraudes vulpis naturæ, quam Principi propter rationem status induendam putat, conueniant: hanc quoque si eam necessitas seruandi, aut ampliandi imperij postulet, præcepisse censendus est.

III. Ne-

III. *Necessariam esse artem decipiendi; sine eâ Cyrum ad tantum Imperium non potuisse peruenire; eâdem scotos non aduerentes, à. P. R. in seruitutem redactos fuisse.*

CAP. XIII. Apertè eos, qui imperant ad fraudes & dolos ducit Cyri exemplo, quem in Principe inter reliquos imitandum proposuerat: & Romanorum, quorum *virtutem fuisse luce meridianâ clariorem*, in præfatione huius secundi libri affirmat.

Hanc fraudis necessitatem, ait, explicat Xenophon in vitâ Cyri, & in primâ præfatione eius expeditione, quam aduersus Armenia Regem suscepit, fraude & dolo plenam, quâ ratione potius, quàm viribus ei regnum extorsit. Ex quibus omnibus id mihi significare videtur Xenophon, quod necessaria sit ars quadam decipiendi. si altum fastigium ascendere, & insignes aliquos progressus efficere velis; neque etiam Cyrum ad tantam Imperij magnitudinem potuisse peruenire, nisi per hoc decipiendi artificium, quo & alios, & Medorum Regem auunculum suum in primis fefellit.

Ars decipiendi necessaria Machiavello iudice.

Roma habita ratio est omnium eorum, quæ possent ad Imperij magnitudinem comparandam spectare; siue id fortuito, siue ex civili

*Ab hac ar-
te laudat
Romanos.*

ciuili quâdam prudentiâ ei urbi contigerit, Itaque neque hac decipiendi ars, à P. R. neglecta fuit. An non enim insigni dolo constabat ea acquirendi ratio, quam usurparunt, & de quâ c. 4. huius libri docuimus? Nam quos a quo fadere in Societatem admisissent, eos sensim sub Imperium suum redigebant, his id non aduertentibus, donec seruitute plane oppressi essent. Huiusmodi fuerunt Latini. & alij vicini populi, quorum armis & auxilio P. R. hostes suos subegit, qui circum habitarent, quibus subactis aucta est Romanorum potentia tantopere, ut socios iam non, ut confederatos, sed ut dedititios tractarent. &c.

Quæ cum ita se habeant, manifestè cernimus P. R. in primis Imperij incrementis, eâdem fraude usum esse, quam necessariam esse putamus omnibus, quicunque ex paruis inijs crescere & ad magnum quoddam fastigium conscendere conantur. Quæ tanto minus turpis est, quanto quis magis illam poterit occultare, & honesto aliquo prætextu regere.

*Hæc sunt
exempla, &
media vul-
pina.*

Hæc sunt exempla, & media vulpina, quæ Macchiauellus ad tuendam & augendam rationem status proponit. Hæc est illa Romanorum Respublica, quam lib. I. dis-

discurs. cap. 1. statim ab initio, *pulcherrimè virtutibus exornatum fuisse*, & in quâ hoc libro cap. 29. *omnis generis virtutes enituisse*, & religionis imprimis studium vinguisse sui immemor mentitur; verum dicturus, si fraus, perfidia, iniustitia, ingratitudo in socios optimè meritos, virtutes esse aut dici possent.

IV. *Rempublicam discordem opprimi posse, si arbitrum te interponas, & utrique parti amicum simules; neutram autem Valde adiuues.*

CAP. XXV. *Modum, qui in opprimendâ Republicâ aut populo intestinis discordijs laborante servari solet, talem esse tradit. Ut te velut arbitrum interponas ad conciliandas discordias, & utrique parti favere te simules, donec ad arma perveniant. Cum ad arma perventum fuerit, parti quæ debilior videtur, lenta quadam auxilia suppeditare; & ne discedant ab armis, sed magis magisque se mutuò conficiant, auxiliorum spe subinde fovere, magna auxilia neutri parti suppeditare, ne fortè dolum subesse animadvertant. Hæc res diligenter tractata, ad propositum finem profectò te facile deducet. Nam fessæ tandem partes, arbitrio ac voluntati tuæ se committent.*

Vah, qui sunt duplici corde.

Quam

Quam fallaciam confirmat exemplo Florentinorum, quos in recuperandâ urbe Pistolâ cā vsos refert. Sed tantum inest tum huic, tum superioribus tribus artificijs doli mali, perfidiæ, iniustitiæ: ut qui hæc sequi velint, modos omnia quieta turbandi, & sua cuius absque iure & culpâ eripiendî sint habituri; incredibili cum Regnorum omnium & Rerum publicarû damno, quod utinam non sentiret ac deploraret Christianus orbis!

§. IV.

EX LIBRO III. DISCVRSVVM DE
REPVBLICA.

I. *Ei qui Tyrannum vult tollere, omnia illius dicta, factaq; approbanda, laudanda, imitanda esse, & occasionem reperiat eius opprimendi.*

CAP. II. Docet, eos, qui Tyrannum aliquem iniquo animo ferunt & sublatum cupiunt, si minores vires habere se intellexerint, quàm ut se illi manifestè opponere queant: in id summo studio incumbere debere, ut familiarem amicumq; sibi faciant Tyrannum, iisdem studijs cum illo incumbere, eius dicta factaq; omnia approbare, laudare, imitari. Nam hæc ratione primùm tutus eris ab omni suspitione, frue-
ris

ris ipsius fortunis opibusq̃, & occasionem
captare poteris, Tyrannidem suo tempore
vindictandi.

Cum autem Tyranni dicta multa, fa-
cta que, impia & iniqua esse soleant, qui
omnia approbare in animum inducit,
eum quoque necesse est impium & iniquū
esse; quoniam qui talia agunt, digni sunt
morte, non solum qui ea faciunt, sed etiam
qui consentiunt facientibus. Rom. I. v. 32.

II. Republicā siue in melius, siue in deterius
mutatā, supplicium de iis sumendum esse, qui se
mutationi opposuerunt.

CAP. III. Afferit itā comparatum esse,
ut post mutatam Reipublicæ formam,
(siue mutatio illa in melius, siue in deterius
facta fuerit) necesse sit, semel ab iis acerbum
supplicium sumere, quicumque se huic mu-
tationi opposuerint, si modo nouum hunc
Reipublicæ statum conseruare velis. Vtq̃
rem paucis comprehendam, sic pronuntio:
Qui Tyrannidem occupat, eam conseruare
non potest, nisi sublato Bruto: qui pulso Ty-
ranno, publicam libertatem recuperat, il-
lam conseruare nequit, nisi tollantur è me-
dio filij Bruti. Vbique rursus Macchiauel-
lus cades imperat, & ferire iubet etiam
inno-

Macchia-
uelli cades
& scelera
suadet.

innocentes. Quod non solum Tyranno, sed cuius Principi suadere cogitur, si ad incolumitatem Status conducat aut necessarium est.

*Tyrannum
illi non est
Tyrannum.*

Quinimo secundum illius principia & exempla, Tyrannus non est Tyrannus; si enim Dominatio & Imperium bonus adeo finis est, ut alia scelera excuset, cur non etiam Tyrannidem excuset? Valentinus certè, Seuerus, Romulus, Romani, Tyranni aut fuerunt, aut multa per Tyrannidem egerunt, quos Macchiauellus in exemplum vnicè proponit. In vocibus ergo ludit & fallit, cum vocabulorum infamiam subinde erubescit, qui ad ipsam improbitatem frontem omnem perfricuit.

III. *Ciuibus Urbis obfessa, promittendam impunitatem & libertatem; à populo enim dolos sub tantis promissis latentes non obseruari.*

CAP. XII. Censet inprimis sapienti Imperatori providendum esse cum urbem aliquam occupare conatur, ut demat ciuibus necessitatem illam, quæ eos ad defensionem tam obstinatos efficit. Quod quidem efficere poterit partim promittendo impunitatem criminum, partim ostendendo non violatum iri publicam libertatem, sed priuatos

natos quosdam tantum ambitiosos, loco mouendos esse. Et huiusmodi promissiones per multum saepe valuerunt. Nam etsi sapientes viri animaduertant, quid sub hisce latere soleat, & sub dulci melle venena recondita videant: populi multitudo tamen, pacis, presentisq; boni cupiditate tantopere permouetur, ut dolos sub tantis promissis latentes minimè obseruet; ob quam causam permulta ciuitates publicam libertatem amiserunt.

Sapientis ergo Imperatoris est ex mente Macchiauelli, dolo malo pacisci, & pacta conuenta cum hostibus violare. Sed hanc prudentiam vulpini ingenij stultam putat ea sapientia, cuius initium est timor Domini, & quæ cum inimicos iubeat diligere, eosdem reconciliatos non permittit contra datam fidem violari.

IV. Ne Respublica à ciuibus perturbetur, remedium esse, ne sinantur admodum dissecere, & perperuis bellis exerceantur.

CAP. XVI. Obseruat, eos, qui negligunt virtutem suam vident, atq; contemni, ob tranquillitatem publicam, resque nimium secundas, Rempublicam perturbare per sepe conatos esse. Sed quâ ratione mederi his malis oporteat, etsi saepe multumque

V cogi-

cogitârit, tamen id vnum remedium præsentissimum sibi videri. Primò si non patiaris, ut ciues admodum ditescant, ne fortè opes sine virtute quempiam nimium extollant. Deinde si ratio sit quadam bellum perpetuò gerendi, ut virus viriute excellentibus liceat exercere fortitudinem suam, veluti Romani fecerunt, in primis præsertim annis. Sed vtrumque lubricum est. Nam impedire subditos, ne licitis modis ditescant, iniquum est. Neque licet bella ferere & quærere exercitiij gratiâ.

V. *Inuidos, nisi fato naturali tollantur, aliâ ratione maturè è medio tollendos esse.*

CAP. xxx. Tradit duplicem modum arcendæ inuidiæ; vnus est, ut ea excellenti virtute superetur; qui sanè honestatis & laudis plurimum habet. Alter, ut tollantur inuidi siue fato naturali, siue per vim. Idq; usurpari solet, tunc præsertim, cum cernis tantam esse inuidiam, ut conatibus tuis obstare nunquam desinant, quamuis ij Reipublica maximè salutare futuri sint, &c. Neq; vllum aliud solet esse remedium aduersus tantam inuidiam, quam sublati huiusmodi hominibus inuidis. Quod si igitur tam fortunatus esse possit quispiam, ut naturali fato

fato illi tollantur, qui obſtant ſua virtuti: is ſine cædibus, alijsq; ullis moribus tantum malum euincere poteſt, & ſua virtutis ſpecimina edere, pro ſalute patriæ. Si tam fauſtus fortunatusq; eſſe nequeat, de aliâ ratione cogitandum eſt (cædibus alijsq; turbis) quâ impedimenta virtutis tua e medio tollantur; idq; longe prius faciendum, quàm ullum ſingulare virtutis exemplum edere poſſis. Cædes ergo ſuadet æmuloꝝ & inuidioꝝ Macchiauellus, vt virtutis exempla edere & patriæ prodeſſe poſſis; quaſi aut virtuti neceſſarium ſit dominari, aut patriæ vel Reipublicæ bonum procurari debeat, eorum ſanguine, in quos juſ nullum habes.

*Nulla ſunt
impedi-
menta vir-
tutis, niſi
cæſia.*

VI. *Pacem impediſſe poſſe, ſi feceris, & magnum facinus aduerſus illum perpetretur, cum quo pacem fieri non vult.*

CAP. XXXIII. Conſilium impediendæ pacis iſtud ſuggerit Principem igitur *enim ait, auertere poteris & impedire, quo minus cum alio aliquo pacem, aut fœdus ineat; ſi curaueris, vt magnum aliquod facinus aduerſus illum perpetret. Sic enim, ne ſi offerantur quidem conditiones pacis æquæ, acceptare illas audebit, vel ſolâ conſcientiâ*

sceleris permotus. Quo autem iure per scelera præsertim, impediri potest pax æqua nisi illo, quo Macchiauellus iustitiæ & probitati bellum indixit?

VII. *A conservandâ patria libertate, nullâ iusti iniustus, seu quâcunque aliâ notâ, nos abstrahi debere.*

CAP. XLI. Ponit pestilens illud principium. *A conservandâ Patria libertate, nullâ iusti, seu iniusti, crudelitatis, misericordie, non denique laudis aut ignominie notâ animum boni ciuis debere abstrahi.* Cuius doctrinæ improbitatem iam supra ostendimus.

VIII. *Ea, quæ coactus promissisti, non necesse esse, ut serues.*

CAP. XLII. Contendite ea, *quæ coactus promissisti, non necesse esse, ut serues.* Quod etsi verum esse daremus, de metu iniuste incusso: cum rebelles subditi, vel alij bello iniusto, iniquas conditiones seu promissiones extorquent; at falsum est de metu iuste incusso. Cum videlicet legitimus Princeps, aut alius iusto bello victor, ad conditiones iustas quidem adigit, sed quas nisi per vim & metum adacti, non inirent. Eiusmodi enim promissa nullo iure

iure violari posse in aperto est, cum illi, *promissa*
 qui eiusmodi conditiones ferunt, iure le- *ex metui-*
 gitimi dominij, & iustæ vindictæ aut com- *sto, seruan-*
 pensationis, id faciant.

Quod verò addit: *huiusmodi rerum ex-*
emplorumque plenas esse historias, & in quo-
tidiano rerum usu alia infinita occurrere
quotidie. Cernimus enim inter viros Prin-
cipes nullos esse, qui seruent ea, quæ per vim
coacti promiserunt, postquam desijt vis illa,
quæ coegit: hæc inquam non vniuersim ve-
ra sunt; possunt enim exempla vetera ac
recentia afferri eorum, qui eiusmodi pro-
missa seruârunt. Et vt verum sit frequen-
tius talia violari, non tamen tribuit licen-
tiam aut impunitatem criminum, multi-
tudo peccantium.

Concludit denique his verbis: *Neque* *perfidia*
reliqua promissa seruant, quando causa, quæ *patronus*
eos promittere fecit, non amplius urget. Quæ *Macchia-*
quidem res, sitne in Principe digna laude, *nellu.*
an non? hoc loco non amplius disquiremus;
præsertim cum in tractatu de Principis Insti-
tutione, de hoc genere Argumenti copiosè
disputauerimus. Sed tantam perfidiæ no-
tam omnibus Principibus viris impinge-
re, non est nisi perfidi, qui omnes sui si-
miles putat, & fraudibus ac periurijs di-

gnitatem conciliare studet. Atque hinc apparet, ad quos mores Principes ac Respublicas formet Macchiauellus, qui quasuis fraudes & scelera honesta & laude digna putat, modo honesti speciem præ se ferant, uti docuit cap. 18. Principis, quo Lectorem remittit.

IX. *Vt ab altero quidpiam impetres, sape commodissimum esse, & nullum deliberandi spatium ei concedas.*

CAP. XLIV. Obseruandum dicit. Si quis Princeps ab altero quippiam impetrare cupiat, cuius multum interfit: tunc sape commodissimum esse eam occasionem, quæ ei à quo petis, nullum deliberandi spatium concedit, sed potius illi respondendi subitam necessitatem imponit; & præsens periculum demonstrat, si negetur id quod petitur, aut etiam, si deliberandi spatium petatur. Hæc ratio si adhibeatur aduersus eos, qui sui iuris & arbitrij sunt, neque tibi obnoxij, iniqua est: impedit enim deliberationem, ad libera conuenta ac responsa necessariam, adeoque vim iniustam infert. Quod ipse Macchiauellus fatetur, cum hanc capiti summam præscribit: *Sape fieri, ut impetu quodam atq; audaciâ,*

*daciâ obtineantur id, quod legitimè progredi-
dienti nunquam contigisset.*

§. V.

*Ex his intelligi, nullam Macchiauello salutis &
Virtutis curam esse; Virtutes solum naturales,
quarum facilis est abusus, ab il-
lo commendari.*

HÆc ferè instrumenta sunt ac media,
quæ ex Pseudopolitiæ armamentario
Macchiauellus partim deprompsit, par-
tim de nouo in ingenij malè feriatî offici-
nâ fabricauit, Si non omnia, certè tot ac
talia recensuimus, vt perspicuum sit, eum
scelera docere, & tum falsum malumque
finem, tum falsa malaque media propone-
re, quibus fallacem boni finis hederam
immeritò appendit. Non est enim bonus
finis, qui cum maioris boni injuriâ qua-
ritur, virtutis inquam & salutis: cuius
neutrius cura est, apud Macchiauellum,
nec sincera mentio. Nam viros virtute
excellentes licet, & virtutes ipsas frequen-
ter nominet, non veras tamen virtutes
intelligit, quæ hominem bonum & actio-
nes eius bonas efficiunt, & quibus nemo
malè vti potest, ex Philosophorum Theo-
logorumque consensu. Harum quidem

bene magnum Catalogum texit in principio cap. 15. vitij oppositis iuxta collocatis, sed eas omnes *aduersante humana vi& conditione nec haberi, nec seruari posse falso existimat.*

*Virtutes
Macchia-
nelli solum
naturales.*

Necesse itaque est virtutes, quas Macchiauellus, speciosè inculcat alias, non esse, quam naturales quasdam dispositiones ad virtutes veras, seu earum aliqua seminaria. *Omni*bus enim ait Aristoteles 6. Ethic. c. 13. *videntur singula ex moribus, inesse quodammodo naturâ. Et iusti namq; & temperantes, & fortes sumus, aliaq; statim à natiuitate habemus.* Ità eos qui sagacitate quâdam & solertiâ naturali pol- lent, prudentes; eos qui ingenitâ animo- sitate magna & ardua appetunt ac susci- piunt, fortes & magnanimos appellamus.

*Quales
etiam in
pueris &
bestiis.*

Sed pueris etiam ac bestiis naturales isti habitus insunt, teste Aristotele, & sine in- tellectu siue rationis Imperio, noxi appa- rent. Atque istud perspicuum esse apparet: sicut corpori valido, cum sine oculorum ductu mouetur, contingit ut validè impingat, ità quoque in his euenire. Nisi enim eiusmodi homines, altos illos spiritus, veris virtu- tibus temperent, & naturalem ingenij perspicaciam ad honestatem conuertant:
in.

in Tyrannidem, iniustitiam aliaque vitia impingunt, vt in ijs ipsis exemplis apparet, quæ Macchiauellus proponit. Si contrà *intellectum*, siue rectæ rationis imperium, adiunxerint, in agendo excellunt, vt sapienter idem Aristoteles aduertit.

CAP. VII.

Vitia à Pseudopoliticis laudari; Virtutes veras Politica noxias aut inutiles censeri; solâ earum opinione, nec integrâ quidem, relictâ.

§. I.

SUPPETIÆ. Falsi Politicum reum esse, si Pseudopolitiam & Vitia laudet, aut Veras Virtutes noxias dicat.

Falsi etiam Politicus accusabitur, si aut bonum Principatum reprehendit, aut vitiosum & iniustum laudauit, quod id sit falsa Principatus adiuncta tradere. Item si legitimo principatui veras virtutes nocere dixit, nam hoc est falsum repugnans, siue falsam causam euertentem tradere. Non enim legitimo, sed vitioso tantum Principatui vera virtus repugnat.

§. II.

VINDICIÆ. A Macchiauello bonum Principatum reprehendi, vitiosum laudari.

TRiplicis huius falsi, quod Scippius hic ponit, meritò Macchiauellus ac-

V s cula-

cusari & damari debet. Nam inprimis reprehensum ab eo Bonum Principatum, id argumento est, quod vero Principatui vitia esse necessaria, neque virtutes omnes in eo obseruari posse, docuit cap. 15. *Principis*, alios verò, à quorum ordine se discedere fatetur, *Principatus quosdam animo effinxisse* asserit, *qui nunquam sub aspectum ullum venerunt*. Quia nempe Principi licentiam peccandi negant, neque Principatum sceleribus parari aut conseruari æquum putant. Esse autem eum Principatum bonum, cuius legibus Princeps bonus esse iubetur, eum malum in quo vitiorum licentia conceditur & vsurpatur, perspicuum est. Illum ergo quia animo dumtaxat effictum Macchiauellus dicit, tanquã imaginarium damnare: hunc contra, quia verum & utilem prædicat, laudare putandus est, ideoque non in primum solum, sed alterum quoque falsum incurrit.

Quod inde clarius patet, quia sæpius malos Principes, eorumque vitiosam imperandi rationem, aut improba facta, defendit & laudat, vt ex ijs, quæ suprà attulimus intelligi potest.

§. III.

Ex eiusdem Macchiauelli doctrinâ, Veras Virtutes, etiam legitimo Principatui nocere.

SVperest, vt eius quoque falsi accusemus Macchiauellum, quod docuerit veras virtutes legitimo Principatui nocere. Nam cap. 15. Principis, ait *tantum abesse rationem, quâ homines viuunt ab eâ, quâ æquum esset, vt viuerent: vt is, qui negligit quod fit, secuturus quod esset faciendum, sibi ruinam accersat.* Et: *reperiri quædam, quæ virtutem præ se ferre dicantur, quæ tamen si sequaris, id tuo magno malo fiet.* Loquitur autem hic de ijs virtutibus, secundum quas *æquum esset homines, vt viuerent, & quas paulò post aduersante humana vita conditione nec haberi omnes, nec seruari posse, et si falsò, censet.* Hæ verò non possunt esse, nisi veræ virtutes, quæ solæ regulam legitimam humanæ vitæ continent, & difficilem imò impossibilem obseruationem habent apud eos, qui præcipuum finem esse statuunt dominatum, aliaque fortunæ bona. Veras ergo virtutes nocere bono Principatui sensit Macchiauellus.

*Macchia-
uello iudice
Virtutes
ruinam ac-
cersunt.*

Cui id argumentum altero loco accedit,

*Et Princeps
cogitur esse
non bonus.*

dit, quod putat *necessarium* esse Principi, ut perceptum habeat, si se saluum velit, quâ ratione possit esse non bonus, cumq; cogi nonnunquam esse non bonum, quo quidem tempore, quæ factu forent honesta, Principi vehementer essent contraria, ut loquitur c. 19. Non est autem quisquam bonus, nisi veris virtutibus, nec non bonus, nisi veris vitijs, ergo quando Princeps cogitur esse non bonus, veræ virtutes ipsi nocent, si eas, aut quæ secundum eas factu forent honesta, tum sequi velit.

*Ethnicos
Christianis
præferit.*

Denique l. 2. discurs. c. 2. audaci improboque ore maiorem fortitudinem Ethnicis quàm Christianis tribuit. *ex educationis religionisq; diversitate maiori ex parte, uti arbitratur, pendentem. Nam cum ex religione nostrâ VERITATEM rerum intueamur, discimus ex eâ statim honores & pompam huius mundi contemnere. Sed Ethnici hæc omnia magni faciebant. Addit in illorum sacrificijs magnificentiam quandâ horrendam, homines feroces reddidisse; in nostris delicatam quandam mollitiem cerni, &c. hancq; vitæ institutionem Christianum orbem imbellem fecisse videri. Vnde concludo: Vitæ Christianæ institutio, veritatem verasque virtutes docet, ergo si ea*
Princi-

Principatibus aut Rebuspublicis nocet
veritas & veræ virtutes illis nocent.

§. IV.

*SVPPETIAE. Quarundam virtutum opinio-
nem nihil prodesse, sed potius obesse principa-
tus; amorem & odium non efficere à virtu-
te & vitio, sed opinione & vi-
usque.*

Alia tamen res erit, si Politicus non de vir-
tute, sed tantum de opinione virtutis lo-
quatur. Sicut enim quorundam vitiorum opi-
nio nihil aut nocet, aut disconducit salutis Prin-
cipatus, similiter quarundam virtutum opinio
nihil prodest, sed potius obest. Quod tamen
non nisi ex euentu, seu per accidens usu veni-
re solet; quoniam scilicet homines aut deprava-
tis sunt moribus, aut vitia à virtutibus nesci-
unt internoscere. Itaque Princeps aliàs nihil
curabit, ut opinionem crudelitatis & avaritiæ
effugiat, aliàs Clementiæ & Humanitatis fa-
mam à se ultro amolietur. Nam imperium siue *Non Virtus*
amore, siue reuerentiâ aut respectu stabilitur. *sed opinio,*
Amorem verò & reuerentiam in animis subie- *amoris*
ctorum efficit non virtus in Principe, sed opi- *caussa Sci-*
nio in subditis de Principis virtute. Sicut è di- *appio iudi-*
uerso odium & contemptum efficit non vitium *ce.*
in Principe, sed opinio, quam de vitio eius ha-
bent subditi.

Nam si Princeps sit impius, avarus, crudelis,
habeatur autem propius, liberali & clemente,
sine dubio subditi eum amabunt, & respecta-
bunt, seu reuerentur. Contra si eum credant
esse

esse impium, auarum & crudelem, etiam si reueratius, liberalis, clemensque sit, odio eum prosequenti & contemnent. Itaque si Politicus præcipit, Liberalitatis & Clementiæ famam Principi nocere, nihil pro temporum condicione dixit falsi, modò ne ipsas virtutes Principi fugiendas esse dixerit.

§. V.

VINDICIAE. Si Vera Virtus non nocet bono Principatui, neq; eius opinionem nocere; famam Vera Virtutis amoliri, aut Vitiis opinionem aucupari non licere.

SI vera virtus non nocet bono Principatui, neq; eius opinio nocere putanda est, cum ex illâ consequi soleat, si præsertim qui eâ præditi sunt, imperio & potestate supra alios emineant; horum enim actiones in omnium oculos & animos incurrunt, & bonæ bonam opinionem pariunt, malæ malam: non solum apud bonos, sed ipsos quoq; malos. Quorum plurimi virtutem quâ carent, in alijs venerantur, & vitia quæ in se amant, in alijs oderunt.

Cum autem seu pauci, seu multi tam deprauatis sunt moribus, ut bonos præsertim Principes tanquam *contrarios operibus suis*, oderint, aut vitia à virtutibus nesciant internoscere: non debet quidem

Vera Virtutis opinio non fugienda.

dem bonus Princēps malorum subditorum aut errore commoueri, cui ipse veris vitijs causam non dedit; sed neque Clementiæ, neque alterius veræ virtutis, quæ Principem decet, famam vltro à se amoliri potest, nisi virtutis, diuinæq; gratiæ iacturam facere velit.

Neque damnum ab vilius veræ virtutis opinione metuant, quia aut Deus illud auertet, aut maioribus etiam hac in vitâ bonis compensabit, aut deniq; illud fixum sit: *melius esse Principi, debilem, aut minus habentem, aut priuatum introire in vitam aternam, quàm maiori potentiâ, opulentiâ & imperio superbum mitti in gehennam ignis inextinguibilis, ubi vermis eorum non moritur, & ignis non extinguitur.* Marci 9. v. 48. Quæ si cogitassent & credidissent Macchiauellus & Scioppius, non scripssissent Principem vitiorum aliquorum infamiam contemnere, aut virtutum quarundam famam à se amoliri debere: aut quæ factu honesta forent, ipsi aliquando vehementer contraria esse.

¶ [†] ¶

§. VI.

Scioppium, cum negat amorem non effici à virtute, & sibi & veritati contradicere.

AT vide Grammatici Ψευδοπολιτεύοντος vertiginem. In Admonitione Lectoris dixerat: *Pietatem ante omnia Principi commendandam, quoniam ea hominū animos illi reddat propitios, ut eum cum ament, tum revereantur.* Hic apertè sibi contrarius malè negat, quod rectè assèruerat: *Amorem verò ait, & reuerentiam in animis subiectorum efficit non virtus in Principe, sed opinio, in subditis de Principe virtute.* Dicit quis Scioppium hic solum virtuti negare vim proximam efficiendi amorem & reuerentiam, non remotam, quam ipsi priori loco rectè tribuisse putandus est. Nam virtus in Principe inest, opinio in subditis; & licet virtus agnita excitet opinionem, non tamen nisi per opinionem conciliat hominum animos, hæc enim illis infidet, illa foris est.

*Scioppius
more suo se-
cum pu-
gnat.*

*Causa re-
mota verè
est causa.*

Sed nihil ista iuuant malam causam. Non enim ideo verè negatur aliquid ab aliquâ re effici, quod sit causa remota: cum Causæ principales, quibus maximè Causæ nomen & munus competit, ple-
rum-

rumque remotè per instrumenta effectus suos attingant. Insanit verò, qui negat, solem lucere aut calefacere, quod non ipsum in se, sed lucem & calorem ab ipso productum, proximè cernimus ac sentimus; aut qui abnuit fructus arborum à radice oriri, quia videt proximè eos à ramis pendere. Non magis sapit Scioppius, cum Virtuti, verissimo humanarum mentium Soli, obseruantia lucem & amoris calorem abjudicat, & felicitis Imperij fructus ab hac radice auellit.

Cui omnem vtilitatis speciem adimere pestilenti hoc argumento videtur: quod *Scioppius*
Virtutem
inutilem
facit.
Principem impium, avarum & crudelem,
qui habeatur autem pro pio, liberali, & cle-
mente, sine dubio subditi sint amaturi, &
reuerituri; Contra si eum credant esse im-
pium, avarum & crudelem, etsi reuera pius,
liberalis, clemensq; sit: odio futurus sit &
scontempni.

Quo eodem sensu ac scopo Macchia- *Ex Mac-*
chianelli
sensu &
scopo.
 uellus c. 15. & 18. non virtutem, sed vir-
 tutis opinionem vnicè Principi commen-
 dat, & c. 19. Principis dixit: *honestæ æquæ,*
ac temporis vitæ factis odium conciliari. Vnde
 efficitur nihil virtutem ipsam Principi
 conferre, sed in illius opinione omne Im-

perij momentum situm esse. Siue enim virtutem habeas, nihil ea prodest absque opinione; siue ea careas, nihil id obest, modo opinione polleas. Nam ea sola, amore & reuerentia Imperium stabilire, aut odio & contemptu euertere potest. Quæ doctrina omnem virtutis curam Politicâ tollit; mereturque vel sola, ut eius autores toto Christiano orbe proferbantur.

§. VII.

Alia Scioppij repugnantia; Virtus Principum bonâ opinione non diu regi; eam amoris causam non esse; sæpe Virtus nominibus virtutum appellari.

SED attende aliam Scioppij paucis in lineis repugnantiam. Paulo superius affirmarat, *quarundam virtutum opinionem nihil prodesse, sed potius obesse Principi*, idque inferius confirmat asserendo, si Politicus dicat, *liberalitatis & clementie famam Principi nocere, nihil eum pro temporum conditione dixisse falsi*. Hic autem animosè asseuerat, *si Princeps sit impius, auarus, & crudelis, habeatur autem pro pio, liberali & clemente sine dubio subditos eum amatores & respectatores, seu reuerenturos.*

An.

An non hoc est pugnancia loqui? Si principem, qui habetur pius, liberalis, clementis, sine dubio amant & reuerentur subditi, quomodo opinio earundem virtutum, Clementiæ nimirum & liberalitatis, nocet Principi? Quod amorem & reuerentiam conciliat prodest, non nocet; si igitur id sine dubio facit opinio harum virtutum, ergo certum est eam non nocere Principi, sed prodesse; & multo certius Scioppium repugnancia eodem ore, de eadem re asserere, & eodem calamo, iisdem prope lineis scribere.

De liberalitate & Clementia contraria asserit Scioppius.

Falso autem vanæ opiniononi, cui virtus ipsa non subest, tantam vim attribui supra ostendi. Nunc id solum addo, aut nullum, aut vix vllum exemplum extare Principis valde scelerati, qui virtutis opinionem, vel habuerit, vel diu retinuerit: cum ijs præsertim vitijs, quæ tegi non possunt, sed suâ naturâ in alios exercentur, veluti crudelitas, & avaritia. Nam ista in subditorum corpora & vitam sævit, hæc in facultates. Nec fieri potest, vt subditi nesciant, quid sibi per iniquam vim Principes inferant, vel auferant; neque existimare possunt eos, qui id agunt, clementes esse, aut liberales. Vnde ex hoc etiam ca-

Opinio virtutis cum sceleribus diu non consistit.

infert, quod maioribus huius aut alterius
vitæ, bonis compensatum, lucrum putari
debet.

Postremò non contenti quod opinio- *Fugiendam.*
nem virtutis Principi eripiant, ipsas quo- *docent.*
que veras virtutes eidem fugiendas esse,
necessariâ sequelâ fateri coguntur; tum
quia in publicis virtutem actionibus, qua-
les Principum esse debent, non potest fu-
gere earum opinionem, qui illius causam
virtutes non fugit; tum quia docent saluo
imperio eas omnes servari non posse; facta
honestæ, Principi aliquando esse vehemen-
ter contraria; eundem, si saluum se velit,
cogi nonnunquam esse non bonum, aliâque
quæ supra attulimus, & omnibus diris de-
uouenda existimamus.

Id quidem inficiandum non est, sæpe
vitia nominib⁹ virtutum appellari, ut cum
immoderata peccandi impunitas Clemen-
tia, & profusio Liberalitas dicitur. Eius-
modi non virtutum sed vitiorum famam,
vti aucupari non oportet, ita à se amoliri
maximè licet. Nos de verâ Clementiâ &
Liberalitate loquimur, quarum illa par-
cis ista dat, quibus, & quando, & quantû,
& quomodo oportet. Harum non magis,
quam aliarum virtutum opinionem negli-

gi. aut declinari à Principe posse existimamus.

C A P. VIII.

Principatum vitiosum, non ex naturâ rei, sed hominum vitio, communem & vfitatum esse.

§. I.

SVPPETIAE. Falsi Politicum reum esse, si dicat Principatum maximè communem, & plerisque Principum accommodatum, & iustum & iuratum non esse.

Fraus capitalis.

FALsum similiter in Politico accusari potest, si cum de Principatu disputat, non qui aut absolutè ac simpliciter, aut pro rebus circumstantibus, aut ex hypothesi optimus, sed qui maximè communis & plerisque Principum accommodatus sit (nam de his omnibus agere ad Politici officium pertinet, velut suprâ ex Aristotele & S Thomâ docuimus) tum igitur falsi arguetur, si talem Principatum rigidâ inris & æqui, ac fidei seruandæ religione conservari affirmet. Hoc enim falsissimum esse, vsus quotidianus, siue experientia comprobatur.

Nam plerosque Principatus, qui iam à ducentis circiter annis in orbe Christiano fuerunt, certissimum est neque simpliciter, neque etiam pro locorum hominumque conditione optimos fuisse; quoniam potestas Principum nimis soluta ac libera erat, nec satis legum vinculis adstricta, itâ vt Aristotele iudicè, tolerabiliores quæ-

quædam Tyrannides existimari possint. Hoc tamen constat, non tam iure ac legibus, aut fidei obseruantia, quàm partim vi aperta, partim dolo, & fide violanda conseruatos & notabilibus incrementis auctos, atque in posteritatem propagatos fuisse, Deo propter occulta populorum peccata id permittente. Nihil igitur peccat Politicus, si tractet de Principatu maximè communi & vsitato (nam in hoc subiecto eum occu-
 pari conuenit) neque, si eum non semper iuris & æqui, siue honesti curâ, sed vbi sit occasio, violentiâ, astutiâ, ac perfidiâ, seruari doceat. Peccat tamen, si talem Principatum laudat, quoniam falsum eius Adiunctum tradit, cum laudabilis haudquaquam sit, sed multis modis iniurius, & infamis.

§. II.

*VINDICIÆ. Aliud commune esse ex naturâ rei, aliud ex hominum imperfectione; priori modo maximè commune esse, quod mediocritatem habet in omni genere; posteriori, quod vici-
 osum est.*

VT perplexum dolum, quo hic Lector rem fallere conatur Scioppius, euoluamus, aduertendum est, rationem aliquid agendi vel gerendi, quæ ex certis legibus aut arte pendet, dupliciter communem esse ac dici posse. Vno modo ex naturâ rei, si mediocritas quædam spectetur, quam plerique assequi possunt. Altero, ex

imperfectione hominum, quibus commune est à legibus & arte aberrare.

*Communis
via præcep-
torum.*

Priori modo in disciplinâ Christianâ communis est via præceptorum, quæ vñ necessaria est omnibus volentibus *ingred-
di ad vitam*, ità plerique illam eligunt; via consiliorum sublimior est, & communem modum excedit, ideoque pauci qui possunt capere, illam capiunt & capeſſunt. Sic in Latinitate familiaris sermonis facilitas, omnibus ad vñ vitam communis congruit; orationum nerui & phaleræ, Tragædiarum cothurni, poematum leges & flores, à communi hominum vñ & ingenio abhorrent. In omni tandem arte & facultate, mediocris peritia plerisque contingit; qui apti sint summis artificijs, & operibus vñdequaque absolutissimis, pauci numerantur.

*In omni ar-
te multi
mediocres.*

Ideoque sapienter Aristoteles 4. Politic. c. 11. censet Rempublicam, quæ hominum maiori parti possit esse communis, eam esse, quæ constat ciuibz mediocribz; quia naturæ & fortunæ quandam mediocritatem quam plurimi nanciscuntur, non item summa illa animi ornamenta: excellentem dico virtutem & doctrinam, aut fortunæ valde magnas prosperitates.

*Respublica
ex medio-
cibus com-
munis.*

tates. Quam etiam ob causam, spectatâ communi hominum conditione, quæ mediocritatem facilius attingit & moderatiùs fert, quàm naturæ & fortunæ excessus: rectissimè eandem Rempublicam pronuntiauit esse optimam, eaq̃ue ciuitates posse rectè gubernari, *in quibus pars mediocris magna est*, vt supra quoque diximus. Atq; hæc, non alia Reipublicæ forma est, quam Aristoteles ex naturâ rei censet esse maximè communem & aptam, vt eâ plures ciuitates, vtantur.

Et optima

Sed quia aliud commune est ex legum artiumque præscripto, aliud hominum vitio & imperfectione: hæcque tanta est, vt quod commune & vñitatum esse deberet, rarum faciat, & quod inusitatum esse oporteret, in communem vñum inducat; hinc in artibus communis est imperitia, in moribus nequitia: illa ob intellectus frequentem hebetudinem, ista ob voluntatis natiam in vitia pronitatem. Ob quam causam, etsi communis quidem est Christianis omnibus Christianæ fidei professio, non tamen communis est Christianæ vitæ disciplina: quam ita multi negligunt, vt comparatione pauculorum, qui mandata Dei integrè obseruant, & quia

Vitia commune faciunt, quod rarum esse deberet.

nimis pauci, propè putantur nulli, rectè dicere possimus: *Omnes declinaverunt, simul inutiles facti sunt, non est, qui faciat bonum, non est usque ad unum, Psalm. 13. vers. 3.*

§. III.

Politiam quoque communem vitis obnoxiam, at si vitia corrigantur, simpliciter vitiosam non esse, sceleratam imperandi rationem, inter Principes Christianos communem censeri non posse.

NEque solum in vitâ priuatâ, sed etiam publicâ, in Imperio & Republicâ, aut communiora, aut certè permixta sunt vitia virtutibus, & scelera honestis actionibus. Atque hinc fit, ut status Politicus communis & vtitatus, sit vitij obnoxius non ex naturâ rei, aut formâ vel legibus Politicæ, sed vitio imperantium, aut consulentium. Quia verò alia vitia subrepunt infirmitati, alia ex proposito patrantur: priora imperandi rationem non corrumpunt, quamdiu Principes perperam facta quæ nolentibus aut nescientibus, aut oscitantibus, quod in licentiâ & difficultate imperandi proclive est, excidunt: paribus, aut maioribus remedijs ac bonis corrigunt, & compensant.

Neque

Neque enim humanæ infirmitatis est, nunquam errare aut delinquere; sed in errore non perseverare & de malefactis penitere, ac ubi fieri potest, remedia adhibere bonæ mentis esse putamus; quam si Princeps habet, eius imperandi ratio vitij quidem obnoxia, non autem simpliciter vitiosa, aestimari debet. Vitij enim obnoxium se fatari cogitur, quisquis se hominem esse negare non potest; vitiosum autem eum propriè appellamus, qui vitij fræna laxat, & peccandi licentiâ ac frequentia, totam vitæ suæ rationem corrumpit.

Non est hominum nūquam errare.

Quod cum Principes in imperando faciunt, dubium non est, quin vitiosi ac scelerati tum ipsi, tum eorum Principatus haberi debeant: siue ex politia formâ, siue ex solâ imperantium consulentiumque improbitate, tales esse deprehenduntur. Sed licet toto orbe, Principes à veri Dei cultu, & Orthodoxâ religione alienos connumerando, imperandi rationem maximè communem & vſitatam, esse sceleratam & vitiosam concedamus: id tamen de Principibus veræ Religioni addictis, asserere temerarium, & credere inconſultum est.

Principes Orthodoxi, vniuersim non scelerati.

Nam

*Saltem in
ratione im-
perandi.*

Nam cum vera Religio validis frænis iniustitiam, crudelitatem, aliaque imperantium scelera cohibeat, & acerrimis stimulis ad Dei timorem, & meliorem frugem impellat; difficillimum sanè est plures ex Principibus seriò Catholicis, tam seueræ Religionis fræna excutere, & aduersus tam vehementes stimulos constanter calcitrare. Si aliqui priuatis vitijs ac voluptatibus aliquando, aut aliquandiu indulgent, at in ipsâ imperandî ratione, improbitatis aut iniustitiæ coniuncti aut nulli, aut pauci possunt. Cuius rei illudetiam argumentum habeo, quod plerique Principes Catholici, qui perfractis iusti legitimiqûe Imperij, aut omnis honestatis repagulis, omnia pro arbitrio agere ausi sunt: demum in hæresin aut schisma prolapsi, vitiosum sceleratumqûe dominatum, cum verâ religione ac fide difficulter consistere, fidem fecerunt. Abstineo exemplis, tum breuitatis causâ, tum quia vltro occurrent. Et his, quæ intelligenti ambigua esse non possunt, superpositis, ad Scioppij fraudes & imposturas transi-
S. IV.

§. IV.

Ab Aristotele Rempublicam maximè communem vocari, quæ cum confici ex civibus mediocribus, ex naturâ rei cûta est; Scioppium fallaciter loqui, & putes vitiosam intelligi.

Capitalis ea fallacia est, quod Principatum vitio imperantium maximè communem, & vſitatum, quem haudquaquam laudabilem, sed multis modis infurium & infamem appellat, pro eâ Politicâ obtrudit, quâ Aristoteles & S. Thomas 4. Politic. cap. 11. ex naturâ rei, communem & vſitatam esse debere docent: eamque assignant, quæ quâdam civium mediocritate continetur, ideoque ad virtutem & rectam gubernationem aptissima est, vti supra explicauimus. Rempublicam autem vitiosam, quæ non ex naturâ rei, sed imperantium vitio, neque iure, sed facti, vti loquimur communis est, Aristoteles communem nec illo loco, nec vlllo alio vocat. Neque de hac illi sermonem esse, inde etiam perspicitur, quod Rempublicam communem optimam esse existimat, spectatâ nimirum communi hominum conditione; vitiosam autem Politicam, ab Aristotele optimam iudicari, nemo licet pessimus dixerit.

*Flagitiosa
Scioppis
fram.*

Vnde apparet, quàm flagitiosâ fraude Scioppius Lectorem eò ducat, vt putet Rempublicam vitiosam, communem ab Aristotele dici, & vt talem à Politico tractari debere: cum Aristoteles apertè eam intelligat, quæ ex naturâ rei communis est, & ipso etiam facto seu vsu talis esse deberet: Respublica verò vitiosa ita à Politico tractanda sit, vt eius vitij ac remedijs ostensis, communis esse desinat, ac rara, aut potius nulla fiat.

§. V.

Principatum vitiosum Principibus accommodatum non esse; vitiosum enim contra naturam, & nec ipsi viis so, quatenus tale est, absolute accommodatum esse.

Alius Scioppis dolus, & error.

FAlsò Principatum vitiosum, quem communem esse vult, plerisque Principum accommodatum censet. Nulli enim homini accommodatum esse potest, quod vitiosum est, cum ideo vitiosum sit, quia naturæ hominis, cuius regula est recta ratio, accommodatum non est. *Omne quippe vitium, eo ipso, quo vitium est, contra naturam est. Si enim natura non nocet, nec vitium est: si autem quia nocet, ideo vitium est: ideo vitium est, quia contra naturam est,* ait S. Augustinus lib. 3. de libero arbitrio.

Omne vitium contra naturam.

arbitrio c. 13. Plurimum autem nocere Principi, imò & subditis vitiosam imperandi rationem euidens est, ergo contra naturam & nullis Principibus accommodatum esse vitiosum Principatum, contra Scioppium demonstratum est.

Sed per eam fortè rimam effugiet, quod vitiosum Principatum vitiosæ naturæ & falsæ rationi, quam plerosque Principum sequi autumat, consentaneū seu accommodatum esse intellexerit. Verum, repugnat rectus sentiendi & loquendi usus. *Vitium* enim, ut ait S. Aug. l. c. cap. 14. *non aliunde malum est, nisi quia natura aduersatur eius ipsius rei, cuius est vitium.* *Effugium praecluditur.* Ut ergo non rectè dicimus ardorem febrilem accommodatum esse febricitanti, aut ignem domui ardenti, aut rimas & foramina naui fatiscenti: sic perperam affirmamus vllum peccatum conuenire peccanti, aut vitium vitioso, qui si faceret, quod sibi conuenit, non peccaret, nec vitiosus esset. Cuius rei ea ratio verissimè redditur, quod vitium non natura est, sed alicuius naturalis boni corruptio: vnde, quod vitiosum est, quatenus tale, aut corrumpit, aut corrumpitur. Nulli ergo rei, adeoque nec vlli homini, vitium aut vitiosum.

Vitium nec vitioso conueniens est.

sum quidquam , etſi vitioſus ſit , accommodatum aut conueniens rectè dicitur , quia vitium & vitioſum , humanæ naturæ quàm maximè aduerſatur.

Sed neque vitioſo , quatenus talis eſt , vitium & quod vitioſum eſt , abſolutè accommodatum eſt : dum enim Vitium naturam ſeu bonum hominis vitioſi minuit aut corrumpit , ſeipſum ſimul deſtruit , tantoq; celerius , quo maius & vehemens fuerit. Sicut Febris ardentiffima cum homine quem extinguit , ipſa quoque extinguitur , & ignis domo conſumptâ , incineres & fumum vanefcit , & naui fractâ ac ſubmersâ , neque ipſa foramina ſuperſunt : ſic vitioſi Status & Principatus , dum vnâ ex parte explendæ libidini & augendo dominatui maximè accommodati cenſentur , alterâ parte vindictam diuinam & iuſtum interitum accerſunt , quo cum ipſis Principibus corruunt.

Quoties igitur Imperij , opum , honorum incrementa vel firmamenta , ad vim iniuſtam , vel fraudes & fidem violandam Principem alliciunt & pertrahunt : toties ad mēſuram diuinæ vindictæ propius ſe accedere meminerit , quæ cū *iniuſtijs* , & *iniurijs* , & *contumelijs* , & *diuerſis dolis* imple-

pleta fuerit, regnum de gente in gentem transferri, & sedes ducum superbiorum destrui, verissimis oraculis monemur. Sap. 10. v. 8. & 17.

Quare non aliter conseruantur vitiosi Principatus Pseudopoliticis artibus, quā febricitantes febriū ardoribus, & domus ardentes flammis, & naues fatiscientes foraminibus, quorum interitus si tardior est, eo magis miseranda est mali diuturnitas. Sic seruat & seruat^r Pseudopolitia, non ad diem salutis, sed vindictæ, quam malus Princeps sustinebit licet serò, tamen aliquando; & de malis subditis aut alijs eandem interea sumet, quoad peccatis ad æquilibrium diuinæ iustitiæ castigatis. *Virga furoris Domini, in caminum ignis ardentis proijciatur.*

*Quæ sit vitiositas
aristocrætiæ
Pseudopoliticarum.*

§. VI.

Principatum examissim optimum nunquam extitisse; nec magis à ducentis annis, quam ante, Principatus Catholicos accusari posse.

QUod ait plerosq; principatus, qui iam à ducentis circiter annis in orbe Christiano fuerunt, neque simpliciter, neque etiam pro locorum hominumq; conditione optimos fuisse; si de ipsâ Politicæ formâ & Principa-

*Nullus
Principatus
sine omni
vicio.*

cipatum legibus sermo sit, falsum puto, quia dubium non est quosdam Principatus Catholicos optimis legibus institutos esse, quibus vix aliquid pro locorum hominumque conditione addi queat. Si autem, uti apparet, Politiam imperantium actionibus metitur, non solum proximis ducentis annis, sed omnibus seculis nullum Principatum vndequaque optimum, qui nullam rationem à suis legibus declinaret, fuisse concesserim; vix enim contingit leges quantumvis optimas, examissim observari: estque is Status perfectissimus, non qui optimum penitus attingit, sed qui quam minimam inde abest.

Illud verò, quod Scioepius adiungit, constare hos plerosque Principatus, qui iam à ducentis circiter annis in orbe Christiano fuerunt, non tam iure ac legibus, aut fidei data observantiam, quam partim vi apertam, partim dolo & fide violandam conservatos & notabilibus incrementis auctos, atque in posteritatem propagatos fuisse. Si eos quoque Principatus comprehendit, qui retento Christi nomine, à verâ Christi fide, proximo seculo plurimi defecerunt: non magno opere repugnare possum. Si verò Catholicos potissimum designat, confiden-

*Scioepius
inter omnes
Principes
Catholicos.*

tissimè

tissimè pronuntio , grandem iniuriam à Scioppio Catholicis Principibus & Principatibus inferri.

Constat enim priorum temporum historias euoluenti , non esse cur his potius quàm illis seculis indignemur. Sèplacet comparisonem instituere, producat Scioppius recentia , reponam vetera , quæ duorum seculorum memoriam antecesserunt: & euincam Grammatico huic non plus in historijs, quam in Politicis tribuendum esse , ideoque parum in his, quia parum in illis ; nam ex Historiarum cognitione, prudentique collatione, verus Politicæ intellectus & vsus plurimùm dependet.

§. VII.

Principatum vitiosum à Macchiauello laudari ; ideoque & ipsum, & magis eius patronum reum esse.

CLientis sui causâ ipse patronus pro-
dit, cum ait, *Peccare Politicum, si tale Principatum* (vitiosum nempe, quem abusus communem facit) *laudat, quoniam falsum eius adiunctum tradit, cum laudabilis haudquaquam sit, sed multis modis iniurius & infamis.* Hoc enim vel maximè
Y 2 egisse

egisse Macchiauellum, vt Pseudopolitiam pro verâ Politia introduceret, eamque non solum necessariam, sed etiam laudabilem esse persuaderet, ex ipsius verbis ac sententijs demonstrauius, vnde consequens est ipsum suo patrono iudice, maximè peccasse. Quare infelix est Scioppius, cuius tota defensio huc denique recidit, vt proprio ore, quem defendere parabat, condemnare cogatur.

*Scioppius
Macchia-
uellum da-
mnare co-
gitur.*

Sed non minus ipse nocens est, quod eum, veluti *optimum perfectissimumq; artis Politica Doctorem* laudet, & pro illo tanquam pro aris & focis dimicet, qui ob Principatum vitiosum defensum a claudatum, omni iure vituperari & damnari debet. Neque dubium est, quin eadem quæ Macchiauellus, Scioppius laudanda putet, cum ideo illum laudârit, quia quæ vituperanda sunt, tanquam laude digna tractauit, quod *non optimi & perfectissimi Politica Doctores*, sed bonæ Politicæ corruptoris officium est. Quâ in re grauius, quàm Macchiauellus peccauit, quia vituperandos esse Principatus iniurijs & fraudibus infames, clariùs intellexit: ita quidem, vt confessionem admissi ab iniusto laudatore,

*Grauius
Macchia-
uello pecca-
uit.*

tore, & tractatore peccati, clarissima veritas, vel inuito extorserit.

§. VIII.

Censuram Scioppio pramonstrante, in Macchiauelli scriptis hucusque exercitam; superasse eum aduersus Veram Religionem iniurias & errores; validissimum noxis, & improbi scriptaria argumentum.

EXercuimus Censuram in Pseudopoliticorum Coryphæum eâ Methodo, quam Scioppius licet præmonstrârit, mutilam tamen esse fatebitur, si secum ipse consentire velit. Nam vt integra Censura esset, per omnia quinque vitia supra à se assignata ire debuit; atqui de Alieno solum & Falso locutus, obscurum, Ambiguum, & Inconsequens prætermisit. In quibus, vt ex mente ipsius inter se, & à duobus prioribus diuersa sunt, non parum quoque deliquit Macchiauellus.

Nam quædam ambigüe, multa obscure scripsit, vt malitiam tegeret, & incautos tanto falleret facilius. Inconsequentis quoque vitio grauissimè peccauit; vt, cum ex fine aut euentu bono, malum facinus eò relatum, malum non esse, sed excusari posse collegia. Cum item ex im-

Macchiauellus ambigüe, obscure, inconsequenter scripsit.

probitate hominum, inter quos eum, qui se virum bonum, omnibus partibus profiteri studet, periclitari necesse est, Principi necessarium esse, intulit: perceptum habere, quâ ratione possit esse non bonus, neque virtutes omnes seruari, vel vitia omnia declinari posse, aut debere.

Cum similiter ex eo, quod veritatem rerum in Christianâ Religione intuentes, discamus honores & pompâ huius mundi contemnere, Ethnicos fortiores fuisse quam Christianos, hâcque vitæ institutione Christianum orbem imbellem factum esse, tam sacrilegè quam stolidè concludit. Omitto alia, quæ nec inter se, nec cum suis antecedentibus cohærent, quæque grauissimæ Censuræ materiam amplissimam suppeditant.

Nobis non tam de Methodo Censuræ laborandum est, quam de ijs, quæ perperam à Macchiauello scripta censemus, quorum ingentem cumulum hucusque comportauimus: vt ostenderemus, quantâ veritatis & virtutis injuriâ, hic autor, Finem ac Media Politices deprauarit. Sed superest validissimum improbitatis argumentum, iniquus in veram Religionem animus, & multis de eâ erroribus imbutus,

tus, quem passim demonstrat. Debuic Scioppius vel maximè inter Falsi crimina illud referre, cum Politicus aliqua assertumæ veritati, quâ verâ Fides nititur, aduersantia.

Illud quoque Alieni vitium grauissimū dissimulandum non erat, quo Politicus audaciam sibi sumit, Religionis principia examinandi, & in dubium vocandi, peruertendi item & calumniandi. Vt enim alienum à Politicâ non est, quidquid oscen Grammaticus occenter, ex illis tanquam indubitatis, aliquid concludere, ac regulas bene imperandi & parendi inde deriuare: ita alienissimum est de illis concludere, ac vetito saltu *de genere in genus transilire.*

Quo utroq; Falsi & Alieni crimine, cum grauissimè peccauerit Macchiauellus, ea quæ de verâ Religione & rebus sacris, falsò ac imperitè, aut lubricè asseruit & disseruit: quæq; contra rerum earum dignitatem profanus homo proteruè effutijt, ad Censuram vocanda sunt: ne præcipuis vitijs omissis, eam nimis obiter exercuisse videamur, & vt appareat, quam parum in Politicis fidei mereatur, qui tam malè de verâ Religione sensit ac scripsit.

*Crimine
Falsi & A-
lieni peccat
Macchia-
uellus.*

VINDICIARVM POLITICARVM

LIBER TERTIVS.

Macehiauelli doctrinam, Christianæ Religioni plurimùm aduersari.

C A P. I.

Moyſis in gubernando populo Dei, exemplo & autoritate, Macchiaeuum improbè abuſum eſſe.

§. I.

Ex Macchiaeui ſententiâ, Moyſen, Cyro, Romulo, Theſeo, non fuiſſe abſimilem; & occaſione, quam fortuna obtulit, illorum inſtar & ſum, armis ſtatuta firmâſſe.



A P. VI. Principis, inter eos, qui non fortunâ, ſed ſingulari uirtute in Principes ſunt eueſti, excellentiores dicit fuiſſe Moſen, Cyrum, Romulum, Theſeum, & id generis alios. Eſi de Moſe ait, non eſt, quod loquamur (ut qui dumtaxat, quæ ſibi diuinitus fuerunt à Deo præſcripta, purè fuerat exequutus) nihilominus ob eam gratiam, quâ Dei colloquio di-
gna-

gnabatur, meritò, quis eum admiretur. At-
 qui *Cyrum* & reliquos, qui regna sibi peper-
 runt & constituerunt, si quis consideret,
 omnes admiratione dignos inueniet: siq; eo-
 rum facta, cum *Moyse*, cui tantus contigit
 praeceptor, actionibus & peculiaribus institu-
 tis conferantur, haud dissimilia videbun-
 tur. Atque eorum rerum gestarum, & vita
 ratione perpensâ, nihil quàm occasionem à
 fortunâ eis fuisse oblatam sentiemus: quae oc-
 casio facultatem praeberet, quo eam for-
 mam inducerent, quàm sibi aptam indicâ-
 rent. Quâ occasione semotâ, eorum animi
 virtus extincta iacuisse, & sine virtute oc-
 casio, frustra sese obtulisset. Necessarium
 itaque fuerat, *Israelitarum* populum *Mose*
 captiuum in *Aegypto* teneri, ab ipsiq; *Aegy-*
ptis opprimi: ut duro seruitio leuari si vo-
 luissent, ad illum sequendum essent anima-
 iam affecti, &c.

Occasioni
 omnia tri-
 buit Mac-
 chiavelus.

Et infra, Populorum etiam ingenium est
 varium & inconstans, & ut aliquid per-
 suadeatur, nihil est negotij: at in receptâ
 persuasionem ut persistent, multum est negotij.
 Propterea ita instructum esse oportet, ut ubi
 eorum fides conciderit, hanc ipsam necessitas
 illis exprimat, visq; extrudat. *Moyse*, *Cy-*
rus, *Thesens*, *Romulus* nunquam inermes

sua constituta tandem seruanda curare potuissent.

§. II.

Moysem verâ fide, ac virtute inclitum, cum idololatriâ comparari non posse; nec sponte principatum suscepisse.

VERUM sacram historiam, & virtutem Moyſis à Macchiauello imperitè, & fallaciter tractari, & profanari, paucis ostendo.

I. Iniuria est, quod virtutem Moyſis, quæ verâ in Deum fide nitebatur, simulacris virtutum, quibus idololatræ illi celebrantur, comparat. *Absit* ait, S. Augustinus l. 4. contra Iulianum c. 3. *ut sit in aliquo vera virtus, nisi fuerit iustus. Absit autem, ut sit iustus verè, nisi uiuat ex fide: iustus enim ex fide uiuit. Quis porro eorum, qui se Christianos haberi volunt, nisi soli Pelagiani olim, nunc autem & Pseudopolitici, aut in ipsis etiam fortè et Iuliane, aut Macchiauelle solus, iustum dixerit infidelem, iustum dixerit impium, iustum dixerit Diabolo mancipatum? sit licet ille Fabricius, sit licet Fabius, sit licet Scipio, sit licet Regulus, sit licet Cyrus, sit licet Romulus, sit licet Theseus, quorum me nominibus, tanquam*

Non est vera virtus, nisi in iusto, qui ex fide uiuit.

quam in antiquâ Romanâ, aut Pseudopoliticâ curiâ loqueremur, putasti terrendum, imo potius decipiendum, vt crederem. Moyſis & iſtorum actiones non eſſe diſſimiles.

Sed diſparitas vel inde elucet, quod in Imperia & Principatus animi ambitione & dominandi libidine irruerunt, Moyſes non niſi inuitus, poſtquam Exodi 3. & 4. Deus excuſationem & deprecationem ipſius multiplicem reiecerat, onus regendi filios Iſrael ſuſcepit. Illi multa per vim fraudem & injuriam gesserunt; *Moyſes erat vir miſiſſimus ſuper omnes homines, qui morabantur in terrâ, Num 12. v. 3. tantaque integritatis & innocentia, vt Deus ipſe, teſtis vtiq; omni exceptione maior, tanquã ſeruũ in omni domo ſua fideliffimũ, ibid. v. 7. prædicãrit.*

§. III.

Moyſen à Deo poteſtatem accepiſſe; neque ſuas, ſed Dei Leges promulgãſſe; neque ex ſuo arbitrio gubernationem inſtituiſſe.

II. **F**alſum eſt, nihil quã occasionem à fortunâ Moſi fuiſſe oblatam, qua facultatem præbuerit, quo eam formam induceret, quam ſibi fore aptam indicauit.

Non

*Potestas à
Deo.*

Non enim à fortunâ, quam infortunatissimus Macchiauellus infra cap. 25. faminam facit fuisse subagitantam, sed à Domino datur potestas, & virtus ab altissimo, Sapient. 6. v. 4. *ipse transferi regna, atq; constituit*, Dan. 2. v. 21. vti supra quoque diximus. Huic acceptum tulit, quidquid habuit Moyses, eidem Principatus & Imperia debent omnes in sublimitate constituti; adeoque & Cyrus, Romulus, Theseus debuerunt, etsi non persoluerint, quod debebant.

*Moyse Le-
ges Dei pro-
mulgavit.*

Illud quoque repugnat Scripturæ, quod Moyses occasione oblata vsus, eam formam regiminis induxerit, quam sibi fore aptam indicauit, cum non ex suâ voluntate sed diuinâ populum gubernârit, neque leges ipse tulerit, sed à Deo latus promulgârit. *Hæc ait, sunt præcepta, & cerimonie, atque iudicia, quæ mandauit Dominus Deus vester, ut docerem vos.* Deuteron. 6. v. 1. Quod ipse Macchiauellus intra paucas lineas sibi contrarius suprâ falsus est, cum dixit: *Mosen dumtaxat, quæ sibi à Deo fuerunt præscripta, purè executum fuisse.* falsò itaque inter eos refertur, qui occasione vsi, Rempublicam aut Principatum pro arbitrio, vti commodum erat, effugerunt.

§. IV.

*Occasione imperandi semota, non ideo Virtutem
extinguit, Et in ipso Moyse
apparet.*

III. **F**alsum est, quod occasione se mo-
tâ eorum, quos laudat, ac Moyſis
præcipuè, animi virtus extincta iacuiſſet.
Non enim magnanimus vt docet Aristote-
les 4. Ethic. c. 3. ad honorem afficitur, qua-
ſi ad ſummum bonum, neque ad potentatum
& diuitias, quæ honoris cauſſâ expetuntur,
ideoque, qui his pollent, honorari ob iſta vo-
lunt. Cui ergo honor paruum quid eſt, ei ca-
tera quoque parua ſunt. Habet igitur eti-
am priuata virtus materiam, in quâ ſe
exerceat, & vnde luceat tanto ſecurius,
quanto ſecretius, ſolo Deo arbitro. Cui
ſine Fide, Spe, Charitate nulla virtus pla-
cet; illa autem tria, ſumma animi noſtri
bona, Imperijs & honoribus non indi-
gent. Quod illuſtri exemplo ipſe Moyſes
docuit, cum adoptatus licet à filiâ Pharaonis,
in locum filij Exodi 2. v. 10. fide ne-
gauit ſe eſſe filium filie Pharaonis, magis eli-
gens affligi cum populo Dei, quàm tempora-
lis peccati habere incunditatem; eâdem fide
reliquit Egyptum, non veritus animoſita-
tem.

*Honor non
eſt ſum-
mum bo-
num.*

*Illuſtre Moy-
ſis exem-
plum.*

tem regis; inuisibilem enim Deum, tanquam videns sustinuit, teste Apostolo Hebr. 11. v. 24. 25. Neque quadraginta illis annis, quibus in terrâ Mâdian fugitiuus aduena hæsit, virtus illius extincta iacuit, quæ tantâ in Deum fide, spe ac charitate eluxit.

§. V.

Populum Dei, Moysis causâ in Ægypto captiuum non fuisse, sed Moysen illius liberandâ causâ à Deo missum.

IV. **F**alsum est: Necessarium fuisse, Israelitarum, populum Mosi captiuum in Ægypto teneri, ab ipsisq; Ægyptiis oppressi, ut duro seruitio si lenari voluissent, ad illum sequendum iam essent animo affecti, quod idē repetit, c. 26. Neq; enim scriptura dicit populum israel captiuum fuisse in Ægypto, sed peregrinum & accolam inter râ alienâ, seruitutiq; subiectum, & male tractatum annis quadringentis. Genes. 15. v. 13. & Act. 7. v. 6. Neque hæc ideo filijs Israel contigerunt, ut Moyses occasionem haberet Principatum capeffendi, sed contrâ Deus illum Principem & redemptorem misit, cum manu Angeli, qui apparuit illi in rubo, Act. 7. v. 35, ut seruitute oppress-

Israel in Ægypto captiuus non fuit.

oppressos liberaret, & educeret illos faciens prodigia & signa, &c. Ibid. v. 36. Neque tandē Moyſes reperit filios Iſrael, etſi malè in Ægypto habitos, adſequendum iam animo affectos: ſed opus fuit pluribus ſignis, ab illis fidem diuinæ voluntatis extorquere. Exod. 4. Cui nunquā conſtanter morem geſſerunt, ſed identidem *rebelleſ, repulerunt, & auerſi ſunt cordibus ſuis in Ægyptum.* Act. 7. v. 39.

§. VI.

Potuiſſe à Moyſe & aliis, licet inermibus leges ſtabiliri, ſi Deo placuiſſet.

V. **F**Alſum eſt Moyſen, Cyrum, Theſeum. Romulum nunquam inermes ſua conſtituta, tam diu ſeruanda curare potuiſſe. Nam præterquam quod Moyſes non ſua, ſed diuina conſtituta filiis Iſrael ſeruanda propoſuit, potuit tum illi, tum alijs Deus abſque ullis armis & armatis, animos populorum conciliare: & conſtanter obſequentes præſtare, in cuius manu non minus ſunt corda ſubditorum, quam Regum & Principum. Quâ ratione Chriſtus *domuit orbem non ferro, ſed ligno*, vt ait S. Aug. ad Pſal. 54. v. 1. & ſubiecit ſibi gentes non legionibus militum, ſed

*Moses arma
non traxit.*

sed doctrina piscatorum, quæ vsque ad
consummationem seculi vigeat & perse-
uerabit. Accedit Moysen arma non tra-
ctasse, quantum quidem sacrae literæ me-
morant: & delinquentibus non tam pœ-
nas irrogasse, quàm ignouisse, vltimumq;
scelerati populi excidium sæpius depre-
catum esse, vti legimus Exod. 32. Num.
11. 14. 16. 21.

Atque ex his apparet, quanta perfidiâ,
falsitate, imperitiâ hic Pseudopoliticus,
Moysis gesta, & sacras Scripturas in partes
suas trahat; Lectoremque eò ducat, vt
sanctissimum Prophetam, non minus quàm
Cyrum, Theseum, Romulum, profanum
fuisse credat. Quod ij faciunt, qui num-
mis adulterinis fallunt, aut vitiosis merci-
bus: vt vno alteroue aureo nummo, ali-
quâ item probâ merce offensâ, in cautos
illiciant: hoc egit Macchiauellus, cum à
Moysæ exemplū aduocauit, vt nō absimi-
li ratione, vnius Sanctitatis aliorum sce-
lera, suumque venenum isthoc melle illi-
neret, & occultaret.

§. VII.

*Calumniam esse, cum Macchiauellus dicit, sub-
ditos a Pontificibus negligi.*

CAP. XI. Pontifices calumniatur, asse-
rens: *Hos vnos omnium, dominatum
habere.*

habere, nec illum defendere. Habere & qui subijciuntur populos, quorum regendi curâ nullâ tangantur. Eorum provincias, indefensa cum sint, qui ab eis auferat, neminem esse. Populos :tem sub eorum administratione, cum se neglectos sentiant, nihil morari. Vt autem ab eis sese subtrahant, aut explicent, tantum abesse ut cogitent, ut ne possint quidem.

Quæ tam falsa sunt, ut ea refellere opus non sit. Non negligi à Pontificibus subditos, clamant magistratus, gubernatores, legati per quos gubernantur & in officio continentur; idem demonstrant bella pro defensione status Ecclesiastici legitimè suscepta. Sed Macchiauellus secum ipse pugnat. Si enim Pontifices nullâ curâ regendi subditos tanguntur : nulla est ratio, cur non indefensi in aliorum prædam cedant, aut ipsi se eorum dominio subtrahant; quod hominibus omni Principum curâ solutis, non potest non esse facillimum. Tanta ergo, summos Religionis antistites calumniandi libido, & de illis loquendi licentia contemptu plena, quæ passim in scriptis eius apparet, animum arguit Religionis contempto-

rem.

Z

CAP. II.

*Macchia-
uellus secum
pugnat.*

CAP. II.

Vitia declinari, & virtutum precepta à Principibus observari posse; & aliquod illis constitutum esse tribunal.

§. I.

Ex Macchianelli sententiâ, nec Vicia omnia declinari, nec Virtutes servari posse, aduersante humana Vita conditione.

CAP. xv. Principis, pestilens Pseudo-politiæ Principium, & veræ Religioni aduersum statuit hisce verbis: *Posthabitis, quæ de Principe dumtaxat animo sunt efficta, de quibus quæ vera sunt, differens, dico omnes homines, cum de his est sermo, Principes præsertim, quod editiori in loco positi sunt, harum rerum aliquâ notari solere. Ut alius liberalis, restrictus & tenax alius dicatur: quidam munificus, raptor alius: nonnulli crudeles, alij clementes: aliqui fadifragi, religiosi alij: partim effeminati & molles, contra alij viri fortes & feroces: multi humani, superbiâ tumidi alij: complures libidinosi, castitatē pradi nonnulli: in non paucis vitæ integritas, fraus nocentissima in multis cernitur: moribus asperi sint quàm plurimi, facilitate & lenitate quidam ornati: nonnulli graues & seneri, ex contrario, qui leues sint & dis-*

& dissoluti: pietatem colant multi, contra sunt, qui plurimum aduersantur, & his familia. Nemo non fatebitur scio, fore rem summis laudibus celebrandam, si omnibus his Princeps esset ornatus, quæ ex iam dictis bona existimantur. Verum cum nec haberi, nec aduersante humana vite conditione, seruari possint, necessarium est ut eâ prudentiâ, quâ eorum vitiorum infamiam fugiat, quibus illi Imperium adimi posset.

§. II.

Macchiauellum cum hæreticis, Dei præcepta seruari non posse asserentibus, à Concilio Tridentino damnatum merito censeri; absolute enim illum loqui, & contra aliorum ordinem.

IN verâ religione omnia vitia & peccata prohiberi, virtutesque ad ea vitanda necessarias præcipi nemini dubium est. Hinc Christianæ vitæ ac iustitiæ summa, in sacrâ Catechesi hæc omnibus à puero proponitur: *Declina à malo, & fac bonum*, Psal. 36. v. 27. quam Christus expressit, cum dixit: *Si autem vis ad vitam ingredi, serua mandata*, Matth. 19. v. 17. Non enim aliter mandata seruantur, quàm declinando à vitijs omnibus, & contrarias virtutum actiones exercendo.

*Christiane
vita sum-
ma.*

Contra quam verissimæ fidei doctrinā, quia Macchiauellus temerariā, & à Patri-
bus sub anathemate prohibitā voce, vt lo-
quitur Concil. Trid. sess. 6. cap. 11. vir-
tutes, quarum bene longum Catalogum
hic texit, quasque seruandis diuinis præce-
ptis, & fugiendis vitijs contrarijs necessa-
rias esse manifestum est, nec haberi, nec
aduersante humanæ vitæ conditione ser-
uari posse asseruit: ideo ab eodem Con-
cilio, cum nostri temporis hære-
ticis, anathemate percussus censeretur,
I. c. Can. 18. his verbis: *Si quis dixerit,
Dei præcepta homini etiam iustificato, & sub
gratiâ constituto, esse ad obseruandum im-
possibilia. anathema sit.*

*Macchia-
uellus abso-
lutè loqui-
tur.*

Neque enim dicas Macchiauellum non
absolutè loqui, sed sub conditione; si quis
Princeps Principatum quouis modo sal-
uum esse, & tueri velit. Nam vt supra di-
xi, profitetur nouam & alienam ab alio-
rum ordine disputationem. Non posse
autem eum, qui decreuit esse malus, posi-
tā eiusmodi voluntate, virtutes habere,
aut seruare, nec vitia omnia fugere: nihil
nouum est, nec à veritate, aut aliorum
ordine alienum. Categoricè igitur & ab-
solutè loquitur, ideoque reiecta aliorum
doctri-

doctrina veluti animo efficta, veram scilicet, ipse pollicetur, non sine graui veræ Religionis iniuriâ. Nam si communis ante Macchiauellum Politica, quia virtutes seruari iussit, vitiisque nullius licentiam, quocunque Imperij prætextu concessit, fictitia putanda est: necesse est Religionem Christianam non esse veriore, cum ex illâ, velut primâ recte viuendi regulâ, præcepta iustitiæ ac probitatis Politica deriuat, vti supra demonstraui.

§. III.

Verba quoque Macchiauelli clara esse, cum negat aduersante humana vita conditione id fieri posse; licet Sanctissimorum Principum exemplis refellatur.

Accedit alterum clarum ex Macchiauelli verbis de mente illius argumentum. Dicit enim virtutes, à se enumeratas, *aduersante humana vita conditione nec haberi, nec seruari posse*, non igitur solam prauæ voluntatis hypothesin, obstare iudicat: sed humanæ vitæ conditionem, cui repugnare non est hominis, quantumuis bonus esse velit.

Non ex hypothesi loquitur Macchiauellus.

Sed tam falsò quam impiè istud dici, eorum Principum exempla demonstrant, qui Sanctitate illustres, vel nullo grauiori

*David mā-
datorum
Dei obser-
uans.*

vitio admissō, vel noxis, si quas contraxerunt, serio seuerque expiatis: virtutes implendis Dei præceptis necessarias, haberi seruarique posse, etiam in Imperio verbis & factis demonstrarunt. Hoc de seipso testatur, magnus Rex, & vir secundum cor Dei, qui Psa. 118. sapius sibi magnā cum fiduciā spondet ac tribuit mandatorum Dei obseruationē. Id Regi Ieroboam, qui ex cogitato consilio Pseudopolitico, peccare fecit Israel, exprobratur, 3. Reg. 14. v. 8. *Non fuisti sicut seruus meus David, qui custodiuit mandata mea, & secutus est me in toto corde suo, faciens quod placitum esset in conspectu meo.*

Item Iosias.

Simili præconio celebratur Rex Iosias 4. Reg. 23. v. 25. *Similis illi non fuit antea Rex, qui reuerteretur ad Dominum, in toto corde suo, & in totā animā suā & in vniuersa virtute suā, iuxta omnem legem Moysi.* Iosia adiungo, quem Scioppius quoque adiunxit S. Ludouicum Regem Gallia, qui (vt habetur apud Surium in eius vita 25. Augusti) ad eam virtutis perfectionem euasit, vt vitam ab omni mortiferi peccati contagione purissimam exegisse diceretur; ex sanctissimæ nimirum matris voto, & adhortatione. Hac

enim

Et S. Ludouicus.

enim non raro illi fertur dixisse : *Equidem malim charissime fili, te extinctum cernere, quam letali alicui peccato obnoxium.*

Idem monitum S. Ludouicus, Philippo filio primogenito, testamento reliquit, hisce verbis : *Deum liberâ mente amato, quosine nemo saluus est. Nullo illum crimine offendito. Tolerabilior tibi mors esto, quàm Peccatum.*

§. IV.

Posse ac debere à Principibus omnia peccata mortalia vitari, & SS. exempla illius imitanda proponi

NON ergo aduersatur conditio vitæ humanæ, observationi diuinorum præceptorum, quæ virtutum actibus vitiorumq; fugâ continetur. Testis est humanæ vitæ arbiter Deus, qui Principibus quoque leges dedit, nemini eas daturus, si seruari non possent. Dauidi potius, Iosifæ, & S. Ludouico credat sapiens Princeps, quam Macchiauello, posse nimirum à Principibus, peccata omnia vitari, quæ diuinam amicitiam tollunt, & ab æternâ morte, cuius reos nos constituunt, mortalia dicuntur. Leuibz solùm, quæ venialibus peccatis obnoxia humana infirmitas.

mana infirmitas ; vt omnibus cauendis non sufficiat ; propter quæ bonorum Principum, & omnium iustorum illa vox est & humilis, & verax : *Dimitte nobis debita nostra*, vt ait Concil. Trid. sess. 6. cap. 11. De his autem non loqui Macchiauellum, tam apertum est ex sceleribus, quæ locis allegatis & allegandis laudat, & necessaria putat, vt si quis id non aduertat, eius oscitantia veniam non mereatur.

§. V.

Macchiauellum, non ex concupiscentiâ Græ Eucherum, sed inde errorem suum fabricasse vident, quod putaret non posse nos vehemensibus cupiditatibus oblectari, quin in obsequamur.

ET si verò Macchiauellus communem cum hæreticis doctrinam habeat, non ex Lutheri tamen aut Caluini principijs, quæ eius ætate ignota fuerunt, illam hausit, sed ex proprijs fabricauit. Illi enim concupiscentiam, siue legem membrorum, eiusque motus licet rationem præuenientes, peccata esse & quidem mortaliâ falsò arbitrati : cum sine concupiscentiâ, eiusque motibus nemo viuat, legem diuinam à nemine seruari posse concluderunt.

runt. Macchiauellus autem ex alio duplici errore in eundem errorem incidit.

Nam primùm putâsse videtur, non posse hominem vehementioribus affectibus obluetari, quin ijs obsequatur, eaquæ faciat, ad quæ impellunt, quantumvis iniqua & improba sint. Hâc certè ratione, Principis Valentini res gestas, perfidiâ, fraudibus & sæuitiâ plenas, c. 7. excusat, cum dicit se non videre, quâ in re eum reprehendat, imò omnibus potius imitandum proponi, qui ad Imperia fortunâ duce, & alienis armis sunt prouecti. Aliter enim ait, cum magnos & elatos animos generet, illum animi propositis ad altiora impellentibus, rem suam administrare non poterat, quàm scilicet perfraudes, cades, aliâque scelera. Quæ utique minus audacter Macchiauellus excusâset, si eiusmodi animi propositis, ad quæuis etiam iniqua impellentibus, resisti posse credidisset.

Sed hâc in re Fidei & Scripturæ grauitè repugnat; quod enim Genes. 4. v. 7. Deus dixit inuido Caino, idem dicere putandus est superbo Valentino, & cuius post concupiscentias suas eunti: Nonne si bene egeris recipies? Sin autem malè, statim in foribus peccatum aderit, frustra eas clau-

Macchiauellus censuit affectibus resisti non posse.

Repugnat Fidei & Scripturæ.

dente malo ianitore Macchiauello. *Sed sub te erit appetitus eius, inuidiæ, ambitionis, superbæ, & tu dominaberis illius.* Quo dominio nisi homines uti posse ac debere credamus, quævis scelera vehementiâ affectuum excusari poterunt, & debebunt.

§. VI.

Veriorem causam illam esse, quod Imperium aliaq; bona externa, proprium præcipuumq; Politica finem esse statueret.

*Præsumptio
Politica finis.*

VERUM altera erroris huius causa, multo certior est, imò omnibus Macchiauelli principiis ac fundamentis consideratis, liquido explorata. Statuit nimirum, uti antè demonstratum est, proprium præcipuumque finem Politicæ, esse Bonam, externam, siue Imperij incolumitatem, gloriam, opulentiam, potentiam: hæc autem cum ob hominum improbitatem, fraudes ac perfidiam, quorum ratio viuendi, ab eâ, quâ æquum esset, ut viverent, nimium quantum abest, solis bonis artibus retineri & conseruari, non solere aduerteret, nec posse putaret: humanæ vitæ conditionem solis merisque virtutibus aduersari, ideoque *vitia sine quibus dominatum non*

non facile, Princeps tueri posset, accedentibus præsertim animi propositis ad altiora impellentibus, non reformidanda esse con-
clufit.

§. VII.

Principatus, in quibus nihil peccetur, nullos &
fictitios esse; neque talem imperandi rationem
Principibus præscribi.

ADuersus quam Macchiauelli impiam doctrinam, hucusque disseruimus, pro rectæ rationis, diuinarum humanarumque legum jure, quod neque Bona fortunæ supremo loco, siue in supremi præcipuique finis sede collocari, nec propter illa, bona animi violari patitur. Neque idcirco, sicuti Macchiauellus criminatur, *Respublicas & Principatus quosdam animo effingimus, qui nunquam sub aspectum venerunt, aut nunquam reuera extiterunt.*

Eos enim Principatus veræ Politicæ consentaneos esse contendimus, qui in Politicæ formâ, siue legibus suis nihil vitij continent, & nullam peccandi licentiam permittunt. Quales Respublicas, seu Principatus nunquam sub aspectum venisse falsum est; multas enim eiusmodi

Politias

Principatus
legitimi
multi.

Politias sine vllò legum vitio constitutas, & olim, inter Catholicos præsertim, extitisse, & etiamnum extare, certissimum est.

Leges nunquam integrè & perpetuò, ab omnibus servantur. Si de legum obseruatione agatur, fate-
mur eas in nullâ Republicâ integrè & perpetuò ab omnibus obseruatas vnquam fuisse, aut hodie obseruari; vbique enim, optimis permixti sunt pessimi, & bonis mali. Quos omnes à ciuili Societate excludi posse aut debere, aut etiam bonos non aliquando cespitare qui putat: is pro-
fectò talem Rempublicam aut Principatum animo effingit, qualis nunquam sub aspectum venit, nec reuera extitit.

*Quid Principibus & Imperantibus incum-
bat.* Hoc autem neque negotium nostrum, neque consilium est, quod eò solùm spectat, vt Principes, alijque imperantes, studium & curam ad virtutem probitatemque præcipuè referant; & si quæ ipsi peccant, ipsi emendent; quæ subditi delinquant, legitimis pœnis coerceant; nec sibi autem peccandi, legesque violandi licentiam usurpent. nec subditis concedant; ex quibus quo plures bonos effecerint, aut retinuerint, tanto melior Politia iudicabitur. Hanc imperandi rationem, vt legitimam bonisque Principibus ac Rebus publicis com-

communem & necessariam esse nemo negare potest: ita solo animo effictam, nunquam sub aspectum venisse, vel reuera extitisse. nemo cum Macchiauello criminari debet. Cuius hæreticum errorem, vt in apertum ex suis latebris educeremus, necesse fuit ea dicere, quæ non à multis animaduersa videri possunt.

§. VIII.

Si Macchiauellus serio tribunal iudicii Vivorum & mortuorum credidisset, Principibus suaserum non fuisse: Et tribunalis securi, & solæ honesti speciei contenti, quibus sui rationibus Imperium tuerentur.

CAP. xviii. Principis, In hominum autem aîr, præsertim Principum actionibus, ubi nullum habetur constitutum, ad quod videntur iudicium, rerum euentum plerique observantes expectant. Vitam igitur Princeps tueatur, curetq; Imperium conservare; quibus autem id fiat rationibus, ea modo honesti speciem præseferant, nunquam non honore digna, laudibusque existimantur. Ducitur namque captivum perpetuo vulgus specie recti, & rerum euentu; & planè nihil, quàm vulgus toto in orbe versatur.

Videri

*Supremi
Principes in
hâc & itâ
tribunal nō
habent.*

Videri posset Macchiauellus nihil hic aduersus veram fidem loqui, cum negat *haberi constitutum, ad quod Principes vocentur iudicium.* Etenim si de supremis Principibus & Rebus publicis loquamur, quæ superiorem non agnoscunt, verum est in hâc vitâ nullum extare tribunal, quò ad causam dicendam vocari, & vbi accusari vel daminari possint. Illud quoque verissimum est, Principes improbos hâc supremâ potestate, ad criminum licentiam, subditorumque iniurias, frequenter abuti.

Verum non intra hos limites loqui Macchiauellum, sed illud quoque tribunal, *ante quod omnes nos*, seu Principes, seu subditos, *stare & manifestari oportet*, teste Apostolo Rom. 14. v. 10. & 1. Cor. 5. v. 10. inficiari, non vana suspicio est. Nam alibi ita loquitur, vt animam quoque humanam mortalem & caducam credere videatur, adeoque non magis hominibus quàm brutis, aliquod post mortem iudicium superesse.

Conclusio deinde, seu monitum, quod ex Principum supremâ potestate nulli iudicio aut iudici subiectâ elicit: hominem, tot impietatis præiudicijs jam antè labo-

ran-

rantem, multò vehementiùs suspectum reddit. Si enim credidit venturum esse aliquando *iudicem vinorum atque mortuorum*, malè Principibus supremis consulit, vt quibusvis rationibus vitam & Imperium tueantur, & solà honesti specie contenti laudis existimationisque securi sint. Ducitur quidem *valgus specie recti*, sed non Deus, qui interrogabit opera Principum, & cogitationes scrutabitur, Sap. 6. v. 4.

Macchiauelli Principibus non bene consulit.

Contrarium ergo inferre & monere debuit Macchiauellus, si veræ pietati ac Religioni Principum salutis contrarius non esset. Nullum equidem in hac vitâ constitutum habetis iudicium Principes, sed *statutum est vobis*, sicut alijs hominibus *semel mori, post hoc autem iudicium*, Heb. 9. v. 27. quod declinare nemo Regum potest. Vitam igitur & Imperium conseruate ijs rationibus, quæ non solum specie recti homines capiant, sed Deo quoque placeant. Si enim, vt Sapientia vobis vos adhorter; *cum sitis ministri regni illius, non rectè iudicatis, nec custoditis legem iustitiæ, neque secundum voluntatem Dei ambulatis: horrendè & citò apparebit vobis, quoniam iudicium durissimum his, qui presunt, fiet. Exiguo enim conceditur mi-*
seri-

Adhortatio ad Principes.

sericordia, potentes autem potenter tormenta patientur. Non enim subtrahet personam cuiusquam Deus, nec verebitur magnitudinem cuiusquam: quoniam pusillum & magnum ipse fecit. & aequaliter cura illi est de omnibus. Fortioribus autem fortior instat cruciatio. Ad vos ergo reges & Principes sunt hi sermones mei, ut discatis sapientiam, & non excidatis. Qui enim custodierint ista iuste, iustificabuntur: & qui didicerint ista, inuenient quid respondeant in remendo iudicio. Vbi obmutescunt Principes amplexi præcepta Macchiauelli, qui homines quidem non metuere, illosq; honesti specie fallere, Deum autem offendere docet, & contemnere, inò & negare. Huc prolabi necesse est eos, qui alienum censent à Politicâ, principia Christianæ fidei præ oculis habere, aut fidem illis adhibere.



CAP. III.

*Doctrinâ Macchiauelli de Fato & Fortunâ,
à Dei prouidentiâ & virtute animos ab-
duci, ac liberum arbitrium perueriti.*

§. I.

*Macchiauelli de fortunâ ac fato, & liberi arbi-
trii aduersus illud Viribus doctrina.*

CAP. XXV. De fortunâ non sine grauî
iniuriâ & contumeliâ diuinæ prou-
identix disputat, vt ex hisce verbis perspic-
potest: *Ne arbitrium nostrum extingua-*
tur, eam opinionem sequor, vt alteram no-
strarum rerum partem, fortune arbitratus
iudicem procurari, alteram, vel paulò minus
nobis administrandam relinquî. Fortunam
enim montano flumini omnia prosternenti
comparare soleo, &c. Nihilominus, cum tali
feratur ingenio, nihil impedit, quo minus
homines pacatioribus temporibus possint obi-
cibus, aggeribusq; prospicere, vt iterum
exundans canalibus defluat; aut impetu
represso, tam effusè perniciosèque non fera-
tur. Idem accidit de fortunâ, quæ vim suam
exerit, ubi nulla adest ad resistendum instru-
cta virtus; eò suos impetus conuertit, ubi
nullos aggeres, nulla impedimenta, quibus si-
bi ob-

*Macchia-
uelli deri-
bitor fortu-
na & liberi
arbitrii.*

bi obuiam iri possit, nouit esse extructa, &c.

*Tempora
modo agen-
di congrua,
felices fa-
ciunt.*

Illum etiam felicem existimo, cuius in administrando consilia, temporum conditioni respondent: vicissimq; infelicem illum puto, à cuius rerum gerendarum procuratione tempora discrepare videntur. Constat enim homines in ijs rebus, quibus ad finem deducuntur (quem finem ob oculos propositum habent, nempe gloriam & opes) non unà ratione deliberare. Nonnulli circumspectè quodammodo, alij impetu, complures vi arte multi, sunt qui patienti animo, effrenato quam plarimi, & unus quisque his modis inter se repugnantibus, eò peruenire potest. Alterum praterea è duobus videmus, cui in agendo observatio est, quò destinavit, peruenisse, alterum nequaquam. Vicissim ex duobus alteris, videmus utrumq; contrarijs studijs eque felices fieri. Quares aliunde non manat, quam à temporum conditione, quæ cum eorum agendi modus, vel consentit vel repugnat, &c.

Stet itaque sententia, si cum fortuna vicissitudine pulchrè consentit, hominum obstinata in procurandis rebus, ratio illa & modus, felices dicentur. Contra si cum illà dissidet, miseri sunt. Satiùs tamen iudico ferocem esse, quàm circumspectione duci. For-

tuna

una namq. femina est, & ut quis eam subij- *Fortuna*
Macchia-
nello fami-
na est.
ciat, necesse est. ut fuste eam subagitet, atq;
instiget. Nemo non videt eam libentius ab
ijs, qui ardentiores, quā ab illis, qui in agen-
do frigidi sunt, pati se vinci. Proinde quā
femina est, eā iuuenum amicitiam ample-
ctitur. Minus enim rerum rationem habent,
& ad omnia sunt ferociores: sic, ut & in
ipsam etiam fidenciori animo Imperium ex-
erceant.

Adiungo, quæ ad eandem rem perti-
nentia, ex eādē farinā pinxit, lib. 11. di-
scursuum, cap. xxix. de Fato seu Fortunā.
Pro eodem enim hæc duo illum habere,
apparet vel ex titulo, cui, licet Fatum
frequentius nominet, solius Fortunæ no-
men inscripsit hisce verbis: *Fortuna homi-*
num animis tenebras offundit, ne vim suam
ingruentem refringant; quā de re capitis
decurfu ita differit.

Si rerum vicissitudinem contemplemur,
comperiemus multa accidere ex Fato itā vr-
gente, ut ijs obuiam ire nemo possit, quamuis
in promptu remedia fuerint. Et si P. R. ta-
lia quadam acciderunt, in quo omnis gene-
ris virtutes enitebant, & religionis inpri-
mis, ac rei militaris studium vigeat: cui
mirum videri debet, si alijs Rebus publicis

Fato & a-
stris, non
semper resi-
sti posse pu-
tat.

provincijsq; etiam eueniant, in quibus nulla harum virtutum tantopere elucet? Inprimis igitur habenda ratio est earum rerum, quæ fato ipso, seu astrorum influxu euenire videntur: & quibus ut resistamus, fortuna non permittit.

Quarum exemplum luculentissimum est id, quod P. R. clade Gallicâ accepit. & c. Quod si quis igitur animo comprehendat, res à P. R. prius, tam præclarè longo annorum numero gestas: usque has conferat, quas aduersus Gallos gesserunt, tam diuersas esse comperiet, ut non ab uno eodemque, sed diuersis populis gesta esse videantur. Vsq; adeò scilicet occæcat fortuna animos hominum, ait Liuius, cum vim suam ingruentem refringi non vult.

Doctrina
peruersa.

Quo fit, ut qui in perpetuis periculis versantur, minùs vituperari debeant: & minùs laudari, qui continuâ felicitate fruuntur, cum & illos & hos fata eò trahere videantur: neque consilium illorum ad resistendum malis, neque horum virtus ad comparandam felicitatem multùm facere queant. Solent equidem fata suis vii medijs. Nam ad res magnas patrandas, non nisi viis egregijs vtuntur, qui oblatas fortune occasiones arripere queant: & si quæ magna moles

moles impendeat malorum, prius quàm eueniant, solet eos viros, qui consilio is obuiam ire possent, aut abolere, aut certè ità affligere, ne resistere ullo modo possint, &c.

Hoc unum pronuntiabo de fortuna viribus, & fati necessitate, quod historias omnis generis percurrenti facile apparebit, homines fati necessitatem euitare non posse: sed faciliorem euentum is, quæ ab eo impendent, efficere, eumq; promouere: adeoq; Parcarum telas texere, non retexere, aut rumpere. Quod est ità se habeat, non deset tamen, ut animum abiciamus, nosq; planè committamus fato, sed quacunque fortunâ aspirante, bene speremus, diligenter prudenterq; rebus nostris provideamus: quod fatorum via, & rationes producendorum effectuum, obscuriores sint, quàm ut à nobis intelligi queant.

Atque hic est Macchiauelli sensus de Fortunâ & Fato, ex quorum arbitrio & decretis Pseudopoliticam felicitatem totam ferè suspendit: non sine multis grauibque erroribus, quos præterire nobis non licet, cum improbitatem mali scriptoris, & Pseudopoliticæ fallaciam, clarius ob oculos po-

nant.

§. II.

Fatum in siderum influxu à Macchiauello collocari; eius tamen vim à nobis refringi, & fortunam femina instar fuisse subagitari posse; hocq; ludibrio fatum & fortunam à Dei voluntate alienari; neq; Macchiauellum satis in errore sibi constare.

*Fatum
quid.*

Fatum in siderum influxu Macchiauellus collocat, cui tribuit quoque certum vite spatium, qua omnia in hoc universo contenta terminari affirmat l. 3. discurs. c. 1. Non igitur aliter fatum accipit, quàm quod teste S. Aug. l. 5. de ciuit. c. 1. *homines usitatâ loquendi consuetudine intelligunt, vim nimirum positionis siderum, eam precipuè, qua est, quando quis nascitur, seu concipitur. Quod aliqui alienant à Dei voluntate (vocantes, ut paulò supra ait, ea fatalia, qua prater Dei & hominum voluntatem, cuiusdam ordinis necessitate contingunt,)* aliqui ex illâ etiam hoc pendere confirmant.

Sed non omnimodam necessitatem Macchiauellus Fortunæ & Fato tribuit. Fortunam enim, veluti femineæ indolis, fuisse subagitari, & instar fluminis obiectis aggeribus reprimi putat; ideòque ferociam potius suadet, quàm circumspectionem.

ctionem. Quâ in re Platonem aliquâ ratione sequitur, qui in postremo de Republicâ asserit, *Necessitati ne Deos quidem resistere, quæ verò ab astris geruntur, talia interdum esse, ut evitari sapientiâ, industriâ, laborè queant, in quo sita est fortuna; quæ verò certis causis progredierentur ac permanerent fixa, id dici fatum.* Vbi apparet hæc duo à Platone distingui, etsi nec à facto quidem, velit necessitatem inferri electioni.

*Macchia-
nellus Pla-
tonem se-
quitur.*

Verùm Macchiauellus fortunæ vim fuisse, & maiori vi obiectâ repelli & cohiberi asserens, eam sententiæ suæ ludibrio à voluntate Dei alienat. Nam si à Dei providentiâ decerni, & ab eiusdem potentiâ effici credit, quæ loquendi abusu fato ac fortunæ tribui solent, impiè Deo fustem intentat, & aggeres ac ferociam opponit: cuius voluntati resistere nemo potest, & contra quem non est consilium; cuius potentiam ac sapientiam fœminæ imbecillitati & stultitiæ comparare, non minus stultum quam blasphemum est. Neque enim solum Fortunæ effectus intelligit, contra quos valere potest illud Poetæ: *Tu necede malis; sed contra audentior ito; ipsas rationes producentium effectuum, & fa-*

*Fortunam
à voluntate
Dei alienat.*

torum vias, Macchiauellus verbis & sententijs designat, vt legenti & intelligenti planum est.

*Ab auribus
repells de-
bet.*

Suâ ergo vi Fortuna Macchiauelli nititur, nihil Deo debet, nec Imperium aut vires illi fert acceptas, quas si diuinas, diuinitatis contemptor crederet, à foeminei nominis contumeliâ abstineret. *Sed illi ait S. August. l. c. qui sine Dei voluntate discernere opinantur sidera, quid agamus, vel quid bonorum habeamus, malorumue patiamur, ab auribus omnium repellendi sunt: non solum eorum, qui veram religionem tenent, sed qui Deorum qualiumcunque, licet falsorum, volunt esse cultores. Hæc enim opinio quid aliud agit, nisi vt nullus omnino credatur aut rogetur Deus? Quod ipsum profectò agit Macchiauellus, cum docet omnem felicitatem aut infelicitatem à modo agendi, ac res suas procurandi, temporû conditioni consentaneo vel dissentaneo pendere. Sibi ergo quisq; Deus est; neque causam habet, cur alicui supplicet, aut è cælo spem rerum suarum suspendat, qui non aliunde, prosperitatem manare persuasum habet, quàm ab agendi modo, & animi ferociâ, si eam secundum temporum conditionem rectè moderetur.*

Et si

Et si hoc in errore impostor sibi parum constat. Posteriori enim loco, quod priùs libero arbitrio concesserat, totum ferè rursus adimit, cum ait, *neque consilium ad resistendum malis. neque virtutem ad comparandam felicitatem, multum facere posse*; falsò igitur antè virtuti, aggeres cuiusvis infelicitatis flumine validiores, adscripsit, & obstinatà in rebus procurandis ratione, ac modo cum temporum vicissitudine pulchrè consentiente, homines felices effici ac dici pronuntiauit.

Macchianellus inconstans,

Cui illud quoque aduersatur, quod Livijs sententiam amplexus, censuit occidari à fortunâ animos hominum, cum vim suam ingruentem refringi non valt. Nullos ergo aggeres virtus obijcere, nec modus agendi temporibus seruire poterit, si fortuna oculis animi glaucoma obijciat: ut neque quâ aggeres obijci debeant, neque temporum conditionem cernere & intelligere valeat. Quod fortuna quidem faciet, quoties vim suam refringi nolet; semper autem nolle poterit.

Vnde sequitur nullam rerum nostrarum partem nobis administrandam relinqui, sed solius fortunæ arbitratu procurari; alteram enim partem Macchianellus ultro

Nihil tandem libero arbitrio relinquunt,

ipsi concedit, *alteram verò, vel paulò minus*, quam virtutis aggeribus & congruo modo res gerendi circumseribit, eidem arbitrio, sui immemor relinquit. Ex fortunæ enim arbitrio pendere, hoc ipsum, necesse est, an cernere nos velit, quomodo aggeres infortunijs obijcere & tempori congruere oporteat; quod si cerni à nobis nolit, ea quoque pars, quæ nobis reliqua videbatur, pro fortunæ nos occæcantis arbitrio perit. Ita *in circuitu ambulans impij*, & pugnantium errorum vertigine rotantur, postquam à veritate, infelici diuotio recesserunt.

§. III.

Macchiauellum censuisse libertatem arbitris exsinguì, nisi bona externa in potestate habeat.

ENimvero Macchiauellus Liberi arbitrij naturam, cuius seruandi causâ infelicem hanc de Fortunâ opinionem secutus est, non secundum veræ Fidei regulam intellexit. Res enim nostras, quarum partem fortunæ ereptam, nobis procurandam relinqui voluit: non constituit, in bene & male agendo, seu virtutibus & vitijs, sed in gloriâ & opibus, *quem finem*

ob oculos hominibus propositum esse contendit. Censet ergo libertatem arbitrij nostri extinguere, si honores & opes solius fortunæ arbitrato, procurari ac dispensari dicantur; eamque ob causam, ab hac sententiâ, in quam aliquâ ex parte se inclinasse fatetur, in illam opinionem venit, quam isto loco explicat. In nostro nimirum arbitrio esse, obiectis aggeribus fortunæ resistere, ne gloriam & opes, seu Imperia & dignitates eripiat, quod putat suâ ætate Italiam cauere potuisse, si ait, quâ deceret patriâ virtute suffulta esset, uti Germaniam, Hispaniam, Galliam cernimus.

*Libertas
arbitrii à
Macchiau-
ello male
explicata.*

§. IV.

Deum in manu arbitrii & consilij nostri reliquisse actiones animi bonas & malas, virtutem & vitium; non item bona externa imperium, opes, honores; si Principes bona interna non negligant, Deum externa prosperantur.

Sed liberi arbitrij defensio & explicatio, à Macchiauello suscepta, à verâ ratione & fide longè abest. In eo enim liberum arbitrium situm est, quia in nostrâ potestate est virtus, & vitium, non aurum & Imperium; quia possumus agere honesta & turpia, ac itidem non agere, sed esse boni

*Libenum
arbitrium
in quo situm.*

boni & mali, non quia possumus gloriam & opes consequi, aut non consequi.

Est hæc sacrarum literarum sententia: Ecclesiastic. 15. à v. 14. *Deus ab initio constituit hominem, & reliquit illum in manu consilij sui. Adiecit mandata & precepta sua: si volueris mandata seruire, conseruabunt te, & in perpetuum fidem placitam facere. Apposuit tibi aquam & ignem: ad quod volueris, porrige manum tuam. Ante hominem vita & mors, bonum & malum: quod placuerit ei, dabitur illi. Imperij autem, honorum opum optionem non addidit Deus, sed suo dispensanda arbitrio reseruauit; innumeris nullus ad ista patet aditus; non igitur ideo arbitrium nostrum exinguitur, quia hæc in nostro non sunt arbitrio.*

Epicteti duplex monitum.

Quod solâ naturâ tenuem licet facem prælucente, vidit & monstrauit Epictetus, Enchiridij sui, primis duobus aureis seu monitis, seu capitibus.

1. *Rerum aut, alia in potestate nostrâ sunt, alia non sunt. In nostrâ potestate est, opinio, conatus, desiderium, auersatio: & uno verbo qualibet nostræ actiones. In nostrâ verò potestate non sunt corpus, possessio, honores, imperia: & uno verbo, quacumq; nostræ actiones non sunt.*

2. *Ac*

2. *Ac ea quidem, quæ in nostrâ potestate sunt, naturâ libera sunt, nec prohiberi, aut impediri possunt. Quæ autem in nostrâ potestate non sunt, infirma, seruituti & impedimentis obnoxia, ac aliena sunt; illius inquam Domini, cuius supremum in hæc dominium agnoscere & venerari Reges & Principes, magnus Rex docuit: cum offerens suas & populi Israel, inæstimabiles pro templo Domini impensas, dixit. I. Paralip. 29. v. 11. 12. 14. 17.*

Tua est Domine magnificentia, & potentia, & gloria atque victoria: & tibi laus. Cuncta enim, quæ in cælo sunt, & in terrâ, tua sunt: tuum Domine regnum, & tu es super omnes Principes. Tua diuitiæ, & tua est gloria: in manu tuâ magnitudo, & Imperium omnium, &c. Quis ego, & quis populus meus, ut possimus hæc tibi uniuersa promittere? tua sunt omnia: & quæ de manu tuâ accepimus, dedimus tibi, &c. Domine Deus noster. omnis hac copia, quam parauimus, ut adificaretur Domus nomini sancto tuo, de manu tuâ est, & tua sunt omnia.

*Dauid
omnia Deo
tribuit.*

-Non igitur ad libertatem arbitrij pertinet, ista obtinere vel retinere, sed bene illis vel malè uti. si Deus ea concesserit: & patienter acquiescere, si quæ dedit, abstulerit,

*Bona ex-
terna non
sunt nostra
arbitrij.*

lerit, aut quæ desideramus, non dederit. Conari etiam ad hæc temporalia vel adipiscenda, vel retinenda nostri est arbitrij: qui conatus si bono fine aut ex officio suscipitur, virtutis est & laudis: si finem prauum habet, aut modum excedit, vitij est & vituperij.

Virtus & vitium, bene & malè agere, tota est Liberi arbitrij optio; quam ita nostræ potestati concessit Deus, vt malè agere nostrum dumtaxat sit, bene agere & nostrum sit, & Dei, cuius gratiâ necesse est nos adiuuari. *Sufficit enim sibi oculus ad non videndum, hoc est ad tenebras; ad videndum verò lumine suo non sibi sufficit, nisi illi extrinsecus adiutorium clari luminis prebeatur*, ait S. Augustinus, cap. 3. de gestis Pelagij.

Hanc diuinæ gratiæ lucem, sine quâ ambulamus in tenebris, hunc eiusdem gratiæ viuidum calorem, sine quo torpemus ad benè operandum, si toto pectore recipiant, Principes: & quod arbitrij ipsorum est, in vsum salutemque suam & subditorum conuertant, impij Macchia- uelli fortunâ sibi opus non esse, neque illius fata formidari debere intelligent. Quod in potestate ipsorum posuit Deus,

*Principibus
Macchia-
uelli fortu-
nâ opus non
est.*

vt exemplo Dauidis *custodiant mandata Domini*, & *sequantur illum in toto corde suo, facientes, quod est placitum in conspectu illius*. Hoc faciant: & faciet Deus, quod est potestatis suæ, non illorum: vt imperia & principatus ipsis commissos stabiliat, augeat, omnique felicitate cumulet.

Sed peruertunt Pseudopolitici liberi arbitrij vsum, cum omissis animi bonis, quæ ita in nostrâ potestate sunt, vt nullâ Fortunæ aut fati injuriâ eripi possint, aut impediri, externa solùm curant: quæ dat Deus cuiçunque voluerit, non negligenda quidem, sed minori, curâ quàm illa, neque aliter quàm secundum leges illius qui dedit, quærenda, retinenda, & administranda.

§. V.

Virtutem in aduersis & prosperis, contrâ quàm opinatur Macchiauellus plurimum momenti & efficacia habere; ac in virisque laudem mereri.

Vnde rursus elucet, quàm præposterè Macchiauellus dixerit, eos qui in perpetuis periculis versantur, minùs vituperari debere, & minùs laudari, qui continuâ felicitate fruuntur; cum & hos, & illos fata
còtra.

èò trahere videantur: neque consilium illorum ad resistendum malis, neque horum virtus ad comparandam felicitatem multum facere queant. Perpetua pericula & assidue huius vitæ calamitates nullam vituperationis, sed maximam laudis materiam præbent, si magno & excelso animo perferantur.

*Patentia
magna
laus.*

Multum valet patientia, qua opus perfectum habet, ad resistendum malis, cuius clypeo munitus S. Paulus 2. Cor. 7. v. 4. *repletus est consolatione, & superabundavit gaudio in omni tribulatione sua.* Grauem cæcitatæ tentationem ideo permisit Deus euenire Tobix, ut posteris daretur exemplum patientiæ eius, sicut & S. Iob. Tobix 2. v. 12. *Alios verò ludibria & verbera expertos, insuper & vincula & carceres, lapidatos esse, sectos esse, tentatos esse, in occisione gladij mortuos esse, circuisse in melotis, in pellibus caprinis, egentes, angustiatos, afflictos, quibus dignus non erat mundus, testis est prædicator veritatis, Hebr. 11. v. 36. 37. 38.* Hanc autem inter calamitates felicitatis laudem, etiam Reges & Principes mereri posse, S. Iob persuadet, cui seu regi, seu principi insultabant Reges, Tob. 2. v. 15. *Neque alia exempla desunt imitari cupientibus.* Sed

Sed inter prosperitates quoque, virtuti *Virtuti in*
 locus & sua laus est, si animus ijs se non, *prosperitate*
 patiatur corrumpi, & pabula vitiorum, *locus.*
 vertat in instrumenta virtutum; quæ laus
 tanto maior est, quanto difficilior est lau-
 dis materia, tot vndique illecebris ad vitia
 prouocantibus.

Nihil igitur fata siue in prosperis, siue *Fata Virtutis*
 in aduersis virtuti obstant, nec laudes eius *si non ob-*
 minuunt, quia vel nulla sunt, vel si profa- *stant.*
 no nomine vti libeat, ipsa diuinæ volun-
 tatis decreta sunt; quibus bona exter-
 na vel dantur, vel auferuntur, absque
 liberi arbitrij & virtutis præiudicio. Sem-
 per enim Deus integram relinquit bene-
 agendi potestatem, quâ si vti volumus,
 inter quæuis pericula & aduersa securi, &
 felices sumus. Quod Macchiauellus non *Id Macchia-*
 intellexit, quia felicitatem, contra rectæ *uellus non*
 rationis & veræ fidei regulam, in bonis *intellexit.*
 externis, honoribus, opibus, imperio col-
 locauit; quæ ideò *nemini conferunt veram*
felicitatem, quia non extinguunt insatiabi-
lem cupiditatem, ait S. Aug. in Psal. 115.
 & ideo vera bona non sunt, quia à bonis
 & malis haberi possunt; & cum bona sint,
 bonos tamen facere non possunt, ait idem
 Serm. 5. de verbis Domini in Matthæum.

§. VI.

Macchiauellum fati fiderei, contra doctrinam Catholicam assertorem, abducere animos à diuinâ prouidentia; eam & ad magna magnus & paruis, quos magnos facit; ex eiusdem ordine diuinam & diuictam placari posse.

EX quibus omnibus istud tandem efficitur, Macchiauellum fati fiderei esse assertorem, quem errorem damnârunt Patres Concilij Bracarenfis, l. c. i. can. 8. his verbis: *Si quis animas & corpora humana, fatalibus stellis credit adstringi, sicut Pagani & Priscillianus dixerunt, anathema sit.* Vnde consequens est eius Politicam, non esse nisi flagitiosam & perniciosam, cum hæretico superstitiosoq; fundamento innixa, à verâ felicitate Dei que prouidentia homines auertat, & excussis veræ fidei frænis, scelerum necessitatem, licentiamq; persuadere laboret.

*Politica
Macchia-
uelli perni-
ciosa.*

*Fati nomi-
ne rectius
abstinetur.*

Prorsus itaque diuinâ prouidentia regna constituuntur humana. *Quæ si propterea quisquam fato tribuit, quia ipsam Dei voluntatem, vel potestatem fati nomine appellat, sententiam teneat, linguam corrigat,* ait S. August. lib. 5. de ciu. cap. 1. *Quia cum infidelibus nec nomina debemus habere*

com-

communia, ne ex consortio nominum possit sumi erroris occasio, ut ait S. Thomas contra gentes, cap. 39. Solum igitur, in quantum omnia, quæ hic aguntur, diuinæ prouidentie subduntur, tanquam per eam ordinata, & quasi prælocuta, fatum ponere possumus: licet hoc nomine Sancti Doctores uti recusauerint, propter eos, qui ad vim positionis fiderum hoc nomen retorquebant, ut docet idem S. Thom. 1. p. q. 116. a. 1. c.

Quæ improba significatio cum hodie quoque multorum animis hæreat, satius est hoc nomine abstinere, aut certè illud non frequentare. Quin etiam fortunæ nomen S. Augustino displicuit, quo in tribus libris contra Academicos se vsum dolet, lib. 1. Retract. c. 1.

Sed quamuis vtrumque expediat, modum tamen sentiendi, quam loquendi corrigere præstat; quod fiet, si Principes pariter ac subditi felicitatem suam in diuinâ voluntate implendâ, & sequendâ sitam esse intelligant; & in ijs quæ bene, vel malè agunt, nullam omnino, in bonis autem & malis externis, non aliam necessitatem & dispositionem agnoscant, præter eam, quàm Diuina prouidentia imponit & facit. Quæ attingit à fine usque ad finem, for-

*Quid de
fatis & for-
tunâ sen-
tiendum.*

titer & disponit omnia suauiter, ad imperia & res magnas vtens non solùm magnis, vti Macchiauellus de suis fatis fabulatur, sed etiam paruis: quos facit magnos, cum ipsi placuerit, cui nihil magnum est.

*Dauid ex
Pastore
Rex.*

Sic elegit Dauid seruum suum, & sustulit eum de gregibus ouium, de post fatantes accepit eum. Psa. 77. v. 70. eodẽ more ac jure suo, quæ stultæ sunt mundi elegit Deus, vt confundat sapientes: & infirma mundi elegit Deus, vt confundat fortia: & contempnibilia elegit Deus, & ea quæ non sunt, vt ea, quæ sunt destrueret: vt non gloriatur omnis caro, Rex, Princeps, Respublica in conspectu eius, 1. Cor. 1. v. 27. 28. 29. Idem enim qui illos in solio collocauit, inde detrudere potest; idem qui clauum tenere iussit, illum de manibus excutere potest, in penam vel eorum qui malè tenent, vel eorum qui bonis gubernatoribus digni non sunt.

Quo sensu non quidem de fato, sed iustitiâ Dei, seu vindice Prouidentiâ verum est, quod Macchiauellus dixit, si quæ magna moles impendeat malorum, priusquam eueniant, solere eos viros, qui consilio ijs obuiam ire possent, aut aboleri, aut certè ita affligi,

stigi, ne resistere vlla modo possint, in pœnam aut suam, aut aliorum.

Et si verò Diuinæ prouidentię ordinem nec effugere, nec retexere, aut rumpere possimus, est tamen hic ipse illius ordo: *Ordo Diuina prouidentia.* precibus multa, aliàs neganda concedere, pœnitentibus item & deprecantibus pœnas aut indulgere, aut mitigare. Quare possunt Principes ac subditi, secundum veræ Fidei ac Politicæ principia, faciliorem mitioremque euentum ijs, quæ à iustitiâ diuinâ impendent, precibus & pœnitentiâ efficere, multaque quæ desiderant impetrare: cum contra Pseudopolitici fatalibus fabulis, verisque sceleribus diuinam iram magis prouocent, in ruinam imperiorum, & salutis suæ æternum dispendium.

Rectius itaque similibus verbis, quilibet Macchiauellus infortunatam de fortuna ac fato disputationem claudit, ego hanc cum eo pugnam finio. *Animus non abiiciendus.* Et si inquam diuina prouidentia ita se habeat, vt bona huius vitæ, communia bonis & malis, det & auferat tum his, tum illis pro arbitrio non decet tamen, vt animum abijciamus; sed quâcunque aurâ aspirante, seu prosperâ, seu aduersâ bene, sed magis de di-

uinâ bonitate, quam nostrâ industriâ, speremus; diligenter prudenterque rebus nostris prouideamus, ijs inquam modis, quos prudentia filiorum Dei, non huius seculi dictauerit. Quamuis enim ignotæ sint nobis, diuinæ prouidentiae viæ ac decreta, at illud ignotum esse non potest: nec iniusta esse. nec quidquid de rebus huius vitæ statuunt, salutis æternæ aduersa, nisi sponte perire velimus.

§. VII.

*Macchiauello autore ea arma pia esse, in quibus
sola spes vertitur; sed aduersari Deum, &
SS. Scripturas.*

CA P. XXVI. Principis affirmat *Id bellum esse iustum, quod est necessarium: & ea arma pietatem redolere. cum nullâ aliâ in re, quàm in illis spes omnis vertitur.* Non possumus Macchiauello credere, bellum necessarium esse iustum, vt enim necessariam Principi supra dixit, esse improbitatem, si se saluum velit: ita ob eandem causam, non potest non dicere, esse necessarium bellum iniustum, si aliter Imperium comparari vel cōseruari nequeat. Et si quia finis ille, Macchiauello scilicet, autore bonus est, eodem decernente belli iniusti-

iniustitia, in iustitiam mirabili Metamorphosi transformetur. Sed non repetimus iam disputata.

Si necessitas conseruandæ legitimæ Reipublicæ, aut iusti Principatus, aut veræ Religionis, bellum postulet, illud sanè iustum erit, quia necessarium. Verùm hæc necessitas à Macchiauello ignorata aut neglecta fuit, idèoque de eâ intelligi non potest, nec explicari tam benignè meretur, cum præsertim de belli pietate, impiam sententiam mox subiungat, & quid prius de necessitate senserit, aperiat.

Bellum quod iustum & necessarium.

Si ea enim *arma pietatem redolent, in quibus solis spes omnis vertitur*, nulla igitur arma magis pia sunt, quàm Tyrannorum & impiorum; hos enim bonitate causæ destitutos, iniustitiæ scelerumque conscientia, nullam in diuino auxilio spem reponere sinit; solâ ergo virium militumque ferociâ & fiduciâ nituntur. Quod cum etiam in bonâ causâ pietati aduersetur, euident est eidem, in bello iniusto multo magis repugnare.

Impii armis maxime fiunt.

Sæpius sacræ literæ eiusmodi fiduciam damnant, eamque inanem, & Deo exosam esse ostendunt. *Vt ait Isaias c. 31. v. 1. qui descendunt in Egyptum ad auxilium,*

Rb 4 in

in equis sperantes, & habentes fiduciam super quadrigis, quia multa sunt, & super equitibus, quia preualidi nimis: & non sunt confisi super sanctum Israel, & Dominum non requisierunt, &c. & v. 3. Egyptus homo, & non Deus: & equi eorum caro, & non spiritus: & Dominus inclinabit manum suam, & corruet auxiliator, & cadet, cui prastatur auxilium. Ierem. c. 17. v. 15. Maledictus homo, qui confidit in homine, & ponit carnem brachium suum, & à Domino recedit cor eius.

An igitur spes in solis armis pietatem redolere potest, cui *Vae & ruinam. & consumptionem & maledictum* Prophetæ denuntiant? Ad alios Magistros eat Princeps, si veram seu in Deum, seu in patriam pietatem discere velit. Grandis est tantæ virtutis iniuria, eam scelerum confidentiæ adscribere. Sed hos cum Macchiauello *in curribus, & in equis* suis maledictos relinquamus; nos autem *in nomine Domini Dei nostri innocabimus*, Psa. 19. v. 8. hortabimurque pios Principes, vt si victoriam aduersus hostes optant, illam non à se, sed Domino exercituum sperent: qui superbis & de suâ potentiâ præsumentibus, eam non rarò nega-

uit.

§. VIII.

*Victoria à
Deo spe-
randa.*

§. VIII.

*Appendix ex Libro I. Discursuum de Re-
publicâ.*

CAP. IX. Ponit præcipuum Pseudopoliticiæ fundamentum : *malefacta bono fine & euentu excusari.* De quâ doctrinâ scripturis, & veræ fidei contrariâ, iam suprà egimus.

CAP. IV.

Verum Deitimorem sub Numæ tempora, in regno Iudæ, non apud Romanos viguisse; nec causam tanti Imperij, falsa religione à Macchiauello rectè adscribi.

§. I.

Macchiauello autore, cultum Religionis præclarè à Numâ institutum; & inde multis seculis nunquam gentium tantum Dei timorem existisse, hancq; causam tanti Imperij esse.

CAP. XI. Libro I. Discursuum de Republicâ, de falsâ Romanorum Religione, non secundum veræ Religionis regulam Macchiauellus differit. *Quamuis ait, à Romulo Roma primam originem traxerit, cumq; ut filia patrem meritò agnosce-
re debeat: nihilominus tamen viderunt Di-*

Bb s. im

Stolida
Macchia-
uelli impie-
tas.

immortales, quod leges a Romulo latae & institutae: ad tantum Imperium acquirendum non sufficerent. Quamobrem eo ex hac vitâ migrante, Senatum mouerunt, ad Numam Pompilium successorem eligendum, ut is videlicet ea suppleret, quae à Romulo neglecta fuissent.

Cum is ergo ad Imperium peruenisset, P. R. ad belli artes institutum, ferocemq; deprehendit: quem cum ad pacem, & tranquillitatem instituere cuperet, ad religionis cultum constituendum omne studium conuerit. Quem asserit tam praeclarè institutum fuisse, ut multis seculis nusquam gentium, tantus timor Dei extiterit, quantus apud Romanos, ex Numa institutione erat.

Postea verò concludit, cultum Religionis à Numâ Pompilio institutum, unam è primarijs causis extitisse, propter quas Romani in rebus gerendis tam felices fuerint.

§. II.

Cultum falsorum Deorum praeclarè institutum dici non posse.

NON solum cum hæreticis sentit Macchiauelli, verùm etiam cum Ethnicis loquitur, Deos immortales reuerenter appel-

appellans, & tanquam prouidos præclaræ Religionis per Numam autores prædicans. Vbi hominis tam stultam temeritatem, quàm profanam impietatem mirari subit, quod cultum Religionis sacrilegæ, præclarè institutum affirmet: & ijs quidē autoribus, quos colere & venerari quia docuit Numa, in superstitionis ac idololatriæ barathrum Romanos profundius immerfit.

Quod an præclarè factum putet, si sententiam dicere debeat S. Paulus, repetet, quod jam olim ad Romanos, 1: v. 22. 23. 25. de idolorum cultoribus scripsit: *enauuisse illos cum Numā in cogitationibus suis, & obscuratum esse insipiens cor eorum: dicentes enim se esse sapientes, stultos factos esse, & mutauisse gloriam incorruptibilis Dei, in similitudinem corruptibilis hominis, & volucrum, & quadrupedum, & serpentium; & commutasse veritatem Dei in mendacium, & coluisse, & seruisse creatura potius, quàm Creatori, qui est benedictus in secula Amen.*

*S. Paulus
Macchia-
uello ad-
uersatur.*

Hoc scilicet Macchiauello iudice est præclarè religionis cultum instituere. Neque enim alios Deos quam Dæmones, & idola colere docuit Numa; neque vanus
& fa.

*Falforum
Deorum ti-
mor super-
sticiosus.*

& fanaticus falforum Deorum timor, quidquam virtutis aut laudis haber, sed plurimum superstitionis & detestandæ impietatis. Quanti enim est Dæmones, idola, aurum, argentum, lingua & lapides timere; & Deum verum, qui fecit hæc omnia contemnere? Cuius inuisibilia à creaturâ mundi per ea quæ facta sunt, intellecta conspiciuntur: sempiterna quoque eius virtus & diuinitas, ita ut sint inexcusabiles, qui illum non cognouerunt, aut cum cognouissent, non sicut Deum glorificauerunt, ut ait idem Apostolus I. c. v. 20. & 21.

§. III.

Temporibus Numa, ante item & post, sub Ezechia & Iosia, Dei cultum ac timorem floruisse, & resloruisse.

Illa deinde in Deum verum, eiusque legitimum cultum grandis injuria est, cum ait, multis seculis nusquam gentium tantum timorem Dei extitisse, quantum apud Romanos ex institutione Numæ erat. Non fuisse verum Dei timorem apud Romanos, qui est initium sapientiæ, inde apparet, quia veri Dei notitiâ & religione caruerunt, quæ ultimis Numæ annis, & antè viget.

vigebat apud Iudæos, sub Ezechiâ rege optimo & sanctissimo. *Ipsè enim fecit, quod bonum erat coram Domino, iuxta omnia, quæ fecerat David pater eius.* 4 Reg. 18. v. 8. Lege etiam 2. Paralip. 29. & 31.

*Ezechias
Rex optimus.*

A cuius pietate degeneravit quidẽ filius Manassès, & seduxit Iudam, & habitatores Ierusalem, ibid. cap. 23. v. 9. sed postquam Assyrij captum & vinctum catenis atque compedibus duxerunt in Babylonem, coangustatus oravit Dominum Deum, & egit pœnitentiam valde coram Deo patrum suorum. Deprecatusq; est eum, & obsecravit intente, & exaudivit orationem eius, reduxitq; eum Ierusalem in regnum suum. Et cognovit Manassès, quod Dominus ipse esset Deus. ibid. v. 11. 12. 13. & abstulit Deos alienos, & simulacrum de domo Domini, &c. ibid. v. 15. 16.

*Manassès
pœnitens.*

Manassèn post duos annos, quibus regnavit Amon filius eius, paternæ impietatis, non autem pœnitentiæ hæres, secutus est nepos Iosias octo annos natus, ib.

c. 34. v. 1. Octavo autem anno regni sui, cum adhuc esset puer, cœpit querere Deum patris sui David. Abstulit ergo Iosias cunctas abominationes de univèrsis regionibus filiorum Israel, & fecit omnes, qui residui

Iosias piissimus.

erant.

erant in Israel, seruire Domino Deo suo, Cunctis diebus eius non recesserunt à Domino Deo patrum suorum. v. 33.

Falsum igitur est multis seculis nuspiam gentium, tantum timorem Dei extitisse, quātus apud Romanos ex Numa institutione erat. Eodem enim seculo, iisdem Numæ annis, & proximè antecedentibus ac sequentibus, vixerunt hi Reges veri Dei cultores eximij, timorisque diuini aut restauratores, aut propagatores; aut eodem timore ad scelerum pœnitentiam compulsi. Vt taceam de Saule, Dauide, Salomone, alijsque deinceps vsque ad Ezechiam regibus, quorum illi vix tribus, reliqui proximioribus seculis Numam antegressi sunt: vigente ac florente identidem, in subditis & Principibus timore Dei, per impietatis interualla sæpius quidem interpolato, sed paulò post per pœnitentiam restituto.

§. IV.

Timorem Dei apud Romanos verum non fuisse, cum à falsis Diis, nulla publica probitatis præcepta, sed multa scelerum exempla acceperint.

Hic sanctissimo castissimoque timori, profanus impurusq; timor à Numā

mâ inuectus, comparari non potest. Instituit ille Dæmonum cultum, Reges & filij Israel ac Iuda, eundem sustulerunt; aras sacrilegas, lucos, simulacra, sculptilia ille erexit, isti demoliti sunt; sacerdotes, & flamines, pro impijs sacris initiauit, isti ossa illorum combusserunt; ille debitum Deo vero cultum abstulit, isti reddiderunt; ille nulla bene viuendi præcepta Deorum falsorum autoritate constituit, isti operati sunt bonum & rectum, & verum coram Domino Deo suo, non declinantes à sanctissimis legibus, neque ad dexteram, neque ad sinistram.

Vnde apparet non potuisse castè Deos falsos à Romanis timeri, à quibus nulla unquam publica præcepta probitatis acceperunt, vt demonstrat S. Aug. cap. 4. 6. 16. 22. Nihil verò proderant secreta quadam dæmonum monita, quæ pertinere videbantur ad bonos mores, cum palàm in sacris eorum omnis nequitia disceretur; vt ostendit idem cap. 26. multa de obscœnitate ludorum, quos ipsi Dij institui à Romanis iusserunt, differens; in quibus Deorum scelerata oculis & auribus repræsentabantur; magis intuentibus Romanis, vt ait cap. 17. quid Iupiter fecerit, quàm quid docuerit

Secreta dæmonum monita inutilia.

Plato,

Plato, vel censuerit Cato. Hinc apud Terentium flagitiosus adolescens, spectat tabulam quandam pictam in pariete, ubi inerat pictura hac: Iovem quo pacto Danae misisse aiunt in gremium, quondam imbrem aureum. Atque ab hac tantâ auctoritate, adhibet patrocinium turpitudini suæ, cum in eâ se iactat imitari Deum. At quem Deum? inquit; Qui templa cæli summo sonitu concutit. Ego homuncio id non facerem? Ego verò illud feci ac lubens.

Non est timor iste diuinus, qui nullis bonis præceptis à malo auocat, & malis eorum qui timentur exemplis, ad scelera prouocat. Frustra Numæ numina incussere terrorem, quorum facta vitij conciliârunt auctoritatem. Si quæ illorum reuerentiâ aut metu Romani religiosè egerunt, aut omiserunt, superstitio fuit, vel probitas ludicra: maioribus alijs vitij sceleribusque, & publicè & priuatim compensatâ, imò superatâ.

§. V.

Romanos non sacrilego Deorum cultu, sed qualibuscunque bonis moribus, Imperii magnitudinem adeptos esse.

EX quibus denique consequens est: falsò itidem & improbè Macchiauellum

uellum sensisse, quod cultus Religionis à Numà institutus, vna è *primarijs causis* extiterit, propter quas Romani in rebus gerendis tam felices fuerint. Negant id Tertullianus in Apologetico, c. 25. S. Cyprianus lib. de idolorum vanitate, Minutius in Octauio, S. Aug. l. 4. de ciu. c. 9. & 28. eo inter alia argumento, quod, si vlla falsæ Religionis in comparando, augendo, conseruandoque Imperio vis esset, id beneficiū si potuissent, Græcis potius quàm Romanis falsi Dij contulissent: cum illi ante hos, eorum cultui dediti fuerint, multa que inuenerint, quæ Romani ab illis hausta in suos ritus transtulerunt.

*Dij Græcos
non inme-
runt.*

Accedit ratio palmaris, quod, cum Religio Romanorum, impijs ritibus & sacris, naturâ repugnante falsis Dijs deuota fuerit: indignum sit credere Deum verum, sacrilegia & diuinitatis suæ iniurias, terreni felicitate Imperij esse remuneratum. Non igitur impio Deorum cultu, sed bonis quibusdam moribus, antiqui Romani meruerunt, vt Deus verus, quamuis non eum colerent, eorum augeret Imperium. Quos mores describit S. Aug. lib. 5. de ciu. cap. 12. & de mercede hâc temporali, quam Deus reddidit bonis moribus Romanorum.

*Deus sacri-
legia non
remunera-
tur.*

differit, cap. 15. quod breue sit ad obstruendum os Macchiauelli, totum inferere visum est:

*Romani
cur tam fe-
lices.*

Quibus ergo ait, non erat Deus daturus vitam eternam, cum sanctis Angelis suis in ciuitate suâ coelesti, ad cuius Societatem pietas vera perducit, qua non exhibet seruitutem religionis (quam latrariam Græci vocant) nisi uni vero Deo, si neque hanc eis terrenam gloriam excellentissimi Imperij concederet; non redderetur merces bonis artibus eorum, id est, virtutibus, quibus ad tantam gloriam peruenire nitebantur. De talibus enim, qui propter hoc boni aliquid facere videntur, ut glorificentur ab hominibus, etiam Dominus ait: Amen dico vobis, perceperunt mercedem suam.

*Sic & isti priuata res suas pro re communi, hoc est Republicâ, & pro eius arario contempserunt, avaritia restiterunt; consulerunt patriæ consilio libero, neque delicto secundum suas leges, neque libidini obnoxij. Sed his omnibus artibus, tanquam verâ viâ nisi sunt ad honores Imperium, gloriam; honorati sunt in omnibus ferè gentibus: Imperij sui leges imposuerunt multis gentibus: hodieq; literis & historiâ gloriosi sunt penè in omnibus gentibus. Non est quod de summi
& verè*

*& veri Dei iustitiâ conquerantur; percep-
runt mercedem suam.* *Receperunt
mercedem
suam.*

Non igitur cultus Religionis falsæ, caus-
sa primaria, sed nulla fuit felicitatis Ro-
manæ; quam impietas superstitiosa du-
dum euertisset, nisi qualibuscunq; bonis
moribus illorum, temporalis regni mer-
cedem, benignitas Dei reddere decrevis-
set, quos à felicitate regni æterni, idolo-
latrâ præcipuè exclusit. Quæ aduersus
Macchiauellum prolixius disserenda fue-
runt, ut profani hominis de religione &
rebus sacris, impium sensum, clarius con-
uinceremus.

CAP. V.

*Macchiauelli in Ecclesiam Romanam &
Ecclesiasticos, iniuria & contumelia.*

§. I.

*Falsam religionem, propter rationem Status,
seruendam non esse.*

CAP. XII. Libri I. Discursuum de Re-
publicâ, titulum Romanæ Ecclesiæ
contumeliosum hunc habet. *Quantum
interfit ad conseruandam Rempublicam, ut
ratio diuini cultus, atque religionis habea-
tur: & quod in Italiâ propter Romanam*

Cc 2

Eccle.

Ecclesiam, deficiente eâdem religione, ruina Imperij secuta sit.

Tum lusciniæ cantu orsus, Principibus & Rebus publicis verum Religionis cultû, ad sui conseruationem præ cæteris suadet. Sed mox coruus crocitate se prodit: cum monet, *quacunque fidem fundamentis Religionis conciliant, ea foueri debere, etsi non vsq, adrò constiterit omnibus, quod certa veraq, fuerint.* At enim veræ Religionis fundamenta mendacijs figmentis que niti non possunt, aut fulciri debent. Neque id quisquam dixerit, nisi qui cum Macchiauello veram Religionem ludibrio habet, & mancipij instar Rationi status ancillari cogit: vt falsis vanisque opinionibus constricti subditorum animi, tanto facilius in seruitute contineantur. Quam ob caussam istud supra inter falsâ status conseruandi media, à Macchiauello assignata, retulimus.

*Veræ religio
figmentis
non nititur.*

*Vera Politica
falsam
religionem
repudiat.*

Vera enim Politica, si deprehendat falsam Religionem pro verâ, in Republicâ aut Principatu vigere, illam repudiat, istam amplectitur; nec timet de temporalibus periclitari, ne detrimentum patiatur æternorum. Etsi Deus regnum suum quærentibus, illa non adimat habentibus, sed

sed non habentibus adijciat; possitque cuius Principi aut Reipublicæ, Religionem veram propter rationem status non amplectenti, merito illud dici: *Christum venire quid times? Non eripit mortalia, qui regna dat caelestia.*

Sed nunc Macchiauelli in Ecclesiam Romanam, & veram Religionem calumnias ac iniurias, quas in hoc capite plenius buccis euomit, audiamus.

§. II.

Macchiauelli sententiâ, Religioni præcepta in Romanâ Ecclesiâ adulterari atque corrumpi; eandem in causâ, esse, cur Italia in partes diuisa multis Principibus pareat, & aliorum prada sit; nisi Særi sancti Christianam religionem ad sua principia renouassent, eam Episcoporum, aliorumq; Ecclesiasticorum prauis moribus, perire: & corrumpi planè po-

POST Romanorum itaque Religionem, seu verius sacrilegam superstitionem laudatam, ita differit: *Quod si hæc tam diligenter ad diuini cultus, à Reipublica Christiana Principibus obseruata esset, secundum primam institutionem & præcepta eius, quæ illum nobis primum tradidit: longè maiori felicitate ac pace in Christiano orbe frueremur.*

Maledicentia insignis.

*mur. Nunc cum nusquam minus vel pietatis, vel religionis sit, quàm in ijs hominibus, qui Roma viciniore. habitant: eaq; Christiana Religionis caput censeatur, facile conycere potes Christianum orbem magno-
pere periclitari.*

*Religionis
interitum
Macchia-
wellus for-
midat.*

Quod si quis etiam diligenter consideret, eum Religionis cultum, qui nostrâ atate in usu est, eumq; conferat cum primâ Christiana Religionis institutione, ac ueris fundamentis: is non potest vel illius interitum, non metuere, vel diuinam ultionem non formidare. Et quamuis non desint, qui opinantur, omnem quam Italia habeat felicitatem, ab Ecclesiâ Romanâ dependere: tamen contrariam sententiam quis veriore existimauerit: considerando eos, qui in Romanâ Ecclesiâ, nequaquam secundum Christiana Religionis praecepta viuunt, sed ea adulterant atque corrumpunt.

*Calumniæ
Pseudopoli-
tica.*

Quibus hoc etiam accedit, quod eadem hac Romana Ecclesia in causâ est, cur Italia in partes diuisa diuersis Principibus pareat: cum tamē nulla regio verè felix sit, nisi sub vnius siue Reipub. siue Principis Imperio pareat, ut nostrâ memoriâ Gallia, Hispaniaq; accidit. Cuius rei ratio est, quod cum non modò in res sacras, sed etiam in res humanas

Impe-

Imperium sibi vendicauerit Romana Ecclesia: non habuit illa quidem tantas vires, ut uniuersam Italiam occupare potuerit, sed neque interim tam debilis fuit, quin euocare posset ad se aliquem prapotentem Principem, aduersus eos, quorum potentia illi in Italiâ formidolosa videretur.

Id multis exemplis patet, cum vetustis, Exemplatum recentibus. Nam & Caroli Magni falsa. auxilio Longobardos expulit, qui propemodum toti Italia imperabant: & patrum nostrorum memoriâ, Gallorum auxilio Vencorum potentiam fregit: eosdemq; Gallos postmodum Heluotio cum copijs ex Italiâ eiecit. Ecclesia Romana, igitur, cum neque tantas vires habuerit, quibus ipsa potuerit uniuersam Italiam occupare; neque etiam alteri, ut eam occuparet, permiserit, causa fuit, ne sub vnius Imperium redigeretur, sed in varias partes diuisa, multis Principibus parere cogere:ur. Ex eo accidit, ut ob discordias Principum debilitata, non modo potentum atque Barbarorum, sed ceterorum quorumcunq;, qui illam inuadere ausi sunt, libidini in pradam cesserit; quod quidem nos Itali soli Romani Ecclesie debemus.

Quod si quis hæc oxania, qua de Romana Curia depravatione narraui, certo experi- *Experientia fallax.*

mento cognoscere vellet, eum tam potentem esse oporueret, ut illam ad Heluetios, qui solâ nostri tempore, veterem Religionis cultum, & disciplinam militarem conservare videntur, ad habitandum cogere posset: concessâ illi videlicet isthic eâdem potentiâ, quam in Italiâ habet. Nam certum est, si id fieret, breui temporis spatio, illorum quoque hominum mores, huius Curia prauitate, tanto opere corruptum iri, quanto opere id illis, ex ullâ aliâ causâ contingere unquam queat.

*Historia
Maccia.
nello repu-
gnat.*

De Italiâ similem querelam habet cap. 12. Principis. Animo ait, comprehensum velim, quod ubi primû Romanum Imperiû ex Italiâ aliò translatû fuit, ac Pontifex in ijs, quæ profana erant, maiorẽ in dies auctoritatem sibi assumeret, tota Italia in plures dynastias dissecta est. Celebriores enim urbiû in suos primarios, quibus antea Imperatorû fauore oppressa parebant, arma sumpserunt: ad quod etiâ Pontificij, ut inde existimationẽ in ijs, quæ sacra non erant, compararent, opem ferebant. Ex his etiam nonnullæ in ditionẽ & dominatû suorum ciuium cesserunt. Ex quo cum Italie rerum procuratio, in manus ac potestatẽ Pontificiorû, & nonnullarum Rerumpublicarum deuenisset; cum huius generis homines, hiq; cives omnino rei bellicæ

bellicæ expertes. & ignari essent, ceptum est ab ipsis stipendia militibus persolui.

De prauis Ecclesiasticorum moribus, malè itidem loquitur lib. 3. discurs. cap. 1.

Ad conseruandas ait, etiam sectas necesse est, adhibere idem remedium, ut illa quasi renouentur, ac ad principia renocentur, & emendentur. Quod nisi aliqui viri sancti, in

Christianâ nostrâ Religione prestitissent, præsertim D. Dominicus, & Franciscus, dudum perisset vniuersus illius cultus. Ij enim in paupertate viuentes atq; humilitate, Chri-

Religio
Christiana
perire non
potest.

stiana vita exemplū hominibus proposuerāt: quotantum certe effecerunt, ut qua Religio Episcoporū, caterorumq; nostrorum Ecclesiasticorum prauitate vitæ, corrumpi planè potuisset, ea etiamnum subsistat, cum videamus homines religioso quodam metu, illis etiamnum delicta sua confiteri, in honore eos vitia ipsorum non damnare, sed Dei arbitrio commendare. Ità de Religione eiusque Præsidibus Macchiauellus.

Cuius iniuriæ & criminationes generatim triplices sunt. Quædā enim Ecclesiæ & aulæ Romanæ, aliorumq; Ecclesiasticorū mores; aliquæ Religionis doctrinam & interitū; aliæ demū Statum Italiæ concernunt. Singula paucis refellenda sunt.

§. III.

De moribus dudum respondisse Christum; quacumque dixerint vobis servate & facite &c.

Habere hoc omnem aulam, & mores corrumpat.

DE moribus dudum respondit Christus, Matth. 23. v. 2. & 3. *Super cathedram Moysi sederunt Scribae & Pharisaei. Omnia ergo, quaecumque dixerint vobis, servate & facite: sed cuncta opera verò eorum nolite facere: dicunt enim & non faciunt.* Adde interpretem S. August. qui lib. 4. de doctr. Christ. cap. 27. ita ait:

*Audiuntur
utiliter, qui
utiliter non
agunt.*

*Quoniam boni fideles non quemlibet hominum, sed ipsum Deum obedienter audiunt, qui ait: Quae dicunt facite, quae autem faciunt, facere nolite, dicunt enim & non faciunt: ideo audiuntur utiliter, qui etiam utiliter non agunt. Sua enim quae-
re student, sed sua docere non audent, de loco scilicet superiore sedis Ecclesiasticae, quam sana doctrina constituit. Propter quod ipse Dominus, priusquam de talibus, quod commemoravi, diceret, praeiussit: super cathedram Moysi sederunt. Illa ergo Cathedra non eorum, sed Moysi, coge-
bat eos bona dicere, etiam non bona facientes.*

*Agunt sua,
non docent
sua.*

Agebant ergo suam vitam suam: docere autem.

tem sua, cathedra illos non permittebat aliena. Multis itaque profunt dicendo, quæ non faciunt: sed longè pluribus prodesse faciendo, quæ dicunt. Abundant enim, qui mala vitæ suæ defensionem, ex ipsis suis præpositis & doctoribus quarunt: respondentes corde suo, aut etiamsi ad hoc erumpunt, ore suo, atque dicentes: quod mihi præcipis, cur ipse non facis? Ita fit, ut cum non obedienter audiant, qui se ipse non audit, & Dei verbum, quod eis prædicatur, simul cum ipso prædicatore contemnant.

Quod facere etiam Macchiauellus non dubitauit, suo se ore violatæ Religionis condemnans. Nam istam etiamnum subsistere inde colligit, quod videamus, homines religioso quodam metu Ecclesiasticis etiamnum delicta sua confiteri, in honore eos habere, vitia ipsorum non damnare, sed Dei arbitrio commendare. Ipse autem honorem Romanæ Ecclesiæ statûque Ecclesiastici grauib. contumelijs violat, vitia vero damnat, non Dei arbitrio cõmendat; est ergo à religioso illo metu, quo vera Religio in animis hominum subsistit, quàm maximè alienus.

Iam illud, quod de Heluetiorum corruptione si Romana Curia ad eos transfer-

ferretur, certo secuturâ attexit, *felle amaritudinis & obligatione iniquitatis* act. 8. v. 23. refertum est. Habet hoc ferè aula, vt mores incautorum corrumpat, ob ministrorum, hominumq; omnis generis seu multitudinem, seu colluiem, rerum item affluentiam, & vitæ otiosam atque honoratam licentiam.

*Aula malis
Principes
non semper
mederi pos-
sunt.*

Neque pijsissimi licet Principes, hisce malis, semper mederi possunt; aulici, enim alijque qui aulam frequentant, ingentia plerumque vitia, & peruersa studia secum afferunt, eaque Principibus ignota, quæ aut difficulter, aut non nisi serò, deprehenduntur. Adhæc, cum alienis oculis auribus, & manibus pleraque credere & gerere eos oporteat, (neque enim omnibus interesse possunt, aut debent) contingit ipsos frequenter falli, dum virtutib⁹ simulatis vera vitia improbi tegunt; aut facta mentiuntur; quæ infecta sunt; aut facturos se spondent, quæ Princeps mandauit, cum mandatis contraria in animo habeant; aut malos excusant, bonos inculant; aut alijs denique modis virtuti ac probitati ianuam claudunt, improbitati aperiunt.

Quare non solius Curia Romana, sed com-

communis ferè aularum infelicitas est, quod inuitis licet bonis legibus ac Principibus, aliquam morum corruptelam secum trahant apud eos, qui propter delicias, vel gloriæ & opulentia aucupium, in ijs versantur. Nam propter pias causas etiam conuenit religiosis adire Regum Palatia, ad eos arguendos, vel dirigendos, sicut Ioh. Baptista arguebat Herodem, ut dicitur *Matth. 14.* ait S. Thomas 22. q. 137. a. 2. ad 3.

§. IV.

Minorem esse corruptelam in Curiâ Romanâ, quam passim in alijs aulis, teste oculato Æneâ Syluio.

CORRUPTELAM autem minorem esse in Curiâ Pontificiâ, quam passim in aulis, æquus rerum æstimator facili sibi persuaderi patietur. *Fatemur* ait, Æneas Syluius tum Cardinalis, postea Pontifex Pius II. in epist. de moribus Germaniæ, in Romanâ Curiâ, quam regunt homines, non omnia esse nitida, & plurima fieri digna correctione. Nec ambigimus ipsos primæ urbis antistites, cum Christi Dei nostri Vicariatum assumunt, homines remanere, ac propterea falli, errare, labi, ac decipi posse. *Sedem*

Pontifices homines sunt.

dent p̄j Patres in thalamo suo; veniunt ad eos nunc Cardinales, nunc Episcopi, nunc sortis alterius homines: & modò hunc, modò illum laudibus cumulant, dignumq; grandiregimini adscribunt, adstruunt. Credite Apostolica pietas, hisq; beneficia mandat, quos commendatos accipit. Atque ita fit, ut aliquando virtus pecunia cedat; non quia Pontifex probitati preferat aurum, sed quoniam internuntij, siue ut aiunt, mediatores argento aut amicitia victi, indignum digno praponunt.

Decipiuntur interdum.

Decipitur interdum Romanus Antistes; quis dubitat? homo est, & inter homines vivat, necesse est. Sunt in Romanâ Curia & auari, & seductores: quis nescit? Et paulò post: Pauci sancti & digni, quos optimus amet Deus: quos avaritia non agant stimuli. Sed maxima pars hominum ficta, fucataq; est; plures videri boni, quàm esse volunt. sub ovina pelle, saepe lupinum offendes animum. Nil igitur mirum est, si Romani Pontificio aliquando providentia fallitur, & Beneficia pecunijs extorquentur.

Sordes in omni palatio.

Et paulo post. Nec Curia est à crimine munda; sordes in omni palatio reperias. Lustravimus & nos etate nostrâ multorum Principum aulas consideravimus regum mores.

res. Nulla regio est, quam non Harpyie fœdarent; omnis provincia suos habet Phineas: omne atrium suis deformatur inquinamentis. Nihil est inter homines ex omni parte perfectum; sed maiora illic inuenies crimina, ubi maiora geruntur negotia.

At si velis simul conferre omnia; & minores sedes pro suis portionibus comparare maioribus, nullam ostendes Curiam, in quâ minus hoc morbi grassetur, & in quâ magis ex ordine, rectoq; institutio, quàm in hâc Romanâ res gerantur. Nec usquam terrarum tantam doctrinam, tantam rerum experientiam, tot bonarum artium studia, tot viros Sanctimoniâ vite præclaros, quot in Romanâ reperies Curia: ut rectè hic esse domicilium literarum, & officinam virtutum, quis affirmauerit. Quod si turpitudine illis est admistâ, humanitati adscribendum est, quæ nusquam candida reperitur.

Et infra. Sed quid obsecro est, quod in Romano Prasule videamus indignum? An forsitan, sicut plerisque Prelatorum & Principum, videmus ire venatum, aut aucupatum. Equosue Pontifex Romanus, aut canes, aut aves ad delicias pascit? Quis eum aliquando in spectaculis, aut ludis vidit? Saltationes, & choreas, & cantus mulierum
in spi-

Romana
Curia aliis
magis in-
noxia.

inspicit? Quando ille conuiuia lasciuie, aut ebrietatem spectauit? aut alea lusit, aut schacco? Aliena sunt hæc ab Apostolico Pa-

Studia &
occupatio-
nes Pontifi-
cis.

Studia Pontificis Maximi, & occupa-
tiones sunt, diuinis interesse mysterijs, & sa-
cræ rem facere diebus celebrioribus. Au-
dire legationes Principum, populorumq; si-
gnare supplicationes, consolari miseros, pec-
catores coercere, providere viduatis Ecclæ-
siæ, dicere suas horas. Vix illi superest tem-
pus, in quo cibum sumat, & corpori, quan-
tum necesse est, somnum tribuat. Ad hæc
semper querelas audit & lamenta; cum spo-
liatis & afflictis loquitur. Nemo ad eum
venit, ut consoletur eum, aut iucunditatis
aliquid afferat. Aut queruntur, qui eiecti
sunt Episcopi, vel alij: aut cupidi plura pe-
tentes veniunt. Hic Status Papa, hæc vo-
luptas.

Ita vir Curia Romanæ & aularum pe-
ritissimus, magnoq; vsu pollens, ad Mar-
tinum Meir Archiepiscopi Moguntini Can-
cellarium, qui prius in quâdam Epistolâ
multas contra Romam & Romanos que-
relas effuderat, simili fere, quo Macchia-
uellus oestro percitus,

Sed ipsi quoque Heluetij, quos longis
jam

jam annis Summi Pontifices, ob perspetam fidem & animi fortitudinem, ad corporis custodiam adhibuerunt. non inuiti pro Sede & Curiâ Apostolicâ, aduersus has calumnias testimonium ferent. Qui cum generis suæ laudes ac mores, ibi integros seruent, parum periculi veris virtutibus ab eâ Curiâ imminere: minoresque si tater Heluetios, aut ipsis similes consistere, eius corruptelas fore, ipso experimento spem, aut fidem faciunt. Graui igitur iniuriâ Macchiauellus Ecclesiam & Curiam Romanam affecit, & vipereum, animum ac dentem exeruit, cum Marris suæ honorem, quem tueri debebat, immerito lacerauit.

§. V.

Corruptelam morum impiè à Macchiauello, ad doctrinam transferris; Religionis præcepta in Ecclesiâ Romanâ adulterata nunquam esse; neque eam deficere, aut perire posse.

GRAUIUS verò alterum est, quod corruptelam morum ad doctrinæ deprauationem transfert, & Religionis interitum inde metuit. Censet, eum Religionis cultum, qui ipsius ætate in vlu erat, non conuenire cum primâ Christianæ Reli-

Macchia-
uelli idem
sensus, qui
Luthers &
Caluini.

gionis institutione, ac veris fundamentis. Idem Lutherus & Caluinus paulò post censuerunt; & apparet tam improbum, fuisse Macchiauellum, vt sine his magistris illorum insaniam, ex se disceret. Ad-
dit ab ijs, qui in Romanâ Ecclesiâ, nequa-
quam secundum Christiana Religionis pra-
cepta viuunt; ea adulterari atque corrup-
pi. Eadem funesta criminatio hæretico-
rum est, qui non cogitant, tam hodie in
cathedrâ Christi, quam olim in cathedrâ
Moyfi sedentes, diuinitus dirigi: vt bona
ac vera doceant, etiam non bene facien-
tes.

Sancti verò Dominicus & Franciscus,
qui frequenter in ore & corde habuerunt,
illud Psal. 15. v. 2. *Dixi Domino: Deus
meus es tu, quoniam bonorum meorum non
eges*, nunquam existimârunt, vllâ morum
pauitate Religionem corrumpi planè po-
tuisse, si ipsi non obstitissent. Etsi enim
diuina prouidentia, Sanctissimorum viro-
rum operâ vsa fuerit, ad suffulciendam
domum, seu Ecclesiam suam, non deerant
tamen aliæ rationes; & potuit inter quas-
vis morum corruptelas, incorruptam fidei
veritatem, diuina veritas custodire.

Sana igitur doctrina denuò aduersa-
tur

tur Macchiauellus cum arbitratur Ecclesiam deficere & interire posse, vel potuisse. Reclamant aperta Christi promissiones, Matth. 19. v. 18. *Super hanc petram edificabo Ecclesiam meam, & porta inferi non preualebunt aduersus eam, & c. 28. v. 20. Ecce ego vobiscum sum omnibus diebus, usq; ad consummationem seculi; & quod Apostolicam S. Petri cathedram, eiusque successores clariùs attingit, Lucæ 22. v. 31. Simon ecce Satanas expetivit vos, ut tribuaret, sicut triticum, ego autem rogaui pro te, ut non deficiat Fides tua. Quibus tot calculis, quot verbis, sacrilega & hæretica Macchiauelli temeritas, damnata meritò, censeri debet.*

Ecclesia deficere non potest.

§. VI.

Romani Imperis in Italiâ ruinam, Pseudopoliticorum consiliis & ambitione, non Ecclesia Romana culpâ contigisse.

QUod denique Italiam culpâ Romanæ Ecclesiæ, in plures dynastias dissectam, Principum dissidijs debilitatam, in prædam libidini potentum atque barbarorum cecidisse ait, homini de pluribus fraudibus ac mendacijs iam ante conuicto, & sinistris hærecisq; affectibus intransuersum acto, nemo

sapiens credet. Neque opus est præteritorum seculorum historias operosè retexere, cui rei nec tempus iam vacat nec animus; sed ex his ipsis, quæ homo emotæ mentis falsa, & inter se pugnantia effutit, calumnia corrueat.

Falsum primò est in Italiâ propter Romanam Ecclesiam, deficiente eadem Religione, ruinam Imperij secutam esse. Collapsum enim est Imperium Romanum in Occidente, cuius Italia sedes erat, A. C. 476. cum Odoacer Rex Erulorum, Augustulo ultimo Imperatore deuicto & exautorato, sibi Italiam subiecit. Quem id maxime apperentem, aduersus Augustulum euocarant, qui partes Nepotis, (ab Oreste Augustuli parente, Imperio deiecti) sequebantur, uti narrat Baronius A. C. 475. Vnde apparet, Imperij Romani in Italiâ ruinam, ex Pseudopoliticorum consilijs & ambitione secutam esse: nullâ Romanæ Ecclesiæ culpâ, cui tum præerat Sanctissimus Pontifex Simplicius. Post Odoacrem Gothi regnum Italiæ tenuerunt, vsque ad A. C. 553. quo Narfes Eunuchus Totilæ primum, & Theia deinde, ultimo Gothorum in Italiâ Regis, casis atque occisis, eandem Italiam Iustiano

*Imperium
in Occidente
quando
collapsum.*

*Narfes Italiam
recuperavit.*

niano Imperatore, Romano Imperio
 rursus adiecit, ei que titulo Ducis aliquot
 annis præfuit. Sed paulò post A. C. 567.
 idem Narses, ab inuidis apud Iustinum
 Imperatorem accusatus, & successore si-
 bi misso Longino, ac Sophiæ Augustæ ad
 Gynæci lanas ipsum reuocantis, conui-
 tiò irritatus: Longobardos ex Panoniâ ad
 Italiam inuadendam inuitauit, teste Pau-
 lo Diacono de gestis Longobardorum
 l. 1. c. 5.

*Eandem
 Longobar-
 du prodi-
 dit.*

Quam proximo anno Alboinus eorum
 Rex, cum ingentibus copijs ingressus, te-
 nuit annis tribus & mensibus sex. Ei arte
 coniugis sublato, subrogatus est Clephis.
 Quem cum post annum vnum, & menses
 quinque seruus interemisset: interregnum
 fuit annis decem, vt Paulus Diaconus ait,
 l. 2. c. 17. Interea triginta sex militum
 Duces, partiti quas cepissent in Italiâ ci-
 uitates, in Ecclesias, monasteria, sacerdo-
 tes, aliosque Christi fideles tantâ crudeli-
 tate sauerunt: vt S. Gregorius eam Lon-
 gobardorum grassationem, inter sauiissi-
 mas Ecclesiæ persecutiones numeret, cu-
 ius multa exempla & miracula passim
 narrat. l. 4. ep. 43. & l. 1. Dial. c. 4. l. 2.

Dd. 3. c. 17.

c. 17. l. 3. c. 11. 26. 27. 28. 29. 34. c. 21. 22. 23.

Ex quibus Macchiauelli mendax in Ecclesiam Romanam calumnia, rursus eliditur. Manifestum enim est, hanc akerant, quoque Italiae ruinam à Longobardis illatam, Narseti & ipsis Orientis Imperatoribus, non autem Pontificibus & Ecclesiae Romanae adscribi debere; eamque primum à Longobardorum ducibus in diuersas dynastias dissectam, omnia crudelitatis exempla, ab illis barbaris perculisse. Quorum seruitute demum, non alia quam Romanae Ecclesiae operâ, liberata fuit.

*Romana
Ecclesia
Italiam à
Longobardis libera-
uit.*

Cum enim Reges Longobardorum, post decennale interregnum, vsq; ad Desiderium, continuâ serie Italiam tenerent, eamque & præcipuè Ecclesiam Romanam sæpius dirè affligerent, Pontifices ab Imperatoribus Orientalibus, & Francorum Regibus auxilium postulârunt; quod An. C. 774. Hadrianus Papa à Carolo Magno efficax impetrauit. Is enim autore Baronio, Desiderium Papiae captum, cum coniuge in Franciam abduxit; & Ecclesiae Romanae redditâ libertate, eiusque finibus munificè dilatatis, vniuerso Longobardorum

rum regno potitus est, quod deinde ad posterios, ipsorumque successores transmisit.

Malam gratiam Ecclesiæ Romanæ refert Macchiauellus, pro Italiâ à Barbaris ope Caroli Magni liberatâ. Cui id propositum fuit, iura sua & Religionis tueri, non Italiam in frustra & dynastias secare; ideoque potentissimum Principem in subsidium vocauit, qui regno Barbaris erepto, meliori mitiorique iure imperaret. Falsum igitur est Ecclesiam Romanam non permisisse, vt Italia sub vnius Imperium redigeretur, cum ipsa Carolum Magnum eò vocârit, vt pro Barbaris imperaret; quod seu Imperium, seu regnum ipse eiusque posteri, & alij deinde Casares, seu Franci, seu Germani gesserunt.

Quæ verò ad Ecclesiam, priorû Casarum & aliorum, ipsiusque adeò Caroli Magni munificentia peruenierunt, vel alij bono compertoque iure in Italia obtinebant, nemo sibi vindicare absque iniuriâ potuit; neque vlli bono Principi in mentem venit, ita totius sibi Italiæ Imperium asserere, vt partes suas alijs eriperet. Quasi Pontifices Romani, alique aduersus iniustos inuasores tueri studuerunt, vocatis etiam in auxilium, cum necessitas vr-

*Ei malam
gratiam re-
fert Mac-
chiauellus.*

gebat, exteris Principibus aut populis: iure suo vti sunt, seu Macchiauelli, seu alijs temporibus id egerint. Neque iniquitatis notam effugerent, si Romana Ecclesia patrimonium, in pradam ijs offerrent aut relinquerent, qui limites Imperiorum metuantur libidine dominandi.

CAP. VI.

Alia quadam, qua contra S. Scripturam & sanam doctrinam Macchiauellus asseruit.

S. I.

Si Principi bellicoso & feroci, alius moribus dissimilis, & huic non iterum aliquis, primo similis succedat, Macchiauelli opinione Imperium necessarium erit; ideoq; Robortum regnum Salomonis integrum non relictum fuisse.

CAP. XIX. Libri I. discursuum de Republica, Observandum esse ait, si potentis, ferociq; Principi alius succedat, qui non sit tanta virtute, ut antecessor erat: posse eum tamen, vel sui praedecessoris virtute Imperium conservare. Sed si vel ipse diuturnioris vita fuerit, aut post illum alius succedat, qui non insistat vestigijs primi, eiusq; virtutem imitetur, necesse erit eius Imperium

THEO.

ruere. Quod si vero e contra bini excellenti virtute se mutuo consequantur; quam plurima praeclare prestare possunt, ut eorum nominis gloria latissime extendatur.

SUB David procul dubio vir fuit cum doctrina, tum rei militaris; peritia & prudentia insignis: tantaq; fuit eius virtus, ut deniculis omnibus suis vicinis, Regnum Salomoni filio pacificum, quietumq; tradiderit: qui id patris, non belli artibus conseruauit, ob patris virtutis memoriam, qua fructus est. Non potuit tamen id regnum Roboamo filio tale relinquere, quale ipse a Patre acceperat: nam cum is neq; eiusdem cum auro virtutis esset, neque eadem vteretur felicitate, qua pater Salomon vsuuerat, vix sextam eius regni partem possidere potuit.

§. II.

Scripturam Matchianello clare aduersari; peccata Salomonis caussum fuisse, cui decem tribus imp. ab eius filio defecerint.

Contra sacram Scripturam asserit: Non potuisse Salomonem regnum Roboamo filio tale relinquere, quale ipse a Patre acceperat. Reliquit enim illud moriens nulla parte imminutum, quod integrum accipere & retinere poterat Roboa-

Roboamus
regnum in-
regnum re-
tinere po-
tuit.

Dd s. nus,

mus, cum in Sichem congregatus erat omnis Israel ad constituendum eum regem. 3. Reg. 12. v. 1. & 2. Paral. 10. v. 2. nisi respondisset populo dura, derelicto consilio seniorum, quod ei dederant, & locutus esset eis secundum consilium iuuenum, dicens: Pater meus aggrauauit iugum vestrum, ego autem auddam iugo vestro; pater meus cecidit vos flagellis, ego autem cadam vos scorpionibus, ibid. 6. v. 15. & 14. Videns itaque populus, quod noluisset eos audire Rex, respondit ei dicens: quæ nobis pars in David, vel quæ hereditas in Isai? Vade in tabernacula tua Israel, nunc vide Domum tuam David. ibid. 6. v. 16. Factum est autem cum audisset omnis Israel, quod reuersus esset Ieroboam, miserunt, & vocauerunt eum congregato catu: & constituerunt eum regem super omnem Israel, nec secutus est quisquam David præter tribum Iuda solam. v. 20.

*Beniamin
tribum Iu-
da secutus.*

Cui accessit Beniamin non tam voluntate fortè suâ, quàm quod tribum Iudâ (habitabat enim inter filios Iuda & Ioseph, & vrbs Ierusalem ad eam pertinebat, Iudic. 28. v. 11. & 28.) sequi cogeretur, vel inuita. Idque significat Scriptura, cum ait, tribum Iuda solam, secutam esse David, spontaneâ nimirum promptaq; animi inductione.

ductione. Nam tribum quoque Benjamin, quâcunque demum ratione adhæsisse domui David, inde liquet, quod Roboam veniens in Ierusalem, congregavit uniuersam domum Iuda, & tribum Benjamin, ib. v. 21. & Ahias nomine Dei, Ieroboamo solum, promisit decem tribus, ibid. c. 11. v. 31. 35.

Huius autem defectionis, caussa non fuit, quod nisi Principi belli artibus clario, cui successit alter ab ijs artibus alienus, denuo succedat tertius aliquis bellicâ virtute excellens, necesse sit eius Imperium ruere. Sed quoniam auersatus fue-

rat Roboam Dominus, ut suscitaret verbum suum, quod locutus fuerat in manu Ahia Silonite, ad Ieroboam filiū Nabat, ibid. cap. 12. v. 15. Cum apprehendens Ahias pallium suum renum, quo coopertus erat, scidit in duodecim partes. Et ait ad Ieroboam: Tolle tibi decem scissuras; hac enim dicit Dominus Deus Israel: Ecce ego scindam regnum de manu Salomonis, & dabo tibi decem tribus. Porro una tribus remanebit ei, propter seruum meum David; & Ierusalem ciuitatem, quam elegi ex omnibus tribubus Israel: eò quod dereliquerit me, & adorauerit Astarten Deam Sidoniorum; & Chamos Deum Moab, & Moloch Deum filiorum

Peccata Salomonis
caussa defectionis à Roboamo.

liorum

liorum Ammon: & non ambulauerit in vijs
meis, ut faceret iustitiam coram me, & prae-
cepta, & iudicia, sicut David pater eius.
Nec auferam omne regnum de manu eius,
sed ducem ponam eum cunctis diebus vite
sue, propter David seruum meum, quem ele-
gi, qui custodiuit mandata mea, & praecepta
mea. Auferam autem regnum de manu fi-
ly eius, & dabo tibi decem tribus: filia autem
eius dabo tribum vnā, ut remaneat du-
cerna David seruo meo, cunctis diebus, coe-
ram me in Ierusalem ciuitate, quam elegi, ut
esset nomen meum ibi. *ibid. cap. xi. v. 30. 31.
32. 33. 34. 35. 36.*

*Macchia-
uelli ex-
empla &
scriptura
peruertit.*

Nequiter igitur Macchiauellus exem-
pla ex sacris literis affert, & causas ibi as-
signatas, in alias transmutat; ut timorem
Dei, peccatorum, & odium Principibus
eripiat. Astarthe, & Chamos, & Moloch
à Salomone per mulieres deprauato, ad-
orati, scelera eius & insana libidines con-
culcata Dei praecepta, decem tribus Israel
filio eius abstulerunt: cuius cor iusto iu-
dicio, in penam paternae impietatis, Deus
infatuauit, ut spreto consilio seniorum, &
iuuenes in suam perniciem, regnique
ferè totius iacturam seque-

retineat, & molochi

S. III.

§. III.

Rationem Machiavellicam esse; posse regna sub Principibus non bellicosis a Deo conservari; Roboratum, licet bellicosissimus fuisse, ut dicitur, diuini decreti obistere non potuisse.

Non eo inficias, si plures Principes bellicarum rerum expertes se mutuo consequantur, tum ipsos tum subditos imbelles reddi, & imperio tuendo minus aptos, si vis aliqua maior ingruat. Sed nisi peccata principum ac populorum gladios hostiles, diuinæ justitiæ ministros acuerent, stringerentq; , cerneremus passim omnes *sedere in pulchritudine pacis, & requie opulenti*, & bellis ingruentibus, non deesse, pacificis licet Principibus militarēs animos, aut opportunis aliunde auxilijs eos adiuuari.

Illud verâ Fide, & diuinarum literarum autoritate, certum est, si Deus Regna & Imperia multis seculis conservare velit, nihil obfuturos, Principes nullis bellis exercitatos: etsi longâ annorum serie, plures eiusmodi sibi succedant, vt in vastissimo Sinarum Imperio, quod sub plurium Regum tranquillâ administratione, incolume persouerat. Si contrâ Principem

Successio Principum licet imbellem, diuinis decretis non obstat.

pem aut Principatum, seu Rempublicam, improbitatis mensurâ impletâ, Deus punire & euertere decreuerit, frequenter, quidem imbellibus & insipientibus Imperia vindictæ matura concedit; sed neque bellicosissimi licet ferocissimi quæ Principes, diuinæ resistere potestati, & decretam sibi penam, alijs quam penitentis animi, emendationis quæ vitæ armis auertere possunt, aut mitigare. Non addo exempla, quibus sacræ literæ, & omnes historiæ, in profani Macchiauelli ignominiam redundant.

Sed non eò hæc spectant, vt Princeps belli artibus se, & Principatum tueri negligat, è cœli auxilijs & decretis solum suspensus; præsertim, cum longâ pace ipsius, & subditorum vires ac animi emarcuerunt. Id solum caueat, ne dum humanis consilijs artibus quæ incumbit, diuinæ præcepta ac decreta negligat, & iustitiæ probitatis quæ vel seruandæ, vel reuocandæ sollicitam curam abijciat. In his enim Imperiorum solida felicitas & incolumitas, velut in cardine vertitur; ad quem ne respiciant Principes; nebulas Macchia-
 nello dace, Pseudopolitici of-
 fundunt.

*Humana
 artes diu-
 nis iungen-
 dae*

§. IV.

S. IV.

*Crudele & inhumanum Macchianelio videri, pron-
 inciâ aliquâ occupatâ, veteribus dirutis no-
 uas vrbes adificare, & incolis pulsas
 omnia omnibus eripere.*

CAP. XXV. eiusdem libri. Principi
 nouo urbem aut Rempublicam ali-
 quam occupanti, Reipublicæ formam
 planè nouam instituendam esse, ita sua-
 det.

*Qui urbis aut religionis alicuius Principi-
 patum occupat, quanto se viribus infirmio-
 rem esse intelligit, ad Imperium conseruan-
 dum, siue legitimè regnando, siue liberam
 Rempublicam instituendo: tanto magis in-
 id unice incumbat oportet, ut sicuti ipse no-
 uus Princeps est, ita in suo Principatu omnia
 innouet. Nonos Magistratus nouis nomi-
 nibus insignitos creet, ad eosq; eligat novos
 homines, bona opulentorum hominum pau-
 peribus distribuat, eosq; ditet; & ut de Da-
 uide rege fertur, sic de illo dici queat: Esu-
 rientes impleuit bonis, & diuites dimisit ina-
 nes. Eidem huic noua vrbes condenda, an-
 tiqua diruenda, habitatores transferendi de
 loco uno in alium: adeoq; ita omnia erunt
 innouanda, ut neq; opes, neque honores quis-
 quam in eâ proninciâ possideat, qui non co-*

*De Christo,
 non Davide
 hoc dictum
 est.*

gatur

gatur confiteri, se illa ab ipso Principe obtinere &c.

Fucata pietas.

Crudelis est hac dominandi ratio, & non modò Christianæ, sed humana quoque vitæ aduersa: quamobrem ab omnibus fugienda, ac longe magis præferenda vitæ priuata, quam ut cum tanto hominum dispendio, atq; calamitate regnare velis,

§. V.

Pallacem esse hanc Macchiauelli pietatem, & Scriptura aduersam; Dei mandato fitios Israel seuerius egisse cum Chananaus; iustus ex causis Deum id imperasse, ac etiam sine tali imperio fieri posse.

Fucata est hæc Macchiauelli sententia, quâ crudelitatem dissuadet. Quinimò, dum Christianæ vitæ rationem habere se fingit, insigniter in Deum & sacras literas injurius est: ea enim, quæ ipse Christianæ & humanæ vitæ aduersa dicit, Deus veteri olim populo præcepit. Num.

Qua Deum præcepit, Macchiauelli damnat.

33. v. 51. Quando transferitis Iordanem, intrantes terram Chanaan, disperdite eos habitantes terra illius, & v. 55. Si autem nolueritis interficere habitantes terræ, qui remanserint: erunt vobis, quasi clavi in oculis, & lanceæ in lateribus, & aduersabuntur vobis in terrâ habitationis vestræ: & quidquid

quidquid illis cogitaueram facere, vobis faciam. Deuteron. c. 7. v. 1. & 2. Cum introduxerit te Dominus Deus tuus in terram, quam possessurus ingrederis, & deleuerit gentes multas coram te, Hettham & Gergesum, & Amorrhæum, Chananeum, & Pherezæum, & Heuam & Iebuseum, septem gentes multo maioris numeri, quam tu es, & robustiores te, tradideritq; eas Dominus Deus tibi, percuties eas usque ad interuersionem. Non inibis cum eis fœdus, nec misereberis earum.

Quod Dei mandatum sedulò impleuit Iosue, testante eadem Scripturâ, Iosue, cap. II. à v. 16. *Iosue gentes Chananaeorum deleuit.* Cepit itaque Iosue omnem terram montanam, & meridianam, terramque Gosen, & planitiem, & occidentalem plagam, montemq; Israel & campestriam eius; & partem montis, quæ ascendit Seir usque Baalgad, per planitiem Libani super montem Hermon: omnes reges eorum cepit, percussit, & occidit. Multo tempore pugnavit Iosue contra reges istos. Non fuit ciuitas, quæ se traderet filijs Israel, præter Heuam, qui habitabat in Gabaon: omnes enim bellando cepit. Domini enim sententia fuerat, ut indurarentur corda eorum, & pugnarent contra Israel, & caderent, & non

Ecce mere-

mererentur ullam clementiam, ac perirent, sicut praeceperat Dominus Moysi. In illo tempore venit Iosue, & interfecit Enacim de montanis Hebron, & Dabir, & Anab, & de omni monte Iuda, & Israel, urbesq; eorum deleuit. Non reliquit ullum de stirpe Enacim in terrâ filiorum Israel. Qui post mortem Iosue delere noluerunt, reliquias earundem gentium, vt refertur, Iudic. 1. idéoque iram Domini meruerunt, ibid. cap. 2. v. 3.

*Non est id
crudele se-
cundum se.*

Non ergo crudelis secundum se, nec iniqua est hæc bellandi dominandiq; ratio, neque vniuersim damnari potest: nisi eò impietatis processerit Macchiauellus, vt *Patrem misericordiarum, & Deum totius consolationis*, cuius etsi dura, iusta sunt iudicia, crudelitatis & iniquitatis damnare ausus sit; quod pro reliquis ipsius in diuinitatem, & veram Religionem iniurijs ac blasphemijs, incredibile non est. Idque inde conijci potest, quia tam notæ sunt filiorum Israel in terrâ promissionis victoriae, earumque gentium ex diuino præcepto excidia, vt Macchiauellum latere non potuerint; sed in sacrarum literarum & veri Dei contumeliam, ista criminari voluisse credendus sit, quod dudum impij

Ma-

Manichæi, egerunt, ut ex S. Aug. sermone 105. de tempore apparet, ubi diuinæ sententiæ æquitatem ita tuetur: *Tradunt maiores nostri, quod quando filij Noe omnem terram inter se inuicem diuiserunt, terra ista, que dicitur Chananeorum, in diuisione orbis seniori filio Noe, id est Sem, in possessionem obuenerit, & eam tempore non paruo possederit. Postea verò crescentes populi Chananei, de illo utique filio, qui à patre fuerat maledictus, uenerant ad loca illa, & per violentiam expulsi fratribus suis, id est filijs Sem, terram eorum more Barbarico possederunt. Et quia Beati Abraham de genere Sem legitur fuisse, filij eius, id est populi Israelitæ, non alienam terram tradente Domino peruaserunt, sed suam propriam, quam per violentiam patres eorum perdiderunt, receperunt.*

Chananei iniusti terra sua possessores.

Et quia Chananei excepto illo peccato, quod possessionem alienam inuaserant, multa nefanda & inaudita crimina committebant, intantum, ut quando Dominus Sodomam & Gomorrhæam subuertebat, dixisse legatur: Necdum enim completa sunt iniquitates Amorrhæorum: & expectabat Dominus, ut aut conuerterentur, & agerent penitentiam, aut certe si conuerti nollent,

Multa alia scelera patrârunt.

—SM

Eo a crimini-

crimina criminibus cumulantes, & peccandi mensuram implentes, iustissimam Dei sententiam sustinerent. Quia ergo eos dupliciter inuenit reos diuina censura, pro eo quod & terras alienas inuaserant, & postea scelera & crimina inaudita commiserant, iusto iudicio puniuntur, & Israelitico populo antiquorum patrum possessio reformatur.

Non igitur crudele est, ex iustis causis, habitatores alicuius terræ ad internecionem delere, ciuitates destruere, foedus cum illis non inire, neque eorum miseri. Quod non solum Deo iubente, cuius non minus præcepta, quam opera sunt bona valde, bene & laudabiliter fit, sed etiam sine peculiari eiusmodi mandato, diuinis humanisq; legibus saluis, rectè fieri potest; cum vel iustæ defensionis necessitas, vel iniuriarum scelerumque atrocitas, eiusmodi non sœuitiam, sed seueritatem postulant.

*Vindicandi
& domi-
nandi libi-
do cauenda.*

Et si, quia facile est, vindicandi libidine, aut dominandi cupiditate, extra iustitiæ humanitatisque metas abripi, consultum sit, nisi euidentis necessitas aut ratio urgeat, in mitiorem partem declinare, & clementiâ potius quam crudelitate peccare. Quam ob causam similes planè bellandi i

domi-

dominandique modos, à Macchiauello in Principe præscriptos, inter ea supra retulimus, quæ inhumaniter & lubricè præcepit; quæque ex fine ab ipso proposito crudelia, & iniqua meritò iudicari debent, nec secundum se talia non sint.

§. VI.

Macchiauellum eò inclinasse, ut crederet aerem spiritibus plenum esse, qui ex beneuolentiâ hominibus futuros motus, per signa prænuntient.

CAP. LVI. eiusdem Libri I. ostendit magnos motus, qui vrbibus & prouincijs eueniunt, signis quibusdam, aut hominum præfagijs denuntiari solere. Huiusmodi rerum causas ait, ab ijs explicari posse credo, qui rerum naturalium, ac supernaturalium cognitione insignes sunt, à quâ me alienum esse fateor. Nisi fortè cum Philosophis quibusdam pronuntiandum censeamus, aerem plenum spiritibus & intelligentiis esse, quæ res futuras prævidentes, & humanis casibus condolentes, eas hominibus per huiusmodi signa prænuntient, ut secundum eas tempestiuè, preparare & commune queant.

Ec 3

§. VII.

§. VII.

Errorem hunc esse Platoniarum, Catholica doctrina non consentaneum.

MAcchiauellum rerum naturalium & supernaturalium, non cognitione, sed ignorantia & contemptu insignem esse, ea quæ contra veræ fidei & rectæ rationis regulam disseruit, abunde fidem faciunt. Si ignorantiam, quam verbis fatetur, serio animo sibi tribuisset, calamum & audaciam temperasset, quæ illum hoc loco in Platoniarum errorem, abduxit. Isti enim teste S. Aug. l. 8. de ciu. c. 14. *Omnia inquit, animalium, in quibus est anima rationalis, tripartita diuisio est: in Deos, homines, Demones. Dy excelsissimum locum tenent, homines infimum, Demones medium. Nam Deorum sedes in celo est, hominum in terrâ, in aere damonum. Sicut eis diuersa dignitas est locorum, ita etiam naturarum. Proinde dy sunt hominibus, demonibusq; potiores: homines verò infra Deos & homines constituti sunt, ut elementorum ordine, sic differentiâ meritum.*

Quorum munus ipse Plato in Sympo-

medium

*Platonici
animalia
diuidunt in
Deos, homi-
nes, damo-
nes.*

medium est inter Deum & hominem, inter-pretans & dubia proponens Dijs, quæ sunt ab hominibus, & hominibus, quæ sunt à Dijs; illis per deprecationes & sacrificia, his per imperia & remunerationes sacrificiorum; in medio utraq; complens, ut omnia hac istis colligantur. Ex quo & diuinatoria omnis procedit, & sacrorum scientia eorum, quæ sunt & de sacrificijs, & mysterijs, & incantationibus, & diuinatione vniuersa, & prestigijs.

Dæmonum munus ex Platone.

A dæmonibus igitur futura mala quibusdam signis prænuntiari, ex beneuolentiâ erga homines, cum Platone sentit Macchiauellus. Sed deceptus est Plato, similitudine SS. Angelorum, quos Dæmones esse credit. At verò SS. Angeli in aere non habitant, sed in cælo, & cum in ministerium eorum, qui hereditatem capiunt salutis, i. Hebr. v. 24. descendunt in terras, non cessant videre faciem patris nostri, qui in cælo est; cui preces & sacrificia nostra offerunt, & diuina vicissim nobis auxilia ac beneficia afferunt.

Dæmones autem bonos in aere, aut spiritus hominum amantes, nostrisq; causibus condolentes præter SS. Angelos, nullos agnoscit Catholica doctrina. Sed

Illos repudiât vera fides.

partem Dæmonum, qui omnes mali nobisque inimici sunt. (neque enim ullum bonum dæmonem, nostra dicunt Scriptura ait Euseb. lib. 4. de præpar. Euang. cap. 3.) In acre ad nostram exercitationem, & penam ipsorum pertinere credimus. Atque ideo S. Paulus Ephes. 1. v. 2. *Diabolum Principem* appellat potestatis aeris huius. & c. 6. v. 12. monet nobis non esse colluctationem aduersus carnem & sanguinem, sed aduersus Principatus & potestates, aduersus mundi rectores tenebrarum harum, contra spiritualia nequitia in cælestibus. De quâ re pluribus. S. Thom. 1. p. q. 65. a. 4.

S. VIII.

Dæmones cum futura prænuntiant, fallaces esse, nec fide dignos; à Deo futura mala significari, ad cautelam & emendationem.

Etsi verò Dæmones tum perspicaciâ, tum celeritate, tum experientiâ adiuti, occulta frequenter aperiant, & futura prænuntiant, ea præcipue, quæ ipsi facere constituerunt, longè tamen absunt ab altitudine illius Prophetiæ, quam Deus per SS. Angelos suos & Prophetas operatur. Nam si quid de illa Dei dispositione prænuntiant, audiunt.

audiunt ut prænuntient; & cum ea prædicunt, quæ inde audiunt, non fallunt, neque falluntur, veracissima enim sunt Angelica & Prophetica oracula, ait S. Aug. lib. de diuinatione Dæmonum, cap. 6.

In alijs autem, quæ vel coniectant, vel ipsi facere proponunt, sæpe fallunt ac falluntur. *Dæmones fallunt & falluntur.* impedimento aliquo diuinitus, vel aliunde, vnde non putabant, interiecto. Quare ob fallaciam fidem non merentur, ob odium autem, quo nos persequuntur indigni sunt, à quibus veritatem exquiramus: quam si aliquando eloquuntur, non nisi ad indebitam sibi auctoritatem conciliandam, animosq; hominum à diuinâ veritate auertendos id referunt.

Deus autem per stellas aliâque signa, imminentes calamitates prænuntiare solet, ut peccata, verissimas malorum nostrorum causas, emendando expiandoq; diuinam iram auertere studeamus aut mitigare. Sic paulo antequam Antiochus Ierosolymam caperet, & in Iudæos atrocissime sæuisset, contigit per vniuersam Ierosolymorum ciuitatem, videri diebus quadraginta per aera equites discurrentes, auratas stolas habentes, & hastis quasi cohortes armatos, & cursu equorum per ordines di-

INRIOR

Ee 5 gestos:

gestos: & congressiones fieri cominus, & scutrum motus, & galeatorum multitudinem, gladijs districtis, & telorum factus, & aureorum armorum splendorem, omnisque generis loricarum. Quapropter omnes rogabant in bonum monstra converteri. 2. Machab. cap. 5. v. 2.

CAP. VII.

Fortitudinem Christianam, Reipublicæ gerenda & defendenda maxime accommodatam, & Fortitudine Ethnicorum longe excellentiorem esse, adversus Macchianello blasphemias demonstratur.

§. I.

Macchianello impio iudice, Ethnicos fortiores fuisse Christianos, ob religionis diversitatem; nos a veritate duci ad contemptum mundi & honorum; sacra nostra mollia & delicata esse; a debilibus putari humiles, de iniuriis condonanda magis cogitari, quam vindicanda; hæc cessante iam imbellis animi, & amissa ac neglecta libertate; etsi magnitudo Imperii Romani, non parum etiam ad id fecerit.

CAP. II. Libro secundo Discursuum de Republicâ, de libertate disserit, cuius amor difficilem fecit Populo Roma-

no victoriam de vicinis, & alijs quibusdam populis. Addit libertatis laudes, eiusque iam neglectæ, & imbellis animi causam. Religionem Christianam adscribit. Adnumero impias & blasphemias voces, Libertati & fortitudini Christianæ nimis quàm contumeliosas:

Sed non immeritò possit quispiam hoc loco admirari causam, cur antiqui illi longè magis laborasse videantur pro libertate publicâ, quàm id ætate nostrâ fieri videamus. Ego verò obeandam causam id fieri puto, propter quam ydem illi etiam fortiores viri erant, quàm nostri: atque illam maiori ex parte pendere, ex ipsâ educatione, & religionis illorum nostræq; diuersitate. Nam cum ex Religione nostrâ VERITATEM rerum intueamur: discimus ex illa statim honores & pompam huius mundi contemnere. Sed Ethnicici hæc omnia magni faciebant, & in ijs summum bonum esse putabant. Quapropter promptiores fortioresq; erant, huiusmodi rerum defensores.

*Id ex multis eorum institutis apparet. Nam si vel eorum sacrificia cum nostris conferas: in illis magnificentiam quandam horrendam, in nostris delicatam quandam molli-
tatem cernes. In illis pompa & magnificen-*

*Veritas
Christianos
imbelles fa-
cit, Mac-
chianello
Iudice.*

*Eidem sa-
cranostra
mollia.*

tia.

tia, cedes multorum animalium adiungebantur, qui terribilis aspectus homines etiam feroces reddebat; nostrabis omnibus carer.

Ethnicorum Religio non reddebat homines beatos alijs rebus, quàm gloriâ & laude virtutis, pro rebus bene feliciterq; in pace aut bello gestis. Ex nostræ Religionis institutione, beatiores putantur humiles, & quirerum diuinarum contemplationi dediti sunt, quàm qui res magnas gesserunt. Summum praterea bonum statuit in humilitate, & contemptu rerum huius mundi. Ethnici omnia contrario modo se habere credebant: nam summum bonum existimabant in magnitudine, animi positum esse; & corporis viribus, ceterisq; omnibus, quæ à fortissimis viris fieri solent.

*Blasphemia
in humili-
tatem Chri-
stianam in-
iuria.*

Hæc vitæ institutio Christianum orbem imbellem fecisse videtur, ut sceleratis ac perfidis principibus certa prada esse soleat. Nam plerique mortalium spe vitæ beatæ, cogitant potius de tolerandis iniuriis, quàm de ysdem vindicandis: tanquam si oporteret calum sine armis ullis, solo atio comparare. Sed non caret errore ista Religionis nostræ explicatio, & qui illam ita sunt interpretati, abiecti homines fuere, quibus otium potius, quàm virtus cordi fuit.

Nihil

Nihil enim Religioni Christiane aduersatur Patrie defensio, Imperijq; eius per legitimum modum auxilio. Permittitur omnibus patriam amare, in honore habere, & ad illius defensionem se preparare. Sed inepta illa educationis ratio efficit, ut si per uersum orbem atate nostrâ percurras, nentiquam tot populos liberos, tot liberas Respublicas, ut olim erant, inuenire queas, nec homines libertatis amatores, eiusdemq; acres defensores.

Verum fallaci mente dicit impostor.

Equidem Romani Imperij magnitudo, non parum etiam ad id fecit, cum per uersum orbem liberas Respublicas sub suum iugum subiecerit. Sed neque destructo Imperio Romano, tamen potuerunt pristinam libertatem recuperare, nisi per pauca quaedam. Quo tempore agebatur Romanam Imperium, inueniebantur in omnibus regionibus multi liberi populi, multa libera Respublica praeclare instituta, & libertatis defensores acerrimi. Nec proinde à P. R. absq; singulari virtute uinci. ac superari potuerunt.

os[t]

S. II.

A Macchiauello inaudita inter Christianos, Religioni Christiana iniuriam inferri; sicuti Temperantia moderatur delectationem, ita fortitudine reprimi honorem, ne obsequium virtuti.

Religionem Christianam virtutum omnium & matrem esse, & Magistratam nemo ambigit. qui credit *sine fide impossibile esse placere Deo*: & eam fidem veram non esse, quæ aliquam veram virtutem excludit. Quare Macchiauellus non tam & inauditam inter Christianos, Religioni Christianæ contumeliam intulit, cum sacrilegâ audaciâ, quod nulli vnquam hæretici fecerunt, Fortitudinem ipsi eripere, & eius institutionem veluti imbellem, ac Rebus publicis noxiam infamare tentauit. Cuius virtutis naturam qui intelligit, vel nuspiam, vel non alibi, quam apud Christianos solidam & integram reperiri fatebitur, vt ex ijs quæ hic subiungimus; perspicuum erit.

Duo virtutum impedimenta, Volutas & dolor.

Duo generatim sunt impedimenta, quibus homines retinentur, ne in vitâ priuatâ ac ciuili, rectæ rationis Imperio se ducant. Vnum est voluptas seu delectatio de bono aliquo inferiori, cuius desiderio

rio

rio à rectæ rationis tramite, ad fæda ac v-
tita deflectunt. Alterum dolor & tristitia
de malo itidem minori, cuius incurrendi
timore, aut superandi desperatione, vel
nimia audaciâ rationem sequi cessant, aut
quæ illa fieri vel tolerari iubet, nō faciunt,
nec tolerant. Impedimentum voluptatis
remouet Temperantia. Ijs quæ dolorem
& timorem incutiunt, oblectatur Forti-
tudo animi, sicuti fortitudine & robore
corporis, ea quæ membrorum nostrorum
motui aut actionibus obfistunt, repelli-
mus, vt explicat S. Tho. 22. q. 123. a. 1.

*Quid remo-
uet Golu-
plas, etud
fortitudo.*

Est igitur fortitudo virtus, firmiter re-
tinens voluntatem, ne ab eo bono, quod
recta ratio præscribit, metu minoris boni
amittendi deficiat. Voco autem minus
bonum, quidquid infra virtutem & ho-
nestatem est, quam mensuram rectæ ratio-
nis meritò appelles. Talia sunt bona cor-
poris & fortunæ, vita, sanitas, membrorū
integritas, diuitiæ, honor, gloria, domi-
natus, Imperium; quæ honestati postha-
benda esse, nemo honesti amans vnquam
negauit.

*Qui igitur ea, quæ oportet, cuiusq; causâ,
& quemadmodum, ac quando oportet, per-
fert, & eximescit, isidemq; audet, is fortis
est.*

*Fortis quia
audet.*

*Fortitudo
quid.*

est. Prout enim rei dignitas & ratio postulat, vir fortis patitur & agit, ait Aristoteles 3. Ethic. cap. 7. Et paulò post Fortitudinem definit esse, mediocritatem in iis, quæ audere & timere solentur, eaq; eligere & tolerare, quia honestum est, aut contrarium, turpe. Semper autem honestum est, eligere potius iacturam boni minoris quam maioris, & subire malum minus quam maius; turpe contra est, metu mali minoris incurrere maius, aut ullam iacturam, præferre honestati. Quo primo veræ fortitudinis iacto fundamento, alia quædam, ad eam penitus intelligendam monet Aristoteles, naturâ duce animaduersa; ut nefas sit, post eandem naturam diuinæ fidei radijs illustratam, tam claræ veritati repugnare.

S. III.

Fortem impavidum esse ad pericula mortis; præsertim in bello, siue communi, siue particulari; fortitudinem magis elucere in sustinendo, quam aggrediendo; actiones illius non esse incutendas, nisi quatenus finis adiungitur.

Fortis impavidus ad mortem.

I. **P**Recipue fortis dicitur, qui impavidus est ad mortem honestam, & eam, quæ ipsam offerunt, ac repente eueniunt, ait Aristoteles.

Aristoteles eod. lib. 3. Ethic. cap. 6. Cuius ratio ex fortitudinis naturâ delumitur. Cum enim eius officium sit voluntatem roborare aduersus mala, quorum metu à regulâ rationis abstrahi posset; maximè eam confirmat aduersus maxima mala. Quia qui stat firmus contra maiora, consequens est quod stat firmus contra minora, sed non conuertitur; ait S. Thomas q. 123. a. 4. Maximè autem terribilis est mors, cuius metu qui frangitur, etsi mala minora fortiter toleret, solum secundum quid fortis est. In morte igitur eiusq; periculis contemnendis, & fortiter subeundis, præcipuè elucet Fortitudo; tantoque magis, quo minus fuerint præuisa. Nam fortioris esse videtur in repentinis potius terroribus impavidum ac interritum esse, quam in præuisis. Magis enim ex habitu id procedit, minusq; ex animi preparatione; nam præuisa consilio quis & ratione eligere potest, repentina non nisi ex habitu, ait Aristoteles 3. Ethic. cap. 8.

*Repentinis
potius,
quàm præ-
uisa forti-
tudo ostendunt.*

Non verò quoduis mortis genus viri fortis esse videtur, ut si in mari, vel morbis pereat. In quibus igitur elucet? an non in pulcherrimis? talia verò sunt, quæ in bello eueniunt, in maximo nimirum, horribilissimoq; pericu-

*Præcipuè in
bello iusto.*

lo. Argumento sunt honores, qui in civitatibus & a regibus decernuntur, ait Aristoteles, ibid. cap. 6. Esse autem mortem in bello, Fortitudinis propriam, hinc patet. Cum enim virtus sit, spectat quod honestum est; atqui defendere Rempublicam in bello iusto, per se honestum est, non item in mari, vel morbis perire, nisi bonus finis aliunde accedat. Mors igitur, quam belli pericula secum afferunt, fortitudinis per se propria est; quæ mortem quoque naturalem ex morbo, aut fortuitam ex naufragio, incendio, casu, cum virtutis causâ tolerat, suam & honestam facit.

Bellum iustum duplex.

Potest autem ait, S. Thom. q. c. 123. a. 5. aliquod esse iustum bellum dupliciter. Uno modo generale, sicut cum aliqui decertant in acie. Alio modo particulare: puta cum aliquis iudex, vel etiam privata persona, non recedit à iusto iudicio, timore gladii imminuentis, vel cuiuscunque periculi, etiamsi sit mortiferum. Pertinet autem ad fortitudinem, firmitatem animi præbere contra pericula mortis; non solum quæ imminet in bello communi, sed etiam quæ imminet in particulari impugnatione, quæ communi nomine bellum dici potest.

III. Cum fortitudo circa audaciam & i-

MOTES

mores versetur, non tamē aqualiter in utrisque, sed magis in terribilibus conspicua est. *Fortitudo in terribilibus*
 Nam qui in his intrepidus est, quiq; ita affe- *præcipue*
 ctus, ut oportet, magis fortis censeri debet *elucet.*
 eo quod recte se habet in rebus audendis.

Acerba enim perferendo, ut dictum est, fortis nomen suum obtinet, ait Aristoteles, l. 6. c. 9.

Difficilius enim est timorem reprimere, quam audaciam moderari, eò quod ipsum periculum, quod est obiectum audacie. Timoris, de se confert aliquid ad repressionem audacia, sed peratur ad augmentum timoris. Aggredi autem pertinet ad fortitudinē, secundum quod moderatur audacia: sed sustinere sequitur repressionem timoris. Et

ideò principalior actus fortitudinis est sustinere, id est immobiliter sistere in periculis, quam aggredi, ait S. Thom. 9. 123. a. 6. c. Et ad 1. quod sustinere sit difficilius, quam aggredi, triplici clarissimāque ratione probat.

Primò quidem, quia sustinere videtur aliquis ab aliquo fortiori inuadente: qui autem aggreditur, inuadit per modum fortioris. Secundo, quia ille qui sustinet, iam fert pericula imminencia: ille autem, qui aggreditur, habet ea ut futura: difficilius au-

Difficilium est sustinere, quam aggredi.

sem est non moueri à presentibus, quam à futuris. Tercio, quia sustinere importat diuturnitatem temporis: sed aggredi potest aliquis ex subito motu: difficilius autem est diu manere immobilem, quam subito impetu moueri ad aliquid arduum.

Vnde obseruat Aristoteles c. 7. Andaces, qui Fortitudinis modum excedunt, precipites esse, & promptos ante pericula, in ipsis autem desistere: fortes contra in operibus strenuos, ante quietos. Non autem fortis, cum sustinet, nihil agit: sed corpore patiente, exercet actus præstantissimos anima fortissimè inharerentis bono, ut ait S. Thomas, & se consideratione amoreque honestatis confirmat.

Finis fortitudinis ob ea, quæ circumstant, parum incundus.

IV. Si d. finis fortitudinis incundus uideri potest, etsi propter ea, quæ circa illum sunt, minus appareat; ut in ludis Gymnicis. Nam pugilibus quidem finis incundus est, propter quem certant, ut corona & honores cédant, cum carnei sint, acerbum est, & omnis labor molestus. Quæ quoniam multa sunt, finis autem exiguum quid, nihil is incundi habere uideatur. Si itaque idem circa fortitudinem euenit, mors quidem & uulnera, acerbæ fortis etiam nolenti erunt. At tamen ea sustinebit, quia honestum, aut

quia

quia non sustinere turpe est, ait Aristoteles
c. 9.

*Non igitur omnium virtutum actiones
incedunt sunt: nisi quatenus finis adiungitur,*
et paulò post concludit. Decus enim
virtutis & amor honestatis, quam pro fine
habet fortitudo, delectationem aliquam
afferunt animo forti: quàm captus, actio-
nes fortitudinis ob corporis dolores & vi-
tæ iacturam, admodum arduas & parum
iucundas, constanter exequitur. Quia
verò ea delectatio dolorum acerbitate &
vitæ dulcedine, vehementer obscurari, &
minui solet, ut illam vix tenuiter ratio ac
voluntas, sensus autem & appetitus ne-
quaquam percipiant: ideo rectè censuit
Aristoteles, fortitudinis actiones non esse
iucundas, eumque, qui gravia perferens gau-
det, aut non tristatur, fortem esse, qui verò
tristatur, ignavum, ut ait lib. 2. Ethicor.
cap. 3.

Cum enim paucorum sit tanta virtus, *Fortes sunt,*
quæ inter magna & acerba mala exultet, *qui de ma-*
eos quoque fortibus meritò accensuit, *lis saltem*
qui rigidum rectæ rationis Imperium secu- *non tristantur.*
ti, non tam gaudent de malis, quæ perfe-
runt, quam non tristantur. At qui deli-
beratâ voluntate dolent, sibi dolendum
esse,

esse, aut de vitâ periclitandum, nec virtutem, nec laudem fortitudinis habent: nemo enim inuitus bonus est, aut bonum facit.

S. IV.

Vitia, aut quasdam non veras Virtutes Fortitudinis nomen inuadere: Politicam nimirum, Experientiam, Iram, Fiduciam, Ignorantiam.

HÆc itaq; est vera Fortitudo, ad quam lumen vultus diuini, quod signatum est super nos, ducit omnes, qui tenebris vitiorum, naturalem vim intelligendi obsecuratam non habent. Intellexit eam Aristoteles & egregie explicauit; sed vidit, simul vitia in confinio sita, aut certe virtutes non veras, quæ fortitudinis nomen, & famam passim inuadunt, eiusque obtentu orbi illudunt. Earum quinque hæc genera tradit, 3. Ethic. cap. 8.

*Fortitudo
Politica
qua.*

I. Primam vocat *Politicam*, quæ ciues propter penas legibus statutas & probra ac honores, quauis pericula subeunt. Eandem tribuit subditis, quibus ab imperantibus vis infertur, vt ardua suscipiant, veluti cum in prima acie, aut ante fossas & valla, aut in illis pugnare compelluntur. Præfert verò priorem, tanquam vera Fortitudi-

dini

dini magis similem: ducitur enim *reihonestate desiderio, honoris inquam, ac fugâ pro-*
bri, seu pudore, non necessitate ac metu,
vti posterior.

Vocat autem Fortitudinem *Politicam*, *Cur eam*
non quod eam doceat vera Politica, cui *isâ appellat*
vera virtus, non falsa est proposita; sed *Aristoteles.*
quia ad eam a vera Fortitudine plerique
declinant, qui Politicam vitam sectari, &
Politici esse videntur. Quâ ratione I.
Ethic. c. 5. dicit eos, qui res gerunt, *hono-*
rem spectare. & vita Politica hunc fere finē
prefigere, quos tum ibi, tum passim in
Ethicis, ac Politicis refellit.

II. *Experientia quoque in rebus singu-*
lis, aliquam fortitudinis speciem habet. Ob
hanc alij in alijs rebus, in bellicis milites
fortes putantur: cum enim armorum ex-
ercitatione, & decertandi peritiâ valeant,
inexercitatis ac inermibus fortes appa-
rent. Quos timidos & frequenter igna-
vos esse pericula demonstrant, quibus in-
ualescentibus fugiunt, *mortem magis, quâ*
dedecus pertimescentes. Fortis vero non est
eiusmodi, ait Aristoteles.

III. *Itam itidem ad Fortitudinem refe-*
runt; fortes enim etiam ij videntur qui ex-
ardescunt, ut fera in vulnerantes, &c. Ad-
est.

ulteri quoque ob libidinem multa audacter
perpetrant. Sed non sunt fortia, quæ do-
lore, aut irâ, aut voluptate impellente,
cum periculo suscipiuntur; non enim, qui
talìa agunt, honesti studio, neque ratione,
sed perturbatione ducuntur. Consentis
cum Aristotele & veritate Cicero lib. 1. de
Offic. Ea, inquit, animi elatio, quæ cerni-
tur in periculis & laboribus, si iustitiâ vacat,
pugnatiq; non pro salute communi, sed pro
suis commodis, in vitio est. Itaque probe de-
finitur à Stoicis fortitudo, cum eam virtu-
tem esse dicunt, propugnantem pro aquita-
te. Et paulò post. Praclarum igitur Plato-
nis illud: Non solum inquit, scientia, quæ est
remota à iustitiâ, calliditas potius quam sa-
pientia est appellanda: verum etiam ani-
mus paratus ad periculum, si suâ cupidita-
te, non utilitate communi impellitur, au-
dacia potius nomen habet, quam fortitudi-
nis.

*Fiducia te-
moraria est.* **¶** V. Fiducia præterea, seu bona spes,
ex pluribus varijsq; prosperis successibus
concepta, quia audaces ad quavis aggre-
dienda reddit, Fortitudinis similitudinem
gerit. Sed tale quid & ebrii faciunt, bene
enim sperare solent: at cum non eveniunt,
sperata, terga vertunt, ait Aristoteles. Sic
isti

isti cum spe sua falluntur, animo mox concidunt, & se non fortes, sed temerarios & audaces esse ostendunt.

Denique fortes etiam ij putantur, qui ardua & periculosa aggrediuntur, quæ talia esse ignorant, & leuia ac tuta putant. Bene sperantibus similes, nisi quod temeritate illos vincunt. *Quare aliquantulum persistunt, decepti vero ubi vident rem aliter habere, atq; suspicati erant, fugiunt, quales præcipue sunt iuvenes, rerum & periculorum inexperti.* Atque hi omnes Fortitudinis nomen & præconium, im- merito accipiunt, vel usurpant.

S. V.
Christianam fortitudinem esse maximam ab immensum gloria pondus, finis & præmissi loca propositum, præcepta item, & exempla fortissima.

Comprehensâ fortitudinis naturâ, & temeritate atque audaciâ ab eius nomine & laude exclusis, statim elucescit, eam Christianæ Religioni non solum congruere, sed maximè propriam, & sine illâ imbellem esse. Cum enim Finis & præmium, sit fortitudinis nervus, quod se animus aduersus quævis mala immortum re-

ff 5 nec.

Tri Signa-
ratione

net, constet autem veræ Religionis finem, esse veram æternamque beatitudinem, quam ipsam pro præmio fortiter cernantibus Deus proposuit: sequitur Christianæ fortitudinis finem felicissimum & præmiiū maximum certissimumque esse, ut adeo profanæ fortitudini Ethnicorum sine comparatione antecellat.

Nam illi de alterâ post mortem vitâ, aut nihil aut fabulas credebant, nec æternam beatitudinem sperare poterant: cuius spem falsi Dij aut non faciebant, aut eius potiundæ auxilia nulla præbebant. Honestatis autem vis naturalis, difficultatibus & acerbitatibus circumseptâ, apud paucos tam valida fuit, ut sola animum in officio retineret. Immoderata gloriæ, imperij, & vindictæ cupiditas, ferrox virium fiducia & inconsulta temeritas, illos irritabant, ut in periculis rebusque arduis audaces, pertinaces, & feroces essent, fortes autem haberentur, non essent.

At verò Christiana Religio æternum gloria pondus habet, quo leues & momentaneæ tribulationes compenset, 1. Cor. 4. v. 17. ostendit non esse condignas passionibus huius temporis, ad futuram gloriam, quæ retribuitur

*Finis &
præmium
Christiano-
rum æterna
Beatitudo.*

*Ethnicis
ignota.*

*Æternum
gloria pon-
dus.*

labitur in nobis. Rom. 8. v. 18. Hunc finem, hoc pramium, et si denso agmine circumstent tribulatio, angustia, fames, nuditas, periculum, persecutio, gladius, mille supplicia & mortes innumera: anhelat tamen ad bonum suum in his malis Christianus animus, & nihil durum vel nimis arduum putat, quod perducit ad coronam, quam imponit Deus diligentibus se. Cui si comparari non possunt Ethnorum corona, laurea, triumphus, ovationes, plausus, laudes, & totus inanis gloriae apparatus: necesse est fortitudine illorum, tanto esse potiore fortitudinem Christianorum, quanto solida inanibus, aeterna breuibus, diuina humanis, caelestia terrenis, modica immensis antistat. Sed fortia quoque & dura sunt Christianorum praecepta: Regnum caelorum vim patitur, & violenti rapiunt illud, Matth. 11. v. 12. Nihil in tota Christiana disciplina molle est, nihil effeminatum; dura sunt illius imperia, quibus implendis robusto animo opus est. Nemo fortitudini duriores leges sanxit, quam Christus; eorum igitur summa fortitudo est, quorum facta, si legibus suis congruant, sunt fortissima.

Ethnici non habent, quod illi comparent.

Proe.

*Accedunt
exempla.*

Præmijs & præceptis Christianæ fortitudinis, exempla accedunt, quibus nec numero, nec dignitate ea, quæ de Ethnicis celebrantur, sunt paria. Paucis personis scena profanæ fortitudinis peragitur, post Brutum, Camillum, Regulum, Murtium, Scæuolam, Fabritium, Fabios, Scipiones, Catones aliosque quosdam, si non habent Romani, quos magnopere producant. Quot illi, aliique gentiles viros fortes guttatim numerant, tot fortium Christianorum myriades & Chyliades, ex omni sexu, ætate, conditione agminatim adnumerabimus. Nulli fastidiosos capiunt Martyres, qui pro verâ fide mortem fortissimè obierunt, Neque malignus Magnus annus sufficeret, si singulis singuli dies sacri essent. Ut illos taceamus, itidem innumeros, qui siccâ licet morte defuncti, fortissimis tamen factis, & perpetuo inuicti animi tenore, calum meruerunt.

S. VI. Christianæ Fortitudinis non solum salutem, sed salutem, sed Imperia quoque obtinere, ac stabili bellâ Fortitudine Ethnicos à Christianis superare, neque esse his aptiores Reipublicæ defensores, nec moderatores, sed leges Christianis seruare.

Sed

Sed aiunt Pseudopolitici hac quidem Fortitudine cælum & salutem, non autem Principatus & Respublicas obtineri & stabiliri; in his fortiores videri Ethnicos, quam Christianos. Atqui hoc ipsum est, quod hactenus operose demonstraui-
mus, non certius neque fortius Imperia stabiliri, quam verâ religione; & cum ad eum finem tota gubernandi ratio referatur, qui ultimus & supremus esse debet omnium Christianorum, in vitâ seu priuatâ, seu publicâ. Contra non esse felices eos Principatus, qui primam imperandi regulam, ex Dei præceptis & virtute non desumunt; ruinam enim & Dei vindictam illis citius, vel serius imminere.

Certè S. Paulus, Hebr. 11. multos bellicâ fortitudine insignes, & cuius Ethnicorum pares, imò superiores, enumerat, Iosue, Gedeon Barac, Sampson, Iephthæ Dauid. Neque minus in nouâ quàm veteri lege, vera Religio felicitum fortissimorumque Principum ferax fuit. Constantinus Magnus, Theodosius Magnus, Heraclius, Iustinianus, Carolus Magnus, Henricus Sanctus, alijque tum superiorum, seculorum, tum nostræ etiam ætatis Principes.

Im-

Imperij & victoriarum gloriam, Ethnicorum exempla superant. *Job mōdū mansisti*

Quin adeo Christiana fortitudo bellis non aduersatur, vt Romanos exercitus sub Ethnicis Imperatoribus refertos fuisse Christianis militibus affirmet Tertullianus, Apologetici, cap. 37. & iuramentum ab eis præstari solitum, recitet Vegetius lib. 2. de re militari. *Iurant* ait, *per Deum, Christum & Spiritum S. & per maiestatem Imperatoris, quæ secundum Deum, generis humano diligenda est & colenda.* Ex paulo post: *iurant autem milites omnia strenue se facturos, quæ præceperit Imperator, nunquam deserturos militiam, nec mortem recusaturos pro Romanâ Republicâ.*

Potest pugnari pro terrâ, vt non amittatur cœlum; in quo præcipuum stipendium milites verè Christiani, se accepturos & olim sperarunt, & iam sperant. Ea militia Christianis legibus repugnat, cuius iniusta causa Deum hostem habet, aut facit; & tum faciendum non est, quod præcipit Imperator, quando iubet ea, quæ vetat Deus. Obseruarunt id olim Sancti milites, Sebastianus, Mauritius, Victor, Achatius, alique innumeri, quorum integras legiones & multas myriades veneramus,

*Romani
exercitus
olim referti
Christianis.*

*Quæ militi-
a Chris-
tiani legi-
bus repu-
gnet.*

ramur. Cum ad Deorum cultum & Christianam fidem deferendam inuitabantur, ipsi vitam deferere, quam religionem maluerunt.

Non sunt aptiores nec fortiores Reipublicæ legitimæ defensores, quam Christiani, si nomen suum impleant. Animos fortes efficit repositum in cælo stipendiū, quod cum intuentur oculis non conuenientibus, terrenæ mercedis & gloriæ appendicem, contemnere possunt. Etsi vel hinc apparet, quanto maior sit fortitudo Christianorum, quam Ethnicorum, quia quidquid in terris isti sperabant, & illi sperant, feliciusq; obtinent; Christianis insuper cælum patet, Ethnicis clausum, quod cessantibus licet humanis solatijs, quæuis mala, spe immensi boni reddit tolerabilia.

Fidem deinde, sanctius colere, nulla Religio docet, quàm Christiana. Non habet Princeps, cur prodicionem & rebellionem metuat à Christianis subditis & militibus, si Christo fidem seruent, & legibus illius viuant. Disciplina Christiana quâuis militari seuerior est, & maximè incorrupta; hæc si in castris vigeret, pro veteri conuicio, in militum laudes diceremus: *vera si-*

*Christiani
milites fortissimi.*

de pietasque viris, qui castra sequuntur.

*Precibus
vim calo
faciunt.*

Habent denique Christiani preces, quibus vim cœlo faciant, & hostes sternant, licet viribus superiores. Egit hoc Legio Melitina, è Christianis conflata, qui Imperatori M. Aurelio aduersus Germanos & Sarmatas pugnanti, cum exercitus siti confectus esset, Romanis pluias in potum, hostibus fulmina in vindictam, flexis genibus à Deo exorârunt; vnde *Legio fulminatrix* dicta est, teste Eusebio lib. 5. cap. 5.

*Doctrina
Christi sa-
lam Reipub-
licam.*

Maxima ergo ex Religionis Christianæ instituto, est Christianorum fortitudo, cui præmium propositum est immensæ beatitudinis, & humanæ præterea mercedis auctarium. Cuius fides est sanctissima, disciplina seuerissima, & vt vires desint, illas impetrare potest oratio. Vt ad eò verissimè dixerit S. Aug. ep. 5. aduersus Ethnicos Religionem Christianam, veluti Imperio & Reipublicæ noxiam calumniantes: *Qui doctrinam Christi aduersam dicunt esse Reipublicam, dent exercitum talem, quales doctrina Christi esse milites iussit, dent tales filios, tales dominos, tales seruos, tales reges, tales indices, tales denique debitorum reditores, & exactores ipsius fisci, quales esse præ-*

*præcepit doctrina Christiana , & audeant
eam dicere aduersam esse Reipublicam ; imò
verò non dubitent eam confiteri magnam,
si obtemperetur, salutem esse Reipublicam.*

§. VII.

*Mundi & honorum contemptu Scèrè magnanimos
efficit , à Christianis non contemni Rempublicam
& Imperia, sed illecebras adiunctas; neque de serò
ab eis , qui in his Deo Vocante, opera pretium
facere possunt; aestimari terrena, sed
non supra sum pretium.*

Verum ea, quæ Macchiauellus inimi-
cus crucis Christi, pro Ethnicis affert,
refellamus.

I. Ut ostendat se pro falsitate pugnare,
veritatē Religionis Christianæ obijcit. quæ
contemnere honores , & pompam huius
mundi docet. Sed contemptus hic ma-
gnanimos facit & ostendit, quos Aristote-
les 4. Ethic. cap. 3. asserit *contemptores vi-*
deri, quia honor, & bona fortunæ, quæ
honoris causâ maximè appetuntur, illis
paruum quid sunt. Quod de Christianis
verissimè dicitur, his enim cum summum
& infinitum in cœlo bonum sit propo-
situm, quidquid terra offert & confert, non
nisi paruum & minimum videri potest. Ita

*Magnani-
mi, honores
contemptu-
res.*

vt sapienti fortique animo necessarium sit, minima præ & pro maximis, non autem, sub illis, suo ordine locata, contemnere.

Illud præcipitur Christianis omnibus, ne vniuersi etiam mundi lucrum, cum animæ detrimento quærant, & vt malint debiles, cæci, claudi, inopes, exules, & priuati *ad vitam ingredi*, quam sani & valentes, opulenti & honorati, potentes & dominantes *mitti in ignem æternum*. Hoc verò non præcipitur, vt honores, imperia, magistratus, legitimâ autoritate sibi commissos, contemnant aut negligant, aut terras subditosq; suos, hostium libidini indefensos exponant.

Cum aliqui honores & imperia abdicent.

Qui ex Republicâ aut Imperio, ad religiosos ordines & claustra conuolant, non ex præcepto, sed consilio id faciunt. Neque ex contemptu potestatis, & gubernationis, quæ cum non sit nisi à Deo, contemni non potest: sed illecebrarum, quæ dignitatibus adiunctæ humanos animos facillè fascinant, & salutis periculum creant. Quod periculum vbi non subest, & publica necessitas vel utilitas, operam imperantis postulat, qui eam præstare potest, subtrahere non debet: sed honores retinere ac tueri, ad honorem illius, qui Principi-

cipibus & magistratibus honorem & obsequium deferri præcepit.

Magni faciunt Christiani ista, sed non maioris, quam ea, quæ sunt maxima. Sciunt hæc ordinatæ à Deo potestatis esse vel solatia, ne laboribus succumbat: vel præsidia, ne ingloria & inops, contemnatur aut excutiat ab improbis, in quorū vindictam præcipuè constituta est. Dona Dei sunt, & pietatis probitat, sive sæpe præmia, Imperij gloria, potentia, victoria de hostibus, aliaque similia, ut sacræ literæ & historiæ docent.

*Christiani
ista suo pre-
tio asse-
mant.*

§. VIII.

*Delicam molliem à Machiavello, Christianis
facris sceleratè obici; contineri in omnes fortis.
indignu stimulos & vim impetrandi felices
successus.*

II. **Q**Uod Geris Christianis delicam molliem, blasphemio conuitio exprobrat, contrà verò Ethnicorum sacrificijs horrendam magnificentiam & ob multorum animalium cades, terribilem, aspectum hominibus efferendis idoneum tribuit, stolidæ impietatis argumentum est. Si enim animalium laniena fortitudinem acuit, laniones in macellis & carnifices in

*Stolidæ
Machiavello
uelli impe-
tat.*

reorum supplicijs fortissimi erunt, quos vtrosque inter abiectissimæ sortis homines numeramus. Belluæ efferantur sanguine; humani animi generositas virtutis honestate, gloriâ, præmijs ad ardua incitatur; neque tam sanguinem alienum sitit, quàm suum prodigit.

*Sacrificij
Christiani
dignitas.*

Sed quid delicatum aut molle est in Sacrificio Christianorum? Decentissima cerimoniarum, vestium, vasorum, ministrorum dignitas, & solennium sacrorum Maiestas, venerationem inducit, non molliem. Recitantur ex sacris Euangelijs, Apostolorum epistolis, veterisque Testamenti libris, fortissima seuerissimæque virtutis & religionis præcepta. *Sarsum corda habere* inuitamur, vt à voluptatum mollibus blandimentis auulsa, eò aspirent, quo Christus fuso sanguine viam præmonstrauit, & aditum patefecit.

Eius summa.

Neque alia est sanctissimi sacrificij summa, quàm representatio diuinæ illius caritatis & fortitudinis, quâ in cruce inter acerbissimos dolores, filius Dei se pro nobis Patri victimam obtulit, & non minus exemplo, quam antea verbo fortes esse docuit.

Dies festi.

Accedunt martyrum festi dies, in quorum

rum

rum memoriam toties rubent altaria, & fortitudinis Christianæ nos admonent, ut *imitari non pigeat. quod celebrare delectat.* Suos quoque stimulos habent illorum exempla, quorum incruenta quidem, sed vitiorum victorijs & virtutum triumphis inelyta memoria, in sacris itidem proponitur. Compendio dicam, omnes fortitudinis stimulos habet Missæ sacrificium, exempla Sanctorum, præcepta virtutum, fortis animi pretium ac præmium, Christum inquam eiusque sanguinem: quo *passo in carne, & nos eadem cogitatione armari* jubet S. Petrus 1. ep. 4. v. 1. *ut fortia faciamus & patiamur, pro salute æternâ, & terreni quoque Imperij incolumitate, quoad jura diuina ac humana id postulant, & permittunt.*

Addo peculiarem diuinæ huius victimæ in victorijs impetrandis, & Imperijs principibusque prosperandis efficaciam, non paucis historijs & communi Christianorum sensu contestatam. Ut adeo Macchiauellus à Christianis oculis & auribus remoueri debeat, qui hoc sacrificium, quod *honorificentiam populi Christiani & gloriam fortitudinis nostræ* meritò esse credimus,

Diuina Victimæ efficax ad gloriam.

calumniari, & sacrilegis Ethnicorum la-
nienis postponere ausus est.

§. IX.

*Pulchrè inter se convenire humilitati, & magna-
nimitati; superbos à Deo prosterne; felicitatem
Principum Christianorum in humili, iusto, mi-
sericordi, pio Imperio sitam esse; eiusmodi Prin-
cipes quibusvis præferri; eorum primum in-
calo esse maximum; humilitatem sum-
mum bonum falso
dici.*

III. **O** Bijcit, ex nostræ religionis institu-
tione beatiore putari humiles, &
qui rerum divinarum contemplationi dediti
sunt, quam qui res magnas gesserunt. Sum-
mum præterea bonum statui in humilitate,
& contemptu rerum huius mundi. Ethnicos
omnia se contrario modo habere, credidisse.
Quæ verba arguunt humilitatis Christia-
næ hostem impium, cuius pestilentes ne-
bulæ, veritatis luce dispelli debent.

Non aduersantur res magnæ humilita-
ti, quæ sine illâ in oculis Dei & verè sapi-
entum, magnæ esse non possunt. Non
enim solidè magnum est, quod inflatum
est: inflatum autem est, quidquid superbiâ
distenditur, nec in humilitate fundatur.

*Humilitas reprimat appetitum, ne tendat in
magna*

magna præter rationem rectam. Magnanimitas autem animum ad magna impellit, secundum rationem rectam. Vnde patet, quod magnanimitas non opponitur humilitati, sed conueniunt in hoc, quod utraque est secundum rationem rectam, ait S. Thomas q. 161. a. 1. ad 3.

Non ergo beatiore putamus esse humiles quàm eos, qui res magnas gesserunt, sed eosdem. Neque credimus res magnas seu priuatim, seu publicè gestas esse nisi ab humilibus, aut certè non à superbis, quos ipsi quoque Ethnici contemnebant & oderant. Quis Macchiauellus res magnas arbitratur, imperia, regna, bella, victoriæ, populorum, vrbiũ expugnationes, aliæque huius generis, magna scelera & latrocinia sunt, nisi animo moderato, secundum regulam virtutis & iustitiæ suscipiantur. Virtus mensura est magnanimitatis; ac propterea difficile est esse verè magnanimũ, neq; enim id sine insigni probitate contingere potest, ait Aristoteles 4. Ethic. cap. 3.

Quam autem humilitati bene conueniat cum magnanimitate patet, ex vtriusque officio in rebus magnis gerendis. Illa enim refranat animum, ne immoderate ten-

Humiles res magnas gerunt,

Humilitas & magnanimitati bene conuenit.

dat in excelsa, ista firmat contra desperationem, & impellit ipsum ad prosecutionem magnorum, secundum rationem rectam, ut explicat S. Thom. 1. c. a. 1. c. Humilitas ostendit Imperium, gloriam, vires esse à Deo, illudque S. Pauli Principi infusur-
rat: *Quid autem habes, quod non accepisti. Si autem accepisti, quid gloriaris, quasi non acceperis?* 1. Cor. 4. v. 7.

*Principes
superbos
Deus de-
struit.*

A superbiâ deinde reuocat. Sedes enim ducum superborum destruxit Deus, & sedere fecit mites pro eis. Radices gentium superbaxum arefecit Deus, & plantauit humiles ex ipsis gentibus. Terras gentium euertit Dominus, & perdidit eas usque ad fundamentum; arefecit ex ipsis, & disperdidit eos, & cessare fecit memoriam eorum à terrâ. Memoriam superborum perdidit Deus, & reliquit memoriam humilium sensu. Ecclesiastici 10. v. 17. 18. 19. 20. 21. Concinit in Cantico suo Regina cælorum: *Fecit potentiam in brachio suo, dispersit superbos mente cordis sui. Deposuit potentes de sede, & exaltauit humiles.* Luc. 2. v. 51. & 52. Ecce destruxit Deus sedes superborum, Ethnicorum, arefecit radices tumida fortitudinis, & plantauit humilitatem Christianam ex illis. Hanc amplectantur

Princi-

Principes & Magistratus, si exaltari sine periculo volunt, & deponi de sede nolunt.

Non igitur Ethnicorum religio reddebat homines beatos gloriâ & laude virtutis, qui & virtute verâ carebant, & multis vitijs gloriam suam contaminabant. Neque de rebus bene feliciterque in bello, aut pace gestis, solidè laudari possunt, quorum virtutes superbia & jactantia corrumpit: felicitas verò intra brevis vitæ fugacia bona stetit, verè infelix, quia diuinam vindictam grauib; peccatis promeruit.

Ethnici solidè laudari non possunt.

Notum S. August. l. 5. de ciu. c. 24. *Qui Principes & Magistratus Christianos felices dicimus, si iuste imperant: si inter linguas sublimiter honorantium, & obsequia nimis humiliter salutantium non extolluntur, sed se homines esse meminerunt: si suam potestatem ad Dei cultum maximè dilatandum, maiestati eius famulam faciunt: si Deum timent, diligunt, colunt: si plus amant illud regnum, ubi non timent habere consortem, si tardius vindicant facile ignoscunt: si tandem vindictam pro necessitate regenda tuendaq; Reipublica, non pro satrandis inimicitiarum odijs exerunt: si ean-*

Qui Principes verè felices.

dem veniam non ad impunitatem iniquitatis, sed ad spem correctionis indulgent: si quod asperè coguntur plerumq; decernere, misericordia lenitate, & beneficiorum largitate compensant: si luxuria tanto est castigatior, quanto posset esse liberior: si malunt cupiditatibus prauis, quàm quibuslibet gentibus imperare. Et si haec omnia faciunt, non propter ardorem inanis gloriae, sed propter caritatem felicitatis aeternae: si pro suis peccatis, humilitatis, & miserationis, & orationis sacrificium, Deo suo vero immolare non negligunt. Tales Christianos Imperatores, Principes, Magistratus dicimus esse felices: interim spe, postea re ipsa futuros, cum id, quod expectamus, aduenerit.

*Trusmodi
Principes
religiosis
praferendi.*

Tales quibusuis, qui inter claustra sibi, & Deo, sacraeque contemplationi vacant, aut alijs etiam iuuandis piam operam nauant, non solum comparamus, verum, etiam praepo-
nimus: quia virtus illorum maior, & fructus vberior, & merces in caelo est copiosior. Ut enim iudiciũ durissimum his, qui malè praesunt fiet, & potentes potentiã abusi, potenter tormenta patientur, ita qui bene praesunt duplici honore apud homines, & multiplici apud Deum praemio digni indicantur. Ideoque non

in con-

incongruè præmium Regum & Principum, tenere supremum gradum in beatitudine cœlesti, probat autor opusculi de Regimine Principum, lib. 2. cap. 9.

Ex quibus palàm est, nihil gloriæ & felicitatis in Christianâ Religione Principibus detrahi, sed vtramque in hâc vitâ effici auctiorem, quam Ethnicorum erat: in alterâ autem immensum æternæ gloriæ, & felicitatis pondus addi; quarum illa nullum dedecus, ista nullum infortunium metuit, & neutra Ethnicis contigit.

Sed is quoque Macchiauelli error dissimulari non debet, quod à Religione Christianâ, summum bonum in humilitate, & contemptu rerum huius mundi constitui fabulatur. Siue enim de huius, siue de alterius vitæ felicitate sermo sit, prior in Fide, Spe, Caritate, posterior in ipso Deo, eiusq; beatâ visione ac fruitione consistit. Humilitas fundamentum est virtutum Christianarum, quibus Caritas, seu dilectio Dei & proximi tectum imponit. *Finis eximprecepti est caritas, 1. Timoth. 5. v. 5. & plenitudo legis est dilectio. Rom. 13. v. 10.* Non est ergo humilitas summum bonum, in hâc vitâ, quia non est summa virtus. Nec in alterâ; quia ibi bonum nostrum sum-

*Humilitas
nō est sum-
mum bonū
Christiano-
rum.*

um,

hum, & vnicum Deus est, ad quem ducit humilitas.

S. X.

Præcepta de tolerandis iniuriis non aduersari Republica; pertinere magis ad preparationem animi; Vindictam legitimam non prohiberi, sed adium & malevolentiam.

IV. **A** It ex institutione Religionis Christianæ plerisque mortalium spe vite beate, cogitare potius de tolerandis iniurijs, quàm de iisdem vindicandis. Optandum esset verè hoc Macchiauellum pronuntiasse; contrarium in moribus nostris cernitur; atrocius & frequentius Christiani in vindicandis iniurijs insanirent, quàm Ethnici fecisse legantur. Sed ut nostri semores habeant, idem quod Macchiaellus, jam olim Ethnici Christianis præceptis obiecerunt, teste & vindice S. Aug. ep 5. ad Marcellinum.

Eadem Ethnicorum & Macchiaelli argumenta.

Adiecasti enim ait, eos dicere, quod Christiani prædicatio atq; doctrina, Republica nullà ex parte conueniat, cuius hoc constet esse præceptum. ut nulli malum pro malo reddere debeamus, & percutienti aliam præbere maxillam, & pallium dare ei, qui tunicam auferre

auferre perstiterit, & cum eo qui nos angariare voluerit, ire debere spatio itineris duplicato. *Quæ omnia Reipublica moribus asseruntur esse contraria. Nam quis inquit, tolli sibi ab hoste aliquid patiatur, vel Romana provincia depredatoribus, non mala velit belli iure reponere?*

Hæc atque huiusmodi verba obtrectantium, siue non obtrectando, sed quarendo talia loquentium, operosius fortasse refellerem, nisi hæc disceptationes haberentur cum viris liberaliter institutis. Vnde quid opus est, ut diutius laboremus, ac non ipsos potius percontemur, quomodo poterant gubernare atque augere Rempublicam, quam ex parua & inopi magnam opulentamq; fecerunt, qui acceptam iniuriam ignoscere, quam persequi malebant? Quomodo Cesari administratori utique Reipublica Cicero dicebat: quod nihil obliuisci soleret, nisi iniurias? Dicebat enim hoc tam magnus laudator, aut tam magnus adulator. Sed si laudator, talem Cesarem nouerat; si autem adulator, talem esse debere ostendebat Principem ciuitatis, qualem illum fallaciter predicabat. Quid est autem non reddere malum pro malo, nisi abhorreere ab ulciscendi libidine? Quid est acceptam

*Romani
ignoscere,
quam persequi malebant.*

ceptâ iniuriâ, ignoscere malle quàm persequi, & nihil nisi iniurias oblinisci?

Hæc cum in eorum leguntur autoribus, exclamatur & plauditur: describi atque predicari mores videntur, quibus dignum esset exurgere civitatem, quæ tot gentibus imperaret, quod acceptâ iniuriâ ignosci, quàm persequi malebat. Cum verò legitur precipiente autoritate diuinâ, non reddendum malum pro malo, cum hæc tam salubris admonitio congregationibus populorum, tanquam publicis utriusq; sexus, atque omnium ætatum & dignitatum scholis, de superiori loco personat: accusatur religio, tanquam inimica Reipublicæ. Quæ si ut dignum est audiretur, longè melius Romulo, Numâ, Bruto, cæterisq; illis Romanæ gentis præclaris viris, constitueret, conservaret, firmaret, augeretq; Rempublicam, &c.

Alioquin si verba attenderimus, eorumq; proprietati serviendum putauerimus: non est præbenda maxilla dextera, si sinistra fuerit percussa: Quoniam, si quis te inquit percusserit in maxillam dexteram, præbe illi & sinistram, (Matth. 5. v. 39.) magis autem sinistra percutitur, quod ad dexteram ferientis facilius ictus est. Sed sic intelligi solet, ac si dictum esset: si quis in te meliora fue-

Cur id si-
tuperetur
in Christianis?

Quo sensu
maxilla
dextera
præbenda
percutienti
sinistram?

rit persecutus, & inferiora ei praebe, ne vindicta potius quam patientia studens, contemnas aeterna pro temporalibus: cum potius temporalia pro aeternis contemnenda sint, tanquam sinistra pro dextris. Hec semper fuit Sanctorum martyrum intentio.

Vindicta enim ultima iuste poscitur, quando nullus iam restat correctionis locus, extremo scilicet summoq; iudicio. Nunc vero cauendum est, ne vindicandi cupiditate amittatur, ut nihil aliud dicam, ipsa patientia, qua plura est habenda, quam omne, quod potest etiam inuito, inimicus auferre. Namq; alius Euangelista (Lucas 6. v. 29.) in eadem sententia nullam fecit dexteram mentionem, sed tantum maxillam alteram nominavit: ut aliquanto distinctius intelligeretur in altero, ipsum alterum simpliciter eandem patientiam commendare. Paratus itaque debet esse homo iustus & pius, patienter eorum malitiam sustinere, quos bonos fieri querit: ut numerus potius crescat bonorum, non ut pari malitiâ se quoque numero addat malorum.

Deniq; ista praecepta, magis ad preparationem cordis, qua intus est, pertinere, quam ad opus quod in aperto fit: ut teneatur in secreto animi patientia, cum benivolentiâ, in-

*Vindicandi cupiditas
cohibenda.*

*Hae praecepta magis
ad preparationem ani-
mi spectant.*

manifeste

manifesto autem id fiat, quod eis videtur prodisse posse, quibus bene velle debemus: hinc liquidò ostenditur, quod ipse Dominus IESVS exemplum singulare patientia, cum percuteretur in faciem, respondit: Si malè dixi, exprobra de malo, si autem bene, quid me cedis? Nequaquam igitur praeceptum suum, si verba intus amur, implevit. Neque enim praecepit percutienti alteram partem, sed potius prohibuit, ne qui fecerat iniuriam, augetet: & tamen paratus venerat, non solum in faciem percuti, verum pro his quoque, à quibus hac patiebatur, crucifixus occidi; pro quibus ait in cruce pendens: Pater ignosce illis, quia nesciunt, quid faciunt. Nec Paulus Apostolus praeceptum Domini & Magistri sui, videtur implevisse, ubi etiam ipse percussus in faciem, dixit principi sacerdotum, Percutiet te Deus paries dealbate. Et tu sedens iudicas me secundum legem, & contra legem iubes me percuti? Actor. 23. v. 3.

*Exemplum
Christi &
S. Pauli.*

Benevolentia retinenda etiam in puniendo.

Sunt ergo ista praecepta patientia semper in cordis preparatione retinenda: ipsa quoque benevolentia, ne reddatur malum pro malo, semper in voluntate complenda est. Agenda sunt autem multa etiam cum iniustis, benignà quādam severitate plectendis, quorum potius

potius utilitati consulendum est, quàm voluntati, quod in principe ciuitatis luculentissimè illorum litera laudauerunt.

Nam in corripiendo filio, quamlibet asperè, nunquam profectò amor paternus amittitur; sit tamen, quod nolit & doleat, qui etiam inuitus videtur dolore sanandus. Ac per hoc, si terrena ista Respublica præcepta Christiana custodiat: & ipsa bella sine benivolentiâ non gerentur, ut ad pietatis instigatione pacatam Societatem victis facilius consulatur; nam cui licentia iniquitatis eripitur, utiliter vincitur.

Quibus verbis & argumentis magnificè S. Augustinus demonstrat, Christianæ mansuetudinis præcepta, non aduersari tuendæ conseruandæq; Reipublicæ, cum iniuriarum obliuionem & veniam ipsi etiam Romani laudauerint, eaq; ad concordiam, quâ Reipublicæ salus continetur, plurimum conferant. Neq; aliud à nobis exigitur, quàm vt vindicandi libidine patientiam, & æterna pro temporalibus non amittamus; sed patientiâ in animi præparatione semper retentâ, ipsam quoq; vindictam non ad eius, qui nos læsit, malum, sed correctionem, aut aliud bonum referamus.

*Præcepta
Christiana
non aduer-
santur Rei-
publicæ.*

§. XI.

*Libertatem à Christianâ religione non esse popu-
lis ademptam, cum liberos non inuenerit; à mul-
tâ Christianis retineri; non esse laudabi-
lem, nisi legitimam.*

V. **E**ducationi deniq; Christianæ Mac-
chiauellus adscribit, ut si per uni-
uersum orbem atate nostrâ percurras, nenti-
quam tot populos liberos, tot liberas Respub-
licas, ut olim erant, inuenire queas: nec ho-
mines libertatis amatores, atque eiusdem
acres defensores.

Quâ in re manifestè, impij hominis in
Religionem Christianam animus, felle &
veneno ebulliens elucet. Cum enim ve-
rissimam huius rei causam postea subiun-
gat, *Romani Imperij magnitudinem, quod
per uniuersum orbem liberas Respublicas
sub suum iugum subiecit: falsò & nequiter
hanc calumniam, fortissimæ sanctissimæq;
Religionis imponit. Romani pluribus an-
te Christum seculis, libertatem liberis per
Europam populis eripuerunt, eosque po-
stea quoque tum Ethnici, tum Christiani
Cæsares, dominationi suæ subiectos reti-
nuerunt. Non igitur Religio Christiana,
seruos aut subditos fecit, quos liberos
non inuenit; neque illa Rebus publicis li-
beris,*

*Religio
Christiana
populos li-
beros non
inuenit.*

beris aduersatur, quæ nulli Politicæ, nisi vitiosæ repugnat.

Argumento sunt liberi populi, & vrbes, quæ hodieque cum Christianâ fide libertatem retinent, acresque sunt illius defensores; quam sine veræ Religionis iniuriâ sibi pepererunt, aut recuperârunt, vt Heluetij, sæpius, nec immeritò laudati à Macchiauello. Omitto atrocia bella pro libertate inter Christianos, ipsosque adeo Italos gesta, quæ ciuis Florentinus ignorare non potuit.

Sed & illud addo: Libertatem, nisi iustam & legitimam, nec laudandam, nec optandam esse. Qui legitimo Principi parent, eius Imperium excutere sine iniuriâ & perduellionis crimine non possunt. Sed Machiauellus more suo, impietatis & iniquitatis classicum canit, libertatem quasi fortitudinis propriam extollendo: cum fortes viri in omni Politia reperiant, quod fortiter agant; neque minus Regna & Aristocratia, quàm Respublicæ suum fortitudini theatrum aperiant, fortiaque exempla edant, & commemorarent.

*Libertas
non optanda,
nisi iusta.*

§. XII.

*Orbem Christianum non Christiana Religione
observantia, sed neglectu & Violatione imbellem
fieri; iniusta bella & imperia esse supplicia
peccatorum.*

Repulsis igitur vanis Macchiauelli telis, eiusque impijs argumentis elisis, concludo, hanc Religionis Christianæ institutione, explicatione, educatione, orbem Christianum imbellem factum non esse; sed si eam obseruet, inexpugnabilem aduersus quosuis hostes & Tyrannos inuictum fore, fuisseq; antehac, quatenus eam obseruauit. Si imbellis aliquâ parte est, aut fuit, institutio & educatio Christi præceptis contraria talem facit, aut fecit. Non libet & vacat, excurrere ad corruptelas disciplinæ Christianæ explicandas. Sunt expositæ oculis sapientum & piorum, qui calidis lacrymis illas deplorant, & frequentibus suspirijs remedium è cœlo postulant.

*Christiana
disciplina
neglectus,
nos imbelles
facit.*

Luxus, libido, otium, mollities, crapula, vitiorum licentia, bonarum literarum neglectus, diuini cultus incuria, hominum sacrorum & Ecclesiasticæ potestatis contemptus, pauperum oppressio, auri sacra fames, iustitia venalis, superbia denique.

Deo

Deo & hominibus odibilis. Hæc inquam Christianos animos eneruant, & nos imbelles faciunt, vt sceleratis ac perfidis hominibus, & hostibus quibusuis certa præda esse soleamus, quia hostem habemus Deum.

Aduersus cuius sanctissima præcepta, quia hæc quæ dixi aliæque innumera, indulgent liberis parentes, discipulis præceptores, ciuibus magistratus, subditis Principes, & religionis antistites; quia à puero ista discimus exemplis domesticis, & roboramus externis; & nullâ, aut languidâ morum censurâ, à vitijs tum publicè, tum priuatim coercemur, inde mollis animus in scelera defluit, & diffluit.

Non latebat hæc viuendi ratio Christianæ disciplinæ tam aduersa. Macchiauel- lum, qui ex peruerfis hominum, vtique Christianorum, inter quos vixit & scripsit, moribus, peruersa Pseudopolitiæ fundamenta desumpsit, vtî suprà ostensum est. Ideoque tanto sceleratior haberi debet, quod in tam immenso vitiorum scelerumque cumulo, calamitates publicas, Tyrannides, bella, vastitates, innocentissimæ religionis institutioni assignat, nō causis veris, quæ tales Dominos ac hostes merètur.

*Macchia-
uellus veris
causis ma-
la non ad-
scribit.*

§. XIII.

Esse hanc Veram Christiana Religionis interpretationem, quam ex Veritatis intuitu nos discere, ipse affirmat Macchiauellus.

HÆc cum Macchiauellus in contumeliam Christiani nominis natus, non ignoraret à veris pijsque Christianis credi & prædicari; non ausus est sine aliquo nequitiae seu pallio, seu tectorio Religionem nostram, tanquam Reipublicae aduersam aperte criminari. Sed culpam in interpretes aliquos coniecit, *homines nimirum abiectos, quibus otium potius, quàm virtus cordi fuit; quosque religionem ita interpretatos esse significat, tanquam si oporteat calum sine armis ullis, solo otio comparare; & Religioni Christiana aduersetur patriæ defensio, imperijque per legitimum modum aut otio; nec permissum sit patriam amare, in honore habere, & ad illius defensionem se prapavare.* Verum hæc officina & fraudes sunt meræ, Pseudopoliticæ improbitati colorandæ excogitatae.

Ex honorum & rerum huius mundi contemptu, humilitate & iniuriarum tolerantia, quam nos discere ait, quod ex Religionis nostrae VERITATEM rerum intueamur, diuersitatem Religionis nostra & Eth-

nico-

*Fraudes
meræ.*

nicorum æstimat; atque hinc maiori ex parte causam pendere putat, ob quam idem illi Ethnici fortiores viri erant, quàm nostri.

Veritas ergo, eiusq; intuitus à Macchiauello culpatur. Non possumus falsâ interpretatione decipi, quos veritas docet honores & mundi pompam contemnere, humiles esse, injurias tolerare. Falsò interpretes culpam conijcit, qui doctrinæ huius magistræ facit veritatem; cui grauiissimam iniuriam Macchiauellus intulit, cum ea, quæ ex illius intuitu nos discere, fatetur, Reipublicæ & Fortitudini aduersari statuit.

Veritas à Macchiauello culpatur.

Non est veritas virtuti, neque veris Reipublicæ commodis contraria. Quæ cælum, rerum cælestium æternitatem, terrenarum breuitatem, iustitiæ & Religionis præcepta, supremi iudicis formidabile tribunal ostendens: principum & subditorum animos, ab immoderato Imperij & vitæ amore, vitiorumque diuerticulis, ad virtutis semitam reducit, & per eam deducit ad salutem; tantoque meliores & fortiores efficit Reipublicæ terrenæ administratores & defensores, quanto minus patitur, ne terram cælo anteponant.

Non est Reipublicæ contraria.

§. XIV.

Bella, iudicia, magistratus, non nisi ex hæreticorum sententiâ, Christianis prohibita esse; Macchiaeum prætenu interpretum, ipsi Religionem iniuriam, & blasphemum in eam fuisse.

Sed ad interpretes abiectos redeo, quibus ineptam educationem falsamque Religionis interpretationem Macchiaellus tribuit. Ego verò in Ecclesiâ Catholicâ tales interpretes & magistros, qui Religionis institutione & explicatione imbellem orbem Christianum fecerint, nullos esse, aut vnquam fuisse pronuntio.

Hæreticorū doctrina est, quam vera Religioni Macchiaellus imponit.

Waldenses & Anabaptistæ, negant Christianis licere leges condere, iudicia exercere, punire improbos, bellum gerere; quod postremum iam olim docuerunt Manichæi, teste S. Aug. lib. 22. contra Faustū, cap. 47. & seqq. Hi infames hæretici, & ab Ecclesiâ damnati, neque eâ auctoritate, neque ijs viribus unquam fuerunt, vt stolidam doctrinam suam magnopere propagare, aut stabilire potuerint; & quidquid tandem docuerint aut effecerint, non est veræ Religionis imputandum, quod eius inimici delinquant.

Catholici Scriptores aut Magistri, nulli pro-

li produci possunt, qui contra Fortitudinem Christianam à nobis explicatam senserint; & patriæ defensione atque amore, bello item, Imperiique legitimâ amplificatione Christianis interdixerint.

Non igitur interpretes læsit Macchiau- *Non inter-*
uellus, sed ipsa Religionis præcepta & sa- *protestasit,*
cro sanctum sacrificium, quod ex inter- *sed Religio-*
pretatione non pendet. Interpretes au- *nem.*
tem inuidiæ obiecit, ut per eorum latus Christianam disciplinam tanto nequius; quanto fallaciùs criminari, & in odium, apud Politicos contemptumq; posset adducere.

Quod utrumque ex ijs, quæ de maiori Ethnicorum quàm Christianorum fortitudine disseruit, sequi necesse est. Non enim amare possunt Politici præcepta Reipublicæ aduersa, neque æstimare illa, quæ fortitudinis nervos incidunt, eamq; imbellem faciunt, quam robustissimam fuisse apud Ethnicos, Macchiauellus fabulatur seu veriùs blasphematur.

§. XV.

Appendix ex alijs Macchiauelli locis.

I. *De Fato & Fortunâ.*

CAP. XXI. Libri 2. Discursuum, de
fato & fortunâ non minùs impiè,
Hh 5 quam

quam supra cap. 25. Principis disputat; quo loco cum abundè eius errores demonstrauerimus, nihil hìc addendum est.

II. *Macchiauellum Videri animam mortalem facere.*

Libro 3. Discursuum de Republicâ, capite 1. *Quæ ait, in hoc vniuerso continentur, ea omnia certo vitæ spatio terminantur: idq; singulis ex peculiari quodam siderum influxu contingit.*

Hæc verba duplicem errorem, Fidei Christianæ aduersum continent, vnum, apertè; alterum non obscurè. Fatum enim sidereum, quod non nisi fatui credunt, aperte adstruit, de quo iam supra egimus. Animam deinde humanam mortalem esse non obscurè fatetur, cum *quæ in hoc vniuerso continentur, ea OMNIA certo vitæ spatio terminari*, affirmat.

Animam enim humanam in hoc vniuerso contineri, manifestum est, ergo eam quoque certo vitæ spatio terminari Macchiauellus sensit, quia OMNIBVS quæ in hoc vniuerso continentur, hunc terminum præfixum esse, vniuersim pronuntiavit. Hæc impietas ab illis non abhorret, quæ de fato, vitiorum necessitate, & ex bono fine bonitate, Principum ab omni tribu-

tribunali immunitate docuit: & ijs maxime, quæ pro Ethnicis aduersus Christianam Religionem, vnicam aut præcipuam immortalis Animæ Magistram, disseruit.

III. *Reipublica causâ, nullam iusti iniustine notam refugendam.*

CAP.XLI. eiusdem libri, statuit perniciosum illud Pseudopolitiæ Principium. *Cum agitur de conservandâ patriæ libertate, nihil esse debere, quod animos nostros in aliam sententiam pertrahere queat. Neque ab hoc scopo auertere quenquam debere iusti, iniusti, crudelitatis aut misericordie, non denique laudis, aut ignominie notam.* Cui Principio suprâ quoque refutato, si illud alterum adiungas: *malefacta bono fine excusari, habes duo præcipua Pseudopolitiæ fundamenta. Quibus ea non minus innititur, quam omnes scientiæ duobus illis principijs Metaphysicis: Quodlibet est, vel non est; Impossibile est idem simul esse & non esse.*

Duo Pseudopolitiæ principia.

Ac prius quidem Finem vltimum facit, Reipublicæ salutem; ideoque omnia eo referri, ipsique adeò virtuti & iustitiæ, vim inferri iubet. Alterum scelerum omnium licentiam concedit, eaque inter virtutes
re-

reponit, si statui conducere videantur.
Huic duplici basi, sceleratum ædificium.
Macchiauellus inædificauit: quod pro vi-
ribus diruere hucusque contendimus.
Scioppio nequicquam humeros & fulcra
supponente.

§. XVI.

*Macchiauellum Ethnicis scriptoribus esse dete-
riorem; ex eius doctrinâ, sublato Dei timore &
vero cultu, ipsomet teste sequi ruinam impe-
riorum; multa, alia præterea ad Censu-
ram vocari posse.*

ATque ex his quidem, quæ Religioni
diuinæque autoritati aduersantia in
fasciculos gehennæ flammis dignos alli-
gauimus, apparet Macchiauellum solo
nomine Christianum, animo hæreticum,
& minimo minus Ethnicum fuisse. Præ-
cipua enim Religionis nostræ capita Dei
providentiam, arbitrij libertatem, animæ
immortalitatem, Scripturæ & Ecclesiæ
Ecclesiasticorumque autoritatem, Saeri-
ficij Christiani sanctitatem, & tandem pri-
ma virtutis probitatisque principia, aut
tollit, aut peruertit, aut contemnit, aut
in contemptum adducit.

Quâ in re Ethnicis scriptoribus longè
deterior est; nam illos falsam Religionem
tenuis-

*Ethnici
scriptores*

tenuisse in aperto est, nec quisquam mouetur, etsi Deos immortales nominent, aut superstitionis suæ deliria commemorarent. Certè Aristoteles in Politicis princeps, generatim de Religionis, quæ non nisi inter Christianos vera est, curâ & cultu optimè differit: nec speciatim vllis erroribus, aut certè vix vllis, Christianæ legi & fidei aduersatur. Macchiauellus verò & generatim, & speciatim vti vidimus, Religionis fundamenta conuellit, etsi alicubi bonitate naturæ, aut veritatis euidentiâ victus, melius de eâ sentire videatur.

Quare ex ipso contra ipsum, eiusque seu patronos seu discipulos ita concludo. *Sublatâ Religione corruere Rempublicam, oportet: quoniam sublato Dei timore sequitur impietas, ex eâq; ruina Imperiorum, vt ait Macchiauellus l. I. discurs. c. II. & quicumque Principes atq; Reipublicæ semetipsos conseruare cupiunt, in id vnam præcæteris incumbere debent, vt verum religionis cultum rectè instituant & venerentur, vt ait idem l. 6. cap. 12.* Sed Macchiauelli principia ac præcepta tollunt veram Religionem, Deiq; timorem, & vero illius cultui repugnant, vt proximè ex impijs eius verbis & sententijs demonstraui;

ergo

minus nocent, quam Macchiauellus.

Eius doctrina Rempublicam euertit, quia Religionem tollit.

ergo Macchiauello Magistro , *corrumpere Rempublicam oportet. & sequitur impietas, ex eâq; ruinâ Imperiorum. Quare, quicunque Principes atque Respublica semetipsos conseruare cupiunt, ab eiusmodi præceptis quàm maximè alieni esse debent.*

Supersunt alia in Macchiauelli scriptis, quæ magno numero ad Censuram præterea vocari possent, Veluti plures pugnantes diuersis locis sententiæ ; opiniones melioribus, pluribusq; hodie Politicis improbatæ, vt de tormentorum bellicorum & munitionum, nullo vel exiguo vsu, aliisque similibus ; præcepta nimis generalia, ex vno aut altero facto desumpta, quæ facilè fallunt, & contrarijs exemplis refelluntur. Hæc & quæ eiusdem sunt generis, magno volumini suffectura, studio omittimus, quia instituto nostro necessaria non sunt: quod eò præcipuè spectat, vt Macchiauellum aliosq; Pseudopoliticos, nec à Scioppio, nec à quoquâ alio defendi posse, vel debere demonstra-

remus.



CAP. VIII.

CAP. VIII.

Macchiauelli, eiusq; Causidici inexcusabilis improbitas, & criminum Scioppianorum Anacephalaeosis.

§. I.

SVPPETIAE. Politicum, si modo vitiosa Republica conseruanda, hypotheticè, & bonâ intentione tractauit, & alibi aperte vituperauit, culpam non posse.

IAm vt Politicum Prudentiæ methodum neglexisse vincas, necesse habes demonstrare, nihil eum cauisse, ne lectoris iudicium de recte factisue factis deprauetur. Hoc autem vt præstes, eum cum vitiosi Principatus conseruandi modo tradit, Categoricalè, simpliciter, & quemadmodum vulgo loquuntur, assertiuè, non hypotheticè, aut cum adiunctione seu conditione loqui, nec ullam excusandi sui rationem suppeditare planum facies: neq; si ea excutias, quæ ille alibi de vitiosi Principatus, aut etiam causarum eius & effectorum Adiunctis tradidit; neq; si vel generalem eius, aut specialem intentionem, scribendiue consilium, eo quo supra ostendi, modo expendas.

*Excusatio-
nes Vanæ.*

Si enim appareat id, quod toto libro habuit propositum, laudem mereri, neq; vtilitatibus humani generis disconducere, idq; quod de vitiosi Principatus conseruandi modis præcipit, aut impediendi, aut emendandi eiusdè Principatus vim habere; non magis etiam, quàm aut Aristotelem, aut D. Thomam, imprudentiæ accusare

sare possis, quando eum istorum eum præceptis
tum exemplo, congruenter de Republicâ dispu-
tare, cumulatissimè demonstrauius.

§. II.

*VINDICIAE. Macchiauellum Religionem Chri-
stianam solasse; Vera Politices fundamenta,
Categoricè & assertiuè peruerisse; scelera nus-
quam seriò cituperasse; neque Principes minus
malos, sed pessimos efficere; ideoq; ab Eccle-
lesiâ iure damnatum
esse.*

FInem loquendi facit Scioppius, et si
ad finem, quem sibi proposuerat, non
peruenerit. Neque enim quod volebat,
Macchiauelli aliorumque Pseudopoliti-
corum causam ità egit, vt absolui possint,
vel damnari non debeant, ipsomet iudice.
Cuius methodum Censuræ secuti, osten-
dimus Macchiauellum contra Metho-
dum artis tam grauitè deliquisse, vt
veniam neque ipse mereatur: neque
bonæ mentis sit, pro tam scelerato reo ju-
dicum clementiam implorare.

*Macchia-
uellus legi-
timam Po-
litiam e-
uertit.*

Peruertit enim & euertit, omnia legiti-
mæ justæque Politicæ fundamenta; eaque
præcepta & consilia dedit, quibus obser-
uatis, si verum quarimus, nullo iusti iniusti-
que discrimine res geri, religionem, fidem,
iustitiam propriæ emolumento posteriora du-
ci, or-

ci, orbem Christianum diffidijs, turbis, ac bellis infestari, non dubium denique exitium regnis ac provincijs comparari, initio pædiæ suæ lamentatur Scioppius; ideòque sine controuersia ingentem esse Macchiauelli, quem eiusmodi præcepta & consilia dedisse euitimus, improbitatem & impietatem, quisquis vindicias nostras æquo animo legerit, pronuntiabit.

Neque iuuat Prudentiæ methodus, quam ex postremo suppetiarum agmine, rursus euocat Scioppius, cum collectis veluti viribus, trifulco telo nos repellere nititur, asserens si *Politicus vitiosi Principatus conseruandi modos non Categoricè & assertiue, sed hypotheticè & cum conditione tradiderit, si alibi de vitiosi Principatus adiunctis rectè disseruerit, si generalis aut specialis eius intentio proba & utilis fuerit, non magis eum, quàm aut Aristotelem, aut D. Thomam imprudentia accusari & condemnari posse.* Irrita inquam sunt ista, & in Scioppij caput redeunt. Nemini bono in mentem venit accusare Aristotelem, aut S. Thomam; nihil illi deliquerunt, qui de vitiosis Politijs egerunt, secundum artis & Prudentiæ regulas, quas impiè violauit Macchiauellus.

Artis & prudentia regulas violauit.

Non potest methodus prudentiæ obseruari ab eo, qui datâ operâ methodum artis violat & peruertit; quod cum egisse Macchiauellum compertum sit, nec potuit, nec voluit veræ prudentiæ regulas sequi. *Prudentiam carnis, quæ mors est* teste S. Paulo Rom. 8. v. 6. *filius iste huius seculi* docuit, sine vllis cautelis: quas frustra quæras apud illum, cui propositum est vitia non cauere, sed docere ac defendere.

*Categoricè
& asserti-
uè Pseudo-
politiam
docuit.*

Categoricè & assertiuè, sine conditione & hypothesi, Pseudopolitiæ modos ac vias profitetur, qui contrariam probis Politicis & alienam viam ingressus, vitia necessaria, & ex bono fine bona esse docet; qui vitiosos Principatus & Principes laudat; veram religionem vt imbellem, & fortitudini aduersam calumniatur; qui deniq; finis & mediorum ratione vniuersim deprauatâ, nullam Politiam nisi vitiosam & sceleratam, incolumem consistere posse, arbitratur.

*Neq; illam
neq; scelera
serio vitu-
perat.*

Sed nec inde excusatur, quod alicubi Tyrannidem & scelera vituperare videtur. Non enim seriò ista vituperat, qui ex bono fine, & necessitate seruandi Imperij, paratam quibusvis vitijs, & sceleribus laudem

dem & excusationem habet. Qui primas licet fores, & anticam ianuam improbitati quandoque claudere puteur, per posticum vitia & scelera quauis admittit: decumanam boni finis portam latissimè relerans, & generalibus principijs corumpens, quidquid speciatim rectè tradidisse visus est.

Nec generalis denique aut specialis intentio vllum patrociniū præbet, tum quia sicut *non facienda*, ita nec docenda sunt mala, *ut veniant bona*, siue ut bonus finis obtineatur; tum quia prauum finem propositum fuisse Macchiauello clarè apparet. Mens illi fuit, contra communem veramque doctrinam, vitiorum necessitatem & licentiam in Politicam inuehere; Ethnicorum religionem fortiores esse, quàm Christianorum, magisq; Reipublicæ idoneam, persuadere; animos hominum à Dei prouidentia & præceptis auocatos, partim fati & fortunæ decretis, oblatisque occasionibus alligare, partim solius humanæ prudentiæ industriæq; fiduciâ fascinare.

*Macchia-
uelli propo-
situm.*

Hæc pessimo scriptori proposita fuisse, ex ipsius scriptis tam perspicuum est, ut Deum timentem sapientiæq; Lectori, alijs ar-

gumentis opus non sit, quàm lectione animique attentione. Eam vt faciliorem efficeremus, has Vindicias nostras elaborauimus, & Scioppij vanis Suppetijs obieci-
mus.

*Principes
minus ma-
los ex pesti-
mi non fa-
cit.*

Qui illud quoque falsò iactare solitus est, Macchiauelli scopum fuisse: *ex pestimis aut malis Principibus, minus malos efficiere.* Nullos enim vitiosi Principatus impediendi, aut emendandi modos, seriò & constanter tradit. Sed illa quibus scelera impediri possunt ac solent, remouet, Dei inquam timorem, & vitiorum turpitudinem; illum quippe veram Religionem, subruendo enervat, istam boni finis prætextu, excusat & cohonestat. Vnde consequens est secundum Macchiauelli præcepta, nemini mediocriter malo esse licere: cum nulla emendandæ aut impediendæ improbitatis, impietatisq; consilia, seriò suscipi, nec plus virtuti probitatiq; tribui patiatur, quam Status seu dominatus ratio permittit.

*Iure ab Ec-
clesia dam-
natus.*

Quibus omnibus hucusq; clarè demonstratis, Rectâ ratione, verâ Religione, sacris literis, & summis tum diuinæ, tum naturalis veritatis Magistris consentientibus: Macchiauellum scriptorem impium,
natu-

CAP.VIII. POLITICARVM. 501

naturalis & diuinæ veritatis aduersariū,
virtutis, veræq; Politicæ euerforem esse,
iure quam optimo pronuntiamus. Et in
eo, inter scriptores prohibitos referendo,
Summorum Pontificum & Sanctæ Eccle-
siæ saluberrimam censuram ac iudiciū
veneramur, & amplectimur: conspiran-
tibus nobiscum omnibus, quibus Religio,
veritas, virtus, & Reipublicæ salus cordi
est.

§. IIP.

*Scioppium quoque infelicem. Causfidicum, Ec-
clesia autoritatem violasse; Macchianelli om-
niumq; Pseudopoliticorum errores suos fecisse;
S. Thoma & Aristoteli, alijsq; scientijs vim & in-
iuriam intulisse; Christianam denique Po-
liticam, Pseudopoliticis suppetiis, pe-
nitus sustulisse.*

GAspar Scioppius autem; rei tam fe-
guero iudicio damnati, infelix patro-
nus seu causfidicus, multis se criminibus
& pænis obnoxium fecit. Nam Summo-
rum Pontificum, & Ecclesiæ in primis au-
toritate spretâ, autorem inter libros pro-
hibitos, & ipsos hæresarchas relatum;
velut optimum & perfectissimum artis Poli-
tica Doctorem defendendum sibi sumpsit:
pari ferè audaciâ, ac si quis Lutherum, aut

*Scioppius
Ecclesia au-
toritatem
laesit.*

Caluinum, tanquam optimos perfectissimosque Religionis Doctores defendendos susciperet. Verum, cum eiusmodi librorum lectionem, grauibus pænis coerceri voluerint Pontifices, quid Scioppius hâc defensione meruerit, ipse augeretur.

Macchiauelli errores suos fecit.

Macchiauelli deinde aliorumque Pseudopolicorum errores, fraudes, mendacia, & tum impia, tum sacrilega principia ac præcepta, sua fecit. Facti enim crimen habet, qui scelera facere cogitat, aut facta defendit: *Quoniam qui talia agunt, digni sunt morte, non solum qui ea faciunt, sed etiam qui consentiunt facientibus Rom. 1. v. 32.* Consentiunt autem vel maximè malefactoribus, qui ea defendunt. Quem consensum nisi Macchiauello præstitisset Scioppius, non *optimum & perfectissimum*, sed deterrimum vitiosissimumque artis *Politica Doctorem*, appellare debuisset.

In S. Thom. & Aristot. insurians.

Adhæc grauissimam S. Thomæ & Aristoteli injuriam intulit, non solum eorum autoritate & exemplo falso & fallaciter, abutendo, vti ostendimus: verum etiam, eos Macchiauello comparando, quasi non sanctius, nec innocentius, quam ille, Politicam tractauerint: & vel tam hunc quàm illos absolvere oporteat, vel tam istos

istos, quam illum inter autores damnatos referre, cum paria imò eadem scilicet, cum Macchiauello, de vitiosis Politicæ formis docuerint. Quo ipso Scioppius Summorum Pontificum in Macchiauello damnando iudicium, acerbissimè & iniquissimè perstrinxit.

Alijs præterea scientijs vim intulit, vt Macchiauelli Pseudopoliticam tueretur. Ostendimus grauissimos & pudeundos aduersus Metaphysicam, Ethicam, Logicam, imò & Grammaticam errores, à Scioppio commissos: vt non tam Macchiauel- lum defendisse, quam inscitiam suam, paucis pagellis, veluti compendio patefecisse videatur.

*Inscitiam
suam com-
pendio pa-
tefecit.*

Quod grauissimum denique est, Christianam Politicam profanauit, imò penitus sustulit. Sine Christo enim Politica Christiana nec esse, nec dici potest; & vnde Christiana religio, inde & Christus excluditur. Atqui Scioppius totis Suppetijs hoc præcipuè egit, vt Christianæ religionis, & omnis virtutis doctrinam, à Politica alienam esse, eiusque rationes & præcepta, non sine vitioso *transitu de genere in genus*, à Politicis usurpari demonstraret. Politicam igitur Christianam,

*Politicam
Christianam
sustulit.*

ablatâ religione & virtute, adeoque & Christo, vtriusque supremo magistro excluso, non solum profanauit: verum etiam nullam reliquit, nisi impiam & sceleratam, vt necessarijs sequelis & argumentis ostendimus.

Quam injuriam Christianis Principibus, omnibusque Reipublicæ & veræ Politicæ operam nauantibus, à Scioppio illatam, pro viribus vindicare: Christumque in Christianis aulis & curijs retinere, consilium & negotium nostrum præcipue fuit. Si aliquid profecimus, id totum diuinæ gloriæ, pro quâ pugnamus, acceptum ferimus, eique in solidum consecramus.

**Omnia ad maiorem Dei
gloriam.**

INDEX CAPITVM ET CON- tentorum.

LIBER PRIMVS.

Rèligionis & Virtutis Præcepta ac princi-
pia, à verâ Politicâ aliena non esse.

C A P. I.

*Suppetiarum, & Vindictiarum ingressus, pri-
musq; congressus.*

§. I. *SUPPETIÆ.* Magnam esse Pseudopoliticorum
improbisatem, sed non minorem eorum imperitiã, qui ins-
quæ de politicis scriptoribus iudicant. Fol. I.

§. II. *VINDICTIÆ.* A Scioppio eos ipsos accusari, quos
defendit, & suggillari optimos scriptores. 3.

§. III. *Virtutem cum honestate coniunctam, à probis Po-
liticis non reprehendi.* 7.

§. IV. *Vtilia à Macchiauello prauo fine, & Venenis
passim inpersis corruptis, ideoq; difficulter secerni posse.* 8.

C A P. II.

*Secundum Aristotelis, & vera Logica doctrinam, de
vitioso transitu à genere in genus: Religionis & vir-
tutis præcepta, à Politicâ non ex-
cludi.*

§. I. *SUPPETIÆ.* Scioppius de Logica fine, obiecto, of-
ficio philosophatur. 11.

§. II. *VINDICTIÆ.* Non rectè, de Fine præsertim, Sciop-
pium philosophari. 12.

§. III. *SUPPETIÆ.* Vitia rationis, non minùs quàm
sermonis quinque esse; Obscurum, Ambiguum, Falsum, In-
consequens & Alienum tum Genere, tum loco; Hac à Logicâ
corrigi. 15.

INDEX

§. IV. *VINDICIAE*. Nec *Vitia* sermonis quidem, re-
cte à *Grammatico* assignari. 16.

§. V. *Vitia* rationis vitiose à *Scioppio* iradi; omisisse *Mu-*
sulum & *Inordinatum*; alia perperam distinxisse. 19.

§. VI. In *Vitio Alieni* explicando, *Scioppius* id spectare, &
Religionis & *Virtutis doctrinam*, velut alienam, à *Politica*
excludat. 25.

§. VII. Singulis rebus tum naturalibus, tum moralibus
quadam propria esse, quadam cum aliis communia; his ex-
plicandis & probandis non nisi communia principia, ex com-
muni aut superiori facultate petita, convenire. 27.

§. VIII. Cum *Politica*, sit *Arts rectè imperandi* &
parendi, necessario eam & principijs moralibus, & *Chri-*
stianis. 35.

§. IX. *SUPPETIAE*. *Lectoris Admonitio*, quam
Scioppius *Padiæ* sua præmittit: Ut probe ex *Aristotele*, *Pa-*
diam esse facultatem iudicandi ex *Analyticis*, quid rei pro-
prium, quid ab eà alienum sit. 40.

§. X. *VINDICIAE*. *Admonitionis Scioppiana Sum-*
ma. 48.

§. XI. Locum ex l. 1. *Ethicorum Eudemiorum*, à *Scioppio*
falsò & contra mentem *Aristotelis* explicare. 49.

§. XII. Non esse veriore explanationem eius loci, quem
affert ex l. 3. *Polis. c. 7.* Vel 11. de triplici *artifice*, *opera-*
rio, *architectonico*, *experio*. 51.

§. XIII. Neque instium l. 1. de partibus animalium,
Scioppio suffragari; his locis *Πανδέκται* ab *Aristotele* pro *ἔξω*
& *ἐμπειρία*, *παιδεία* pro *ἐμπειρία* sumi. 54.

§. IV. De alterà *Admonitionis* parte, quā *Scioppius*
apadeusia eos damnat, qui in *Politica* rationes ex subli-
mioribus scientijs, *Theologia* nempe, & *Philosophia* mo-
rali accersunt. 58.

§. XV. *SUPPETIAE*. *Scioppius Instrumenta Logica* assi-
gnat. 62.

CAPITVM.

gnat.

60.

§. XVI. *VINDICIAE*. Inventionem & Dispositionem instrumenta Logica non rectè statui; neq; Rhetorica solam Actionem & Elocutionē.

61.

CAP. IV.

De vera Politices fine, obiecto, officio, instrumentis.

§. I. *SVPPETIAE*. Finem Politices esse Beatitudinem, seu felicitatem civilem.

67.

§. II. *VINDICIAE*. Felicitatem civilem à Scioppio in bonis externis consistui, & ideo pietatis virtutisq; doctrinam & curam alienam, à Politicā iudicari. *ibid.*

§. III. Esse hoc primum Pseudopolitica fundamentum; sed Aristotelem clarè aduersari.

69.

§. IV. Finem Politices proprium, esse Vitam Socialem secundum regulam rationis & Virtutis, bona Verò externa eius instrumenta, Natura docet.

73.

§. V. Idem Vera Fides confirmat, & Politicem praterea ad finem Ultimum aeterna beatitudinis, refert.

76.

§. VI. *SVPPETIAE*. Statum esse Politices obiectum, officium cum condere & conservare; Instrumenta, & illa & publicè noxia.

82.

§. VII. *VINDICIAE*. Statum Verè non dici, nisi eam Rempublicam, in quâ iustitia aliq; Virtutes, supremum locum & pretium habent. *ibid.*

§. VIII. Triplex discrimen quoad Ultimum finem, inter Politicam, & Theologiam, ac potestatem Ecclesiasticam.

84.

§. IX. Inde tria eruantur, ad officium Politicæ pertinentia. Scioppius in instrumentis Politicis ineptit.

87.

CAP.

INDEX

CAP. IV.

Vitiosas Reipublica formas, in Politicâ explicari debere, tanquam errores & vitia artis.

§. I. *SUPPETIÆ.* Politicorum censes, nolle tractari, qua sunt artis propria, Vitiosas nimirum Respublica formas. 91.

§. II. *VINDICIÆ.* Non culpari Politicum, si de Vitiosis Rebus publicis agat, & de vitijs & erroribus artu; secus, si eas pro legitimis obtrudat. *ibid.*

§. III. *SUPPETIÆ.* Scioppius, autoritate & exemplo Aristotelis & S. Thoma contendit, plus Politico, de Vitiosis Respublica formis laborandum; easq; magis proprium Politica obiectum esse, quam regnum, aliasq; rectas & laudabiles formas. 93.

§. IV. Non in tractandis, sed emendandis Vitiosis Rebus publicis plus laborandum esse Politico; neque eas ideo magis proprium obiectum Politicæ esse; neque id Aristotelem & S. Thomam sensisse, aut Platonem idcirco reprehendisse. 98.

§. V. *Qua Aristoteles principio libri 4. Politic. à Politico exigit, non rectè à Scioppio explicari; nec omnes Respublicas imperfectas Vitiosas esse.* 102.

§. VI. *Exemplum Aristotelis & S. Thoma à Scioppio, falsò & fallaciter allegari.* 108.

CAP. V.

Quæ ad Ethicam, seu Philosophiam moralem pertinent, à Politicâ aliena non esse.

§. I. *SUPPETIÆ.* Tyrannidis turpitudinem describi in Ethicâ debere, non in Politicâ. 111.

§. II. *VINDICIÆ.* Vitia artis declarare, cuiusvis artificis, adeoq; etiam Politici, proprium esse. *ibid.*

§. III. *SUPPETIÆ.* *Varia Ethica, seu Philosophia moralis.*

CAPITVM.

valis diuisiones.

113.

§. IV. *Easdem diuisiones conuenire Politicæ; argumentum Ethicorum Aristotelis, diuisionem officij in medium & perfectum, malè explicari à Scioppio; & complura alia absonè dici.*

118.

§. V. *SUPPETIÆ. In parte Ethicæ præceptiua deterrens homines à Tyrannide, in dogmatica eius turpitudinem describi.*

122.

§. VI. *VINDICIÆ. Quæ propria sunt Ethicæ, æquè conuenire Politicæ; hæc enim iuxta Aristotelem continens totam Philosophiam moralem, eiusq; partem esse Ethicam.*

123.

§. VII. *Politica, etiam ut vulgo sumitur, pro parte Philosophia moralis, proprium esse Pseudopoliticæ vitia & turpitudinem explicare.*

127.

§. VIII. *SUPPETIÆ. Omnem quæstionem aut disputationem eius artis propriam esse, cuius fuerit prædicatum, seu attributum.*

130.

§. IX. *VINDICIÆ. Malitiam, vitium, turpitudinem, non esse adiuncta, sed rationem formalem Pseudopoliticæ; neque hanc in Politicâ rectè tractari, nisi illa explicentur.*

131.

§. X. *Iuxta Scioppium, peccatum originale ad Logicam, Mysterium SS. Trinitatis & numerum Sacramentorum pertinere ad Arithmeticam, aliq; absurda sequi; quæstionem igitur ei scientia attribui debere, cuius fuerit subiectum.*

133.

§. XI. *SUPPETIÆ. Avaritiam & Libertatem non esse sub eodem genere; sed illam sub habitu alienandi, istam sub habitu non alienandi.*

135.

§. XII. *VINDICIÆ. Scioppio aduersari Aristotelem; ab eo habitum alienandi & non alienandi non distingui, nec Parcimoniam à Liberalitate.*

136.

§. XIII. *SUPPETIÆ. Siue Virtus mediocris, in Metaphysicâ rectius tractari; unum & id tantum esse contrarium; ideoque Virtutem inter duo contraria æquæquam esse positam.*

139.

§. XIV.

INDEX

§. XIV. VINDICIAE. De Virtutis mediocritate Aristotelem in Ethicâ disputare; eiusdem & omnium Theologorum ac Philosophorum sententiâ, Virtutem in mediocritate, & inter duo vitia sitam esse. 140.

§. XV. Vnum non esse pluribus contrarium, eodem respectu, & perfectè. 142.

§. XVI. SVPPETIAE. Vitia in defectu sita, cum non sint circa idem, non esse Virtutibus contraria, nisi per accidens, propter obiecta inter se pugnantia. 145.

§. XVII. VINDICIAE. Scioppium communi sensu repugnare; contraria dici secundum idem; illud autem, in quo opponuntur, non esse idem. Alia Grammatici absurda. 146.

§. XVIII. SVPPETIAE. Tyrannidis turpitudinem iuxta Methodum artis ad Ethicam pertinere. 151.

§. XIX. VINDICIAE. Scioppium multa extra causam dixisse; & immerito Veros Politicos de neglectâ artis methodo accusari. ibid.

LIBER SECVNDVS.

Pseudopoliticorum & Macchiauelli inprimis præcepta, à verâ Politicâ aliena esse, eiq; aduersa.

CAP. I.

De Aristotelis & S. Thoma, in vitiosis Reipublica formis tractandis innocentia, Pseudopoliticis nequam patrocinate.

§. I. SVPPETIAE. Prudentia Methodum exigere, & in Politicâ turpitudinis Tyrannidis describitur. 153.

§. II. VINDICIAE. Imprudenter accusari eos, qui prudentia Methodum observant; neque eam Methodo artis repugnare. 154.

§. III.

CAPITV M.

§. III. *SVPPETIAE*. Tyrannidis explicationem eius impedienda & emendanda vim habere; non esse lubricam Virio scriptoris, sed lectoris, si modus loquendi aperit vel occulte sit hypotheticus, non absolutus, aut si scriptor alicubi turpem & fugiendam dixerit, vel intensionem, generalem bonam esse a, pareat. Sic Aristoclem & S. Thomam docere simulationem, periuriam, crudelitatem; nec aliter excusari posse. 157.

§. IV. *VINDICIAE*. Nullam esse Aristoteli, & S. Thoma consensionem cum Pseudopolitici; neque eos, praecipue Macchianellum, illa ratione defendi posse. 171.

§. V. Ex Tyrannidis etiam legitima tractatione, Tyrannos plus perire referre. 172.

§. VI. Odium & contemptum, non esse principes ruinae Imperiorum causas. 173.

§. VII. Verba S. Petri & S. Pauli, non integre à Scioppio referri, & male patrocinium Macchianello inde dari. 174.

§. VIII. Scioppium de Tyrannidis turpitudine, à Politico declaranda, sibi contradicere. 175.

§. IX. Vim non bellua solum, sed homini etiam convenire. 176.

§. X. Tyrannum, cum ex Gulpe & Leone compositus dicitur, non ideo reprehendi; Viriusq; bellua & sum, à Macchianello necessarium & praeclarum censeri. 177.

§. XI. Generalis intensionis bonitate, aut metu, Scipioris errores non excusari. 180.

§. XII. Aristotelis & S. Thoma Politica, à Scioppio laudari non posse, sed necessario vituperari. 181.

§. XIII. In referendis Aristotelis & S. Thoma verbis, Scioppium more suo fallacem esse. 184.

§. XIV. Ex Causa efficientis hypothese omnem effectum pendere; instrumenta autem Pseudopolitica, non nisi ex suppositione 184.

INDEX.

positione finis; Vera autem Politia, absolute bona & Utilis esse. 187.

§. XV. *Methodum non esse finem scientiarum, sed instrumentum; Utilis Respublica ab Aristotele & S. Thomâ non doceri; Scioppium grauer in eos insursum esse.* 191.

§. XVI. *Utilis ad conseruandam Oligarchiam, ab Aristotele & S. Thomâ, nulla Vis criminatur Scioppius honestatis ratione habitâ, non iradi.* 193.

§. XVII. *In referendis Verbis Aristotelis & S. Thomæ, fallacia Scioppiana aliud specimen.* 195.

§. XVIII. *A S. Thomâ absolute Utile non dici, quod honestum non est, suffragante etiam Cicerone.* 196.

CAP. II

Quâ ratione de virtute & pietate, Politicos tractare oporteat.

§. I. *SVPPETIÆ. Methodus Censura in Politicis scriptis exercenda.* 199.

§. II. *VINDICIÆ. Methodum Censura non rectè à Scioppio pramonstrari; Methodum tam artis, quam prudentiæ, à Macchiauello Solari. ibid.*

§. III. *SVPPETIÆ. Aliena tractare Politicum ratione materia, si Principem Verè pium esse iubeat; animam non esse subiectum Politicæ.* 201.

§. IV. *VINDICIÆ. Finem Ultimam beatitudinis æternæ, proximè quidem ad disciplinam Christianam & Theologiam pertinere, eidem tamen Politicam quoque cum alijs artibus famulari debere; famam negligendam non esse.* 202.

§. V. *Animam esse subiectum Politicæ affirmat Aristoteles; aliter à Politico, aliter à Theologo eam spectari.* 205.

§. VI. *Medicum corpus dumtaxat curare, Politicum vitam civilem rationi congruam; ideo curam & doctrinam virtutis ab illo, non isto alienam, & Scioppij simile dissimile esse.* 207.

§. VII.

CAPITULUM.

§. VII. Scioppiana imperia in scripturis specimen.

210.

§. VIII. SUPPETIÆ. Mediæ, quæ ex sublimiori scientiâ pendens, aliena esse à politico.

211.

§. IX. VINDICIÆ. Scientias morales communicare in communibus principibus morum, quorum prima regula est disciplina Christiana; Maccibianelli quoque exemplum Scioppio aduersari. ibi.

CAP. III.

*Religione & virtute Imperia certius prosperari, quam
vllis Pseudopoliticorum præceptis &
consilijs*

§. I. SUPPETIÆ. Denique imperium non prosperare, nisi Principis & subditorum, ad salutem animæ inter sit; Iosia, S. Ludouico, alijsque pijs regibus, idcirco parum prosperè plurima cecidisse.

224.

§. II. VINDICIÆ. Vigente & florente verâ Religione ac virtute, imperia non euerit, nec insolitis modis affligi, omni historiâ teste.

215.

§. III. Diuina prouidentia, ob conseruationem humani generis id conuenire; etsi ob alias causas, impiorum, quoque imperia, multis seculis conseruet.

219.

§. IV. Ad meliorem intellectum quadam esse animaduertenda.

220.

§. V. A Deo temporalia bona concedi, etiam abusus; Reipublica necessaria, non eripi nisi ob peccata; aliter cum singulis priuatum agi.

221.

§. VI. Iosia, & S. Ludouici exempla non ob stare; illum contra Dei voluntatem pugnas se; illum saluo regno, extra illud in priâ, sed alienâ causâ, obisse.

223.

§. VII. Scioppium sibi hic repugnare & alibi, ubi Genesius dixit, sed non intellexit.

226.

K k

§. VIII.

INDEX

§. VIII. Pseudopoliticorum praeceptorum fallaciam, eorum exemplis ostendi, quos Macchiauellus imitandos proponit; Moyses autoritate illum abusi, Cyrum, Romulum, Thesem misere interisse. 229.

§. IX. Principi Valentino, aries quas Macchiauellus probat, ipsomet teste, nihil adiumenti attulisse. 233.

§. X. Seuerum Imperatorem, qui Macchiauello indicatum Leonis & Vulpecula personam praeparare gessit, maiore confectum; Romanos quoque multis modis infelices fuisse. 236.

§. XI. Praferendas tam tristibus exemplis, virtutis artes; his imminentem licet, peccatis vindictam, auerti aut mitigari, quam Pseudopolitica Consilia magis exasperant. 240.

CAP. IV.

Secundum Praecepta vera Religionis & virtutis, quae in Theologia & Catechismo explicantur, in Politicâ & Republicâ res decerni & geri debere.

§. I. SUPPETIAE. Virtutis & Pietatis Praecepta, in Theologia & Catechismo, non in Politicâ locum habere. 243.

§. II. VINDICIAE. Exclusâ virtutis curâ, Politicâ necessitatem scelerum imponi, & Politicam nihil honestatis habere. 244.

§. III. Nihil licitum esse in verâ Politicâ, quod illicitum est in Theologiâ. 246.

§. IV. Quod ex se illicitum est, bonâ intentione licitum non fieri; Scoppium criminis, quod alijs obijcit, reum esse. 248.

§. V. SUPPETIAE. Pietatis opinionem Politico curandam esse, eâ enim conservari Imperium, sicut pietate seruetur anima. 250.

§. VI.

INDEX

- §. VI. *VINDICIAE*. Eandem à Macchianello doctrinam tradidit, sed inconstanter. 251.
 §. VII. Opinione, seu famâ virtutis, sine ipsâ virtute non conservari Imperium; S. Augustinum Scioppio non suffragari. 253.
 §. VIII. *SUPPETIAE*. Peccare etiam Politicum, cum aliena loca trahat. 257.
 §. IX. Scioppium sibi ipsi, & Macchianello repugnare. ib.

CAP. V.

Falsâ doctrinâ de Fine & Medijs Politicâ, à Pseudopoliticorum Principe Macchianello, veram Politicam everti.

- §. *SUPPETIAE*. Falsa dicere Politicum, si ea quae præcipit i statum de quo agit, mutant vel perdunt. 258.
 §. II. *VINDICIAE*. Pseudopoliticos non culpari, quod doceant Pseudopolitias & sceleribus conservari; sed quod veram Politicam professi & scelerâ & scelera doceant. 259.
 §. III. Macchianellum quoque, veram & utilem doctrinam, profiteri, ac polliceri: sed alienam ab aliorum (Aristotelis & veritatis) ordine; ideoque principia commisit, de fine & medijs pervertisse. 261.
 §. IV. Macchianellum Finem ultimum Politicos in imperio & bonis externis constituere; ideoque & necessaria putare, nec virtutum præcepta seria & stabilia illa dare posse. 265.
 §. V. Mediorum quoque rationem & usum à Macchianello corrumpi; quia male facta, seu scelera bono fine & eventu, semper excusari docet. 270.
 §. VI. Hunc errorem repugnare SS. Scripturæ; inter haereses Priscilianistarum referri & refelli à S. Augustino; à Kk 2 Macchia-

CAPIT V M.

Macchiauella non solis periurys & mendacys, qua religionis causâ concedebant Priscilliansis, sed omnibus virys & sceleribus, licentiam dari 272.

§. VII. *Etiam Aristotelem recta rationis & natura interpreter, aduersari.* 275.

§. VIII. *Macchiauellum eiusq; patronos, ob fenes Politica corruptos, nullâ ratione excusari posse; eius scripta sine timore Dei, & plusquam mediocri peritiâ, innoxie non legi.* 278.

CAP. VI.

Sclerate rationes Imperium comparandi & conseruandi, quas Macchiauellus speciatim tradidit.

§. I. EX PRINCIPLE.

I. *Non posse meliora nouo Principi praecepta dari, quam Principis Valentini exempla, qua sceleribus sciant.* 280.

II. *Crudelitatem recte adhiberi, si semel & simul effundatur.* *ibid.*

III. *Eum qui negligit quod sit, secuturus quod esset faciendum, ruinam sibi accersere.* 282.

IV. *Ananiam & rapacitatem Principis parus facientiam.* *ibid.*

V. *Sauitia quoq; nomen, parui ducendum.* 283.

VI. *Cum vis non sufficit, ad vim & fraudem belluinam, seu Leonis & Lupi specula ingenium, Principi confugiendû.* 283.

VII. *Principem a sententiâ suâ, nunquam dimoueri debere; multitudinis nihil negandum; sceleratum Senerum imitandum.* 277.

VIII. *Effeminandos esse sensim eos, quorû operâ Princeps provinciam occupauit.* 288.

IX. *Omnes intelligant, Principem a sententiâ susceptâ depelli non posse.* 289.

X. *Alia quidam, lubrica admodum & inhumana.* *ibid.*

§. II.

INDEX

§. II. EX LIBRO I. DISCURSVVM DE REPVBLICA.

I. Romuli fratricidium, & eadem Tatij excusari posse, & eius boni publici causa parrata. 290.

II. Quae Religionis fidem constiant, fovenda, etsi non adeo constet omnibus certa & veraq; esse; ita Ethnicos quoque falsa miracula approbasse. 291.

III. Ducem militarem, qui ingratiitudinem metuit, nec se Principi suo submittere vult, & victoriam sibi reservare debere. 293.

IV. Eum qui à populo ad alios puniendos evectus, si industi, ins gnauisq; sit, Imperium faciliè occupare. 295.

V. Ei, qui decrevit praeus esse, priusquam amicos bonos perdat, praeus malefaciendo sensim esse comparandos. 296.

§. III. EX LIBRO II. DISCURSVVM DE REPVBLICA.

I. Exemplo P. R. in alienis provinciis, amicum aliquem habendum, qui ad illam invadendam adiutum patefaciat. 297.

II. Aduersus confederatos belli occasionem arripi posse, si non contra eos, sed eorum confederatos bellum moueatur. 298.

III. Necessariam esse artem decipendi; sine eà Cyrum ad tantum Imperium non potuisse pervenire; eadem socios non aduertentes, à P. R. in servitutem redactos fuisse. 299.

IV. Rempublicam discordem opprimi posse, si arbitrum se interponas, & utriq; parti amicum simul es, neutram autem valde adiuves. 301.

§. IV. EX LIBRO III. DISCURSVVM DE REPVBLICA.

I. Eius qui Tyrannum vult tollere, omnia illius dicta factaq; approbanda, laudanda, imitanda esse, ut occasionem reperiat eius opprimendi. 303.

II. Republica siue in melius, siue in deterius mutata, sup-
plendum de iis sumendum esse, qui se mutationi opposuerunt.

CAPITVM.

III. *Ciuitibus urbis obsessa, promittendam impunitatem & libertatem; à populo enim dolos sub tantis promissis latentes non observari.* 304.

IV. *Ne Respublica à ciuitibus perturbetur, remedium esse, ne sinantur admodum disciscere, & perpetuis bellis exercentur.* 305.

V. *Inuidos, nisi fato naturalis tollantur, alia ratione mature, & modo tollendos esse.* 306.

VI. *Pacem impediri posse, si effeceris, & magnum facinus aduersus illum perpetueris, cum quo pacem fieri non vis.* 307.

VII. *A conservanda Patria libertate, nulla iussa iniungunt, seu quacunque alia nota, nos abstrahi debere.* 308.

VIII. *Ea, qua coactum promissisti, non necesse esse, & serues.* ibid.

IX. *Ut ab aëtero quidpiam impetres, saepe commodissimum esse, & nullum deliberandi spatium ei concedas.* 310.

§. V. *Ex his intelligi, nullam Macchianello salutis & virtutis curam esse; & virtutes solum naturales, quarum facilis est abusus, non veras ab illo commendari.* 311.

CAP. VII.

Vitia à Pseudopoliticis laudari, virtutes veras Politia noxias aut inutiles censeri, solà earum opinione, nec integrà quidem relictà.

§. I. *SVPPETIAE. Falsi Politicum reum esse, si Vitia laudet, virtutes veras noxias dicat.* 313.

§. II. *VINDICIAE. A Macchianello bonum Principatum reprehendi, vitiosum laudari.* ibid.

§. III. *Ex eiusdem doctrinà veras virtutes, etiam legitimo Principatus nocere.* 315.

§. IV. *SVPPETIAE. Quarundam virtutum opinionem nihil prodesse, sed potius obesse Principatui; amorem & odium* non.

CAPITVM.

non effici à Virtute & Vitio, sed opinione vtriusque. 317.

§. V. *VINDICIAE.* Si vera Virtus non nocet bono Principatus, neque eius opinionem nocere; famam vera Virtutis amovet, aut vitij opinionem, aucupari non licere. 318.

§. VI. Scioppium, cum negat amorem, effici à Virtute & sibi, & Veritate contradicere. 320.

§. VII. Alia Scioppij repugnantia; Vitia Principum bona opinione, non diu regis; eam amoris causam non esse, sapientia nominibus Virtutum appellari. 322.

CAP. VIII.

Principatum vitiosum non ex naturâ rei, sed hominum vitio, communem esse.

§. I. *SVPPRETIÆ.* Falsi Poluscum reum esse, si dicat Principatum maxime communem, & plerisque Principum accommodatum, vitiosum & iustum non esse. 326.

§. II. *VINDICIAE.* Aliud commune esse ex naturâ rei, aliud ex hominum imperfectiōe; prius modo maxime commune fuisse, quod mediocritatem habet in omni genere; posteriori, quod vitiosum est. 327.

§. III. Polissam quoque communem & vitij obnoxiam, at simpliciter vitiosam non esse, si vitia corrigantur; sceleratam imperandirationem, inter Principes Christianos, communem censeri non posse. 330.

§. IV. Ab Aristotele Rempublicam maxime communem & deari, qua constat ex civibus mediocribus, & ex naturâ rei talis est; Scioppium fallaciter loqui, si putet vitiosam intelligi. 333.

§. V. Principatum vitiosum Principibus accommodatum non esse; vitiosum enim contra naturam, & nec vitioso, quatenus tali, absolute accommodatum esse. 334.

§. VI. Principatum ex amissum optimum, nunquam ex-

INDEX

titisse; nec magis à ducentis annis, quam ante, Principatum Catholicos accusari posse. 337.

§. VII. Principatum vitiosum à Macchiamello laudari, ideoq; & ipsum, & magis eius patrum, reum esse. 339.

§. VIII. Censuram Scioppio pramonstrante, in Macchia-
nelli scriptu hucusq; exercitam; superesse eius adversus Ve-
ram Religionem iniurias & errores; & tidissimum noxę &
improbi scriptoris argumentum. 342.

LIBER TERTIUS.

Macchiauelli doctrinam Christianæ Reli-
gioni plurimum aduersari.

CAP. I.

Moyſis in gubernando populo Dei, exemplo & anta-
ritate, Macchiauellum improbe absum
esse.

§. I. Ex Macchiauelli sententiâ Moyſen Cyro, Romulo,
Theſeo non fuisse abſimilem; & occasione quam fortuna ob-
tulit, illorum instar & sum, armis statuta sua firmasse. 344.

§. II. Moyſen verâ fide ac virtute inclitum, cum idolola-
tris comparari non posse; nec sponte principatum suscepisse. 346.

§. III. Moyſen à Deo potestatem accepisse; neq; suas sed
Dei leges promulgasse; neq; ex suo arbitrio gubernationem im-
posuisse. 347.

§. IV. Occasione imperandi semotâ, non ideo virtutem
extingui, & in ipſo Moyſe apparere. 349.

§. V. Populum Dei, Moyſis causâ in Aegypto captiuum
non fuisse, sed Moyſen aliis liberandi causâ à Deo missum. 350.

§. VI. Potuisse à Moyſe & alijs, licet inermibus, leges
ſtabiliri, si Deo placuiſſet. 361.

§. VII.

CAPITVM.

§. VII. Calumniam esse, cum Machiavellus dicit, sub-
ditos à Pontificibus negligi. 352.

CAP. II.

*Vitia declinari, & virtutum praecepta à Principibus
observari posse; & aliquod illis constitutum esse
tribunal.*

§. I. Ex Machiavelli sententiâ, nec Vicia omnia declina-
ri, nec Virtutes servari posse, aduersante humana Vita condi-
tione. 354.

§. II. Machiavellum cum haereticis, Dei praecepta servari
non posse asserentibus, à Concil. Trid. damnatum merito
censeri; absolute enim illum loqui, & contra aliorum ordi-
nem. 355.

§. III. Verba quoque Machiavelli clara esse, cum negat
aduersante humana Vita conditione id fieri posse; licet San-
ctissimorum Principum exemplis refellatur. 357

§. IV. Posse ac debere à Principibus, omnia peccata mor-
talia vitari, & Sanctorum exempla illis imitanda proponi. 359.

§. V. Machiavellum, non ex concupiscentiâ ut Lutherus,
sed inde errorem suum fabricasse videri, quod putaret non
posse nos vehementibus cupiditatibus obiectari, quin ipsi obse-
quamur. 360.

§. VI. Veriorem causam illam esse, quod Imperium,
aliaque bona externa, proprium principumque Politica finem
esse statuerit. 362.

§. VII. Principatus, in quibus nihil peccetur, nullos &
fictitios esse, neque talem imperandam rationem Principibus pra-
scribi. 363.

§. VIII. Si Machiavellus serio tribunal iudicum Vivorum
& mortuorum credidisset, Principibus suasurum non fuisse
& tribunalis securi, & sola honesti specie contenti, quibus sui
rationibus imperium tuerentur. 365.

INDEX

CAP. III.

Doctrinâ Macchianelli de Fato & fortunâ, à Dei providentiâ & virtute animos abduci, & liberum arbitrium perverti.

§. I. *Macchianelli de Fortunâ ac fato, & liberi arbitrii adue- sus illud Viribus, doctrina.* 369.

§. II. *Fatum in siderum influxu à Macchianello collocari; eius tamen vim à nobis refringi; & fortunam famina instar fuisse subagitari posse; hoc ludibrio fatum & fortunam à Dei voluntate alienari; non satis in errore illi sibi constare.* 374.

§. III. *Macchianellum censuisse libertatem arbitrii ex- tingui, nisi bona externa in potestate habeat.* 378.

§. IV. *Deum in manu arbitrii & consilii nostri reliquisse. alliciones quimi bonas & malas, virtutem & vitium; non item bona externa Imperium, opes, honores; si Principes bona in- teria non negligant, Deum externu prosperaturum.* 379.

§. V. *Virtutem in adversis & prosperis, contra quam opi- natur Macchianellus, plurimum momenti & efficacia habe- re, ac in Virisq; laudem mereri.* 383.

§. VI. *Macchianellum fati siderei, contra doctrinam Ca- tholicam, assertorem, abducere animos à diuinâ providentiâ; eam vti ad magna magnis & parvis, quos magnos facit; ex eiusdem or. lne diuinam vindictam placari posse.* 386.

§. VII. *Macchianello autore ea arma pia esse, in quibus solis spes vertitur; sed aduersari Deum & SS. Scripturas.* 393.

§. VIII. *Appendix ex Libro I. discursuum.* 393.

CAP. IV.

Verum Dei timorem sub Numa tempora in regno lau- dâ, non a. ad Romanos viguisse; nec causam tanti Im- perij falsa religioni à Macchianello rectè adscribi.

§. I. Mac-

CAPITULUM.

§. I. Macchiauello auctore, cultum Religionis praeclare à Numâ institutum; & inde multis seculis nusquam gentium tantum Dei timorem existisse; hancq; causam tanti Imperij esse. 393.

§. II. Cultum falsorum Deorum praeclare institutum di-
si non posse. 393.

§. III. Temporibus Numae, ante item & post, sub Ezechia & Iosia, Dei cultum ac timorem; apud Iudaeos floruisse & re-
floruisse. 396.

§. IV. Timorem Dei apud Romanes & erum non fuisse,
cum à falsis Dijs nulla publica probitatis praecepta, sed multa
scelerum exempla acceperint. 398.

§. V. Romanos non sacrilego Deorum cultu, sed qualibus-
cunq; bonis moribus, Imperij magnitudinē adeptos esse. 400.

CAP. V.

**Macchiaueli in Ecclesiam Romanam & Ecclesia-
sticos, iniuriae & contumeliae.**

§. I. Falsam Religionem propter rationem statui, fonde-
dam non esse. 403.

§. II. Macchiaueli sententia, Religionis praecepta in Ro-
manâ Ecclesiâ adulterari atq; corrumpi; eandem in causâ
esse, cur Italiâ in partes diuisa multis Principibus pareat, &
aliorum praeda sit; nisi Givi Sancti Christianam religionem ad
sua principia reuocassent, Episcoporum aliorumq; Ecclesia-
sticorum prauis moribus perire, & corrumpi iam plane po-
tuisse. 405.

§. III. De moribus dudum respondisse Christum; quacun-
que dixerint vobis, seruate & facite, secundum opera autem
eorum nolite facere. Habere hoc omnem aulam, & mores
incautorum corrumpat. 410.

§. IV. Minorem esse corruptelam in Curia Romanâ,
quam passim in alijs aulis, teste ocularo Aenea Sylvio. 413.

§. V. Cor-

INDEX

§. V. *Corruptelam morum impie à Macchiauello ad doctrinam transferris; Religionis præcepta in Ecclesia Romanâ adulterata nunquam esse; neque eam deficere aut perire posse.* 417.

§. VI. *Romani Imperij in Italiâ ruinam, Pseudopalsicorum consilij & ambitione, non Ecclesia Romana culpâ contigisse.* 419.

CAP. VI.

Alia quedam, qua contra S. Scripturam, & sanam doctrinam Macchiauellus asseruit.

§. I. *Si Principi bellicoso & feroci, aliis moribus dissimilis, & huic non iterum aliquis primo similis succedat, Macchiauellus opinione, Imperium necessario ruere, ideoq; Roboam in regnum patris Salomonis, integrum non retinuisse.* 422.

§. II. *Scripturam Macchiauello citare aduersari, peccata Salomonis causam fuisse, cur decem tribus ab eius filio defecerint.* 425.

§. III. *Rationem Macchiauellus inanem esse; posse regna sub principibus non bellicosis æque à Deo conseruari; Roboamum, licet bellicosissimus fuisset, diuini decretis obistere non potuisse.* 429.

§. IV. *Crudele & inhumanum Macchiauello videre, provinciam aliquam occupatâ, & ceteris diutius nouis urbibus adificare, & incolis pulsos omnia omnibus eripere.* 431.

§. V. *Fallacem esse hanc Macchiauellus pietatem & S. Scripturam aduersam; Dei mandato filios Israel, seuerius egisse cum Chananeis; iustis ex causis Deum id imperasse, ac etiam sine tali imperio, fieri posse.* 432.

§. VI. *Macchiauellum eo inclinasse, & credendi aerem spiritibus plenum esse, qui ex beneuolentia hominibus futurum motum per signa prædicarent.* 437.

§. VII. Er-

CAPITULUM.

§. VII. *Errorum hunc esse Platonico nūq̃, Catholica doctrina non consentaneum.* 427.

§. VIII. *Damones cum futura praeuolant, fallaces esse nec fide dignos; à Deo futura mala significari ad cautelam & emendationem.* 440.

CAP. VII.

Fortitudinem Christianam, Reipublica gerenda & defendenda maximè accommodatam, & fortitudine Ethnicorum longè excellentiorem esse; aduersus Macchiauelli blasphemias demonstratur.

§. I. *Macchiauello impio iudice, Ethnicos fortiores fuisse Christianis, ob religionis diuersitatem; nos à veritate duci ad contemptum mundi & honorem; sacra nostra mollia & delicata esse; à nobis beatiore putari humiles; de iniurijs condonandis magis cogitari, quàm vindicandis; hanc esse causam imbellis animi, & amissa ac neglecta libertatis, etsi magnitudo Imperij Romani non parum etiam ad id fecerit.* 441.

§. II. *A Macchiauello inauditam inter Christianos, Religioni Christiana iniuriam inferri; sicuti Temperantia moderatur delectationem, ita fortitudo reprimi timorem ne obsteret virtuti.* 446.

§. III. *Fortem impavidam esse ad pericula mortis; praesertim in bello, siue communi, siue particulari; fortitudinem magis elucere in sustinendo, quàm aggrediendo; actiones illius non esse indicandas, nisi quatenus finis adiungatur.* 448.

§. IV. *Vitia, aut quaedam non veras virtutes Fortitudinis nomen inuadere; Politicam nimirum, Experientiam, Fiduciam, Ignorantiam.* 454.

§. V. *Christianam fortitudinem esse maximam, ob immensum gloria pondus, finis & praemij loco propositum; pracepta item, & exempla fortissima.* 457.

§. VI. *Christianam fortitudinem non solum salutem & salu-*
am.

INDEX.

am, sed Imperia quoque obtineri, aut stabiliri; bellicâ fortitudine Ethnicos à Christianis superari; neque esse his apertiores Respublica defensores & moderatores, si reges Christi seruent.

460.

§. VII. Mundi & honorum contemptu Verè magnanimos efficere; à Christianis non contemni Rempublicam & Imperia, sed illecebras adiunctas; neque deferri ab iis, qui in his Deo vacante, opera precium facere possunt; aestimari terrena, sed non supra sumptum.

465.

§. VIII. Delicatam molliem à Macchiauello, Christianis sacri sceleratè obisci; contineri in omnes fortitudinis stimulos, & vim impetrandi felices successus.

467.

§. IX. Pulchrè inter se convenire humilitati, & magnanimitati; superbos à Deo prosterni; felicitatem Principum Christianorum in humili, iusto, misericorde, pio Imperio sitam esse; eiusmodi Principes quibus praeferri; eorum prae-
mium in cælo esse maximum; humilitatem summum bonum
falso dici.

470.

§. X. Præcepta de tolerandis iniuriis non aduersari Republica; pertinere magis ad preparationem animi; Vindictam legitimam non prohiberi, sed odium & malevolentiam.

476.

§. XI. Libertatem à Christianâ religione non esse populi ademptam, cum liberos non inuenerit, à multis Christianis verinari; non esse laudabilem, nisi legitimam.

482.

§. XII. Orbem Christianum non Christianæ Religionis obseruantiam, sed neglectu & Violatione imbellem fieri; iniusta bella & imperia esse supplicia peccatorum.

484.

§. XIII. Esse hanc Veram Christianam Religionis interpretationem, quam ex Veritatu insultu nos discere, ipse affirmat Macchiauellus.

486.

§. XIV. Bella, iudicia, magistratus, non nisi ex hereticorum sententia, Christianis prohibita esse; Macchiauelum praextu interpretum, ipsi Religioni iniurum, & blasphemum in eam fuisse.

488.

§. XV. Ap-

CAPITVM.

§. XV. *Appendix ex alijs Macchianelli locis.* 489.

I. *De Fato & Fortuna.*

II. *Macchianellū videri animam mortalem facere.* 490.

III. *Reipublica causā, nullam iusti iniustine notam
refugiendam.* 491.

§. XVI. *Macchianellum Ethnicis scriptoribus esse dete-
riorem; ex eius doctrinā, sublatio Dei timore & Vera cultu,
ipsomet teste sequi ruinam Imperiorum; multa alia prae-
terea ad Censuram vocari posse.* 492.

CAP. VIII.

*Macchianelli, eiusq; Cassidici inexcusabilis im-
probitas, & criminum Scioppianorum
Anacephalaeosis.*

§. I. *SVPPETIAE. Politicum, si modò vitiosa Rei-
publica, conservanda, hypotheticè, & bonā intentione tra-
ctauit, & alius aperte vituperant, culpam non posse* 495.

§. II. *VINDICIAE. Macchianellum Religionem Chri-
stianam violasse; Vera Politices fundamenta, Categoricè
& assertivè perverisse; scelera nusquam seriò vituperasse;
neque Principes minus malos, sed pessimos efficere; ideoq; ab
Ecclesiā iure damnatum esse.* 496.

§. III. *Scioppium quoque infelicem Cassidicum, Ec-
clesiā auctoritatem violasse; Macchianelli omniumq; Pseu-
dopoliticorum errores suos fecisse; S. Thoma & Aristoteli,
alijsq; scientijs vim & iniuriam intulisse; Christianam deni-
que Politicam, Pseudopoliticis suppetis, penitus sustulisse.* 501.

FINIS.


Errata sic corrige.


Paedæ fol. 1. & 23. lege hic & alibi, *paedæ*. re-
prehensionem. f. 25 & 15. l. hic & alibi reprehensionem. *Analytica*. f. 26. & 10. l. hic & alibi *Analytica*. *Gaza*. f. 42. & 28. l. *Gaza*. illos. f. 44. & 30. l. illo. & VI. f. 49. l. XI. *παρὰ γαματείας* f. 45. & 23. l. *παρὰ γαματείας*, & & 28. l. *παρὰ γαματείας*. & f. 20. & 2. *παρὰ γαματείας*. *Pariuntur*. f. 50. & 9. l. *patiuntur*. *figuram*. f. 63. & 7. l. *figurarum*. *Pseudologicus* fol. 66. & 25. l. *Pseudologicas*. & *ram* f. 77. & 21. l. *verum*. *Pseudolitam* f. 93. & 8. l. *Pseudopolitiam*. *mercatum* f. 102. & 5. l. *mercatum*. *disputationem* f. 114. & 9. l. *disputationum*. *preferentia*. ib. & 22. l. *preferentia*. *Epictetus*. ib. & 28. l. *Epictetus*. *faciendum*. f. 115. & 9. l. *faciendorum*. *Paræneticam*. f. 123. & 5. l. *Paræneticam*. *habere*. f. 158. & 28. l. *haberi*. *tractare*. f. 191. & 9. l. *tractare*. *Republica*. f. 211. l. *Republica*. *Iudeos* f. 223. & 22. l. *Iudeos*. *scientiarum* f. 250. & 8. l. *scientiarum*. *coniunctum* fol. 269. & 13. l. *coniunctum* *Rom.* 3. & f. 272. & 16. l. *Rom.* 3. v. 8. *iniusta* ib. & 13. l. *iniusta*. f. 278. & 23. dele cap. *confederantes*. f. 298. & 6. l. *confederatos*. *obtineantur*. f. 311. & 1. l. *obtineantur*. *hereticisq;* f. 419. & 26. l. *hereticisq;*. *Gynaecis* f. 421. & 7. l. *Gynaecis*. l. *Ephes.* 2. f. 440. & 4. l. *Ephes.* 2. *certantibus*. f. 458. & 3. l. *certantibus*.

Alia talia, vel leuiora, quæ occurrent, benignus Lector facile aduertet, & festinationi condonabit.

Add 1455 199













XXV
6.54